


XVI<sup>c</sup> 75





49-5

18-4

1840


Traduction de l'ouvrage de Columna, par Bevalde  
de Verville

Les dessins des fig. attrib. soit à P. Simpson, soit  
à P. Cousin.



n.º 6077





LE  
TABLEAU  
DES RICHES  
INVENTIONS

Couvertes du voile des feintes  
Amoureuses, qui sont re-  
presentees dans le

SONGE DE POSIPHISE  
Devorées des ombres du Songe,  
& subtilement exposees

PAR BENOIST DE

A. PARIS.

Chez MATTHIEU GUILLEMOT, au Palais,  
en la gallerie des prisonniers.  
Avec privilege au Roy.

Faint, illegible text, possibly bleed-through from the reverse side of the page. The text is arranged in several lines and appears to be a formal document or certificate.

11  
1002



A MONSIEUR MON MOECENAS,  
MONSIEUR M. PIERRE BROCHARD,  
Seigneur de Marigny, Conseiller du Roy & Maistre des  
Requestes Ordinaire de son Hostel, &c.



ONSIEUR,

Que direz vous que ie vous presente l'Ouvrage  
d'autruy? le ne crains point que vous disiez que ie  
vay bien loing rechercher vn autre, pour vous respondre  
des obligations que ie vous ay: car i'ay prié Poliphile  
de vous offrir ses thresors, à fin que vous élisiez ce qu'il y à de plus beau  
pour gage de ce dont ie vous suis redevable. Ce qui me fait parler ainsi est,  
que i'ay mis la main sur la clef de l'escrain, que cét Amant de Polia te-  
noit chez soy: c'est ce que ie vous offre, c'est ce qui est à vous, & que ie  
vous apporte comme legitime offrande de mon debuoir, à fin qu'au moins  
ie sois estimé digne de l'honneur que me faites de m'aymer, & me com-  
muniquez les preuues veritables de vostre bonne affection. Choisissez  
doncques icy ce qui est à vous, qui est le labour que i'y ay employé, car  
c'est vous qui l'auéz causé, puis que vous m'auéz estably le loisir qui  
m'a esté propre, pour redonner à nos François cét abisme de belles inuen-  
tions, & leur offrir toutes les autres pieces qui sont sorties de mes mains.  
L'espere que ceste mesme faueur nous fera produire (Dieu aydant) vn  
beau fruit, autant agreable, que ce qui peut plaire est desirable. Tandis  
que ie m'eslance aux belles poursuittes de mes entreprises, pour me donner  
courage, & favoriser tousiours mes intentions, faites-moy paroistre que  
vous auéz agreable que ie tente de iour en iour les occasions de vous ren-  
dre fidele démonstration du tres-humble sernice que vous doit & vous a  
voüé BEROALDE.



2

A V X B E A V X E S P R I T S Q V I  
A R R E S T E R O N T L E V R S Y E V X  
S V R C E S P R O J E T S D E P L A I S I R S E R I E V X .



LES beaux esprits ont de tout temps vne iuste inclination à la recherche des subjets qui leur conuiennent, ainsi tous ceux qui affectionnent les belles inuentions font estat des endroits ou elles se treuuent, cause que les curieux ont ce liure en grande estime, croyans que Poliphile est vn œuure digne d'estre gardé entre les ioyaux plus rares des cabinets de valeur, d'autant qu'oultre ce qu'en apparence il comprend infinis traits perceptibles, & de beauté remarquable, il couure sous les ombres de ses artifices le meilleur de ce qui est plus exquis en la Philosophie. L'Auther de ce Liure ayant gousté ce qu'il y auoit de bon es occultes replis de la Steganographie, en a voulu proposer ce tableau, pour démonstrer qu'il s'estoit treuueé es plus reculez recoins ou nature cele ses thresors, & ainsi ayant eu tant de felicité, n'a voulu estre seul en ce paradis de commoditez, mais aussi a desiré communiquer son contentement, mettant en veüe ce pourtrait de ses belles auantures, & exposant ces diuersitez signifiantes à ceux qui auront mesme sollicitude que celle qui l'a poinçonné à tels desseins, à ce qu'ils ayent moyen de s'esclaircir par la lumiere d'autruy. En outre cét Auther suit la façon des Anciens, qui voiloient toute sorte de verité philosophique de certaines figures aggreables qui attiroient les cœurs, ou pour les retenir à l'escorce de ce qui s'offroit, ou pour s'efforcer d'ouuir ce qui cachoit la beauté interieure pour en jouyr, contentant ainsi le vulgaire, & satisfaisant aux desireux de perfection. Et pource que l'amour parfaict est le bon, iuste & vehement desir que l'on a vers ce qui est excellent, Poliphile a pris son subiet sur les difficultez d'amour, car il n'y a rien qui releue plus l'esprit que les pensées amoureuses pour vn obiect de merite. Ainsi figurant les exquis miracles de nature, sous les traits d'une desirable Lucreffe, qu'il sert sous le nom de Polia, & retraçant les ombrages & ligatures de l'œuure accompli, avec les progres des passions que ressentent les Amants, il tente chacun de desirer la fruition de ses affections. Il est vray qu'il s'estoit proposé ce beau dessein d'une façon plus austere, car il escrit d'un stile qui ne peut estre familier qu'aux Doctes, emplissant son discours des frases de

langues, seulement cogneuës aux sçauants, & le meslant de toute la fleur de la mythologie ancienne: tellement qu'il escriuoit à ses compatriotes, sans leur communiquer ses intentions, si que proprement son ouurage Italien n'est qu'une peinture nuë à ceux qui n'ont point esté nourris es lieux ou s'acquiert la science, si qu'Italian il escriuoit aux Italiens, mais pour n'estre receu que des plus delicats en intelligence. Ce qu'ayant consideré avec les premiers qui nous ont baillé ce volume en François, nous n'auons point voulu imiter ses enuoloppées manieres de parler, pleines de traits estranges au vulgaire: mesmes conferant les deux exemplaires i'ay laissé ce que le premier auoit obmis, ayant toutesfois adjousté par-cy par-là ce qui estoit trop tronqué, & le familiarisant à nostre langue, i'ay suiuy la premiere intention de ce Cheualier de Malte, qui le fit voir aux nostres, suiuant le plus qu'il a esté possible sa naïfueté, d'autant qu'il n'est pas seant d'obscurcir ce que l'on veut esclaircir, & principalement pour le donner aux François, qui ont assez de merite pour auoir la communication des beaux secrets. Ce Liure donc estant autresfois tombé entre les mains de ce Gentil-homme, il en tira la substance (& sur tout en ce qui est de l'Architecture, ou il faict paroistre son sçauoir) & le mit en nostre langage, non comme traduction, ains imitation & discours, faicts & tirez de ce beau subiet. Ce qui fut communiqué à M. Iean Martin qui le recourut, mais (sauf son honneur) sans prendre garde à plusieurs particularitez qu'il a fallu restablir, & dedia cét œuure l'an 1546. à Monsieur le Comte de Nanthueil, Henry de Lenoncourt, auquel il faict, & au Lecteur, vn bref discours du contenu du Liure, que nous retracerons aussi, mais plus proportionnement, affin de n'estre ennuyeux: ou retraçant apres ce qui est plein des cognoissances abstruses & secrettes. Depuis en l'an 1561. M. Jacques Gohorry ayant reietté l'œil dessus tellement quellement, comme il paroist, car il n'a pas seulement changé vne syllabe, ny pris garde à la faute qui estoit au commencement du Liure, que ie vous laisseray iuger. Il y auoit, *Par vn matin du mois d'Auril, enniron l'anbe du iour, ce Poliphile estoit en mon liët sans autre compagnie, &c.* & à la fin du Liure, il termine ainsi. *L'ouy la douce Philomele, ou Rossignol, &c.* & puis estant resueillé, il dict. *Que ce fut le premier iour du mois de May.* Si Gohorry y eut pris garde, il eut veu que l'Autheur dit, qu'il songea auant le iour, puis ayant songé il se resueillit au chant du Rossignol, non en Auril, cela deuoit estre considéré: aussi cela m'a uise du peu de soucy qu'y mit Gohorry, qui en tout n'adiousta qu'vn petit aduertissement Latin, ou il disoit le mesme que Martin: c'est que l'Autheur auoit mis sō nom aux premieres lettres des chappitres. Il eut esté à desirer qu'il eut fait de mesme en tous les Liures François de Philosophie, qu'il nous a fait r'imprimer & gaster. Il estoit homme de merite & de sçauoir, mais il a eu tort de changer & renuer-

er le sens en plusieurs endroits, au dommage des Lecteurs, & des-honneur des Auteurs: Ce que ie dis pour aduertir, d'autant qu'au reste son travail est loüable: car chacun faict ce qu'il peut. Or cecy soit dict avec la bonne grace & conseruation entiere des merites de chacun. Depuis comme les curiositez vertueuses excitent les Ames, ce Liure estant recherché, à cause que tous Esprits desireux veulent sçauoir: le Sire Mathieu Guillemot, recogneu entre les Libraires des plus honnestement curieux, & bien meritant de l'imprimerie & du public, pour le bien duquel il ne s'espargne en labours ny despences, voulant représenter ce tresor aux François, me l'a mis en la main pour le reuoir, & faire parler plus poliment: ce que i'ay tasché de faire le plus exactement, conferant tout sur l'original, auquel (comme en celuy que i'auois) l'Auteur ayant cele son nom au tiltre du Liure, l'auoit inseré es commencemens ainsi, *Poliam frater Franciscus Columna peramauit.* Ce que voulant imiter, & non traduire, non plus que le tout n'est qu'une imitation, i'ay mis es premieres lettres, *François Colonne .seruiteur fidele de Polia:* Ce qui est plus conuenable & beau à vn Gentil-homme, que le dire Moine, tel que fut ce Colonne apres la mort de sa Maistresse, pour laquelle viuante, & estant encor Seculier, il a retracé plusieurs ordonnances d'amour, sous le nom de Polia, laquelle estoit iadis la belle Lucrese Treuisane, les bonnes graces de laquelle, & ses poursuittes pleines de flames, il a transmüées, faisant que ces douces amours de delices mondaines, deuinssent fructueuses affections, pour des subiets non perissables, qui s'obtiennent par les recherches de vertu, & se treuent dans la lumiere des sciences, qui sont les vrayes amours des beaux cœurs, & telles que recite nostre vieil Poëte, disant:

==== *vieux estoient.*  
*Ceux là qui la science auoient:*  
*Et toutesfois en leurs vieux iours:*  
*Ils jouyssient de leurs amours.*

Cepédant doneques vous remarquerez que le Liure est demeuré François, imité de l'Italien, comme il paroist par le tiltre, *DISCOVRS DV SONGE DE POLIPHILE*, & le laissant comme il estoit pour le corps, n'auons point voulu y inserer les Fables que nous auons treuues en l'Italien, suiuant ainsi que nous auons le plus simplement qu'il a esté possible ce qui se presentoit. Quant au dessein, du tout il est diuers, car on y void force architecture: enquoy le Cheualier Maltois s'est par-fois exagé: On y rencontre de beaux iardinages, des fontaines, & force anti-ques sculptures, ou par-cy & par-là nous auons vn petit dilaté ce qui estoit trop retranché, oublians toutefois l'imitation du langage, lequel si nous eussions practiqué, eust eu trop mauuaise grace, attendu que de s'affecter sur l'escorchement des termes & frases, sentiroit son

discours pedantesque, dont l'éloquence est entièrement eslongnee de la nostre, laquelle par beaux termes, loing de paroies égratignées des autres langues, ramassé de naïfues façons de parler, en declarant ce qui est proposé. Et certainement Poliphile eut esté de mauuaise grace, & ennuyeux, s'il eust esté traduit, il se fut rendu importun & peu desirable à ceux qui ne desirent point tant d'artifices. Suyuant ce conseil que i'ay practiqué à la conference des Liures, i'ay repassé ce que les premiers nous ont donné, redressant ce que par mesgarde on auoit laissé eschapper, joint que les affaires occupans les premiers, ils n'ont pas pris garde à tout, & n'auoient pas possible l'intention au dessein, telle que ie l'ay, quelqu'un parauenture aux siecles à venir imitera mon occupation, & selon le temps, & les humeurs, s'auisera de quelque nouveauté. Outre quelques notes desia remarquées, ie vous diray que i'ay raccommode la lettre aux figures, ausquelles par la faute des tailleurs d'Histoires il y auoit de la discordance. Mais afin que ie puisse vn peu soulager & esclarcir ceux qui voudront entrer en ce Songe, ou tout doit estre comme obscur, pource que le Songeur dormoit, durât le reste des tenebres, & que tousiours les Songes sont imparfaits, ie vous déduiray vne partie de l'intention de l'Autheur, & de ce que peuuent courir ces projets diuers. Il estoit Philosophe speculatif, d'un Esprit transcendant, & plein de belles imaginations, releues au dessus du commun, ayant au reste pour but le poinct final de la perfection desirable de la lumiere des sages Mercurialistes, & cependant faisant voir combien il est accompli, & qu'une science pousse à l'autre, qui s'enchaîne avec toutes. Il paroist fort peu estre Alquemiste, & ce n'est qu'au discours de sa lampe, & des filets de soye, & du verre filé, mais tant secrettement, que peu s'en faut qu'il soit le secret mesme pour taire le secret. Puis s'esleuant en la magnificence de son sçauoir, il paroist Mathematicien, Anatomiste, Mechanique, & Prestre, entendu en tous mysteres: Et en ces ardeurs de doctrine, sa plume animee du beau desir qui l'eslance, il seme par tout de belles pierres d'Architecture, toutes rapportees aux mesures antiques, en quoy il est importunément idolatre de l'antiquité: Puis passant outre es ceremonies qu'il auance, il semble estre sectateur des superstitions friuoles des Ethniques: & pource qu'il en parle comme Songeur, il y en auroit possible quelques uns d'entre ceux qui ont la creance trauesee, & qui trop debiles d'opinion, glisseroient en l'apparence vaine qui les alleche à presumer des autres selon leur cœur, lesquels (peut-estre) voudroient dire qu'il se cuide moquer des saintes institutions, mais au contraire monstrant la vanité des fantasies humaines, il se jout de idolatries, se donnant du plaisir à regrater les profanes ceremonies dont s'occuppoient les mortels, suiuant la vanité: Et ainsi son intention est de faire paroistre que  
soubz

soubs les ombres des mysteres differens ou chacun s'arreste selon l'interest de son cœur, on cherche la science, & comprend-on ce qui est caché à ceux qui n'ont point de iuste opinion de ce qu'ils doivent reuerer, & ainsi il induit les courages aux belles conceptions intelligibles. Or son but principal (apres le sens qu'il cache) est l'architecture, ou il se monstre trop grand maistre, sinon qu'il le fit pour y retenir du tout les esprits qui ne profondent point les objets, mais legers en leur curiosité, n'enfoncent point outre la superficie, & toutesfois il ne laisse de jetter infinis appasts aux cœurs philosophes, pour les espointonner à leuer les voiles, & considerer ce qui est dessous. Entrant en propos, il se mocque de ceux qui pour la matiere Philosophique prennent l'or, car il sçait bien, & estime que les équitables y consentiront, que le but de ce qui est, n'est point ce qui tend à iceluy, & s'estant exageré assez couuertement, pourtant en diuers lieux il se jette sur les louanges de la beauté du verre inanihilable, dont il entre-lace beaucoup de beaux ouurages qu'il retort en filets de soye, imitez apres les retours & las du Rainceau du Destin: Et pour donner vn allechement à la cuisson de la tainture physique: il propose vne lampe sans fin, qui a bruslé d'eau de vie tectifiée, puis il donne iusqu'à la verité: & laissant les allegories & hieroglyphiques, il s'auance iusqu'au mystere secret, alleguant la liqueur non consommable. Qui est-ce qui pourroit se dilater si bien sur ces subiets, s'il n'en auoit la cognoissance? Qui pourroit faire subsister tant d'impossibilitez selon le sens humain, s'il ne parloit d'vn œuure supernaturel, & outre naturel en nature? Aussi à la verité s'il ne traçoit cecy en termes steganographiques, soubs lesquels il voile l'unique volupté des esprits, il produict trop de simulachres ineptes, & telles imaginations ne seroient que friuoles nuées, qui s'éuaporeroient. Et puis (pource que l'amour est victorieux de tout) il faut que ces raretez qui n'ont point d'analogie avec ce que peut l'artisan, passent & soient veritables sous les flammes d'amour, lesquelles démenans vne ame, rendent tout possible, sans quoy il ne pouuoit faire exister ces beaux monuments, desquels il rend souuent honneur à l'antiquité dont il auoit tout appris: Ce qui paroist par les termes vsitez qui luy sont frequens, traittant du theriaque, de la poison, & du safran, dont il semble estre fort affectionné, pource qu'il à grande affinité de similitude au subiet Chimique, attendu que le safran est venin & theriaque, & que comme on void que beaucoup, voire trop de Philosophes sont pauures, aussi sont ceux qui s'amusent à cueillir le safran. Or Colonne a fait son œuure, le distinguant en deux liures, dont le premier est fort long, emply de difficultez & traueses, plein de fascheux destours & pernicieuses rencontres, de serpents, & autres obiets horribles, pour demonstrier les longueurs qui se passent, & les difficiles accidents qui molestent

tandis que l'on poursuit ses amours. Et le second il a traché assez bref,  
& clair, en témoignage que quand on est paruenü à la iouissance, on  
n'y employe plus guieres de temps, pource que le plaisir est consumé.  
Or ie ne desire point que l'on cuide que ie vueille en chose quelcon-  
que me preualoir de cét œuure, ne voulant point imiter ceux qui  
m'ont pris des pieces entieres pour en grossir des œuures, sans le dire:  
ie chante par tout la gloire à qui elle appartient, ce que ie pretends icy  
est le plaisir que i'ay de penser que quelques-vns, desquels l'ame est  
sincere, prendront recreation à ce que ie me suis delecté de leur resti-  
tuër: & voyant ce discours steganographique, y donneront quelques  
moments de temps pour considerer la concurréce des esprits, & ainsi  
paistront leur curiosité en nos labeurs, qui bien-tost, Dieu aydant,  
vous produiront de nouvelles inuentions, qui satisferont vne partie  
de vos desirs. Pour recompense dequoy, ie vous supplie quand vous  
orrez ces langues insolentes & barbares, qui accuseront mes œuures  
d'impudicité, à cause qu'ils y voyent respirer l'amour, leur dire qu'ils  
iugent sainement, & que leuant l'escorce ils apprennent à ne dire pas  
que les couleurs sont les formes des portraits, & que par ce moyen ils  
vous ayent del'obligation, de ce que les admonnestants vous serez  
cause qu'ils cacheront leur ignorance, laquelle ils feroient paroistre  
plus espoisse que les ombres de minuiét, en donnant des sentences im-  
pudentes de ce qu'ils ne peuuent cognoistre, ny entendre.

57

RECVÉIL STEGANOGRAPHIQUE,  
contenant l'intelligence du frontispice de ce liure.

**L**n'est point des-agreable aux bons esprits de leur représenter ce qu'ils sçauent, & n'y a souhait qui sollicite tant le cœur, que le desir de sçauoir: & pource nous vous raconterons les fortunes passées, & quelles traueses nous sont suruenues, cependant que nous auons esté transportez des delices de nos affections, tendantes à rassasier nostre cœur de science profitable, afin que vous qui auez muni vostre ame de perfections, soyez ioyeux de voir qu'il y en a qui suiuent vos alleures, conduisantes aux benedictions, & que ceux qui souspirent apres les rencontres Philosophiques ayent la fantasie allechée du parfait contentement.

Nos Druydes nous ont laissé par vne heureuse cabale, vn petit rayō de verité, laquelle est encores demeurée en l'ordre de la souuenance, prattiquée en certain endroit. Ce qu'ayans entendu par le docte Hamuel, nous auanturâmes d'y aller, & sur tout pour l'amour de l'excellente Ocloiree, qui est si belle, que tousiours l'Amour a triomphé par ses yeux, aussi est-elle les amours d'Amour, qui trop de fois a oublié sa Piché, pour viure en la recherche de ceste-cy, & non afin de commettre adultere, ains pour recognoistre es excez de perfection, de combien l'affection chaste est excellente au prix des desirs de cupidité lasciuie. Ceste belle encor enfant emporte aisément les cœurs; ieune, les rait doucement; vieille, les possède chastement, & tousiours pudique satisfait les ames eslançees pour son occasion; mesmes absente les espoingonne de vehemens desirs de la veoir; presente les consume heureusement; dédaigneuse les a tousiours amiablement consolez; & favorable les a totalement colloquez au souuerain degré de parfaite beatitude: Iamais n'a causé de ialousie entre ceux qui l'ont recherchée, ains plustost les émouuant par l'impression de iustes & fideles pensees de dilection, les rend vnis en volonte à la recherche de ses bonnes graces. Il se treuve vne verité prophetisee de la bouche du sage oracle, & grauee en vn iaspe meridional qu'on void en sa demeure, auquel sōt ces mots: *Ocloiree, objet vniuersel d'amour, remplissant le monde de son nom, aura tant d'excellences, que mesmes apres qu'elle sera vanie aux mortels, encore en sera bien aymée: tellement que plusieurs viendront en ceste grotte, pour au moins auoir l'heur de respirer l'air, auquel vnoit en passant ce miracle de Nature. & merueille du Monde.*

Or nos ames passionnees pour son suiet, éprises au raport de ce sage vieillard, venerable de presence, veritable en discours, & profitable de

conuersation, nous deliberaſmes d'aller viſiter le lieu ou les deſtinees auoient tant colloqué d'abondances parfaittes. Ce lieu eſt iuſtement en la temperature parfaite de ce globe inferieur (ainſi nommons-nous la terre, encor qu'elle ſe roule impetueuſement autour du Soleil, qui l'afſaiſonne ſelon les rencontres de ſes chaleurs) & ſe rencontre cét habitacle ſous le plus heureux climat de ce monde, à l'endroit qui reçoit en tout ordre tous les precieus dons du Ciel, & fut eſtably au temps meſme que les accords des aſtres firent vne partie de ſiecle ſemblable à l'aage doré. Eſtans entrez en ce ſainct Tabernacle, ie penſe que ce fut la ioye d'obtenir nos deſirs, nous euſmes les ſens remplis d'vne excellence qui n'eſt à comparer à aucune delectation commune, & n'auions plus autre ſoin que ceſte rencontre, auſſi noſtre ſouuerance ſe reigloit à la verité, qui nous fait iuger que les humains ont de la memoire, mais bien peu au regard de leurs eſperāces: Voicy le point qu'il faut dire vray, auſſi pour en iuger exactement, & ſelon que la verité, dont nous ſommes ſectateurs, veut que noſtre innocence le declare, ie ne ſçay bonnement quel eſtoit l'inſtant de ceſte delectation poſſible, & pour en oſter toute diuerſité: qui peut en faire doubter, ce fut à l'heure que les delices du ſonge ſe figurent, & c'eſt ou ie me pretends pour m'accommoder de felicité, d'autant que la moins malheureuſe partie de noſtre vie eſt celle qui eſt employée au dormir neceſſaire, qui eſt l'image ou idee parfaite des douceurs de la douceur meſme: Que ſi durant les termes de ce benin repos on entre en quelques difficiles viſions, & que l'ame ſoit violentee par falcheuſes apprehenſions, on ſe peut facilement retirer, ſi que ſecoüant ce mauuais ſoing, on ſe reintegre en la bonté de ſon plus coy relasche: & ſi d'auanture auſſi (comme c'eſt le plus commun à cauſe que nature appete tout contentement) l'eſprit eſt doucement enueloppé des agreables ombrages des douceurs oportunes de fantaſies proſperes & commodément ſoulageantes les cœurs, on ſ'y eſgaye, on ſ'y plonge, & ſ'y retenant mignōnement, on demeure en cét aiſe le plus que l'on peut, afin de ſauouer longuement le plaisir delicieus qui ſe perçoit en telle felicité. Mais auant que paſſer outre, il faut que j'euacuē mes conceptions, & donne air à ce feu qui fait bouillir mon ame en mon cœur. Si ie ſçauois que quelque profane oſaſt eſtendre ſa main deteſtable ſur ce volume pour le manier, ou que quelque indign e ſ'auançaſt pour le fueilletter, que quelque arrogant ſuperſtitieux engloutiſſant de la reputation des belles ames, en tiraſt vn petit de plaisir, ou que le malin ſpectateur des benefices ſouuerains avec enuie y cherchaſt le bien qui n'appartient que aux cœurs d'amour, ie briferois la plume qui trace tant de reuolutions de beaux myſteres, ie voudrois en m'oubliant retrancher toute la memoire qu'il y a de ſe reſeñter le contentement qui ſe pratique à

6  
voiler mignonement avec les toiles de belles fixions, ce qui est rare, & seul expedient à sçauoir pour s'esleuer sur tout ce qui est de vertueux, & me frustrant moy-mesme de la vie de ma vie, ie m'abstiendrois de traiter avec plaisir les fructueux appasts qui attirent aux voluptez sacrees. Il en aduiendra pourtant selon l'ordonnance du grand Maistre.

ESTANS paruenus au sacré paruis, & adressans les tours de nos yeux sur les merueilles du lieu, il se presenta à nous vne Nymphe si belle, que ie croy qu'elle est l'acrethype de beauté, & l'idee formelle sur laquelle nature moule les souuerains artifices de ses ouurages, l'esbahissement me fit assoir le pied, ainsi que si j'eusse esté quelque figure de bronze baulancee à l'antique sur le piedestal, & demeurant arresté ie la consideray, pource que iamais obiet n'auoit remply tant à gré la capacité de ma veüë, que cestuy-cy. Ceste belle ne se figura point à nous en ceste façon reuelee, qui est coustumiere à plusieurs de nos Dames, lesquelles prennent plus de plaisir & s'estiment auoir meilleur grace de s'accommoder de presumption, que se façonner modestement d'humilité. D'une façon sans artifice, & comme despoüillee de toute estrange intention, elle se manifesta en ceste rencontre avec la naïueté desirable qui contéte les esprits d'affection. Si cecy est songe, ô songe bien-heureux, ie te rapporte au plus beau des songes, & si tu estois quelque substance diuine, ie t'appendrois vn tableau ou autre desirable offrande, en recognoissance de tes faueurs. Mais ne seroit-ce point encor mieux, ne seroit-ce point vne verité rapportee naïuemēt es proportions d'une essence toute parfaitement agreable? Car ie me represente encor ses beaux yeux, viues estincelles d'affections produisantes des desirs infinis, ie remets au terme équitable de ma veüë ceste belle bouche qui proferoit tant d'oracles, & repassant sur toutes les rencontres de ce geste tant beau, j'imprime en mon cœur la mesme façon de celle qui à iamais aura tout pouuoir sur mes volonteiz. Ce n'estoit point la belle Olocliree, ainsi qu'elle le nous declara, bien estoit-elle sa chere amie l'excellente Nephés, fille du grand Archee, celle mesme qui conuerse avec Olocliree, & qui la peut faire voir aux fideles Amants de ses beautez. Paruenus iusques aux premiers degrez du perron, qui conduit au conclaue interieur, elle nous entretenant de plusieurs propos qu'elle continuoit au fil de ceux dont elle nous auoit doucement receus, nous mena en la salle, nous disant ainsi: Il faut bien que vos bonnes destinees vous ayent preparez à meilleures fortunes que le commun, m'ayant rencontrée pour estre receuz avec priuauté de doux accez, & familiares paroles, que n'eussiez treuuees vne autre fois, pource que nos seruantes assez rudes, & presumptueuses, n'eussent pas eu égard à l'honneur qu'il faut communiquer aux sages

curieux, & si y a-il bien d'auantage, c'est que vous deuez vous preualloir de beaucoup d'heur d'auoir treuue cét endroit presque incogneu au monde. Je recognois que le souuerain Archee (mon pere) vous y a acconduits, apres vous auoir introduits aux sentiers legitimes, qui font treuuer la voye de paruenir en cét antre desirable. Et à dire vray, il n'est pas aisé de s'y rencontrer tant à propos, quelque peine que l'on y employe. Aussi veritablement ayant propices les volonte de mon pere, ausquelles ie consents pour les obseruer exactement, ie ne vous cōmuniquerois rien sans ceste bonne auanture pour vous. Or sçachez que mon pere seul m'a toute donnee l'intelligence que ie vous veux communiquer, & nul ne peut auoir accez aux saincts limites du grand secret, que par le moyen de la tradition ordinaire, laquelle maintenant est retenuë, ainsi qu'attachee à la langue du sage Oboel, qui aujourd'huy a son habitation fort esloignee des contrees ou se treuuent, & esquelles abordent les curieux. Il se tient caché es tortueux antres de la grotte de LITIE, & n'est pas aisé de le pouuoir aborder, & principalement en l'humeur que ie sçay qu'il est, estant pressé du regret qu'il a que la malice regne tant au monde, qu'elle y a plus de credit & d'authorité que la bonté, laquelle iadis estoit la nourrice des beaux cœurs, qui s'entretenoient d'occupations legitimes. Pour ceste cause ie considere vn malheur qui tout esbranslé est prest de choir, & causer vn dommage trop prejudiciable, c'est que si Oboel s'opiniastre en sa defastreuse opinion, ainsi qu'il y a apparence qu'il le fera, ceste belle chesne de cabale seroit rompuë, au detrimēt des bonnes intentions. Ce que preuoyant le grand Archee, qui a pitié des ames benignes, y a remedié, afin que par le moyen d'vn nouveau chesnon elle demeurast encores pour le soulagement & consolation des courages fideles. A ceste cause il m'a permis de le surprendre tandis qu'il dormoit, & de rauir sa memoire, laquelle i'ay extraicte de lui-mesme, & y ay leu comme en vn tableau toute sa doctrine & souuenance, en ce qui est des affaires de l'excellente Olocliree, qui est, comme ie le sçay, ô cher allié, l'vnique de vos affections: i'ay donc appliqué ceste memoire à mon intelligence, laquelle ayant receu l'entiere impression de ce qui est en ceste abondante memoire, ie l'ay remise en la place auant le deceds de son sommeil. Voila comment il y a moyen de restituer ce qui s'en alloit perdu, car il eut esteint avec sa vie ce qu'il auoit de science, laquelle (possible) n'eust peu iamais estre retiree des replis ou l'oubly l'eust parauenture éternellement enueloppee. Nous ayant fait ce salutaire discours, elle nous mena plus auant au Palais de Prudence, & nous fit voir plusieurs symboles des mysteres plus admirez par les laborieux, qui iour & nuict soupirent apres les douceurs philosophiques: tant pour la memoire éternelle deuë au Pere des sages, que pour attirer les

7  
cœurs capables d'instruction. Les figures que nous vîmes auoient esté conferuees, suivant le statut des premiers Docteurs. Au costé gauche est la figure du Patriarche, qui premier des mortels prattiqua les occultes rencontres de la science de perfection: l'apparence que nous en déduirons sera possible la suite & progres des mesmes subiets veritables que nous auons à proposer. Le siege de ce grand Philosophe estoit representé d'un beau marbre élabouré à la Mosaique, & tachetté d'or musaique, dont Iupiter Roy de Crete fut jadis inuenteur. Nous le verrons selon tout son desseing en l'hermitage de la Pucelle, si Dieu nous fait la grace que nous vous y conduisions. Là dedans residoit paisiblement l'image venerable d'un beau vicillard, ayant la barbe ralongee à la Nazarienne, le reste se suiuoit tant en lineaments que grace, de sa bouche partoit vn croissant, duquel les cornes s'appointissoient vers le Ciel: au bas, & entre ses pieds, nous remarquasmes la figure du Soleil. Sa robbe est deçà & delà estendue, selon la maiesté des draps qui seruent d'ornement à sa magnificence. Ceste representation tient entre ses bras, sur ses genoux, le liure de gloire, semé de flammes & de larmes, dont tout le liure est escrit: & tels Elements sont les deux exactes intelligences, contenant les deux hieroglyphiques desseins du Rainceau fatal, qui naturellement est produit de deux substances. Ce mystere nous rendit attentifs à rechercher ou estoit l'ouuerture du volume, qui veritablement en ce lieu estoit vn vray liure, non pourtraict, ains tel qu'il est seul desirable. Il estoit attaché au col de la figure, pendant d'une chesne, formee de la vraye lame doree de la terre fueillee des Sages: Ce qui nous incita d'auantage à ce premier desir, est vn des principaux Sophismes des anciennes dont nous apprismes vn peu, non pourtant pour estre encor esclarcis de la verité, mais pour scauoir que c'est proprement que tels Sophismes, qui par la bonne Nephés nous furent interpretez, Mensonges veritables, ou veritez mensongeres: & d'autant que nous estions attentifs sur ces larmes, & flammes, que nous ne pouuions bien comprendre, elle nous dict ceste parabole: Qui quelquesfois a veu changer la goutte de mastic, & la pressant en fait sortir vne larme limpide, qu'il prenne garde, & il verra au temps prefix de la douce pressure, du feu issir du subiet philosophic, vne substance pareille: car aussi-tost que sa noirceur violette sera pour la seconde fois excitee, il s'en suscitera cōme vne goutte, ou fleur, ou flame, ou perle, ou autre similitude de pierre precieuse, laquelle sera diuersifiee iusques à ce qu'elle coule en blancheur tres-claire, qui puis apres sera susceptible de se vestir de l'honneur des beaux rubis, & pierres étherees, qui sont le vray feu de l'ame, & lumiere des Philosophes. Elle auoit encor ces beaux mots sur ses belles lévres, que le grand serpent Orthomandre s'élança de son eau, & excitant vn grand bruit nous at-

tira à le considerer, il s'esbattoit dans ses vagues courantes, ou nous le voyons flottant es ondes, & donnant de grandes secouffes, avec ses aisles de flames il mesloit diuersement les qualitez contraires, ou nous considerions avec plaisir le soulas qu'il prenoit à déduire sa langue de feu dans les eaux, vn obiet seul sembloit deuoir suffir, pourautant que nostre racine est vniue, mais les accidens estans en grand nombre, & puis ayans l'heur & la commodité de voir d'auantage, c'eust esté pecher criminellement de n'vser pas d'une si bonne fortune, & tesmoignage de vouloir croupir en ignorance, de refuser à nos yeux tant de delices qui s'offroient en ce Palais. Et puis qu'il nous conuenoit faire vn amas entier de tout ce qui se pouuoit presenter, & le laisser cueillir à l'esprit qui en est capable, nous retraçâmes tous les lieux & endroits ou il y auoit des raretez. Au front de la sale estoit cōtre bas le vray naïf & iuste prototype du veritable Chaos, dont dépend le suiet de nos esperances: là estoient rapportees les terres iettees deçà & delà indifferement, & sans art, parmy les eaux coulantes, ores en vagues, & ores distillantes en gouttes dans les airs, non bien distinguez des feux portez par tout à l'auanture dans ce meslange non meslé, confus en l'ordre de sa proportion sans symmetrie. Dans ceste confusion distincte estoient toutes les Planettes, la Lune vers l'Orient, Mercure au Septentrion, le Soleil estoit en l'Occident, avec la plus part des autres, qui s'inclinoient en ceste bande. On y voyoit Venus se roulant au Midy. Mars se plaçoit entre le Soleil & Mercure. Et au dessous du Soleil se manifestoit Mercure, & Iupiter auoit son intention plus occidentale: & combien qu'en apparence ce fussent les Planettes, toutes fois il n'y auoit rien du tout d'elles, que leurs seules puiffances ou ames, qui sont les vertus occultes qui doiuent estre manifestees par les operations. Au milieu du Chaos est vn petit globe heureusement distingué, qui est l'endroit éminent du rapport de tout ce qui est vtile à ceste recherche. Ce petit lieu plus capable que tout l'entier, ceste partie comprenant son tout: cét accessoire plus abondant que son principal, ouurant le poinct de ses thresors faiçt apparoitre les deux substances qui ne sont qu'une vniue, dont la forme Mercurielle est en goutte, ou larme, & la sulfuree en flame. De ces deux se mesle l'vniue parfait, le simple abondant, le composé sans parties, le seul impartible, cogneu des sages, duquel sort le Rainceau du Destin, qui s'estend vniue iusques dehors le Chaos, depuis lequel il s'auance sans desordre iusqu'à la fin legitime, & ce suiuant sa belle vnion d'vnité qui surpasse toute égalité de tout autre ouurage desirable; ceste branche de perfection sortant des monumens du Chaos est costoyé de la chaleur du feu continuel, qui par la vigueur de sa bonne flame toute abondante en chaleur exquisite, nourric d'abondance humide, causé par l'anti-

tiperistase

8

tiperistase de son effect nourrissant, & occulte vertu, fait naistre vn bel arbre qui s'esleue assez haut, & plus trois fois que ne s'esleuent les flammes qui se nourrissent en son pied, au prix que ses feux s'alongent. Le Demon Armostose suruient qui coupe les branches meures, & les fait tomber au feu pour le continuer & le nourrir de sa permanente substance desirable, & ce iusques à ce que l'on y ait alumé le flambeau feé, qui conduira les Amâts en l'allee obscure, qui meine en la residence de la belle Olocliree. Au delà du feu est le Duel des deux serpents antiques, nouvellement nez, & si bien nourris, que desia ils sont tous parfaits, & tât pleins de force & de courage, que le glissant ne voulant ceder à l'aillé, ny luy à l'autre, ils se ioignent en bataille cruelle. Malicieux furent ceux qui nous proposerent iadis qu'ils s'entr'englouirisoient, l'vn rauissant avec la gueule la queuë de l'autre, & qu'ainsi mutuellement ils se faisoient mourir: car nous auons veu en la vraye figure, & parauenture qu'elle est la verité sur laquelle a esté projectté tout autre discours de ces serpens, & auons cogneu qu'ils s'entr'étranglent: & l'vn & l'autre se fierent si viuement de la queuë, la noüant de rage à l'autre, qu'ils s'esteignent, le volant ayant estendu ses aisles sur terre pour receuoir leurs corps qui seront vnis dans icelles en leur putrefaction, de laquelle ils doibuent resortir, non deux, mais vn, ainsi qu'ils sont nez d'vne mere en mesme instant, & ce renaissance sera la pure substance, qui se filant dans le Rainceau par le sang du Lion demembre, y antera l'arbre duquel sourdra le vermisseau dont sera produit le Phœnix, lequel croissant parfaictement, deuiendra plus grand que son nid, & plus estendu que l'arbre, auquel défaut vne complexion d'ame laquelle est au Phœnix, informee & informante, le Phœnix estend ses aisles sur toute felicité, & croist par les heures en sa perfection, lesquelles heures luy sont déterminées par l'animal nourry en Memphis, qui vnique en nature laisse couler ses eaux de deux en deux de nos heures, qui sont les heureux termes, comprenant ceux des sages. Le parfaict oyseau deuenu rare, parce qu'il est de pures qualitez, peut voler au Ciel dans les Planettes, & mesmes s'esbatre au centre de la terre, & luy appartient vne belle grandeur de force: c'est qu'estant vnique, il est luy seul autant fort que tous les oiseaux d'vne espece, qui seroient chacun grands de mesme grandeur, & pour ce facilement il tient entre ses serres en la main gauche vne magnifique corne d'abondance, dont pour symbole de bon-heur il eschappe vne rose fleurie, qui s'espanouyt en fucilles odorantes, desquelles l'vne tombe sur vne vieille fouche, de laquelle par son vis attouchement, & faculté generante, il naist vn petit brin qui deuiet vne mollette branche, de laquelle il degoutte vne larme, qui se transforme en la fontaine de Iouuence, sur laquelle preside Ianus, deuenu enfant, ainsi qu'il nous pa-

\*\*\*

roist ayant deux faces de populos, ioint inséparablement au haut de la poincte du tuyau de la fontaine. Icy est vn des buts parfaits de felicité, icy est le commencement du repos apres les terribles labeurs que l'on a soufferts. Car qui pourra recouurer vne fleurette de ces fleurs, il en tirera des fruits abondans, & aura le gage sacré & les saintes arres qu'il faut offrir à Olocliree pour participer à ses bonnes graces. Qui gouterà de la liqueur de ceste fontaine, sera assure de pouuoir supporter toutes les peines ardentes, ou il se faut endurcir suiuant les traces d'amour, & qui de l'humeur ardente de ceste goutte pourra exciter la viue flame qui en esclatte par fois comme vn éclair, il en pourra allumer son flambeau, qui le conduira dans le secret cabinet ou se reçoit le contentement de la jouissance heureuse d'Olocliree.

Nous allions tousiours en auant, deuorans avec les yeux gloutons tout ce qui auoit apparence de beauté ou similitude, cachant les secrets, quand la belle Nephés ma douce sœur (d'alliance & de fait comme elle me le declara lors que nous fusmes seuls) nous vint interrompre, en quoy elle me fit vne manifeste demonstration de la verité de nostre parentage, qui ne peut mentir. Ainsi nous deuisant avec vne belle sorte d'artifice, donna à chacun quelque maniere de subiet d'occupation, si qu'il nous fut aysé de nous separer de la troupe, parquoy ayans trauersé vn petit portique, qui ne fut apperceu aucunement des autres, qui nous allerent cherchant errant par cy par là dans cét antre, ou infinis plaisirs leur faisoient presque oublier nostre absence, nous entraimes en la court interieure, toute repolie de verre, par en lac & es enuirs: ie suyuois mes intentions auançant ma veuë par tout, que soudain ie vis sortir du costé d'Orient vne apparence magnifique d'homme venerable en grandeur, & excellent en forme, ie fremis vn peu, toutesfois avec aise, d'autant que ce que ie voyois estoit agreable, & le bien de mon cœur me faisoit doucement fourmiller l'ame en ce suspens. Ma bonne Nephés m'informa de ce que i'apperceuois, c'est (ce me dit-elle) le notable & grand P H E C E L Philosophique, qui vient avec congé du grād Archee, pour vous instruire & informer des desirs de vostre cœur. Si vous eussiez tenté ceste auanture sans vous communiquer à tant de personnes, il y à long-temps que vous en eussiez esté esclarcy. Mais, ô simple en affections, ou est-ce que vous auez appris que la pratique amoureuse se doie hazarder en bande? ne sçaez-vous point qu'Amour estant vnique, il veut des subiets qui n'ayent intentions qu'à eux mesmes? voila, il falloit pour auoir bonne rencontre se tenir à part soy, cy apres à vostre espreuue les autres seront instituez, le temps s'est escoulé, & vous estes demeuré sans bonne resolution iusques à ceste heure, encores pauuret vous ne me pouuiez entendre, vous mouriez d'enuie d'amener avec vous les autres, & ne

9  
s'en est guieres fallu que ie n'aye esté contraincte de vous abandonner au vain plaisir que vous preniez d'estre avec eux, pour faire mine que vous scauiez bien estre Amant: que cela ne soit iamais, ains plustost des ceste heure soyez vnique à vous, alors les secrets vous courront à force, pource qu'ils n'ayent point le vent: les honneurs du monde leur sont profanation, & les fruiets de nos amours sont honteux de la presence du commun, qui est profane pour la pluspart: voulez-vous que ce qui est vnique soit à d'autres qu'au cœur vnique? Par cecy plusieurs, voire tous les cœurs sages entendront, s'ils sont capables des benefices du Ciel. L'espouuamment que m'auoit causé ce spectre à l'impourneu, ne toucha point tant mon cœur que ceste remonstrance, par laquelle ie fus comme retiré de l'assommement d'un dormir oyseux que la honte de tristesse peut causer, ie ne scauois si ce discours estoit vne sentence pour me rejettter de mes pretentions, & presque i'abandonnay mon courage pour le laisser couler indignemēt, sans que ie me souuins que l'Amour exerce diuersement les cœurs qui ont de l'assurance, & que mesprisant les degenez il ne profite qu'aux vaillans, ie tournay tout à bien, m'assurant que ma bonne Nephés me remonstroit pour m'instruire, & non pour m'estranger. Adonc m'approchant du grand P H E C E L, ie sentis vn peu d'émotion craintiue de ce simulachre d'espouuantal, toutefois ie me resolu, me resouenant qu'autresfois i'auois appris qu'il ne s'accommodoit qu'avec ceux qui le cognoissoient, & ne familiarise qu'à ceux qui le scauent pratiquer de belle grace. Et pour estre de ceux-là ie le consideray de profile, & sa face me sembla tant austere, que si ie ne me feusse recueilly en moy-mesme pour vaincre la disgrace qui me pressoit de peur & desfiance, ie me fusse tant enuelpé d'esbahissement, que i'eusse perdu le desir de passer outre. Ie le regarday d'un tiers point, & ie trouuay son visage n'estre que menaces d'incommodité, presentations d'ennuis, & pertes d'esperances. A la fin le voyant ie l'apperceu de front, & lors les espouuammentes sortans de mon ame, auparauant estonnee, i'eus le loisir & occasion d'observer sa grace, ses proportions, son air, & tout ce qu'il auoit de remarquable, & ie le recogneus d'un front serain, & d'un geste si gracieux, que ie fus beaucoup plus assuré que ie n'auois esté en peine auparauant sa rencontre, ce qui me fut vn auantureux presage de prosperité, vne heureuse assurance de consolation, & vne seure certitude de felicité constante. Adonc me treuuant pour estre si bien avec le Prince des imaginations, ie me rendis attentif à le remarquer, & à ouyr les maximes qu'il proferoit, & comme en haste, d'autant qu'il ne veut pas long-temps se communiquer, estimant indigne à sa grandeur d'estre prolix en discours, & trop approchant de la profanation d'en auancer vn petit plus que mediocrement peu, en parlant avec grace il me

toucha la main, cōme me voulant dire que ie feusse le bien venu, & me  
laissa avec la debonnaire Nephés, qui en ceste efficace de prosperité,  
me promit de me rendre content sur tous les Amāts, seruiteurs d'Olo-  
cliree, nom que ie ne puis proferer qu'avec toute reuerence. C'est à  
ceux-là de se resiouyr qui sont bien naiz, & ont l'estat de felicité pour  
ascendant de leur naissance. Le grand Phancel s'estant retiré dans sa  
voûte, Nephés me raconta plusieurs merueilles du lieu, de l'ordon-  
nance de ce qui s'y pratique, & de ce qui est permis d'en rapporter. Il  
m'est aduis que ie voy encor ce precieux mouuement de ce coural dé-  
ioinct, par lequel si beaux airs se recueilloient en formes distinguees,  
& ce plaisir fut tāt naïf, que ie me persuade estre au mesme instant que  
ie l'oyois & voyois discourir ainsi. Le Ciel qui est iuste, nous rendant  
tout au pris du labour, ne veut pas que les belles ames soient incessam-  
ment frustrees des fruiets de leurs traueux, & pource permettant que  
l'amour imprime ses forces és beaux cœurs, il fait que les obiects desi-  
rables ont vn ressentiment des passions excitees à leur occasion, &  
pourtant nostre belle Olocliree n'est pas moins desireuse d'estre re-  
cherchee, que ses fideles Amants sont passionnez pour elle: s'il en estoit  
autrement, elle feroit tort à sa beauté, qui est le plus bel obiet des cou-  
rages d'affection. Elle prend plaisir d'estre aymee, & tout ce qu'elle a  
de desirs s'incline à la douce sollicitude des parfaits Amants: mais elle  
n'en veut admettre que celui qui sçait iuger de ce qui est parfaitement  
amour legitime. Et pource la puissance intellectiue animant l'ange  
president de ses affections, a mis és ames curieuses toutes pures inten-  
tions d'amour, auxquelles tout cœur de desirs se reduit pour tous sub-  
iets. Parquoy ainsi qu'il est euidēt, tous les sages ont pratiqué les sciē-  
ces sous l'ombre des plus beaux replis d'amour. L'amour a esté, & est  
encor le gracieux pinceau qui a tracé ce qui est rare & destiné, tant en-  
tre les puissances superieures, que les inferieures, & ce qui est de leur  
subiet. Voila pourquoy le Chaos de nostre ordonnance est appuyé sur  
le tyge de Myrthe, qui est le symbole d'amour, & comme l'amour s'é-  
pand heureusement par tout: on void icy le Myrthe, reiettant en infi-  
nies branches de tous costez de ce lieu, & ce tige ainsi dilaté, démon-  
stre que toute nostre diligence ne pretend qu'à l'amour. Sçachez,  
voyez, & entendez, & vous remarquerez prudemment que tous les  
plus specieux, magnifiques & bons mysteres, ont esté cachez & retra-  
cez sous les beautez d'amour, car l'amour est l'ame heureuse de tout:  
Il se void icy en vieil françois vn equiuoque, contenant la dériuation  
d'amour, escrit en lettres capitales, L'AME-HEVR, comme si on enten-  
doit que l'amour fut l'heur de l'ame, & qu'ainsi que les termes ont  
changé, que iadis on disoit douleur pour douleur, qu'on auoit dit  
AMEVR, & maintenant AMOVR, & puis pour iuste intelligence de ce

qui en est, l'amour de chacun est ce qu'il a de desirs plus intimes & mignons, & iouyr de ses amours est proprement abonder en la fruition des excellences esperees, non en effects qui causent tristesse par leur perception, ou danger par leur accomplissement, ou peché par leur rencontre; mais ioye permanente en les treuuant; seurté accomplie les receuant; & gloire durable par leur éuenement à leur fin legitime. Les profanes ont mis vn voile sur les yeux d'amour, pource que ils n'osoient ietter leur veüe vers ses diuinitez, dont les rayons leur estoient insupportables: mais les sages qui vivent selon l'équité, & se conduisent à l'air des sentences que la verité propose, le representent débandé, comme il est en son estat: que si quelques-vns l'ont laissé avec ce bandeau, ç'a esté pour en frustrer les indignes: de faict Amour est frere de la lumiere, & sa vraye guide illuminant tout ce qui est capable de l'estre: & n'y à que ceux qui sont en misere d'ignorance auxquels il est auëgle, non que ce soit luy, ains eux qui pensent voir, & ils n'ont point d'yeux, ainsi qu'ont les esprits enfans de lumiere, que l'amour va conduisant par les sentiers de iuste cognoissance: ou si de fortune il y auoit de l'obscurité, alors par la sincerité de ses operatiōs magnifiques il oste toutes ombres, & dissipe les difficultez qui destourneroient les intentions: & veritablement aussi il est le flambeau des ames & le balay chassant au vent les bourriers d'ignorance, parquoy l'ignorance en nostre subiet est vne coulpe manifeste, & notable peché: pour ceste cause, afin que ne soyez du nombre de ceux qui se sont reuoltez del'ordre d'innocence, duquel sont tous vrays Philosophes, & parfaits Amants, ie vous équiperay de maximes certaines, qui souuent ruminées en vostre cœur, vous rendront capables de vos benites amours & de la iouissance de vostre obiet: pour à quoy paruenir il n'y à qu'vne voye en laquelle celuy qui s'y treuve rencontre toute felicité, comme estant l'vniue verselle bien-heureux: & ie suis triste d'ouyr souuēt que plusieurs auxquels ie voudrois bien ayder, méprisent mon conseil: & bien qu'ils ayent vne de mes sœurs pour conduite, & quelquesfois moy-mesme, ou nostre grande vniuerselle, ont toutesfois horreur de ce sentier, & dédaignent ce chemin, pource qu'il leur semble vulgaire, à cause qu'il y à beaucoup de frequence aupres: mais aduisez qu'il n'est choisi que des plus accords, & que ceux qui s'en distrayent sont troublez d'imagination, non qu'ils les ayent eüs du grand Phecel, mais du trouble de leur entendement, qui iuge sans science. Or mon frere, croi-moi, ie te prie, que ce qui est facile est le plus beau. Les secrets enuelopez en des retours difficiles, & que l'on entortille d'artifices d'apparentes excellences, sont à dire vray si secrets, qu'ils le sont éternellement, & de telle sorte, que iamais on ne les decouure: & la cognoissance de ce qu'ils supposent demeure si secrettement morte dans tels

labyrinthes, qu'aucun n'en est esclarcy : auisez que les difficultez n'apportent que troubles, les diuersitez corrompent l'existence vniue de la verité, qui est simple & facile à ceux qui la cognoissent, mais infiniment loin de ceux-là qui l'ignorent, le plus petit & abiect artifice pratiqué par le plus ignorant des artisans, est extrêmement difficile à celui qui ne le sçait point, mesmes les sages admirent des vetilles, mesprises par les moindres : Si cela se void continuellement, & que sera-ce donc de ce qui de nostre subiet tant de fois admirable, vtile & necessaire? Il est certain que Dieu n'a point donné l'affection de science pour faire entrer l'esprit en troubles & perplexitez, mais l'esprit humain se déliant de la grace du souuerain, va iniquement se profiler sans cause es sujets ou il deuroit auoir patience & humilité, s'entremettre pour glorifier son facteur : ce que n'estant pas, ains se poustant souuent par desirs impetueux pour causes illegitimes, il aduient par efficace d'erre que l'on trébuche au gouffre des vanitez, pource que i'on avolontairement bronché contre l'escot de presumption. Or le Sainct ayant donné la science pour rendre l'esprit net par les éuenemens, il en communique aux siens les principes pour establir leur ame en parfaite habitude, & pour ce faire il octroye l'organe des organes mondains, non à tous, ains à ceux qui par l'heureuse rencontre des effects de sapience arriuent à ce point desirable. Mais tous yeux ne sont pas capables de veoir ce beau secret, qui n'a pour but desiny que la perfection. Et certes ainsi Dieu n'a point donné l'affection de science pour mettre l'esprit en troubles & diuersitez de broüillemens, ains plustost pour le rendre clair & susceptible de toutes formes agreables & iustes, & les effects qu'il en permet aux bonnes ames, sont pour les establir en leur meilleure subsistence, pour à quoy paruenir il faut proceder par moyes droits & parfaicts. Tenez pour constante resolution que la perfection ne se cognoist pas par vn ordre contraint, amenant à quelque but forcé par des inuolutions intolerables, ains par la necessaire & legitime, laquelle est equitable, parquoy il ne faut rien ruyner pour establir, en rien gaster l'excellent pour le restituer, pourautant qu'il n'est pas raisonnable de troubler pour esclarcir, de tuer pour viuifier, de gourmander pour appriuoiser : il conuient deuelopper pour treuuer, exciter pour susciter, & du moins en apparence faire soudre le plus en verité : ce n'est pas le fruit qu'il est question de desoler, mais s'il se peut dire, c'est la semence qu'il faut agiter & faire corrompre, à ce qu'elle se leue apres en fruits trop plus desirables qu'elle ne sembloit. Si donc vous auez enuie d'accomplir fidelement le desir de vostre affection effectuant, considerez les substances parfaites, & celles qui tendent à perfection, celles que le mouuement n'altere point, & celles qui sont alterables, mesmes en vn moment, & faictes eslection de ce qui est en

puissance alterable de ceste nature qui requiert d'estre meüë , pour estre tiree hors de sa priuation manifeste, de ce qu'elle monstre desirer, avec toute apparence. Que cecy vous soit vn signacle en l'ame, afin que vous ne soyez treuüé defectueux deuant les yeux d'Olociree, qui ne fait estat que des esprits accomplis: Et puis qu'elle est le seul point de vos desirs, qu'elle est l'vnique de vostre cœur, ayez ce cœur assez plein de valeur pour entendre & practiquer. Ne pensez pas aller à elle pour estre conduict par elle à sa propre iouissance, entendez d'ou elle est, & de là vous pourrez treuuer le moyen d'aller à elle, & d'elle vous paruiendrez au point plus excellent. Et bien qu'elle soit ce qui est l'vnique excellence, si ne l'est-elle cogneuë que par le Roy qui naistra d'elle, & par la belle Roïne dont aussi elle sera mere, si on y met peine. Elle est veritablement leur mere, d'autant qu'elle est leur ame & forme parfaicte en deux de ses termes: car si-tost qu'elle est au commencement de son adolescence, elle peut estre mere de la Roïne: puis estant venuë en aage parfaict, & qu'elle est en la verité de sa plus grande beauté, elle pourra faire naistre le Roy, qui est le petit Roy du monde. Or doncques pour arriuer à ce Grand Bien, passez par chez la mere d'Olociree, pour veoir son essence premiere, & vous aduisez d'vn point notable: les enfans qui sont beaux au commencement, desquels la beauté est tant louëe, ne sont rien en fin, ceste beauté deschet, & perit, & finalement ne sont plus que figures de laideur: Il en est autrement d'Olociree; sa naissance premiere est laide, elle n'a que les traictz grossiers de ce qu'elle doit estre: mais si on l'excite & nourrist de l'exterieur agent qui amplifie l'interieur, elle s'embellira de temps à temps, iusques à ce qu'elle soit belle en toute extremité. Si ceste essence vous est vne fois cogneuë, vous sçaurez qu'elle se parfaict sans rien diuiser, car iamais nature n'y pretend actuellement, ains formellement, separant le laid pour adjoindre le beau, pour diminuër le desplaisant, afin d'augmenter l'aggreable, cõseruant le tout & multipliant la vertu, pour l'effect dequoy rien n'est desioint, rien n'est party ny separé, bien qu'effacé, & de fait les accidents ne sont point separez, mais effacez, d'autant qu'ils s'ëuanouissent & ne diminuënt en rien de la quantité, de laquelle ils auroient esté parties s'ils auoient esté separez, entant que separer signifie mettre à part, & comme desioindre, ce qui est à fuyr, car par disionction on deslie les liens specifiques & naturels, lesquels iamais ne peuuent estre restituez, ny d'autres mis en leur lieu. Ce qui est vne fois tranché ne peut plus estre resoudé, pour deuenir vny ainsi qu'auparauant, & ce qui est desioint par nature ne peut estre compris en l'vnité telle que nature faict par ses operations, d'autant que la solution de continuité ne se restablit iamais en son estre premier, à cause du retranchement: depuis que scissure est faite, il n'y a

plus de baume qui la repare, quoy que quelques speculateurs plus abondants en imaginations qu'en veritez, proposent le beurre, le fromage, & le cler, pouuoir estre remis en lait parfait: si est-ce (ne leur déplaise) que cela est es impossibilitez de nature: ce qui est passé ne peut plus reuenir: le fruiet vne fois meur ne peut plus reuerdir: la cresse eschappée du corps qui la comprenoit ne retourne iamais se mesler es minimas parties dont elle est sortie, depuis que le foye a distingué es corps les substances qui se vont distribuât par tout, il n'y a plus moyen qu'elles redeuiennent ce qu'elles estoient parauant leurs separations. Aussi à dire vrai, separer ou il n'est point besoin est faire injure à l'amour qui ne demande qu'vnion. Voila pourquoy ie vous aduise que si vous estes fidele Amant d'Olocliree, que vous ayez souuenance des comparaisons que ie vous ay proposees, afin que vous soyez discret en sa recherche, qui est selon l'vnique rencontre de la verité, laquelle est vne, & qui nous offre vn vnique subiet excitable par l'vnique, agissant en l'vnique capable, au temps vniquement distingué de la premiere & vnique distinction égale. Il n'y a rien tant celestemēt destiné que les subiects d'amour, qui sont vnis fidelement, partant soyez extrêmement discret pour vostre bien, & ne pensez iamais de vouloir ioindre Apaxe avec Olocliree, quoy qu'il semble que ce soit le debuoir. Fuyez, fuyez ceste pensee, & remarquez qu'Olocliree sçait que son pere & sa mere ne sont qu'elle mesme en puissance, vnis immediatement: parquoy elle fuyt ce que le Ciel a des-vny, & que nature a faict separé. Ce qui par nature est du tout separé, & mesmes à apparēce, est autre par la distinction, ne sera iamais conioinct absolument, ny meslé exactement. Les substances diuisees par nature ne peuuent estre conioinctes iusque au profond, ny concentriquement. Il y a vn certain moment fatal, & douce condition de rencontre qui ioinct les cœurs, lesquels doibuent estre l'vn à l'autre, que desia ils sont vnis auant que leur separation soit estimee: si cela n'est, il n'y aura iamais paix entre ceux qui cuident s'assembler, & le contentement ne s'y treuuera point, d'autāt qu'il n'y a que de la difficulté en la contraincte. Sur tout, auisez de ne defaire ce qui est fait. Vous ne sçauriez faire tomber, ny entrer nature en necessité, autre que celle à laquelle elle est destinee, rien ne peut luy auenir que ce qui luy est propre, ioint que l'amour, pere de conuenance, est si iuste qu'il reiette tout ce qui n'est aucunemēt de ses conuenāces. Pour ceste cause sçachez que ce qui a esté vny du fidele lien de Nature & d'amour, venant à estre violé, ou desfait, ne peut plus estre restitué: le serment rompu, puis racoustré, n'est plus ceste fidelité premiere: c'est fait, on ne sçauroit rentrer les parties desioinctes, aussi nul ne sçait la soudure de nature, parquoy ne se faut opiniastrer à separer ce que Nature a cōioint, ny s'obstiner à vnir ce que Nature n'a point destiné l'vn

pour

12

pour l'autre reciproquement, mais il faut conseruer, maintenir, augmenter, agiter, & substantifier ce que l'Amour, le Ciel, Nature, ou l'Endelechie a conjoint, multipliant le bien qui est au subiet, on aura le bien qui en est ordonné. Telle est la voye & preparation qu'il faut tenir, pour se rendre plaisant à la belle Olocliree: que si on n'observe ces maximes, on n'aura iamais de part en elle, pourautant qu'elle a en abomination tout ce qui peut apporter du trouble és loyales sympathies. Je vous prie (bel Amy) si il auenoit que ce qui nous a lié fut défait, qui le pourroit refaire, ou de nouveau l'establiir en estre, pour nous vnir de l'aliance qui est entre nous? Estans ainsi estrangers, dans quelles nouvelles reiterations de commencements retournerions-nous, pour naistre des subiets qui fissent qu'en fin nous deuissions ce que nous sommes? Ce qui est ne peut estre reduit à tel principe, qu'il puisse deuenir pour estre ce qu'en puissance il n'i a moyen qu'il soit. Je vous rediray encor, pource qu'il le faut, à cause des deux auantures auenantes, & vous auerty en ceste vigueur ou vous estes, en laquelle si vous poursuiuez, possible serez-vous satisfait, & pour vous assurer dauantage, à cause du dernier & grand secret que les accidents se peuvent effacer, & d'autres susciter: iamais l'accident n'est separé, mais bien la substance qui fait part du subiet. Il est vray qu'il y a des accidets substantiels qui sont separables, en quoy faut estre prudent, pource que tels subsistent, & les purs accidents sont & peuvent estre esteints & dissipez, & s'il se peut dire transmuez, en quoy l'Amour est excellent, veu qu'il fait susciter ce qui n'estoit point, & par la viuacité de son feu fait deuenir en excellence complete ce qui estoit simple & d'apparence de fort petite valeur, pour en fin estre l'excellent & la cause de ce qui est le prix de tout ce qui est sous le Soleil. Et c'est ceste belle Olocliree, desirable sur tout ce qui est desirable pour son abondante felicité. Or suiuez les delices de vostre dessein, & si allant & venant par ce sentier que ie vous monstre entre ces deux petites roches, vous ne treuuez l'occasion de choisir proprement l'endroiect de l'habitable souhaité, pour rencontrer la Belle de vos intentions: & si n'estes assez instruiect, reuenez me treuuer en mon tabernacle, & ie vous monstreray les beaux miroirs qui vous feront cognoistre les beaux traicts de la Belle, apres vous auoir guidez fidelement ou elle reside en la patience de sa perfection. Pour cet effect attendant nostre autre communication, ayez vostre intelligence auisee, pour iustement bander vostre intention au precieux verre qui ne peut estre aneanty, à ce beau verre que nature excite par le change que cause le principe de mouuement. Ce verre est le crystal des sages, il est toutes leurs pierres precieuses, qui transmuent tout en leur propre perfection: c'est ce verre seul qui est infiniment humide, & infiniment sec: & de telle nature qu'il s'vnit

\*\*\*\*

avec tous subiets, si il est fondu au verre fondu il le teint, avec le metal il fait le pareil, il penetre tout, & mesme se fond es humeurs humaines, ayant ingrez par tout pour rectifier toutes substances. Ce verre philosophic à pouuoir sur toutes natures, lesquelles il ameine à sa nature, les accomplissant de toutes perfections: & tels sont les amours d'Olocliree, & la grace de sa douce jouissance, ou elle prend infiny plaisir, & se mirant en ses beaux miroirs, ordonne infinies delectations selon les especes que le grand Phecel y a determinees, à la raison de tout ce que le saint Archee luy a permis de traicter. Ces miroirs vous seront le symbole éternel de vos fidelitez, & l'vnique guide de vos amours. Ces petits filamens de soye qui semblent filez par les Nymphes d'amour, sont ces beaux fils de verre, sources admirables des magnifiques rameaux d'or, qui font ombre à l'entree de la tónelle ou repose l'Amour, & ou se retire nostre vnique Olocliree. Soyez ferme, & vous souuenez, ou apprenez que le cœur de sagesse est en la Constance, n'allez point comme homme de vanitez, suiuant les diuers détours d'amours impudiques, faciles à accoster, & aisees de fruition, mais poursuuez ce qui se retire peu à peu, & chaste ne peut estre profané: tenez-vous viuement à l'vnique Rinceau du Destin, qui est la brêche fatale & bonne, qui multiplie les felicitez, les substances, & les delices sans repentance. Et si vous vous arrestez quelquesfois en prenant haleine, & que vous prenriez garde aux Xantisophilles des parois & tableaux de ceans, vous y cognoistrez toute la Steganographie & mignonne science, contenant en soy les plus beaux secrets d'amour, & les plus delicieuses rencontres qui se practiquent avec l'excellente Olocliree, avec laquelle on treuue & perçoit-on tout heur sans déplaisance, toute grace sans ennuy, & commodité sans interualle, & tout gist en vn point, vn endroit, vn subiect, vne cognoissance, & vne seule clef, outre laquelle nulle autre ne profite. Il n'y à qu'vn moyen duquel on ne peut tant soit peu estre informé, que l'on ne soit capable de tout ce qui en dépend, par vn peu d'intelligence on entend & cognoist-on presque tout. Et s'il aduient que quelqu'vn, ou par auanture, ou par sollicitude, iette l'œil sur le poly bien-heureux du beau miroir d'Olocliree, il entre en tant de parfaites intelligences, par ceste fidele vision, que toute obscurité se retire de luy, tout ce qui est reuelable à l'esprit humain est imaginé dans les reflexions de si parfaicte glace, mere de la plus belle de toutes les sciences. C'est ou doiuent aspirer tous les fideles Amants, qui se pouans reuoir dans ceste reschiffante lumiere, y liront tout ce qu'il y à d'intelligible, & facilement de l'vn viendront aux autres, si qu'en fin s'estans remirez dans les sept miroirs, ils seront assurez de leurs esperances, certains de l'estat de leurs desirs, & contens de la fruition de la bonne grace d'Olocliree, qui fait que ses vrais Amants par le

bien qu'elle infuse en leurs esprits, sont bien souuent nommez prophètes, d'autant que visiblement ils apperçoient tout, & en telle glorieuse habitude leurs ames sont nommees corps, & leurs corps ames, & l'un est l'autre, & l'autre l'un, leurs ames vne ame, l'ame vniue plusieurs ames, vn corps les corps, le corps plusieurs corps. Que i'auois de plaisir d'ouyr ces belles Enigmes, ces Sophismes des sages, que mon cœur estoit dilaté en moy d'apprehender tant de delices futurs proposez aux bons courages. Il n'y a ioye tant abondante, il n'y a contentement tant glorieux, ny gloire si magnifique, que de se treuuer en tel estat, & desia m'estoit aduis que ie voletois heureux au dessus de toute liesse de cœur. C'est icy ou se treuue le grand artifice des Dames, & le secret des secrets d'amour, qui punit ceux qui ne sçauent pas reconnoistre le bien, & qui sont tant abusez de leur bonne fortune, qu'oubliant d'ou leur vient l'auantage, ils ne pensent qu'au rassasiment de leurs desirs. Nephés me voyoit, considerant mon bien, & non l'honneur de ce qui le causoit, afin de me faire sentir ce qui est du deuoir, m'vsa d'un artifice qui sera par ses éuenemens vn exemple à tous curieux. Certes il faut que ie le die, car mon naturel (enclin à la courtoisie) m'y oblige plus que tout, & ie m'auance donc à repeter encores qu'il n'y a rien de meilleur sous le Soleil que les belles Dames, elles sont le bon-heur du Monde, le chef-d'œuvre de Dieu, & l'abondance du conseil qu'il faut suivre, pour jamais ne se repentir: mais il faut icy se donner vn traict de prudence, c'est que si on veut auoir conseil d'une Dame, il luy faut faire sa proposition toute simple, & vn peu tendante à ce qui la peut toucher: pourquoy ne diray-je cecy, veu que le vieil proverbe faict les bons fils ressembler aux meres, & les sages filles aux peres: qu'il n'y ait point de controuerse pour la dignité des Dames, & sur tout icy ou elles sont le sujet de nos desseins, & nostre felicité. Et pour ce qu'elles le sçauent, elles ont infinies belles inuentions pour nous le faire treuuer encor meilleur. Qui est-ce qui voudroit debattre avec nous de ce subject? La science n'est-elle point Dame, les vertus ne le sont-elles point: Et n'est-ce pas aussi nostre intention d'auoir ces beaux obiects pour but, sous les similitudes agreables de ce que Dieu a faict pour la recreation humaine: Voila comment nous allons errans apres l'excellence, & les Dames qui ont du iugement, & veulent demeurer en leur grandeur acquise, sçauent multiplier leur gloire au desauantage de nostre cœur, & par nostre faute: & toutesfois venant de leur part elles en vsent de si bonne grace, radoucie des traits & douceurs de beauté, qu'il n'y va rien de nostre reputation. Pour estre doucement abusé d'une sage Dame, vn Cheualier n'en vaut que mieux, c'est son honneur, c'est signe qu'il est en la grace des Belles. Car ceux auxquels elles donnent plus de traueses sans offense, sont ceux pour

\*\*\*\* ij

lesquels elles reseruent le fruit heureux que les amours legitimes produisent avec veritable contentement: Et iamais elles n'offensent, que si quelqu'un l'est, son indiscretion en sera cause, pource que les pudiques ne peuuent ouyr, ny veoir ce qui est contre la bonte de leur iuste opinion. Je vay ainsi m'egarant pour me flatter en mon infortune, auenuë par faute de consideration. Je pensois desia tenir ceste fleur, & n'y auoit plus qu'à estendre la main pour en toucher les feuilles odorantes que Nephés (heureuse en ses entreprises) voulant par la longueur du temps me faire achepter ce qu'autremēt i'eusse eu à trop bon marché, me recula par mon erreur autant loing que ie fus iamais, de ce que ie voyois tout presques obtenu. C'est l'ordinaire que quand on se veoid à l'instant du bien apperé, on n'a plus d'autre pensée, & on ne recognoist pas d'ou vient l'auantage de si grand bien. Et pource afin de m'y faire penser, elle lascha eschapper le Lion d'amours, ce n'est pas vn Lion furieux, il est engendré du mesme temps, & par mesmes parents que la Matichore de la Montagne feeë. Qui est-ce qui ne seroit espouuante de la soudaine rencontre de ce que l'on ne veid oncques, & qui ressemble à ce qui peut donner vne vraye peur? Le Lion vient bruyant, ie me tournay pour veoir que c'estoit, ie l'auisay, & fus surpris: il n'y eut amour ny consolation presente, ny assurance acquise, ny valeur naturelle qui m'empeschast de fremir, & auoir horreur: & encor plus, auisant Nephés se lancer hors du sentier ou nous estions, comme si elle eust esté espouuantee, elle prit le costé droict, ie m'auancay à gauche, & me retiray vers la salle, pensant qu'elle y fut entree: c'estoit son ombre qui m'auoit deceu: & encor que i'eusse esté surpris de frayeur innocente, si est-ce que ie n'estois point tant esperdu, que ie ne sceusse qu'il estoit conuenable de m'opposer à la violence que le Lion eut fait à la Belle, parquoy ie me hastay voyant la beste s'approcher: ie cuidois que ce fut par hazard qu'elle vint des forests prochaines, ainsi n'ayant dequoy me deffendre, ie continuay ma retraicte, & voulant m'auancer pour tirer Nephés par la robbe, afin de la reserrer en la salle dont ie fermerois la porte, ie me treuuy n'empoigner qu'un ombre vain: si qu'estant en ceste salle reuenu à moy, ie iettay l'œil de tous costez, & l'ouye pour estre adressé. Ceste salle estoit sur vn puiot qui la portoit aysement, le tour du pauillon fut fait, & ie treuuy la porte que i'auois voulu fermer au Lion, estre à l'opposite du lieu ou parauant elle estoit: ie l'ouuris, & vis mes compagnons qui me cherchoient, lesquels me reprocherent que seul i'auois voulu veoir les beaux tableaux de la salle, mais aussi qu'ils auoient veu la Fontaine de Iouence. Ils se trompoient, ce n'estoit que le ruisseau des Nymphes paruenantes, qui coule du bas de l'escalier du pauillon ou demeure Olocliree: ce que nous apprismes par les tableaux qui sont en ceste salle, & par le petit

miroir qui est vers Orient, au trauers duquel on veoid la Fontaine, d'ou  
 sortent infinies figures, qui sont les Esprits malins, lesquels infectent  
 les humains, & proprement les maladies contagieuses & incurables,  
 qui corrompent la felicité de la vie. Ces feintes fuyent ceste saincte li-  
 queur, tellement que ceux qui vont y mettre le bord de leurs lévres,  
 & qui en reçoient vn peu, sont preseruez de toute infirmité, & deli-  
 urez de celles qui les tourmentent. Ce que nous verrons plus apper-  
 tement, avec toutes les autres magnificences, dont les auantures pour  
 estre esprouuees, sont remises au prochain anniuersaire qu'a institué la  
 belle Olocliree, laquelle conuie tous ses parfaicts Amants de s'y treu-  
 uer, pour veoir auquel elle daignera donnera la main de fidelite, pour  
 l'accepter l'vniue que heureux entre les poursuyuans.

\*\*\*\* ij

LE GAY DE TOURS




AV SIEVR DE VERVILLE.



*V*AND pour l'utilité de nostre Republique,  
Je te voy si souvent rechercher le ruisseau,  
Qui emprunte son cours du surjon de ceste Eau,  
Que Pegase tira du saint Mont Bœotique:  
Je veux t'accompagner, VERVILLE, à l'Hydropique,  
Qui boit à tous moments, & de qui cerueau  
Toujours resue à l'humour qui le meine au tombeau,  
Appétant le subiet qui luy est plus inique.  
Mais songeant puis apres à l'immortel renom,  
Dont l'onde Caballine éternise ton Nom,  
Je treuve incontinent ma comparaison vaine.  
Car l'Hydropique corps boivant court à sa mort,  
Et soy tout au rebours tu t'animes plus fort,  
Boivant incessamment le crystal d'Hypocrene.

G V Y D E T O U R S .



*O*res tu fais mourir l'enuie  
De ceux qui nous disent errans,  
Car par ceste Philosophie  
Tu trionfes des ignorans.

D E H V R E L .

15

A MONSIEVR DE VERVILLE,  
sur les Discours du Poliphile.

**V**as en fin treuvé sage & sçauant VERVILLE,  
Vn subiet de merite & propre à ton humeur,  
Lors qu'en son naturel i'ay leu le Poliphile,  
I'ay creu que ton Esprit suiuoit mesme labour.

Ce doux & docte Amant remply des cognoissances  
Qui ne se treuuent plus qu'entre les Curieux,  
Par le plus beau sentier des plus riches sciences,  
Conduit vne belle Ame au plus beau lieu des Cieux.

Amour luy donne force, & l'obiet de sa Belle  
Tourne ses passions sur les tours de son œil:  
Comme le beau Soucy par force naturelle  
Tourne tousiours la face aux raiz de son Soleil.

Amour est le flambeau d'une ame de merite,  
Qui s'esleue & se pousse à chercher le parfait:  
Ceux qui n'ont ce desir pour leur seure conduite,  
Iamais en grands desseins ne feront grand effect.

Pour seruir la Beauté qui seule luy commande,  
Et qui ioint les Vertus à ses perfections:  
Il travaille sans cesse, & courageux il bande  
Tout le plus vif effort de ses conceptions.

Cela le fait entrer dans la Cabale sainte  
Des Chimiques secrets où il treuue du iour:  
Et s'il fait dans le Ciel quelque autre belle pointe,  
Il est tousiours porté sur les aïstes d'Amour.

Il sçait la verité des pures medecines,  
Par l'essence cogneuë aux simples plus cachez:  
Et tire ingenieux des communes racines,  
Des merueilleux effects non encor recerchez.

Puis dans l'Antiquité des ruynes d'un grand Temple,  
Sur les restes brisez des ornements perdus,  
Par un poinct qui n'aura que luy seul pour exemple,  
Il treuue la pratique & l'ordre du surplus.

Il enrichit ainsi la belle Architecture,  
Tirant de ce desert les traits ensevelis:  
Et garde les Beutez avec tant de mesure,  
Qu'en ses moindres desseins les traits sont accomplis.

Mais lors qu'en ces douceurs il esgaye son Ame,  
Il tire d'un beau feu la clarté de son Eau:  
C'est une Eau lumineuse où se nourrit la flame,  
Qui sans diminuer sert d'éternel flambeau.

Subtile inuention que ie laisse à comprendre  
Au gentil Curieux qui la peut estimer:  
L'Eau se tire d'un feu qui ne fait point de cendre,  
Et qui brusle-toujours sans iamais consumer.

Il fait en d'autres lieux d'autres beutez paroistre,  
Dans la diuersité de ses chastes tourmens:  
Mais ce qui touche au cœur ne se peut reconnoistre  
Que par les yeux ouuerts des plus sages Amans.

Tu fais ainsi, VERVILLE, & ton labour s'esgale  
Aux occultes moyens de si rares Esprits:  
Car pour couvrir le feu qui ne brusle, n'exhale,  
Des discours de l'Amour tu couures tes escrits.

Quand verrons-nous ta Nymphé en la troupe des Belles  
Accomplir son voyage & finir ses regrets?  
Ce sera lors qu'Amour sous l'ombre de ses aïsses  
Couvrira le grand Oeuure, & mille autres secrets.

Trois grands Princes de l'Inde, où le Soleil se leue,  
Feront preuve du sel, du soulfre, & du miroir:  
Mais puis qu'Amour sera le iuge de la preuve,  
Ceux qui n'aymeront point ny pourront rien scauoir.

Ah! que ie veux de mal à ces Ames forcées,  
Qui sans cognoistre Amour mesprisent tant ses feux!  
L'on ne peut conuenir de galantes pensées,  
Si le penser n'est prins d'un subiect Amoureux.

N. LE DIGNE.



O D E.



*C* E Liure excellent & nouveau,  
 Aux antiques equiparable,  
 Dit tout ce qu'il y a de beau  
 Sur terre fertile & arable.  
 Mais il eust esté miserable,  
 Si son second pere amoureux  
 Ne l'eust par sa main secourable  
 Remis au monde, & fait heureux.

*Poliphile premierement  
 Luy donna ce qu'on dit essence :  
 Et l'autre l'a secondement  
 Gardé de mort, par sa puissance ;  
 Qui en prenoit la iouissance  
 Le plongeant au Fleuve d'Oubly.  
 Mais il le met en cognoissance  
 Pour estre de loz ennobly.*

*Les François ores le liront,  
 Qui ne pensoient qu'il fust au monde:  
 Et maintes louanges diront  
 D'amitié chaste, pure & munde :  
 En quoy quand vn bon cœur se fonde,  
 Il ne luy peut que bien venir :  
 Où cil qui de lascine abonde,  
 Ne peut à honneur paruenir.*

*Bacchus fut engendré deux fois ;  
 Comme les Poëtes nous disent :  
 Et ce Liure parle deux voix,  
 A tout le moins ceux qui le lisent,  
 Or puis que les estrangers prisent  
 Ces deux-là, ie suis bien deceu :  
 Et diray que les Astres nuisent,  
 Si son Discours n'est bien receu.*

\*\*\*\*\*



S O N E T T O.

**C**co l'alta Colonna che sostiene  
Quel bel typo de la memoria antica  
Ogni figura, ogni mole, & fabrica,  
Et varie foggie di segni contenne.

Cio che mi occhi, & mille & mille penne  
Veduto & scritto anno con gran fatica,  
In breue sogno tutto qui s'esplica,  
In sogno intendo ch'a l'autor auenne.

O rozzi ingegni, & solo homini in parte:  
Et voi che sete al vil guadagno intesi,  
Per voi son queste charte graui pesi.

O belle spirti & nobili Francesi:  
Per Dio vedete in queste dotte charte  
Quanto che val & puo l'ingegno & l'arte.

*Per me stesso son fatto.*



EXPOSITION DE CE SONNET.

**O**R est ce cy la tres-haute colonne,  
Marque & resmoin de noble antiquité:  
Tout traict, tout plan, toute œuvre belle & bonne,  
Et maint fragment y est bien appliqué.

Ce que mille yeux & mains ont pratiqué  
A grand labour, en ce liure se donne  
Facilement, par discours expliqué  
Sous songe brief, que l'auteur en ordonne.

O gros esprits que raison abandonne,  
Et vous au gaing miserable entendans,  
Ce liure est tel, que son poids vous estonne.

Mais, ô François, beaux esprits & prudens,  
Voyez combien peuuent en la personne  
L'art & l'esprit quand ils sont accordans.

*Cælum non solum.*

TABLE DES CHAPITRES CONTENVS  
au premier Liure de Poliphile.

- P**oliphile estant endormy, songe, & luy sembla qu'il estoit en la forest Noire. Chap. I. facill. 1.  
Estant en détresse Poliphile prie, sort du bois, puis court nouvelle fortune. Chap. II. f. 2.
- Poliphile raconte comme il luy fut aduis en songe qu'il dormoit, & en dormant se treuuoit en vne vallée fermée d'une grande closture en forme de pyramide, sur laquelle estoit assis vn obelisque de merueilleuse hauteur, qu'il regarda soigneusement, & par grande admiration. Ch. III. f. 3.
- Plusieurs grandes & merueilleuses œures, à sçauoir vn Cheual, vn Colosse couché, vn Elefant, & singulierement vne belle Porte. Ch. IV. f. 6.
- Description des ornemens & enrichissements de l'ouurage. Ch. V. f. 14.
- Poliphile entra vn peu auant dedans la Porte, regardant les beaux ornemens d'icelle: puis voulant s'en retourner, veid vn grand Dragon qui le vouloit deuorer, pour crainte duquel il se meit à suyir dedans les voyes creusées & souterraines: si que finalement il treuua vne autre issue, & paruint en vn lieu fort plaisant & delectable. Ch. VI. f. 17.
- Poliphile raconte la beauté de la region où il estoit entré, & comment il y treuua vne belle fontaine, & cinq damoiselles, lesquelles furent fort esmerueillées de sa venue, & le conuierent d'aller à l'esbat avec elles. Ch. VII. f. 20.
- Poliphile assésuré avec les cinq Damoiselles, alla aux bains avec elles: leur risée pour la fontaine, & pour l'oignement, il est mené deuant la Roynie Eleutherilde, au Palais de laquelle il veid vne autre belle fontaine, & plusieurs merueilles. Ch. VIII. f. 24.
- Poliphile raconte l'excellence de la Roynie, le lieu de sa residence, avec son magnifique appareil, l'esbatement qu'elle eut de le voir, le bon recueil qu'elle luy fit, ensemble le riche & somptueux banquet, & le lieu où il fut préparé, qui n'a second ny semblable. Ch. IX. f. 30.
- Poliphile raconte le beaubal qui fut fait apres le grand banquet, & comme la Roynie commanda à deux de ses Damoiselles, qu'elles luy fissent veoir plus amplement tout l'estat de son Palais: aussi comme il fut par elle instruit sur aucuns doubtes qu'il auoit: puis mené aux trois portes, esquelles il entra, & demeura en celle du milieu avec les Damoiselles amoureuses. Ch. X. f. 38.
- Poliphile ayant perdu de venue les Damoiselles lasciuues qui le delaisserent, il vint à luy vne Nymphé, la beauté & parure de laquelle sont icy amplement descrites. Ch. XI. f. 49.
- La belle Nymphé arriua deuers Poliphile portant vn flambeau ardent en sa main, & le conuia d'aller avec elle: il fut espris de son amour. Ch. XII. f. 50.

Polia encore incogneü à Poliphile, l'assure doucement, & le conduict plus loing.

Chap. XIII. f. 52.

Poliphile veid les quatre chariots triomphans, accompagnez de grande multitude de ieunesse.

Ch. XIV. f. 55.

Polia encores incogneü à Poliphile, luy monstre les ieunes hommes & les filles qui aymerent iadis, & en pareil furent aymées des Dieux: puis luy fit veoir les Poëtes chantans leurs poesies immortelles.

Ch. XV. f. 62.

Après que la Damoiselle eut declaré à Poliphile le mystere des triomphes, & les douces amours des Dieux, elle l'admonesta d'aller plus auant: ce qu'il fit: & y veid plusieurs ieunes Nymphes passans le temps tout le long d'un ruisseau avec leurs fideles amis. Puis il se treuua espris de l'amour de la Damoiselle sa guide.

Chap. XVI. f. 63.

La Nympe conduit Poliphile en plusieurs autres lieux, & luy fait veoir le triomphe de Vertumnus & Pomona. Puis le meine en un Temple sumptueux, & par l'exhortation de la Prieuse, la Nympe y esteindit son flambeau en tres-grande ceremonie, se donnant à cognoistre à Poliphile, & declarant qu'elle estoit sa Polia: les sacrifices qui s'y firent.

Ch. XVII. f. 65.

Polia offrit les deux Tourterelles, & un petit Ange arriva: parquoy la Prieuse fit son oraison à la Déesse Venus: puis les roses furent espanduës, & deux Cygnes sacrifiez: sur la cendre desquels creut miraculeusement un Rosier plein de fleurs & de fruit, duquel Poliphile & Polia mangerent. Après le sacrifice ils prindrent congé de la Prieuse: puis vindrent à un autre Temple ruyné: la coustume duquel Polia declare à Poliphile, & le persuade d'aller veoir plusieurs Epitaphes & Sepultures.

Chap. XVIII. f. 77.

Polia persuade à Poliphile d'aller au Temple destruiet, veoir les Epitaphes anti-ques, où entr'autres il treuua en peinture le rauissement de Proserpine, & comme en la regardant, il eut peur d'auoir par semblable malheur perdu sa Dame: parquoy il retourna tout espouuanté. Après vint deuers eux le Dieu d'Amours, qui les fit entrer en sa nasselle: l'honneur que les Dieux Marins luy firent tant que dura ceste navigation.

Ch. XIX. f. 83.

Les Nymphes vogantes en la barque de Cupido, chanterent, & Polia chanta aussi à qui mieux mieux, dont Poliphile receut un grã contentement. C. XX. f. 102.

Coment ils arriuerent en l'Isle Cytherée, la beauté de laquelle est icy décrite, ensemble la forme de leur barque; & comme au descendre vindrent au deuant d'eux plusieurs Nymphes, pour faire honneur à Cupido leur maistre. Ch. XXI. f. 103.

Cupido descendit de la barque: & les Nymphes de l'Isle vindrent au deuant de luy richement attournées; en parement de triomphe elles luy offrirent des presents: puis il monta en son chariot triomphant pour aller au Theatre, & fit mener apres luy Poliphile & Polia, liez & attachez avec plusieurs autres: description du Theatre, tant dehors que dedans.

Ch. XXII. f. 114.

Poliphile escrit en ce chapitre le grand & merueilleux artifice de la fontaine de Venus, qui estoit au milieu de l'Amphitheatre. Et comme la courtine dont elle

estoit close, fut rompuë: parquoy il veid en Majesté la Déesse, qui consigna Polia à trois de ses Nymphes, & Poliphile à trois autres. Puis ils furent narez par Cupido, & enrosez par sa mere de l'eau de la fontaine. A la fin pour la venuë du Dieu Mars comment ils prindrent leur congé, & sortirent de l'Amphitheatre.

Ch. XXIII. f. 124.

Poliphile raconte comme pour la venuë du Gen'd'arme, luy & Polia se partans du Theatre, vindrent à vne autre fontaine, où les Nymphes leur declarerent les coustumes & institutions du Sepulchre d'Adonis, auquel la Déesse Venus venoit tous les ans celebrer l'an reuolu, leur racontans plusieurs autres histoires: puis requierent à Polia de leur dire son origine: & en quelle maniere elle s'estoit adonnée à aymr.

Ch. XXIV. f. 127.

TABLE DES CHAPITRES CONTENVS  
au second Liure de Poliphile.

**P**OLIA declare de quelle race elle est descenduë, & comme la Ville de Treuz fut édifiée par ses Ancestres: puis en quelle maniere Poliphile deuint amoureux d'elle.

Chap. I. f.ueil. 131.

Polia frappée de peste, se void à la Déesse Diane, par fortune Poliphile se treuva au Temple le iour qu'elle faisoit profession: puis il reuint où elle estoit seule à genoux en faisant ses oraisons, là où il luy declara le tourment amoureux qu'il auoit enduré pour elle, la suppliant de l'en vouloir alliger: dont elle ne fit conte: parquoy il se pasma de dueil & d'angoisse. Elle le voyant mourir s'enfuyt soudain.

Chap. II. f. 133.

Polia recite la grande cruauté dont elle usa enuers Poliphile, & comme en s'enfuyant elle fut ramie & enleuée d'un tourbillon, & portée en vne forest obscure: où elle veid faire la iustice de deux Damoselles, dont elle fut grandement espouuantee: puis se treuva au lieu d'où elle estoit partie. Apres en dormant luy apparurent deux bourreaux venus pour la prenare, parquoy elle s'esueilla en sursaut: dont sa Nourrice qui estoit couchée avec elle, luy demanda la cause de sa peur, & apres l'auoir entendu, luy donna conseil de ce qu'elle deuoit faire.

Ch. III. f. 135.

Polia recite en quelle maniere sa nourrice par diuers exemples l'amestia d'euiter l'ire & les menaces des Dieux. Et luy cõseilla de s'en aller deuers la Priense du Temple de Venus, pour estre instruite de ce qu'elle auoit à faire.

Ch. IV. f. 138.

Polia par le bon conseil & remonstrance de sa nourrice changea d'opinion, & s'en alla treuuer Poliphile qui gisoit mort au Temple de Diane, où elle l'auoit laissé: & comme il ressuscita entre ses bras: parquoy les Nymphes de Diane qui suruindrent là, & les surprindrent ensemble, les chasserent du sanctuaire: d'une visio qui luy apparut la nuit en sa chambre. Et comme elle s'en alla au Temple de Venus où estoit son Poliphile.

Ch. V. f. 140.

Apres que Polia se fut accusée deuant la Priense du Tẽple de Venus, des inhumanitez & rudesses dont elle auoit usé enuers Poliphile, & déclaré qu'elle estoit

- totalement deliberee de luy estre courtoise & gracieuse pour l'aduenir, la Prieuse le fit comparoir deuant elle: & adonc il requit que son plaisir feust, consermer & assuer la bonne volonte qu'ils portoiert l'un à l'autre. Puis Polia par impatience d'Amour interrompit le discours de son amy. *Ch. VI. f. 144.*
- Apres que Poliphile eut acheue son propos, Polia en la presence de la Prieuse luy declara qu'elle estoit ardamment esprise de son amour, & totalement disposée à luy complaire: pour arres dequoy luy donna vn baiser: les paroles que la Prieuse leur dict. *Ch. VII. f. 145.*
- Poliphile obeissant au commandement de la Prieuse, sur le commencement de ses amours loue la persuerance, & puis recite comme vn iour de feste il veid Polia en vn Temple, où il fut espris de son amour: & voyant qu'il ne pouuoit parler à elle, il delibera de luy escrire. *Ch. VIII. f. 146.*
- Poliphile n'ayant moyen de parler à sa Dame, luy escriuit pour luy faire entendre son martyre. *Ch. IX. f. 151.*
- Poliphile poursuit son Histoire, disant que Polia ne feit conte de ses deux lettres: parquoy il luy enuoya la tierce, qui profita ausi peu que les autres: & à la fin se retira vers elle, qu'il treuua seule au Temple de Diane, où elle estoit en oraison: & en luy faisant le discours de sa langueur, mourut, puis ressuscita. *Ch. X. f. 149.*
- L'ame de Poliphile luy raconte ce qui luy estoit aduenu depuis le departement de son corps, & des accusations qu'elle auoit proposées deuant la Déesse Venus, à l'encontre de Cupido, & de la cruelle Polia. *Chap. XI. f. 150.*
- Poliphile dit que quand son ame eut acheue de parler, il se treuua viuant entre les bras de sa mieux aymée Polia. Et requiert la Prieuse qu'elle vueille consermer leur amitié. Puis Polia met fin au conte qu'elle auoit commencé deuant les Nymphes. *Chap. XII. f. 152.*
- Polia tout en vn mesme temps acheuant son conte, & le chappelet de fleurs, le met sur la teste de Poliphile. Pui: les Nymphes qui l'auoient escoutée retournerent à leurs esbats, prenans congé des deux Amants, lesquels demorerent seuls, deuisans ensemble de leurs amours. Polia embrassant Poliphile estroitement, disparut avec le Songe. *Chap. XIII. f. 153.*
- Poliphile fait fin à son Hypperotomachie: se complaignant du songe qui luy fut si brief, & que le Soleil enuieux fit trop tost iour. *Ch. XIV. f. 154.*

Fin de la Table des Chappitres.

LES DISCOURS DV SONGE

DE M. DE LA FAYE

PAR M. DE LA FAYE

Faint, illegible text, likely bleed-through from the reverse side of the page.



# LES DISCOVRS DV SONGE DE POLIPHILE.

## LIVRE PREMIER.

*Poliphile estant endormy, songe, & luy sembla qu'il estoit  
en la Forest Noire.*

### CHAPITRE PREMIER.



**F**AISANT plusieurs desseins, ie remuois mes imaginations, & me retournois en mon liét, sans repos, plein de continuelles inquietudes, ce que ie continuay long-temps, & mesmes iusques au point que le Soleil n'auoit pas encor assez auancé ny les quatre cheuaux ny son chariot pour reprendre la route à reuenir sur nostre hemisphere : C'estoit possible à l'heure que jadis la triste Hero conduisoit son desiré Leandre, qui retournoit de ses consolations amoureuses, vn peu deuant l'insttant que les auant-coureurs du iour qui sont autour des gemeaux viennent esprendre ceste douceur qui endort ceux qui ont veillé. Adoncques sollicité de mes pensees n'ayant prés de moy que ma chere Agrypnie qui me consolait au prix que la pitié l'esmouuoit, oyant mes douloureux soupirs, ie luy declarois mes angoisses, & elle me donnoit conseil de patienter en mes afflictions, à quoy me pensant disposé elle me laissa seul consumer les dernieres minutes, que j'auois a veiller, durant lesquelles ie discourois à part moy. Si l'amour n'est iamais esgal, comme est-il possible d'aymer ce qui n'ayme point? & en quelle maniere peut resister vne pauvre ame combatuë de tant d'assaultz? attendu qu'elle est continuellement occupée d'opinions variables. Sa guerre estant interieure & ses ennemis domestiques & familiers. Apres cela me venoit en memoire la condition miserable des amans, lesquels pour complaire à autruy, desirer doucement mourir: & pour satisfaire à eux mesmes, sont contents de viure en mal-ayse, ne rassasians leur desir que d'imaginacions vaines, dangereuses, & penibles. Ie trouuay tant sur ces desseins, que mes esprits lassez de ce penser frivole, se retournerent vers le diuin objet de Madame Polia ( la figure de laquelle est gravée au fonds de mon cœur ) & en ceste belle-occupation de cœur, qui est l'effect d'vne douce vie & d'vne agreable mort, ie me trouuay tout espris de sommeil & m'endormis. O Dieu appelleray-je ceste vision heureuse, merueilleuse ou terrible, qui est telle qu'en moy n'y a partie si petite qui ne soit esmeuë d'ardeur y pensant? Il me

Agrypnie  
est le veill-  
ler que  
l'on fait  
par mala-  
die, ou  
fantasie.

A

LIVRE PREMIER

sembra que i'estois en vne plaine spacieuse, semee de fleurs & de verdure: Et que le temps estoit serain, le soleil clair, & adoucy d'un vent gracieux: parquoy tout y estoit merueilleusement paisible, & en silence: dont ie fus saisy d'une admiration craintive: car ie n'y apperceuois aucun signe d'habitation d'hommes, n'y mesmes repaire de bestes: qui me feit bien halster mes pas, regardant deçà & delà. Toutesfois ie ne sceu voir autre chose sinon des feuilles & rameaux qui ne se mouuoient point.



Mais en fin ie cheminay tant que ie me trouay en vne forest grande & obscure: & ne me puis auiser ny souuenir en quelle maniere ie me pouuois estre fouruoyé: adonques ie fus assailly d'une frayeur grieue & soudaine, tellement que mon poux se print à battre outre mesure, & ie frissonnay tout. Les arbres estoient si serrez, & la ramee tant espoisse, que les raiz du soleil ne pouuoient penetrer à trauers: **Hercinia** qui me feit doubter d'estre arriué en la forest noire, en laquelle ne repairent fors bestes sauvages & dangereuses: pour crainte desquelles ie m'efforçay de chercher vne brieftue yssüe: & de fait ie me mis à courir sans tenir voye ne sentier, ny scauoir quelle part me deuois adresser, souuent trespuchant es troncs & estoës des arbres qui estoient à fleur de terre. I'allois aucunesfois auant, puis tout court ie tournois en arriere, ores en vn costé, tantost en l'autre, les mains & le visage deslirez de ronces, chardons, & espines. Et qui me faisoit pis que tout, c'estoit qu'à cha-

cun pas i'estois retenu de ma robe, qui s'accrochoit aux buissons & hastiers. Le travail que i'en eu fut si grand, & tant excessif, que i'en fus tout troublé : & ne sceu bonnement que faire, sinon me plaindre à haute voix : mais tout cela estoit en vain, car ie n'estois entendu de personne, excepté de la belle Echo, qui me respondoit du creux de la forest : ce qui me fait reclamer le secours de la piteuse Ariadne, & dester le filet qu'elle bailla au desloyal Theseus, pour le guider dans le Labyrinthe.

*ESTANT EN DESTRESSE POLIPHILE PRIE,  
sort du bois, puis court nouvelle fortune.*

C H A P. II.



Etraçant en ce bois, tout troublé d'entendement sans sçauoir ce que ie pouuois deuenir, ou si ie deuois mourir en ceste forest esgaree, ou esperer mon salut incertain, ie faisois tout mon effort d'en sortir : mais tant plus i'allois en auant, plus entroy-ie en grandes tenebres, fort foible, & tremblant pour la peur que i'auois : car ie n'attendois sinon que quelque beste me vint deuorer : ou que heurtant du pied à vn tronc ou racine, ie tombasse dans quelque abyfme, & fusse englouty de la terre, comme fut Amphiarus. Ainsi troublé d'entendement, sans esperance, & sans raison, i'errois sans voye ny sentier. Parquoy voyant qu'en mon faict n'y auoit autre remede, ie me vay recommander à la diuine misericorde, disant. O tres-grand, tresbon, tres-puissant, & tres-secourable, si par humbles & deuotes prieres l'humanité peut meriter secours & estre exaucee, ores que ie suis repentant & dolent de toutes mes fragilitéez & offenses passees, ie supplie & inuoque, souuerain pere eternal, rector du ciel & de la terre, qu'il plaise à ta déité incomprehensible, me deliurer de ces perils, si que ie puisse acheuer le cours de ma vie par quelque autre meilleure fin. A peine eu-ie finé mon oraison bien deuotement proferee, & d'un cœur tout humilié, les yeux pleins de larmes, croyant fermement que Dieu secoure & sauue ceux qui l'inuocent de pure volonté, que ie me trouuay hors de la forest : dont tout ainsi que si d'une nuit froide & humide ie fusse parueni en vn iour clair & serain, mes yeux sortans de telle obscurité ne pouuoient bien (pour quelque temps) souffrir la clarté du Soleil. I'estois haslé, triste, & angoisseux, tant qu'il sembloit proprement que ie sortisse d'une basse fosse, presque tout rompu & brisé de chaines & de fers, changé de visage, debile & de cœur allenty, en sorte que ie n'estimois plus rien tout cela qui m'estoit present. Outre ce i'auois telle soif, que l'air frais & delicat ne me pouuoit aucunement rafraischir, ny satisfaire à la secheresse de ma bouche. Mais apres auoir reprins vn petit de courage, par toutes manieres ie deliberey d'appaier ceste soif : parquoy i'allay querant parmy celle contrée, tant que ie trouuay vne grosse veine d'eau fresche, lourde & bouillonnant en vne belle fontaine, qui couloit par vn petit ruisseau, lequel deuenoit vne ruiere bruyante à trauers les pierres & troncs des arbres tombez & renuerséz en son canal, & contre lesquels l'eau se regorgeoit, comme courroucée & marrie de ce qu'ils la cuidoient retarder, elle qui estoit augmentee de plusieurs autres ruisselets, avec quelques torrens engendrez des neiges fonduës, precipitees des montagnes, qui ne sembloient estre gueres loing, parce qu'elles estoient toutes tenduës de la blanche tapisserie du Dieu Pan. I'estois plusieurs fois parueni à ceste ruiere

## LIVRE PREMIER

durant ma fuite parmy la forest, mais onc ne l'auois peu appercevoir, à cause que le lieu estoit obscur, car l'on n'y voyoit le Ciel qu'à trauers les pointes des arbres: chose qui rendoit ce lieu tres-horrible & espouuenable à vn homme seul efgaré, & s'as moyen de passer outre, car il n'y auoit pont ny planche, avec ce, l'autre costé se monstrois plus obscur & tenebreux que celuy où pour lors i'estois, & me trouuois trop espouuanté d'ouyr bruyre les arbres tresbuchans, avec le tonnerre des branches abatuës & esclattees, entremeslé d'vn bruit estonnant & horrible, lequel retenu en l'air, & enclos à trauers ces arbres, sembloit redoubler & murmurer vne demie heure apres le coup. Quand ie fus eschappé de toutes ces afflictions, & que ie desirois gouter de cette eau douce, ie mis les deux genoux en terre sur le bord de la fontai-



ne: & du creux de mes deux mains fis vn vaisseau que i'employ de cette liqueur. Mais comme ie la cuidois approcher de ma bouche pour esteindre ma soif ardante, i'ouy vn chant melodieux, qu'il excede le pouuoir & le sçauoir de le declarer: car la douceur de ceste harmonie me donna beaucoup plus de delectation que le boire qui m'estoit appresté, si bien que i'en perdis sens, soif & entêtement, & comme si i'eusse esté trouble, l'eau que i'auois ja puissee, se respndit par l'entredoux de mes doigts, tant me trouuay destitué de force. Or comme le poisson qui par la douceur de l'appast, ne considere la fraude de l'ameillon: ie mis en arriere le besoin naturel, & m'en allay à grand haste apres ceste voix agreable, à laquelle quand par raison ie pensois deuoir approcher, ie l'entendois en autre endroit: & quand i'estois là venu, elle sem-

bloit estre faultee autre part: & ainsi qu'elle changeoit de place, plus sembloit deuenir melodieuse. Or apres que i'eu longuement couru en ce trauail vain & frivole, ie me senty si foible, qu'à peine pouuoie-ye soustenir ce corps, tant à cause de la peur passée, & de la grand' soif que i'auois souffert, & souffrois encor, que pour le long & ennuyeux chemin & la chaleur aspre du iour, qui auoit debilité ma vertu, qui faisoit que ie ne desirois autre chose que le repos, pour raffraichir mes membres tous lassés. Ainsi estant esmerueillé de ce qui m'estoit aduenü, & fort esbahy de cette voix, mais beaucoup plus de me trouuer en region incogneuë, & sans culture, neantmoins assez belle & plaisante, ie me plaignois grandement d'auoir adiré la belle fontaine, que i'auois quisé & trouuée à si grand trauail de mon corps: & demouray douteux entre des pensemens diuers, tant affoibly du grand trauail que ie me ictay dessus l'herbe, au pied d'un Chesne fort antique, lequel faisoit vmbre à vn pré verd.



Là ie me laissay tomber sur le costé senestre, comme le cerf chassé & recreu qui repose sa teste sur son échine, & tombe sur les deux genoux. Lors gisant en ceste maniere, ie considerois en moy mesme les variables mutations de fortune, & me souuenois des enchantemens de Cirée, & autres ses semblables, pensant si i'estois point ensorcelé. Helas, disoy-ye, comment pourray-ye icy entre tât de differéces d'herbes trouuer Moly la mercuriale, auéc sa racine noire, pour mon refuge & medeci-

LIVRE PREMIER

ne ? Puis ie pensois que ce n'estoit point cela : mais qu'est-ce donc qu'un desloyal delay de la mort que ie desirois tant ? Ainsi pantelant i'estois tant affoibly, que presque ie ne pouuois aspirer, ny mesme retirer vne douce alenee d'air, pour consoler ma vie prestee à expirer. I'estois presque esteint, & comme sans sentiment, tant la peur & la soif m'auoient exterminé; Encores pour me reconforter en ceste necessité, ie trouuay vn leger remede à ma soif insupportable, à laquelle ie ne pens apporter de soulagement autre, que de prendre les plus basses feuilles moittes de la rosee, & les succer tout doucement, souhaittant la belle Hypliphile pour m'enseigner vne fontaine ainsi qu'elle feir iadis aux Grecs. Aucunesfois me venoit en fantaste que i'auois esté emmy la forest, mors ou picqué du serpent nommé D'phas : parquoy finalement ie renonçay à ma vie ennuyee, l'abandonnant à tout ce qui luy pourroit aduenir : & fus si fort aliéné de sens, que ie me laissay emporter comme resuant sous la couuerture de ces rameaux, où me trouuay tant pressé de sommeil, qu'il me sembla que ie m'endormis.

POLIPHILE RACONTE COMME IL LUY

*fut aduis en songe qu'il dormoit, & en dormant se trouuoit en vne vallee, fermee d'une grande closture, en forme de Pyramide, sur laquelle estoit assis vn obelisque de merueilleuse hauteur, qu'il regarda soigneusement, & par grande admiration.*

CHAP. III.



Yant passé ceste forest espouventable, & delaislé ceste premiere region par le doux sommeil qui m'auoit lors espris, ie me trouuay tout de nouveau en vn lieu beaucoup plus delectable que le premier : car il estoit bordé & enuironné de plaisans costaux verdoyans, & peuplez de diuerses manieres d'arbres, comme chesnes, saulx, planes, ormes, fraises, charmes, tilleulz, & autres, plantez selon l'aspect du lieu. Et à bas, à trauers la plaine, y auoit de petits buissons d'arbrisseaux sauvages, comme genests, geneuriers, bruyeres, & tamarint, chargez de fleurs : parmy les prez croissoient les herbes medecinales, à scauoir les trois consolides, enule, cheurefueil, branque-vrsine, lipasque, persil de macedoine, pinoine, guimauues, plantain, betoyne, & autres simples de toutes sortes & especes, plusieurs desquelles m'estoient incogneuës. Vn peu plus auant que le milieu de ceste plaine y auoit vne sablonniere, meslee de petites mottes verdes, & pleine d'herbe menuette, & vn petit bois de palmiers, esquels les Egyptiens cueillent pain, vin, huille, vestement, & mesrain pour bastir : leurs feüilles sembloient lames d'espees, & estoient chargees de fruct. Il y en auoit de grandes, moyennes, & petites, & leur ont les anciens donné ce tiltre qu'elles signifient victoire, pour autant qu'elles resistent à toute charge & pesant faiz, sans qu'on les puisse coucher. En ce lieu n'y auoit aucune habitation, toutesfois en cheminant entre ces arbres, sur main gauche m'apparut vn loup, courant la gueulle pleine, par la veüe duquel les cheueux me dresserent en la teste, & voulus crier : mais ie ne me trouuay point de voix. Aussi-tost qu'il m'eut apperceu, il s'enfuyt dedans le bois : quoy voyant ie retournay aucunement en moy, & leuant les yeux deuers la part où les montagnes

s'assembloient, ie veis vn peu à costé vne grande hauteur en forme d'vne tour, & là apres vn bastiment qui sembloit imparfaict, toutesfois à ce que i'en pouuois iuger, la structure estoit antique.




Du costé où estoit cét edifice, les costaux se leuoient vn peu plus haut, & sembloient ioindre au bastiment assis entre deux montagnes, seruant de closture à vne vallee: parquoy estimant que c'estoit chose digne de voir, l'adressay mon chemin celle part: mais tant plus i'en approchois, plus se descouuroit cét œure magnifique, & me croissoit le desir de la regarder, car elle ne ressembloit plus vne tour, ains vn merueilleux obelisque, fondé sur vn grand monceau de pierres, la hauteur duquel excedoit sans comparaison les montagnes qui estoient aux deux costez. Quand ie fus approché tout pres, ie m'arrestay pour contempler plus à loisir si grande architecture, non accoustumee & qui estoit à demy demolie, composee de quartiers de marbre blanc, assemblez sans cyment, & si bien adioustez, que là où elle estoit encores entiere, la pointe d'vne aiguille n'eust sceu entrer entre deux pierres. Là y auoit de toutes sortes de colonnes, partie tombees & rompuës, partie entieres: & en leurs lieux, avec leurs chapiteaux, architraues, frises, corniches, & soubasemens, de singuliere inuention & ouurage, avec plusieurs autres pieces de sculpture notable, totalement hors de cognoissance quelle en auoit esté la taille, & quasi reduis à leur premiere rudesse, tresbuechez & dissipéz çà & là, par la campagne: en laquelle & entre ses fragmens estoient leuees plusieurs plantes

## LIVRE PREMIER

sauvages, herbes & arbrisseaux de maintes sortes, comme myrthes, lentisques, oli-  
 uastres, centaure, veruene, groiseliens, & cappres: puis contre les murailles ruinées  
 croissoit la ioubarbe, le polypode, scolopendre, ou lague de cerf, sené sauinie, & parie-  
 taire: & à se trainoient plusieurs petites lezardes, lesquelles à chacun petit bruit  
 qu'elles faisoient en ce lieu desert, cela me caufoit vne horreur merueilleuse, consi-  
 deré que i'estois ja suspens & en doute. Il y auoit merueilleuse abondance de por-  
 phres, jaspes, & serpentines de toutes couleurs, fort belles & riches: ensemble gran-  
 de quantité de pieces de diuerses histoires de relief & demy-taille, monstrans l'ex-  
 cellence de leurs temps, blasmant & accusant le nostre, auquel la perfection de cét  
 art, est comme toute aneantie. M'approchant donc du front principal de ce grand  
 edifice, ie regarday vn portail exquis, bien proportionné au reste de la structure: le  
 pan de la muraille, duquel estoit continué depuis l'vne des montaignes iusques à  
 l'autre, & auoit six stades & vingt pas de longueur, ainsi que ie pouuois conjecturer.  
 L'alignement des montaignes estoit à plomb depuis le haut, iusques au bas du plant.  
 Parquoy ie demouray tout pensif & esbahy, comment, avec quels ferremens &  
 outils, avec quel labeur, & par quelles mains d'hommes, auoit esté construit vn tel  
 edifice, de si grande despence, & consommation de temps qu'il n'estoit quasi à croire.  
 Cette muraille auoit (à mon iugement) la cinquieme partie d'vne stade en hauteur,  
 depuis la derniere corniche iusques au pied, à nyveau du paue: & fust faite pour  
 closture de cette vallee, en laquelle on ne pouuoit entrer ny sortir, sinon par cette  
 porte, sur laquelle estoit fondée la grande pyramide, si merueilleuse que i'estimay la  
 despence inestimable, la longueur du temps à la faire incroyable: la multitude des  
 hommes qui y besongnerent innumerable: car si à la regarder elle confondoit mon  
 entendement, & esblouysoit ma veüe, que pouuoit-elle faire à l'endroit de l'intelli-  
 gence du bastiment: Or à celle fin que ie ne faille à descrire ce que i'ay veu, i'en di-  
 ray la forme en bien peu de parolles. Chacune face ou pan de la quarreure du plin-  
 the auquel commençoit l'alignement des degrez qui faisoient la pyramide, auoit en  
 longueur six stades, lesquels multipliez par quatre, pour le tout & circonference des  
 quatre quarrez qui estoient esgaux, font vingt & quatre stades. La hauteur estoit  
 faite en ceste maniere, tirant les lignes pendantes au long des quatre coings depuis  
 le plinthe iusques au plus haut des degrez où elles s'assembloient pour former la py-  
 ramide. Le cathet ou ligne perpendiculaire estant au milieu d'icelles, & tombant  
 droit sur le centre du plinthe, où les lignes diagonales se croisoient, auoit de hauteur  
 cinq parties, desquelles les lignes pendantes & collaterales en auoient six,

La pyramide



LIVRE PREMIER

La pyramide estoit composée en forme de perron, contenant mille quatre cens & dix degrez, dont lesdits derniers estoient conuertis en vn merueilleux cube, faisant la diminution & estreccissement de la pyramide, tel & si grand qu'il estoit impossible de croire que mains d'hommes l'eussent peu asseoir si haut, faict de celle mesme pierre de marbre, dont estoient les degrez, & là mis pour base & fondement de l'obelique. Il auoit quatre pas de diametre par chacune des faces de son quartté: aux quatre coins d'en haut sur les lignes diagonales, estoient fchez & plombez quatre piedz de Harpyes, veluz & argottez, faicts de fonte, finissant deuers le haut en vn fueillage antique entrelassé, qui embrassoit le pied de l'obelique soustenu sur ces quatre piedz ou pattes de Harpyes, qui auoient deux pas de hauteur: & autant en auoit le diametre de l'obelisque deuers le bas, sa longueur contenoit sept fois autant, diminuant peu à peu iusques à sa poincte, tout d'vne seule pierre Pyropepile Thebaïque, escrete de lettres hieroglyphiques Egyptiennes, en ces quatre faces & costez poly & reluyfant comme vn miroër. Sur la poincte estoit la figure d'vne Nymphe de cuyure d'oré, plantée sur vn vase tournoyant en forme de pyuot, ourage certainement pour rendre esbahis tous ceux qui le regardoient: car la Nymphe estoit en telle proportion, qu'estant posée si haut en l'air, elle se monstroit parfaitement de stature ordinaire. Et outre sa grandeur, c'estoit chose estrange à considerer comment elle auoit esté leuée & portée si haut. Son vestement voloit à l'entour d'elle, comme estant enleué du vent, si bien que l'on voyoit partie de sa cuysse descouuerte: & auoit deux ailles estenduës & ouuertes, ainsi que si elle eust esté preste à voler, les cheueux luy volettoient par dessus le front en grande abondance: ayant le derriere de la teste sans poil. En sa main droicte à l'object de son regard, elle tenoit vne corne d'abondance, pleine de tous biens, tournée deuers la terre: l'autre main reposoit sur sa poictrine, qui estoit nuë. Ceste statuë estoit facilement tournée par tous les vens, avec tel bruit, pour le frayer de la base qui estoit d'airain, & creuse, qu'oncques tel ne fut ouy. Je ne pense pas que iamais ayt esté vn tel obelisque: celuy du Vatican à Rome, n'est point pareil, ny celuy d'Alexandrie, ny mesmes ceux de Babylone. Il auoit en soy si grand comble de merueille, que i'estois rauy d'esbahissement en le contemplant, & encores plus pour sa grandeur inestimable, car ie ne pouuois penser ny comprendre, comment par quelle inuention, avec quels organes, gruës, & cables, vn si grand poix & fardeau auoit esté leué si haut. Mais pour retourner à la pyramide, elle estoit fondée sur vn grand plinthe, massif, qui auoit quatorze pas de hauteur, & six stades de longueur, faisant le soubassement du premier & plus bas degré. Lequel plinthe n'auoit (à mon iugement) esté là apporté d'ailleurs, mais taillé de la mesme roche en ceste forme, & approprié en son lieu naturel à ceste grande structure. Le demourant des degrez estoit faict de quartiers de marbres assemblez & disposez par ordre. Le plinthe ne touchoit pas aux montagnes, mais en estoit eslongné de chaque costé de la longueur de dix pas. En sa face dextre à l'endroit par où ie vins, & au milieu de son quarré, estoit entaillée de relief, la teste espouuentable de Meduse, criant (comme il sembloit) furieusement rechiefnée, les yeux enfoncez, les sourcils pendans, le front ridé & renfrongné, la gueule ouuerte, qui estoit cauée & percée d'vn petit sentier faict en voulte, passant iusques à la ligne perpendiculaire du centre de l'edifice. A ceste ouuerture de gueulle (qui seruoit de porte pour entrer en ce sentier) on montoit par les entrelasures de ses cheueux, lesquels estoient formez de telle industrie qu'ils seruoient de degrez. Et en lieu de tresses estoient tortillez de longues reuolutions de serpens qui s'enueloppoient & entremordoient, estendus à l'entour de la teste & du visage iusques

au dessous du menton. Ils estoient si proprement & vray-semblablement mentis de l'ouurage, qu'ils me donnerent grand frayeur: car leurs yeux estoient faits de pierres luyfantes: en sorte que si ie n'eusse esté bien certain que la matiere estoit de marbre, ie n'en eusse osé approcher si facilement. Le sentier entaillé dedans la gueulle, conduisoit droit à vne viz & montée ronde estant au milieu de l'œuure; par laquelle on montoit en tournant dessus le haut de la pyramide, iusques au plant du cube, sur lequel l'obelisque estoit assis. Mais ce que j'estimay le plus excellent, est que ceste montée estoit par tout claire, pource que l'ingenieux architecte auoit par inuention singuliere fait en plusieurs endroits de l'edifice certains secrets conduits qui respondoient droictement à l'espect du Soleil, ainsi qu'il faisoit son cours contre les trois parties, haute, basse, & moyenne d'iceluy. La partie basse estoit esclairée par les conduits d'en haut, & la haute par ceux d'embas, qui l'illuminoient suffisamment par reflexion & reuerberation de lumiere, pource que la disposition du bastiment fut si bien calculée selon les trois faces, Orientale, Meridionale, & Occidentale, qu'à toutes heures du iour la montée estoit esclairée du Soleil, d'autant que ses conduits estoient faits en forme de soupiraux, & distribuez en leur lieux tout autour de la pyramide, depuis le cube iusques au plinthe, où ie montay par vn degré droit & massif, en forme de voulte quarrée, taillée en la mesme roche. Sur le costé droit au bas de l'edifice, là où il estoit joint à la montaigne, & venoit faillir au dessus, le plinthe estoit reculé de dix pas. Quand ie fus venu deuant la teste de Meduse, ie montay par les degrez de ses cheueux & entray en sa bouche suyuant ce sentier, tant que ie vins à la fin sortir tout au haut sur le cube. Puis y estant arriué, mes yeux ne peurent souffrir de regarder en bas: car tout ce qui estoit dessous me sembloit imparfait: & n'osois partir du milieu de cette pierre pour m'approcher du bord. Autour de l'issuë de ceste viz par en haut estoient plusieurs balustres ou fuseaux de cuyure, plantez & fchez en la pierre, vn pied de distance entre deux: & auoient demy pas de hauteur, liez & continuez l'vn à l'autre deuers la pointe, par vne coronne de la mesme matiere, faites à ondes, seruans de haye & closture à l'ouuerture de la viz, laquelle ils enuironnoient tout à l'entour, fors du costé par où l'on sortoit sur le plant, à celle fin (ainsi que ie presume) qu'aucun ne se precipitast inconsiderément en ceste grande caue: car de monter si haut, & tourner par tant de degrez, causoit vn chancellement & esbloiissement insupportable. Dessous le pied de l'obelisque en son diametre estoit plombée vne platine de cuiure grauée d'écriture antique en lettres Latines, Grecques, & Arabiques, par lesquelles ie compris qu'il estoit dedié au souuerain Soleil: & d'auantage y estoient denotées toutes les mesures de la structure: mesmes le nom de l'architecte estoit escrit en lettres Grecques sur l'obelisque, disant:

ΛΙΧΑΣ Ο ΛΙΒΥΚΟΣ ΑΙΘΙΟΔΟΜΟΣ ΠΡΟΨΕΝ ΜΕ.  
Lichaz de Lybie architecte m'a crigé.

En la premiere face du plinthe, sur lequel la pyramide estoit fondée, estoit entaillée vne cruelle bataille de Geans, ausquels ne defailloit sinon la vie, car ils estoient exactement figurez avec le mouuement & grande promptitude de leurs corps enormes: & la nature y estoit si bien ensuyuie & contrefaite, & ses effects si proprement exprimez, qu'il sembloit que leurs pieds s'effoçassent avec les yeux, & qu'ils courussent çà & là. Il y auoit des cheuaux renuersez en cuidant ruer d'autres morts & blecez: plusieurs voulans asseoir leur pied sur ceux qui estoient tombez, tresbuchoient, en grand nombre. D'autres y en auoit debridez & furieux, rompans la presse & la meslée. Aucuns de ses Geans auoyent jetté leurs armes, &

LIVRE PREMIER

s'embrassoient en forme de lutte: plusieurs estoient cheus, que l'on tiroit par les piedz, autres foulez aux piedz, gifants entre les morts souz les cheuaux, dont aucuns tâchoient se releuer, & mettoient leurs targues au deuant des coups d'espées, & cimenterres, bien artistement figurez. La plupart combattoit à pied, en confusion, & par troupes. Allez y en auoit armez de haubers, & cabassets, enrichis de diuers cyniers, crestes, & deuises: les autres tous nudz, qui sembloient assaillir leurs ennemis d'un courage enflambé: maints estoient pourtraits en vne effigie redoutable com me s'escrians: autres en figure obstinée & furieuse, les vns prestz de mourir, les autres du tout morts, manifestans leur membres robustes, tellement que l'on pouuoit veoir les muscles releuez, les jointures des os, & les dures entortés des nerfs estendus. Le combat sembloit si espouventable & horrible, que l'on eust estimé que Mars s'estoit assemblé par bataille à Porphyriou, & Aleyoneus. Les figures estoient de marbre blanc, à demy releuées & le fondz de pierre de touche tres-noire, pour donner grace & lustre aux images, & faire jetter hors l'ouurage. Là se pouuoient veoir des corps estranges, effortz extrêmes, actes affectionnez, diuerses morts, & victoire incertaine. Helas, que mes esprits lassez & trauaillez, mon entendement confuz par continuelle diuersité, & mes sens troublez de choses si merueilleuses, ne peuuent suffire, ie ne dy pas à declarer le tout, mais à bien exprimer la moindre partie de ceste sculpture tant remarquable & industrieuse. Dieu! d'où proceda si grand' audace & presumption, d'où tel vouloir desordonné d'assembler des pierres en si grand morceau? avec quels rouleaux, avec quels chariots, & autres machines tractoires ont esté leuez si haut ces quartiers de grandeur incroyable, pour eriger vne si merueilleuse pyramide? Oncques Dinocrates ne proposa plus superbement au grand Roy Alexandre la forme de son concept & dessein sur la structure du mont Athos. A la verité ceste-cy excède l'insolence des Egyptiens, le miracle du Labyrinthe de Crete, & la renommée du Mausolée: aussi sans doute, il ne vint iamais à la cognoissance de celuy qui remarqua sept miracles du monde. Il ne fut en nul temps veu ne pensé vn tel edifice. Finablement ie considerois quelle resistance de voultes le pouuoit soustenir, quelle forme de colonnes, quelle grosseur de pilliers tetragones ou hexagones, estoit suffisans à porter vne si grande charge: & iugeay selon raison, que le dessous estoit massif de la mesme roche, ou emply & massonné de blocage faisant vne masse ferme & solide. Et pour en sçauoir la verité, ie regarday par la porte, & vis que là dedans il y auoit vne grande concauité, & merueilleusement obscure.

PLVSIEURS GRANDES ET MERVEILLEUSES  
*œures, à sçauoir vn Cheual, vn Coleffe couché, vn Elephant,  
 & singulièrement vne belle Porte.*

CHAP. I V.



ON, ie ne me vante point, mais la raison me permet de dire que en tout le monde vniuersel ne furent oncques faites œures si magnifiques, ny contemplées d'œil mortel, & encores moins imaginées par quelque entendement humain: & quasi oseroy-ie franchement affermer, qu'il n'est point en sçauoir ou pouuoir d'homme, d'esleuer, inuenter, comprendre, ny acheuer, vne si grande excellence d'edifice. I'en estois si surpris d'admiration, que nulle autre cho-

se (tant fut-elle plaisante) ne pouuoit entrer en ma fantasie, sinon lors qu'en considerant toutes les parties de ceste composition belle & bien proportionnée, ie voyois les statués faites en formes de pucelles. Adonc ie souspirois si haut, que mes souspirs amoureux retentissoient par ce lieu desert & solitaire, la douce cause de mes souspirs en ce lieu de delices estoit la ressouuenance de ma celeste & plus desirée Polia, l'Idée de laquelle est empreinte en mon cœur: en laquelle mon ame a fait sa retraite, & se repose comme en vne seure franchise. Helas! elle ne m'auoit pas abandonné en ce voyant esgaré. Estant ainsi parueniu au lieu dont le regard me faisoit oublier tous autres pensemens, i'allay aduiser vn beau portail d'excellent artifice, & en toute sa composition accomply & parfait, tel, que ie ne sens point en moy tant de sçauoir que ie le peusse suffisamment d'escrire, considéré qu'en nostre temps les termes vulgaires, propres & communs à l'architecture, sont enseuelis, & esteins avec les œures. O sacrilege! Barbarie execrable, tu as assailli la plus noble part du thresor Latin, accompagnée d'auarice insatiable: & as couuert d'ignorance maudite l'art tant digne, que jadis fit florir & triompher Rome.

Deuant ce portail s'estendoit vne place contenant trente pas en quarté, pavée de quarreaux de marbre, separez l'vne de l'autre la longueur d'vn pied, la separation & entre deux ouurée de musaique en forme d'entre-las & fucillages de diuerses couleurs, demolie en plusieurs endroits par la ruyne du bastiment. Sur la fin de ceste place à dextre & à fenestre du costé des montaignes, estoient erigez à nyueau deux rangs de colonnes également distantes l'vne de l'autre. Le premier ordre commençoit au bout du pavé. Au front du porrail de l'vn des rangs iusques à l'autre, y auoit distance de quinze pas. La plus grand' partie de ses colonnes se voit encores debout & entieres, avec les chapiteaux Doriques, contenant en hauteur le demy diametre de leur pied. Il y en auoit d'autres priuées de leurs chapiteaux, plusieurs renuerées, rompuës, & demy enterrées dans les ruynes, parmi lesquels estoient creus des arbrisseaux & petits buyssonnets: qui me fit presumer que ç'auoit esté vn Hippodrome à dresser cheuaux, ou quelque xyste pour exercer la ieunesse, ou vn paradromide à se promener, ou certain ample porche descouvert, ou bien le lieu d'vn Euripe fait pour représenter certaines batailles navales. En cette place à dix pas ou enuiron de la porte y auoit vn cheual de cuyure, merueilleusement grand, ayant deux aisles estenduës: le pied duquel contenoit cinq pieds en rondeur sur le plant de sa base. La longueur de la jambe depuis la pince de la corne iusques sous la poitrine, estoit de neuf pieds. La teste haute & releuée, comme s'il eust esté esgaré, sans frein ny bride; ayant deux petites oreilles, l'vne dressée sur le deuant, l'autre couchée: les creins longs, ployez en ondes & pendans du costé droit. Dessus ce cheual, & autour de luy, estoient faits plusieurs petits enfans qui s'efforçoient de le monter, mais vn seul d'eux ne s'y pouuoit tenir pour sa grande legereté, & prompt maniemment: parquoy les vns tomboient, les autres estoient prests de tomber: maints en y auoit de tresbuechez, qui taschoient de remonter. Vous en eussiez veu qui s'empoignoient aux creins: & tels estoient cheus sous son ventre, qui monstroient se vouloir releuer.

LIVRE PREMIER



Ce Cheual estoit posé sur vne planche de mesme matiere, & tout d'vne fonte, laquelle estoit assise sur vne grande contrebase de marbre blanc: & n'auoit le Cheual (ainsi que ie pouuois comprendre) esté encores donté: parquoy ces ieunes enfans sembloient dolens sans voix plaintiue, pource qu'ils en estoient priuez, & n'auoient fors la demonstration de vie sans l'vsage. Il sembloit que le Cheual les voulust introduire dedans ceste porte: car il estoit tourné de ce costé. La contrebase estoit massiue, proportionnée en longueur, grosseur, & hauteur, pour soustenir si grande machine, diuersifiée de veines differentes en couleurs. Au front qui regardoit la porte, estoit encaillé vn chapeau de triomphe de marbre verd, à feuilles de Peucedan, & au dedans d'iceluy les lettres qui s'ensuiuent, grauées en la pierre blanche. En la face opposite & deuers la croupe du cheual, y auoit vn autre pareil chapeau de feuilles d'Aconit mortel, avec autres lettres, disant:



Dedié aux dieux  
ambiguz.



Le cheual d'in-  
felicité.

En la face longue du costé droit, estoient entaillées certaines figures d'hommes & de femmes dansans, qui auoient chacun deux visages, l'un riant, & l'autre pleurant. Ils dansoient en rond, s'entretenans par les mains, homme avec homme, femme avec femme, vn bras de l'homme passant par dessus celuy de la femme, & l'autre par dessous, en telle maniere que tousiours vn visage ioyeux estoit tourné contre vne face triste : & estoient en nombre deux fois sept, si parfaitement entaillées & figurez en leurs mouuemens, en linges volans, qu'ils n'accusoient l'ouurier d'autre defect, sinon qu'il n'auoit point mis de voix en l'vne, ny de larmes en l'autre. Ceste danse estoit taillée en ouale, formé de deux demy cercles, continuez de deux lignes dessus & dessous.

Au bas de l'Histoire estoit escrit, **L E T E M P S.**




En vne autre ouale du costé fenestre estoient entaillez du mesme ouurage quelques ieunes hommes qui cueilloient des fleurs en compagnie de plusieurs damoiselles : Et au bas de la figure y auoit des lettres engraüees en la pierre, contenant ce seul mot P E R T E . La grosseur des lettres estoit de la neuuesme partie, & vn peu plus, du diametre de leur quarré.



I'estois fort esmerueillé considerant ceste grande machine de cheual si tres-bien faite, que tous les membres respondoient en mesure à la proportion du corps. Et me fit souuenir de cestuy-là de Seius. Apres que ie l'eu longuement regarday, i'allay aduiser de loing la figure d'un Elephant, qui n'estoit de rien moindre en grandeur, n'y artifice. Et ainsi que ie voulois aller voir, i'ouy comme le gemissement d'une personne malade : dont le poil me dressa en la teste : & sans plus auint y penser, tiray vers celle part où i'auois entendu la voix, montant sur vn grand monceau de ruynes. Quand ie fus passé outre, ie trouuay vn merueilleux Colosse, ayans les pieds sans semelles, les iambes creuses & vuides, & pareillemét tout le reste du corps iusques à la teste, qui ne se pouuoit regarder sans horreur. Lors ie coniecturay que le vent entrant par l'ouuerture des pieds, auoit causé ce son en forme de gemissement, & que l'ouurier l'auoit ainsi fait tout à escient. Ce Colosse estoit couché à l'enuers, fait de bronze, & ietté par excellent artifice. Il sembloit estre d'un homme de moyen aage, gifant la teste vn peu haute, & reposant sur vn quarreau comme vn malade. Il auoit la bouche ouuerte de six pas de largeur, ainsi que s'il se fust voulu plaindre. Par les cheueux de sa teste on pouuoit monter sur son estomach, & de là entrer en sa bouche, par le poil de sa barbe. Quand ie fus venu iusques là, i'eu l'assurance d'entrer dedans: puis deuallât par vn

petit degré, ie descendy en la gorge, apres en l'estomach, & de là par toutes les autres parties du corps, iusques dedans les boyaux & entrailles. O merueilleuse conception d'entendement humain, entrepris plus qu'admirable! Ie vis toutes les parties interieures du corps naturel ouuertes, & dans lesquelles on pouoit aller, le nom de chacune escrit en trois langues, à scauoir Chaldee, Grecque & Latine, avec les maladies qui se peuuent engendrer, & par mesme moyen la cause, & le remede. Par tout y auoit passage, tant que l'on pouoit clairement voir os, artères, nerfs, veines, muscles, & intestins, car il estoit garny de plusieurs petites fenestres secretes qui donnoient lumiere suffisante: & n'y auoit faute d'une seule veine, non plus qu'en celuy d'un homme parfait. Quand ie fus au droit du cœur, i'apperçeu le lieu où amour forge les souspirs, & l'endroit où il offense le plus grieuement. Adonc ie iettay vne grande plainte, appellant Polia, si haut que ie senty retentir toute celle machine: dont i'eu frayeur: puis ie commençay à penser à l'excellence de telle inuention, par laquelle sans anatomie, l'homme se pouoit rendre excellent & singulier en la cognoissance de son interieur humain. O graues esprits antiques! O aage vrayement doré lors que la vertu estoit par esgal avec la fortune, tu as seulement laissé à ce siecle mal-heureux, ignorance & auarice pour heritage! Apres que ie fus sorty de ce Colosse, ie vis le front & le haut de la teste d'un autre: mais il estoit en figure feminine: dont tout le reste estoit enseuely sous ses ruynes, en sorte que ie n'en peu voir plus auant: à l'occasion dequoy ie retournay au premier lieu: où ie contemplay le grand Elephant de pierre noire, estincelée de paillettes d'or & d'argent, en maniere de poudre semée par dessus. La pierre estoit si polie & si claire, qu'elle representoit tout ce qui estoit à l'entour, comme si sceut esté vn miroër de bonne glace: toutesfois il s'en falloit quelques endroits où le metal l'auoit terny de sa rouilleure verde. Cét Elephant auoit sur le haut du dos comme vne batiere ou couuerture de cuyure, liee à deux sangles larges, estreintes par dessous, & enuironnantes tout le ventre, entre lesquelles estoit la semblance d'un pilier quaré en forme de piedestal de mesure correspondante à la grosseur de l'obelisque dressé sur le dos de la beste, pource que nulle chose de grad' pesanteur ne doit estre assise en vain, car elle ne pourroit estre durable. Les trois faces de ce piedestal estoient entaillées de lettres Egyptiennes, & en la quatriesme estoit la porte pour y entrer. L'Elephant se monstrois exprimé si parfaictement, que rien ne defailloit à l'industrie. Sa couuerture estoit ornée de petites figures & histoires de demy relief: & droit en son milieu se pouoit veoir erigé vn obelisque de pierre Lacedemonienne verde, qui auoit es faces egales vn pas de largeur par le diametre de son pied, & sept autres pas geometriques en hauteur: laquelle diminueoit en poincte: & en la sommité estoit fichée vne boule de matiere claire & transparante. Ce grand relief d'animal estoit soustenu d'un soubassement ou contrebasse de Porphire. Les deux grandes dents qui s'alloient de sa bouche, furent faites de pierre blanche, reluisante comme yuoire. A sa couuerture estoit attaché avec riches boucles dorées vn poitral du mesme cuyure: au milieu duquel estoit escrit. **LE CERUEAV EST EN LA TESTE.** Et semblablement l'extremite par où le col ioinct à la teste, estoit enuironnée d'un beau lien, auquel pendoit vn enrichissement en forme d'un chanfrein, ietté sur le front de la beste, composé de deux quarez entiers, & bordé de feuillage antique, aussi fait de cuyure.



au milieu duquel estoient insculpées des lettres Ioniques, & Arabiques, qui disoient :  
**LABEUR ET INDVSTRIE.**

Le proboscide ne touchoit pas au soubassement, mais estoit vn peu souleué & renuersé deuers le front. Il auoit les oreilles pendantes, larges, & ridées d'estrange sorte, monstrât par sa grandeur qu'il excedoit le naturel. Le soubassement estoit berlong, & en ouale, entaillé de caracteres Egyptiens hieroglyphiques, & garny de ses moulures. La longueur estoit de douze pas, la largeur de cinq, la hauteur de trois. En l'vn des costez ie trouuay vne petite porte, & vne montée de sept degrez : par lesquels arriuay sur le plant du soubassement : & vey qu'au quarré posé sous le ventre, estoit cauée vne autre petite porte. En la concauité de cét Elephât y auoit des cheuilles de metal, fichées aux deux costez en forme de degrez, par lesquelles on pouuoit aisément monter, & aller à trauers ceste machine creuse. Qui fit que i'eus volenté de le voir, tellemét que i'entray par ceste porte: puis grimpay par les cheuilles en ce merueilleux corps tout cuétre, reserué que l'on auoit laissé autant de massif par



dedans, qu'il en auoit au dessus par dehors pour soutenir son obelisque : & tant d'espace à chacun costé des flancs de l'Elephant, qu'vn homme y pouuoit passer à son aise. A la voulte du dos sur le derriere pendoit à chaines de cuiure vne lampe ardante, qui iamais ne s'esteindoit, & illuminoit toute ceste grande place vuide, en laquelle ie vey la figure e'vn homme nud, grand comme le naturel ordinaire, ayant en sa teste vne couronne, le tout de pierre noire: mais les yeux, les dens, & les ongles, estoient d'argent. Ceste figure estoit plantée droicte sur le couuercle d'vn sepulchre, fait à demy-rond, entaillé à escailles, avec les moulures requises. Elle auoit le bras droict estendu sur le deuant, tenant vn sceptre: & la main gauche reposée sur vn escuillon, courbé en forme de carenne de barque, & taillé autour à la semblance de l'os d'vne teste de cheual: auquel estoit escrit des Lettres Hebraïques, Grecques, & Latines.

אם לא כי הכתרת את בשרי אני היותי עדין  
 חפש ותמצא הכותין :

ΓΥΜΝΟΕΙΝ, ΕΙ ΜΗ ΑΝΘΡΩΠΙΟΝ ΕΜΕ ΚΑΛΥΨΕΝ: ΖΙΤΕΙ,  
 ΕΥΡΗΣΗ ΔΕ ΒΑΣΟΝ ΜΕ.

NVDVS ERAM, BESTIA NI ME TEXISSET: QVÆRE,  
 ET INVENIES: ME SINITO.

I'estois nud, si la beste ne m'eust couuert: cerche, & tu trouueras, laisse-moy.

Dont ie me trouuay tout esbahy, & vn petit surpris de crainte. Parquoy sans plus arrester ie me mis en chemin pour sortir: & passant au costé de deuant vers la teste, i'y apperceu vne autre lampe allumée: & vn autre sepulchre semblable en toutes choses au premier, fors que la figure estoit d'une femme, qui auoit le bras droit souleué, monstrant du premier doigt de sa main la partie qui estoit derriere elle: de l'autre main elle tenoit vn tableau, touchant au couuercle du sepulche, auquel estoit escrit en trois langus.

היחמי שתיחת קח בן האוצר  
 כאות נפשך אכר אוהיר אותך חסר

הראש ואל תונע בנפשו

ΟΣΤΙΣΕΙ ΛΑΒΕ ΕΚΤΟΥΔΕ ΘΗΣΑΥ-  
 ΡΟΥ ΟΣΟΝ ΑΝ ΑΡΕΣΧΟΙ. ΠΑ-  
 ΡΑΙΝΩ ΔΕ ΩΣ ΛΑΒΙΣ ΤΗΝ ΚΕ-  
 ΨΑΛΗΝ, ΜΗ ΑΠΤΟΥΣΩΜΑΤΟΣ.

*Quisquis es quantumcumque libuerit, huius  
 thesaurifume: ac moneo, aufer caput, corpus  
 ne tangito.*

C'est à dire,

Quiconque tu sois, pren de ce thresor tāt qu'il te plaira: mais ie t'admoneste que tu prenés la teste, & ne touches au corps.

Ces choses me furent bien nouvelles, mesmes les enigmes, lesquels ie leu & releu plusieurs fois, pour les entendre: mais leur significatiō me sembla fort ambiguë, & telle que ie ne la sceu trouuer: & avec ce ie n'osois rien entreprendre, car i'estois surpris d'une horreur deuote, en ce lieu tenebreux, n'ayant lumiere fors de deux lampes. D'auantage le grand desir que i'auois de contempler à mon aise la belle porte, fut occasion que ie ne m'y arrestay autrement: ains en party, en deliberation toutes fois d'y retourner pour le considerer plus à loisir. Ainsi ie me descendy par le lieu où i'estois entré, & regarday ceste grande beste par dehors, pensant quelle hardiessē humaine auoit esté si temeraire, d'entreprendre besongne tant releuée, quels cizeaux, quels outils & ferremens auoient peu penetrer vne matiere tant dure, & tant rebelle, mesmement que toutes les touches de dedans se rapportoient à celles de dehors. Apres que ie fus descendu tout au bas sur le paué, i'aduisey le soubassement qui le soustenoit, à l'entour duquel estoient attachez ces hieroglyphes.



L I V R E P R E M I E R

Premierement l'os de la teste d'un bœuf, avec des instruments rustiques, liez aux cornes, vn autel assis sur deux pieds de chèvre, en la face duquel y auoit vn œil, & vn vaultour, le feu allumé sur l'autel: apres vn bassin à lauer, vn vase à biberon, vn pelloton de filet, trauersé d'un fuzeau, vn vase antique, ayant la bouche couverte, vne semelle, avec vn œil & deux rameaux, l'un d'oliue, & l'autre de palme, vn ancre, vn oye, & lampe antique, tenuë par vne main: vn timon de nauire aussi antique, auquel estoit attaché vne branche d'oliuier, puis deux hameçons, & vn daulphin, & pour le dernier vn coffre clos & ferré, le tout entaillé de belle sculpture, en ceste forme.



Lesquelles tres-antiques & saintes escritures, apres y auoir bien pensé, i'interpretay en ceste sorte.

*Ex labore Deo natura sacrificia liberaliter, paulatim reduces animum Deo subiectum, firmam custodiam vita tuae misericorditer gubernando, tenebit incolumemque seruabit.*

C'est à dire.


Sacrifie liberalement de ton labour au Dieu de nature, peu à peu tu reduiras ton esprit en la sujecction de Dieu, qui par sa misericorde fera seure garde de ta vie, & en la gouvernant la conseruera saine & sauue.

Je laissay à grand difficulté cette belle figure, tant elle me plaisoit: & puis ie retourmay à regarder le grand cheual, qui auoit la teste seiche & maigre, proportion-


nément petite, & tres-bien formée pour ressembler incôstant. On luy voyoit quasi trembler les muscles, & sembloit mieus vif que feinct. En son front estoit gravé ce mot Grec ΤΗΝΕΑ. De tous ces grands ourages qui la gisoient en monceaux, le temps auoit seulement espargné ces quatre belles & excellentes pieces, le Cheual, l'Elephant, le Colosse, & la Porte. O magnifiques ouuriers anciens, quelle cruauté assaillit si rigoureusement vostre vertu, que vous auez porté avec vous en sepulture le bien de nostre richesse?


Estant venu deuant la porte, qui meritoit bien d'estre soigneusement considerée pour l'excellence de l'ourage, il me print enuie d'entendre la proportion & mesure que l'ouurier y auoit obseruée: dont pour la treuuer i'vsay promptement de cette pratique. Je mesuray l'vn des quarez qui soustenoient les colonnes doubles de chacun costé, & par cela i'en compris facilement la raison.

Premierement il auoit fait vne figure quarrée  $ABCD$ , diuisee par trois lignes droites, & trois trauesantes, également distantes l'vne de l'autre, composans seize quarez: puis adiouta sur la figure quarrée vne de ses moitiés, laquelle diuisee par les mesmes mesures, faisoit vingt & quatre quarez, compris les seize de la premiere figure quarrée. Tirant apres en la premiere figure  $ABCD$ , deux diagonales, qui estans marquées de deux lignes croisans par le milieu, faisoient quatre quarez, ayant chacun son diagone ou ligne trauesante. Il fit d'auantage vn Rhombe ou lozenge au dessus du grand quarré, en trauesant dans son vuide quatre lignes sur les quatre principaux poincts qui separent esgalement les quatre costez du vuide. Apres que i'eu conçu en mon entendement cette figure, ie pensay; Que peuuent faire les architectes modernes, qui s'estiment sçauans, sans lettres & sans doctrine: Ils ne sçauent ny regle ny mesure, parquoy ils corrompent & difforment toutes manieres de bastiments, tant particuliers, que publiques, desprisans la nature qui les enseigne à bien faire, s'ils la veulent imiter. Les bons ouuriers outre la science peuuent enrichir leur besongne, & y adiouster ou diminuer pour contenter la veuë, mais que le massif demeure entier, auquel toutes parties se doivent accorder. Par ce massif, i'entens le corps de l'edifice, lequel sans ornemens fait connoistre le sçauoir de l'esprit du maistre: car il est facile d'enrichir apres l'invention: Toutesfois sur tout est à estimer la distribution, departement; & disposition des membres: dont faut conclure que c'est chose vsitée & commune à chacun ouurier, voire iusques aux apprentifs, de sçauoir orner vn ourage: mais inuenter certainement gist en la teste des sçauans. Pour retourner à nostre subiect, ostant du grand quarré & de son demy, le Rhombe & les lignes diagonales, laissez les trois perpendiculaires, & les trois trauesantes, sauf celle du milieu, laquelle se termine au milieu des perpendiculaires, couppee en quatre parts & portions: par ceste regle vous trouuerez deux parfaicts quarez, l'vn en haut, & l'autre en bas, contenant chacun quatre petits quarez qui font la porte. Or si vous prenez la diagonale du quarré d'embas, elle vous enseignera quelle espaisseur faut donner au sintro du portail, si vous la dressez toute debout vers la ligne  $AB$ , qui seruira d'architraue. Et le poinct du milieu du quarré d'en haut vous monstrera l'arc & courbure qu'il faut donner à la porte en tournant vne poincte du compas en demy-rond, qui reposera sur la ligne trauesante qui coupe le quarré & demy en deux parts esgales. Mais s'il se fait par autre voye, ie ne l'estime point parfait.



Ceste mesure fut inuentee par les ouuriers antiques bien experts en maïsonnerie, & obseruee en leurs arcs & voultures, pour leur donner grace & resistance. Le pedestal ou contrebaze des colomnes, commençoit au nyueau du paue par vn plinthe: & le tout estoit de la hauteur d'un pied: garny de ses moulures avec leurs astragales ou fuzees, suyuant l'alignement de l'edifice, & seruant d'embarassement aux costiers ou iambage de la porte. L'espace contenu entre les lignes A, B, E, F, estoit diuisé en trois parties, l'une pour l'architraue, l'autre pour la frize, & la tierce pour la couronne ou corniche, qui auoit vne partie plus que les deux autres: c'est à dire, que si l'architraue a cinq parties, & autant la frize, la couronne en doit auoir six: laquelle en cét œuure excedoit ceste mesure, d'autant que l'ouurier entendu, auoit fait vn pendant de demy pied sur la cymaise de la couronne, à celle fin que la saillie de ses moulures n'empeschast la veüe des sculptures qui estoient au dessus, combien que l'on peut aussi aggrandir l'architraue & la frize, par leurs ornemens, selon l'ordonnance de l'ouurage. Sous la corniche y auoit vn quarré de chacun costé, autant large que sa saillie. La frize estant par dessus, auoit autant de largeur que la moytié de ce quarré, ou que la tierce partie d'un des vingt & quatre quarez. L'espace entre les deux quarez, estoit diuisé en sept parties: celui du milieu qui respoit à plôb sur l'ouuerture de la porte, estoit employé en vn nid pour mettre la figure d'une Nymphé. A chacun des costez y en demeuroit trois pour d'autres figures. La saillie de la plus haute couronne ou corniche, se peut facilement trouuer en faisant de la ligne de sa grosseur, vn quarré, le diagoné duquel fera son project. Or comprenant toute la figure des vingt & quatre quarez ensemble, vous trouuerez qu'elle contient vn quarré parfaict & demy. Diuisez le demy qui est sur le quarré en six parties par cinq lignes droites, & cinq perpendiculaires, & tirez vne ligne depuis le milieu de la cinquième trauersante iusques au coing du grand quarré parfaict A, où commence l'architraue: puis la dressez perpendiculairement sur la clef de l'architraue courbe, ou voulture de la porte: & elle vous monstrera la hauteur reguliere du frontispice ou comble de dessus, les extremités duquel se doiaent joindre & rapporter à la saillie de la dernière couronne ou cymaise, & avec semblables moulures.





Ceste porte estoit edifiée de pierres de quartier, si proprement jointes, qu'elle sembloit tout d'une piece. Aux deux costez d'icelle, en distance de deux pas, gisoient deux grandes colonnes, quasi toutes ensevelies en la ruine, lesquelles ie descouury aucunement, & vey que les bases & chapiteaux estoient de cuyure. Je mesuray la hauteur d'une base, doublant, laquelle ie trouuay le diametre du pied de la colonne, & par celle mesme cogneu sa longueur, qui passoit vingt & huit coudées. Les deux plus prochaines de la porte estoient, l'une de Porphyre, & l'autre d'Ophite, ou Serpentine: les autres deux estoient Caryatides canelées. Aux deux costez y en auoient plusieurs autres, aucunes distribuées de deux en deux, autres mises en egale distance, faites de pierre Laconique tresseure. Le demy diametre du pied de la colonne faisoit la hauteur de la base, qui consistoit en bozel, contre-bozel, & plinthe, formée en cette maniere. Diuisant la hauteur de la base en trois parties, on donnoit l'une au plinthe qui auoit en largeur vn diametre & demy du pied de la colonne. Les deux parties qui restoient, estoient diuisées en quatre: l'une en auoit le bozel d'en haut, les trois autres diuisées en deux, l'une pour le bozel d'embas, & l'autre pour le contre-bozel. Les filets auoient chacun vne septiesme partie du tout. Telle mesure fut obseruee par les Architectes antiques, pource que elle leur sembloit bonne & reguliere. Sur les chapiteaux d'icelles colonnes estoit posé vn bel architraue ou epistyle, fait à trois faces: la premiere d'embas ornée pour moulure d'une corde de billettes en forme de boulettes: la seconde de ce mesme ouurage, fors qu'apres deux billettes rondes, il y en auoit vne longue en façon de fuzée: la tierce estoit faicte à oreilles de fouris, refendués & taillees en maniere de fueillages. Au dessus estoit la frize ou zophore, entaillée à rameaux de fleurs antiques, entrelassées de branches de vignè, & diuerses herbes, entremeslées de plusieurs sortes d'oyseaux. Apres y auoit vn ordre de mutules ou modions ressemblans à testes de soliués, saillans de la muraille par distances esgales, sur lesquelles commençoient les moulures d'une grande couronne. Le reste de l'edifice de là en haut estoit demoly & tombé: mais il y auoit apparence de grandes fenestres doubles, denüées de leurs ornemens, aucunement demonstans quel auoit esté le bastiment en son entier. Sous cét architraue se venoit rendre la pointe du frontispice de la porte, aux deux costez duquel, qui auoient la forme de deux triangles yfocelles (c'est à dire, ayans deux costez esgaulx) estoient entailléz deux ronds enclos de moulures, & enuironnez de chappeaux de triomphe, faicts de fueilles de chefine, liez de rubens de soye, dedans lesquels estoient deux figures sortans du plat fons ou concaue des ronds, depuis la ceinture en sus, ayans l'estomach couuert d'un manteau, nouié sur l'espaule fenestre, à la mode antique, l'une à barbe meslée, toutes deux couronnées de Laurier, & en leur regard presentans grande Majesté. Es saillies de la frize posant sur les colonnes, estoient entailléz certains Aigles, tenant les aisles ouuertes, & perchez sur des festons de verdure, entremeslez de fruiçts, vn peu pendans contre le milieu: les bouts desquels sembloient estre attachez par les deux costez à liasses de basse-taille & en plusieurs replis percez à iour, en maniere de rubens. A l'opposite de cette porte estoit scitué vn grand cours de colonnes. Et pource que ie vous ay suffisamment (comme il me semble) spécifié ces membres principaux, reste maintenant a descrire ces enrichissemens: car l'Architecte doit en premier lieu conceuoir & disposer en son entendement le massif de toute l'œuvre, en apres penser des ornemens, qui ne sont que les accessoires du principal, considéré qu'au premier est cogneu le sçauoir & l'experience de l'ouurier, estant tres-facile, & commun quasi aux apprentifs.

## CHAPITRE V.



Est icy que les amans (peut estre) attendent ouyr de moy choses qui leur soient plus plaisantes, & telles que sont les pensees, dont ils entretiennent leurs cœurs, mais ie les prie qu'ils me vueillent excuser, si ie demeure vn petit longuement en cette descriptiō : car i'espere cy apres leur satisfaire de ce qu'ils desirent. La principale partie de l'Architecte, est l'inuention du corps de tout l'edifice : car il le peut apres facilement reduire en menués diuisions, ne plus ne moins qu'vn Musicien ayant inuenté le ton sur vn temps, par vne longue ou maxime, proportionne apres en minimēs chromatiques, c'est à dire, temporelles, qu'il rapporte sur la notte solide. Ainsi en l'inuention de l'Architecte, la regle principale & plus necessaire, est le quarré, auquel apres qu'il est distribué & departy en plusieurs autres petits quarez, se trouue l'accord & conuenable proportion ou harmonie de tout l'edifice, tellement que tous accessoires reuiennent & respondent à leur principal : & ainsi estoit faicte celle porte. Premièrement au costé droit estoit vn piedestal garny de ses moulures, plus haut que large, c'est à sçauoir de proportion diagonee. Il me conuient vser de termes cogneuz entre artistes, nonobstant qu'ils ne soient pas vulgaires: car nous sommes descheuz de ce thresor de paroles qui pouuoit proprement exprimer & declarer toutes les particularitez de cēt ouurage, & en faut parler avec les vocables rudes & propres qui nous font demeurer.

Or dedans le quarré de ce piedestal, estoit entaillé en albastre diaphane, ou transparent, vn homme quelque peu excedant l'aage moyen & viril, le visage robuste & rustique, la barbe rude, forte, & herillée, les poils droits, piquans, tellement que son menton ressembloit le dos d'vn sanglier. Il estoit assis sur vne pierre, enuelpée d'vne peau de bouc, dont les iambes de derriere estoient nouées sur ces costez, le col pendant entre ses iambes, & le poil tourné deuers sa chair. Entre ses genoux y auoit vne enclume fichée, posée sur vn tronc d'arbre tout raboteux : & forgeoit vne paire d'ailes, tenant le marteau leué, comme s'il eust voulu frapper sur son ouurage, deuant luy estoit vne belle dame, qui tenoit vn petit enfant tout nud, assis sur sa cuysse, qu'elle auoit pour cette cause vn peu haute & leuée, appuyant son pied contre vne pierre en forme de roche, qui estoit joignant le siege du forgeron, faite là aupres en vne petite cauerne qui seruoit de fournaise, & sembloit allumer vn feu de charbō. La Dame auoit les tresses mignonement rapportees à l'entour du front, enuironmans sa teste, figuree en tout & par tout si delicatement, que ie mesbahy comme les autres statues là entaillées de la mesme matiere ne mouroient d'amour pour elle. A son costé estoit vn guerrier ayant la façon d'estre furieux, vestu d'vn haubergeon antique: sur le milieu de la poitrine, duquel estoit empreinte l'horrible face de Meduse : & vne escharpe ou ceinture bien large trauerdoit son grand estomach. Il auoit le bras gauche vn peu leué, & tenoit vne forte lance. Sa teste estoit couuerte d'vn cabasset à creste. Le bras droit n'estoit point apparent,

car les autres figures le couuroient. Derriere la teste du forgeron qui sembloit incliné, paroissoit vn iouuenceau, de la ceinture ensus vestu d'un drap volant fort delié; Toutes ces figures estoient taillées d'albastre, & auoient esté rapportees sur vn fonds de corail vermeil, qui donnoit lustre au nud, lequel pour ceste cause se monstroit de la couleur d'une rose incarnate. En l'autre piedestal au costé fenestre estoit entaillé vn homme nud, d'aage viril, & gracieux regard, demonstrent vne grande inconstance. Il estoit assis sur vn siege quarré fait à l'antique, & auoit chaussé des brodequins cordelez sur la greue, & à chacun tallon vne aïlle. Aupres de luy se repositoit celle mesme Dame toute nuë, sur la poitrine de laquelle se releuoient deux petits tetons comme deux demies pommes: & tant estoit conforme & semblable en tout & par tout à celle de l'autre piedestal, que qui les eust voulu mouler, facilement les eust iugees tout vne mesme. Cette dame presentoit son enfant à ce personnage, pour l'endoctriner & instruire: l'enfant auoit desia prins des aïlles & estoit debout, s'enclinant deuant luy, il tenoit aussi deux fleches, mais avec vne telle contenance, que l'on pouuoit aisément coniecturer que le grand enseignoit au petit en quelle maniere il en deuoit vser, pour bien mettre en œuvre. La Mere tenoit le carquois vuide, & l'arc bandé. Aux pieds de ce maistre gisoit vn sceptre entortillé de deux serpens. Pareillement y estoit le guerrier, & vne femme ayant en sa teste vn cabasset, laquelle portoit vn trophée au bout d'une lance, c'est à sçauoir vn haubergeon antique au dessus d'une boule ronde posée entre-deux aïlles, & y estoit escrit, RIEN D'ASSEVERE. Ceste dame seconde estoit vestuë d'un linge volant, & monstroit sa poitrine descouuerte. Les quatre colonnes prochaines de la porte estoient d'un Porphyre de couleur vermeille, vn peu obscur, & semé de taches plus claires & resplendissantes. Leur hauteur estoit de sept diametres de leur pied, & estoient canelées, chacune de vingt & quatre canaux, entre deux canelures vn filet, comprenant la quatre partie du diametre du canal. La tierce partie de la colonne deuers le bas, estoit rudentee, c'est à dire, que les canaux estoient pleins en forme de bastons ronds. Adonc ie presumay que la cause pourquoy elles furent ainsi canelées, avec la tierce partie rudentee, estoit pource que cette structure excellente auoit esté dediee aux deux sexes des Dieux, sçauoir est à Dieu & Deesse, comme à mere & à fils, à pere & à fille, à mary & femme, ou autre semblable, & que les canaux estoient attribuez au sexe feminin, & le remplissage au masculin. Ces colonnes canelées furent premierement faites au temple d'une Deesse, voulans les Architectes par les canaux representer le plis des vestemens des femmes: & sur icelles mirent les chapiteaux avec leur volutes ou rouleaux pour signifier leur cheuelure, ainsi que la porterent les Grecques, c'est à dire, troussée au dessus des oreilles. Les colonnes Caryatides, lesquelles ont pour chapiteau la teste d'une femme paree de son accoustrement, furent premierement faites en opprobre du peuple rebelle de Caria, cité de la Moree, qui s'allia avec les Persans contre les Grecs de sa propre nation, à fin que cela seruist de perpetuelle memoire, pour improuuer l'inconstance plus que feminine de ce peuple de Carye. Les bases de ces quatre colonnes estoient de cuyure, enrichies d'ouvrage à fucilles de chesnes, & garnies de glans. Les chapiteaux de la mesme matiere, couverts de tailloirs ou tuilleaux eschancrez, & au milieu de chacune eschancre vn belle fleur de lis: le vase du chapiteau reuestu de deux ordres de fucilles d'Acanthe, chacun ordre contenant huit fucilles, à la mode Romaine, & Corinthienne: desquelles fucilles sortoient les petits volutes, qui s'assembloient au milieu du vase, & composoient le lys posé parmy les eschancrez ou arcs du tailloir. Le demeurant se renuerfoit en maniere de rouleaux es quatre coins de cét ouvrage. Marc Agrippe

LIVRE PREMIER

les fit mettre telles au portail du grand temple Pantheon à Rome. A chacun chapiteau estoit attribué pour sa hauteur vn diametre entier du pied de la colonne, obseruant la proportion & mesure de toutes ses parties & ornemens. Le seuil de la porte estoit fait d'une grande pierre verte, semée de taches blanches, noires, jaunes, & autres diuerses & imparfaites, sur lequel estoient posées & assises les costieres ou jambages, qui auoient autant de largeur que le seuil, & vn pas d'auantage, auquel, ny pareillement aux contrefors n'y auoit aucune apparence qu'il y eust iamais eu gons ou verroux. Au dessus de la voulture de la porte, estoit l'architraue avec ses moulures & ornemens, comme billettes, oreilles de souris, & autres. La clef ou coing de l'arc ou voulte, estoit d'une Agathe de pierre tres-noire, taillée en forme d'aigle, quasi toute hors du massif, ayant les ailes estendues, & tenant vn enfant entre ses serres, droitement par aupres du nombril, si discrettement façonné, qu'il sembloit que l'oyseau craignist de le blesser. Vous eussiez dit à veoir son petit visage, qu'il auoit peur de tomber, à raison dequoy il auoit estendu ses bras, & s'estoit empoigné aux ailes de l'aigle, aux gros os qui ioignent à l'espaule, & retiroit ses petites jambes contremont par dessus la queue, laquelle sembloit passer iusques au dessous de la voulture. Il estoit si parfaictement contrefaict de la veine blanche de l'Agathe, ou Onyce, & l'aigle de la Sardonie, qui est l'autre veine proche en la mesme pierre, que ie demeuray tout estonné, pensant en quelle maniere l'ouurier ingenieux auoit imaginé d'appliquer celle pierre à si belle inuention. A veoir les plumes que l'oyseau auoit herisées à l'entour du col, le bec ouuert, & la langue haletant, vous eussiez peu cognoistre qu'il estoit espris de l'amour de cét enfant. Le reste du dessous de la voulte estoit departy en menus quarrez, à chacun desquels estoit faite vne rosace de demy bossé, qui sembloit pendante. Les quarrez contenoient autant en largeur que les costieres de la porte, depuis la ceinture en sus (laquelle s'estendoit aussi par dedans l'entrée de la porte à trauers ses jambages) sur l'endroit où la voulte commençoit à flechir. Et chacun des deux triangles formez par ladite voulture & les colonnes, y auoit vne Pastophore (qui est le surnom de Venus Deesse d'amour) taillée en forme de camayeu, leurs vestemens volans, qui descouuroient partie de leurs belles cuysses, ensemble le bras & la poiétrine, les cheueux espars, & les pieds sans chaussure, tenant chacune vn trophée tourné deuers le coing du triangle pour remplir le vuide. Le fonds estoit de pierre de touche, & les figures de marbre blanc. Au dessus de l'architraue estoit la frize, au milieu de laquelle on auoit planté vn tableau d'or, avec vn Epigramme ou inscription en lettres Grecques capitales, rapportées de fin argent de copelle, qui disoient ainsi :

ΑΦΡΟΔΙΤΗ ΚΑΙ ΤΩ ΥΙΩΙ ΕΡΩΤΙ ΔΙΩΝΥΣΟΣ ΚΑΙ ΑΗΜΗΤΡΑ  
 ΕΚ ΤΩΝ ΙΔΙΩΝ ΜΗΤΡΙ ΣΥΜΠΑΘΕΣΤΑΤΗ.

*Diis Veneri & filio Amori, Bacchus & Ceres de suis (s. substantiis) matri pietissima.*

C'est à dire, A la tres-pieuse mere Venus, & à son fils Amour, Bacchus & Ceres ont donné cecy de leur propre.

Aux deux costez de la table estoient deux petits enfans volans, tous nuds, & faits du propre metal, les mains posées sur ses extremités, comme s'ils l'eussent soutenue, le tout rapporté sur vne pierre de la couleur du ciel, quand il est serain, qui rendoit le lustre de vray & naturel azur. Es faces de la frize qui failloient sur les colom-

nes, estoient entaillées quelques despoüilles antiques, comme haubergeons, cuyrasses, cottes, escussions, cabassers, haches, flambeaux ardans, failliaux de verges avec les cognées, arcs, trouffes & flèches, & autres semblables machines seruantés & commodés à la guerre, tant de terre que de mer, qui signifioient les triomphes, les victoires, & la puissance, qui firent jadis changer à Iupiter sa propre forme, & font ordinairement mourir les hommes en douceur & plaisir. Apres estoit posée le grand corniche avec ses moulures & lineamens requis, lesquels se rapportoient à tout le demeurant de l'edifice: car tout ainsi que si au corps humain vne qualité est discordante à l'autre, il succede vne maladie, pource que l'accident & le composé sont contraires: pareillement si les membres du corps ne sont assis en lieu propre & conuenable, il s'en ensuyt defformité de la personne: en semblable l'edifice est discordant & malade, si l'ordre & la deuë composition ne s'y treuuent obseruées: De là procede la corruption & déprauation és idiots modernes, ignorans la vraye situation des lieux & parties du bastiment: car le maistre sage & expert le compare au corps humain bien proportionné, & proprement vestu. Apres la frize y auoit vne moulure, & au dessus quatre quarrés, c'est à scauoir, deux aux deux faillies de la frize sur les colonnes, & deux à plomb au milieu de la porte: entre lesquelles dans vne niche estoit posée vne Nymphé de cuyure, tenant deux flambeaux, l'vn esteint tourné deuers la terre, & l'autre allumé droit deuers le Soleil: l'ardent en la main dextre, & l'autre en la fenestre. Au quarré du costé droit, sur la faillie, estoit entaillé de demy-relief, l'histoire de Clymené la jalouse, les cheueux de laquelle commençoient à prendre forme de rameaux; toute fondante en larmes: elle fuyuoit Phebus, qui fuyoit deuant elle, comme si elle eust esté sa mortelle ennemie. Au costé gauche estoit Cyparissus tout desconforté, & mourant de dueil, à cause de sa belle Biche, qui estoit lardée d'vne fleche. Aupres de luy gisoit Apollo, plorant amerement. Au troisieme ie vey Leucothea, cruellement occise par son propre pere: & son corps qui se couuroit d'escorce, & deuenoit vn bel arbre. Au quatrieme & dernier quarré, estoit figurée la piteuse Daphné, desia lassé & quasi se rendant aux ardens desirs d'Appollo, n'eust esté que ses gracieux membres se conuertissoient en perpetuelle verdure. En la corniche (qui est la derniere partie & piece des moulures) estoit faite certaine denteleure, & ouales, entremeslees de foudres ou sagettes barbelées: & au dessus vne moulure à feuillage. Finablement il y auoit les cymes (ce sont les lignes pendantes qui font le frontispice, & le ferment en triangle) lesquelles faisoient la closture de l'œuure. Toutes ces sculptures estoient si proprement taillées, que l'on n'y eust secu cognoistre ou apperceuoir vn seul coup de marteau, cyzeau, ny autre ferrement: tant elles estoient vnies, & bien menées.

Maintenant pour retourner au frontispice, auquel se reduisent & rapportent toutes les moulures qui sont en la corniche, excepté la nasselle qui se pratique en ce membre, au plant du triangle appellé tympan, estoit taillé en rond ou champé de verdure de diuerses fleurs, fruiçts, herbes, ou rameaux, tout d'vne fine pierre verte: & sembloit estre attaché en quatre endroits, de lyasses entrelassées. Aux deux costez estoient deux Scylles, ayans forme de femmes nuës depuis la ceincture en amont, le demeurant en figure de poisson: lesquelles auoient l'vn des bras dessus ce rond, & l'autre dessous. Leurs queuës s'estendoient deuers les coings du triangle, entortillées en maniere d'anneaux, avec les aislerons comme de poisson. Elles sembloient de visage à pucelles, & auoient les cheueux partie troufsez sur le front, le reste enuveloppé à l'entour de la teste, ainsi que les femmes ont accoustumé les agencer. D'entre les espaulés leur sortoient deux aisles de Harpyes,

estenduës deuers les entortillemens de leurs queueës. Au bas de leurs flancs commençoïent les escailles, lesquelles alloient en diminuât iusques au bout de la queueë, appuyans contre le rond leurs pieds qui ressembloient à ceux d'un veau marin. Dedans ce rond estoit taillee vne chèvre allaitant vn enfant, qui auoit l'une des iambes estenduë, & l'autre vn petit retirée: il s'estoit empoigné de deux mains au poil de la chèvre, & auoit les yeux attentifs à regarder les memmelles, & la bouche à les succer. Tout aupres estoit vne Nymphe qui luy faisoit chere, & sembloit vn peu inclinée, sousleuant de la main gauche le pied de la chèvre, & de la droite approchoit les memmelles à la bouche de l'enfant, qui les baisoit bien sauoureusement. Et au dessous estoit escript, *A MALTHÉA*, La chèvre qui nourrist Iupiter. Deuers la teste de cette chèvre, y auoit vne autre Nymphe, qui l'embrassoit d'une main par le col, & de l'autre la tenoit par les cornes. Au milieu encores y en auoit vne autre qui tenoit de ses deux mains par les deux anses vn moule à fromages & au bas estoit ce mot, *MELISSA*, mouche à miel, puis deux autres Nymphes entre ces trois, qui sembloient saulter & danser au son de quelques instrumens qu'elles portoient. Leurs vestemens estoient si bien faicts, qu'ils representoient tous les mouuemens de la personne, & tout le demeurant parfaitement acheué & accompli. Ce n'estoit pas ouurage de Polyclere, ny de Phidias, ou Lysippe, & moins de ceux de la Royne Artemisia, c'est à sçauoir, Scaphe, Briaxe, Timothee, Leochare, & Theon, sculpteurs tres-renommez: car certes il estoit par dessus tout humain entendement. Au frontispice sur le plat ou plattons du tympan, au dessous des moulures, en vne table pleine estoient grauees ces deux parolles en lettres Grecques, *ΔΙΟΣΑΙΓΙΟ ΧΟΙΟ*. C'est à dire, A Iupiter nourry par vne chèvre. Telle estoit la structure & composition de cette porte, magnifique & excellente. Et si ie n'ay suffisamment déclaré toutes les particularitez, il en faut accuser la crainte de la prolixité, & la faute des propres termes. Neantmoins pource que le temps destructeur de toutes choses, l'auoit encores laissée entiere, ie n'ay peu faire moins, que d'en dire ce peu, par maniere de sommaire ou aduertissement. Le demourant de la closture d'un costé & d'autre, monstroït en apparence que ce auoit esté vn excellent edifice, qui se pouuoit facilement comprendre par les ouurages demeurez entiers en plusieurs lieux: mesmes des parties basses: comme des colonnes nayfues figurez en forme d'hommes courbez, soustenans la plus grosse charge, la mesure desquelles ne se pouuoit cognoistre: car elles estoient faites, ainsi que le requeroient la proportion suffisante pour la pesanteur, l'ornement & la raison comprise & tiree de la semblance humaine: pource que tout ainsi que l'homme soustenant vn pesant fardeau, tient ses pieds ployez souz ses iambes, en cette maniere les colonnes nayfues appliquees souz les plus grands faix, estoient racourcis. Mais les Corinthiennes, & Ioniques, qui sont greilles, estoient là mises pour parement & beauté, parquoy la composition de ce bastiment estoit accomplie de toutes les perfections requises, tant en diuersité de marbres differens de couleurs, comme blancs, noirs, Porphyres, Serpentine, Albastres, diuersifiez de veines meslees & confuses, que de plusieurs ornemens loüables. Je vey vne forme de bases puluinees, lesquelles sur le plinthe ou haulse, attoient deux contreboselz & trochiles, ou nasselles, separez par l'interposition de deux filets pour distinction des moulures. La pluspart des ruynes estoit couuerte de Lierre & Pervenche, qui s'espandoient par dessus, & occupoient plusieurs endroits de l'edifice. Semblablement maints arbrisseaux croillans entre les fentes des pierres, comme Ioubarbe, Erogene, Parietaire, Chelidoine, Alsine, ou oreille de souris, Polypode, Adianthe, & Ceterac enrouillé d'un costé, avec le grand Lunairo, &

autres

autres tousiours viues, aymans & hantans les vieilles murailles : ensemble le Polytritic, l'oliuaſtre verdoyant, & les Cappres habitantes és roches & ruynes, deſquelles quaſi tous les marbres & ouurages eſtoient couuerts & reueſtus. Il y auoit ſi grand nombre de colonnes renuerſées l'vne ſur l'autre, qu'elles ſembloient grands monceaux d'arbres treſbucheſ dedans vne foreſt eſpoiſſe. Et pareillement grand quantité de ſtatues & figures eu toutes ſortes, nuës & veſtuës, les vnes plâtes ſur le pied dextre, les autres ſur le ſeſtre, ayans les teſtes à plomb du centre du tallon, l'vn pied fermé, & l'autre ſouſleué, la longueur duquel eſtoit de la ſixième partie de la hauteur de tout le corps, proportionné de quatre coudées. Pluſieurs eſtoiet debout entieres ſur leur platte-forme, autres aſſiſes ſur chaiſes & ſieges d'honneur, en diuerſes manieres, avec innumerables trophées, deſpouilles, & ornemens infinis, de teſtes de cheuaux & de bœufs, és cornes deſquels pendoient failleaux de verdure avec feſtons de fruicts & de fueillages, deſſiez & grailles par les extremitez, mais groſſiſſans contre le milieu, avec petits enfans montez deſſus, & ſe ioiians à l'environ: le tout ſi treſ-ingenieusement parfait, que l'on pouuoit droittement iuger & cognoiſtre que l'eſprit & l'indusrie de l'Architecte auoient eſté fort excellens: car avec le plaisir & contentement des regardans, il auoit ſi proprement exprimé l'intentiõ de ſon imaginatiue, tant en la proportion & meſure de l'edifice, qu'en la perfection de l'art de ſculpture : que ſi la matiere eult eſté non pas marbre, mais cire molle, ou argille, on ne l'eult ſceu mieux conduire ny mettre en œuvre. C'eſt le vray art, qui deſcouure & arguë noſtre ignorance preſumptueuſe, ou noſtre deteſtable preſomption, laquelle eſt vne erreur publique & domageable. C'eſt la claire lumiere qui nous rauit doucement à ſa contemplation, pour illuminer nos tenebres: car aucun ne demieure aueugle les yeux ouuerts, ſi non ceux qui fuyent & reſuſent la lumiere. C'eſt celle qui accuſe la maudite auarice, deſtruiſent toute vertu, voire qui va rongant ſans ceſſe le cœur de celuy qu'elle poſſede & detient captif, pource qu'elle eſt toute contraire aux bons eſprits & ennemie mortelle d'Architecture tant noble & digne. Auſſi pour le preſent ſiecle chacun tient pour ſon idole l'auarice, luy faiſant honneurs & ſacrifices: ce qui eſt indigne & grandement pernicieux. O dâgereuſe & mortelle poiſon! tu rends miſerable celuy qui eſt attain de toy. Combien d'œuvres magnifiques ſont par toy peries & ſupprimees? En ceſte maniere i'eſtois ray & ſurpris d'vn plaisir ſouuerain, contemplant les reliques de l'antiquité ſaincte, venerable, & tant à eſtimer, ſi bien que ie me trouuois incertain, inconstant, inſatiable, regardant çà & là, accompagné d'vne affection & admiration continuelle, penſant en moy-meſme, qu'elle pouuoit eſtre la ſignification de ces hiſtoires, que ie trouuois bien obſcures, conſiderant le tout ententiement, & ne pouuois aſſouuir mon deſir de les regarder, qui s'eſtoit diſtraict & ſequeſtré de tout autre humaine penſée, fors de Madame Polia, laquelle reuenoit ſouuentesfois en ma memoire : mais cela paſſoit en vn moment, & par ainſi ie retournois tout ſoudain à mon entrepriſe, perſeuerant en la contemplation de cét edifice tant accompli.

E

## POLIPHILE ENTRA V N PEU AVANT DEDANS

*porte, regardant les beaux ornemens d'icelle: puis voulant s'en retourner, veit un grand Dragon qu'il le vouloit deuorer pour crainte duquel il se mit à fuir dedans les voyes creuses & souterraines: si que finalement il trouua un autre yssue, & paruint en un lieu fort plaisant & delectable.*

## CHAPITRE VI.



N ne peut assez louer ce qui est de merite, & pourtant ce seroit vne diligence notable de pouuoir facilement declarer l'ouurage nonpareil, & la composition singuliere de ce bastiment tant exquis, avec la grandeur de l'edifice, & l'excellence de la porte pleine de toute admiration: le plaisir que i'auois à la regarder, excendoit mon estonnement: aussi ie pensois en mon courage, qu'aucun artifice n'est estrange ny difficile aux Dieux, & quasi ie soupçonnois que tel œuure incomprehensible ne pouuoit estre composé par mains d'hommes, ny tels concepts bien exprimez, si magnifique nouueauté ne pouuant estre inuentée par aucun entendement mortel, & quant & quant si parfaictement acheué. Et ie ne fay doute que si l'historiographe naturel s'eust peu veoir, qu'il n'eust fait gueres de compte d'Egypte, ny de ses ouuriers, lesquels separez l'un de l'autre, & assignez en en diuers lieux, ayant chacun d'eux prins vne piece à tailler selon la mesure qui leur estoit baillée, venans puis apres à rapporter chacun la sienne acheuée, l'on trouua qu'elles s'accordoient toutes à la composition d'un grand Colosse, aussi proprement, que elles eussent esté taillées par vn seul ouurier: & eust aussi peu fait d'estime de la grand' industrie de Satyre l'Architecte, ensemble de l'ouurage du grand Memnon, qui forma trois figures de Iupiter d'une seule pierre massiue: l'une desquelles qui estoit assise, auoit la plante du pied longue de sept coudées. Pareillement n'eust fait gueres de cas de la merueilleuse figure de la Royne Semiramis, composée au mont Bagistan, contenant dix-sept stades: car les pyramides d'Egypte, les theatres, amphitheatres, thermes, temples, aqueducts, & Colosses, tant renommez, ny la grande figure d'Apollo, transportée à Rome par Luculle, ny de Iupiter dedié à Claude Cesar, mesme celuy de Lyssippe à Tarente, ny le chef d'œuure de Cares Lydien à Rhodes, ny celuy de Xenodorus, fait tant en Gaule, que dans Rome: ny pareillement le Colosse de Serapis, ayant neuf coudées de long, tout fait de pierre d'Esmeraude: ny le Labyrinthe d'Egypte, & l'image du preux Hercules à Sur, n'estoient presque rien au prix de cette belle besongne: parquoy facilement eust passé cela sous silence, & employé son stile & grande eloquence, à descrire & louer ce seul cotrage, excédant sans comparaison tous les autres qui oncques furent faits. Je ne me pouuois (en verité) saouler de veoir choses tant merueilleuses: & disois en moy-mesme. Si les fragmens de la sainte antiquité, si les ruynes, brissures, voire quasi la poudre d'icelle, me donnent si grand contentement & admiration: que seroit-ce s'ils estoient entiers? Puis ie repennois incontinent. Paraduenture que là dedans en ces lieux profonds & concaues, est l'autel des sacrifices & saintes flammes de la Deesse Venus, ou sa statue &

Aphrodise, ensemble de Cupido son fils. Ainsi estant en cette pensée, ie me mey le pied droit sur le seuil de la porte, & soudain vne Soury blanche vint trauerfer mon chemin: ce nonobstant ie passay outre, sans y penser plus auant, & trouuay que le dedans n'estoit pas moins riche que le dehors: car les murailles costieres estoient de marbre blanc, & au droit du milieu d'icelles de chacune de pars, estoit rapporté vn grand rond de layet, enuironné d'vn chapeau de triomphe, faict de laspe verd: lequel rond estoit si noir & tant poly, que l'on s'y pouuoit voir, comme en vn miroir crystallin. Je fusse passé outre sans y prendre garde, mais ie fus entre les deux, i'apperçeu ma figure d'vn costé & d'autre: dont ie deuins aucunement espouuente, pensant que ce fussent deux hommes. Au dessous de ces ronds, au long des costieres, estoient faicts de siege de marbre, de la hauteur de deux pieds, sur vn paué de nacre de perles, net & sans aucune souilleure, & pareillement la voulte en laquelle on n'eust sceu veoir vne seule toille d'araignée, pource que tousiours y couroit vn vent fraiz. La voulte jointe aux costieres, par vne ceincture qui commençoit aux chapiteaux des-riere corps de la porte, continuée iusques au fonds de l'entrée, contenant en longueur (ainsi que ie pouuois iuger par raison de perspective) douze pas ou enuiron. En cette ceincture estoient à demy releuez, plusieurs petits monstres marins, nageans dedans vne eau, contrefaicts en forme d'hommes depuis le nombril en amont, le demourant finissoit en queuës de poissons entortillées, sur lesquelles estoient assises des femmes nuës, de la mesme nature & figure, embrassans les monstres: & en semblable embrassées d'eux. Les vns souffloient en buccines faites de coques de limaces, les autres tenoient des instrumens estranges & fantastiques à merueilles. Plusieurs en y auoit couronnez de la fleur & herbe de Nymphée, ou Nenufar, assis en chariots faicts de grandes coquilles de mer, tirez par des Daulphins. Aucuns estoient chargez de corbeilles pleines de fruités, les autres portoient des cornes d'abondance. Vous en eussiez veu qui s'entrebattoient de poignées de Ione & de Roseaux, autres ceints de chardons, & montez sur cheuaux marins, faisans boucliers de cocques de tortuës, tous differens en actes & en formes, mesmes faisant des efforts si visuellement exprimez, qu'on les veoit presque mouuoir. La voulte estoit diuisée en deux quarez, separez par vne frize qui auoit deux pieds en largeur, & leur seruoit de platte-bande allant tout à l'entour passant le long de la ceincture, & suyuant l'arceau de la voulte, entierement construite de musaique, à petits quareaux de verre coloré, si proprement, qu'il sembloit qu'elle eust esté faicte en la mesme heure. C'estoit vn fucillage de verdure aussi visue comme vne Esmeraude, l'enuers duquel (où il venoit à se reposer) estoit de couleur vermeille, comme rubis, & les fleurs azurées semblans à Saphirs, semées si à propos pamy l'ouurage, que vous eussiez dit qu'elles y estoient nées. En l'vn des quarez estoit figurée la belle Europe passant la mer sur le Toreau Fée, & le Roy Agenor son pere, commendant à ses fils, Cadmus, Phœnix, & Cilix, qu'ils eussent à chercher leur sœur: & comme en la cherchant ils tuerent valeureusement le Dragon à escailles, qu'ils trouuerent prez la fontaine: puis par le conseil d'Apollo, bastirent vne cité où le bœufs'arresta, & donnerent à la contrée ce nom Bœotia, du beuglement des bœufs. Apres comme Cadmus edifia Athenes, Phœnix Phœnicie, & Cilix Cilice. En l'autre quarré estoit taillée Pasiphaë la desordonnée, close en la vache contrefaicte, & le Toreau monté dessus: puis le grand monstre Minotaure, enfermé au Labyrinthe, & l'ingenieux Dedalus, qui s'enfuyoit de la prison, & volloit en l'air, par le moyen des ailles qu'il auoit compolée à luy, & à son fils Icarus, lequel pour ne vouloir croire le conseil de son pere, trespucha, & fust noyé en la mer, à laquelle en mourant il laissa son nom. Aussi comme le pere ve-

m à sauueté, pendoit ses ailes au temple d'Apollo, & accomplissoit deuotement son veu.

Ces histoires estoient si entières, qu'un seul quareau ne s'en estoit desmenty, & ferme estoit le cymment, dont ils furent assemblées.

L'allois pas à pas contemplant l'excellence de l'œuvre, & le grand sçauoir de l'ouurier, qui auoit si parfaitement obseruë toutes les regles de pourtraiture, peinture, sculpture, & perspective: car il auoit tiré les lignes de maçonneries au point de leur objet, tellement qu'en aucuns lieux elles se perdoient de veüe: il reduysoit peu à peu les choses imparfaites à leur vraye perfection: & au contraire il approchoit les esloignées, & eslongnoit les plus prochaines, avec vne situation plaisante de paysages, composez de plaines, montaignes, vallées, maisons, champêtres, bocages, ruyselets, & fontaines, enrichis de bestiaux avec mannequins ombrageant les couleurs selon les distances, & le iour conuenable.

Il auoit d'auantage fait la drapperie des vestemens si approchante de naturel, que quasi on l'eust peu empoigner: car en tout & par tout il auoit si bien ensuiuy la nature, que si on n'y eust bien pris garde, on l'eust iugé vray, & non feint. Qui me rendoit si rauy de merueille, & transporté d'esbahissement, qu'à peine pensoy-je estre là present, mais du tout en tout hors de moy.

Ainsi cheminant pas à pas, ie paruius iusques au bout de l'entrée où la peinture finissoit: & plus auant il faisoit si obscur, que ie ne m'y osois mettre: parquoy ie deliberay de m'en retourner. A grand peine eu-je tourné le visage, que ie sentis à trauers ces ruynes, comme vn remuement d'ossements, ou vn choc de grosses branches, dont ie fus fort effrayé. Tost apres i'entendis plus clairement ainsi que si on eust trainé quelque grande beste morte, comme vn bœuf, ou vn cheual: & tousiours ce bruit approchoit de la porte. Puis ne tarda gueres que i'ouy siffler vn Serpent: & adonc ie perdy cœur & voix: & mesmes le poil me dressa en la teste, & me tins pour perdu. O pauvre infortuné! Ie vis soudainement accourir de la lumiere de la porte, non pas ainsi comme Androdus, vn Lyon boiteux se plaignant, mais vn merueilleux & horrible Dragon, la gueulle ouuerte, les machoires bruyantes, armées de dents pointuës & ferrées en la maniere d'une sye, couuert d'un gros cuyr à dures escailles, coulant sur le paue, battant son dos avec ses ailes, & trainant vne grosse queue longue, qu'il s'en alloit entortillant. Las miserable & desolé! c'estoit assez pour espouuanter le grand Dieu Mars, faire trembler le vaillant Hercules, effrayer le Geant Typhœus, de qui les Dieux eurent horreur: & pour estonner le cœur le plus fier, voire le plus obstiné, & assuré courage; Que pouuoit doncques esperer vn ieune homme foible & debile de complexion, desia espouuenté se trouuant en lieux sauuages & estranges, sans ayde & secours de personne?



Voyant donc que la veneneuse & detestable fumee de ce Dragon s'estendoit bien près de moy, ie me jettay à l'aduanture dedans ces tenebres espoissies, tenant ma vie comme perdue, & n'ayant plus de recours qu'aux prieres ie m'enfuy à l'aduanture, & perdis toute clarté entrant comme ie pensois dans le Labyrinthe de Dedalus l'ingenieux: tant ie trouuois de chemins tortus, sentiers, ruelles, carrefours, portes & traueses, pour faillir & oublier l'ysuë, puis tousiours reuenir à l'erreur premiere, & s'efgarer en plus profonde obscurité.

I'auois crainte d'estre arriué en la roche creuse de Polypheme le cruel Cyclope, ou en la Cauerne du malicieux larron Cacus: parquoy ie jettay incontinent mes bras au deuant de mes yeux, pour doute de pilliers qui soustenoient la Pyramide: & allois à tastons, me retournant souuentesfois pour regarder en derriere, & scauoir si ie verrois encores le lieu par où i'estois entré, mesmes si le Dragon deuant venoit point apres moy. Mais ie trouuay que la lumiere m'estoit du tout faillie. Et pour accroistre ma grand' peur, ces caues obscures estoient plaines de Chauuefouris qui vollettoient autour de mes oreilles: dont effrayé, ie pensois de tout ce que j'entendois, sento, ou touchois, que ce fust le Dragon cruel. Et combien que mes yeux se trouuassent aucunement accoustumez à ces tenebres, toutesfois ie ne pouuois rien veoir: parquoy il failloit que mes bras feissent l'office de mes yeux, ainsi qu'au Lymaçon qui va tastant le chemin avec ses cornes, & s'il trouue empesche-

ment, les retire soudain à foy. En telle maniere j'allois tastonnant à trauers ces destours aueuglez, & par ces sentes desuoyées en plus grand trauail & perplexité, que Mercure quand il se feit Cigogne: voire que le Dieu Apollo quand il fut contraint de garder les brebis en Thrace: ou que la belle Diane, lors qu'elle fut muée en vn petit oyseau: mesmes en plus extreme angoisse que Psyche, apres auoir perdu Cupido son espoux: & en plus laborieux perils, que Apulée quand il fut transformé en Asne, & qu'il entendoit le conseil & deliberation des larrons sur le prochain fait de sa mort. Ma peur estoit plus que doublée par le vollement continuel de ces Chauuefouris: & quand ie les entendois siffler si pres de moy, ie pensois desia estre entre les dents du Dragon.

Et combien que cette frayeur fut excessiue, & presque extreme, si estoit elle plus vehemente, quand il me reuenoit en memoire que j'auois apperceu le Loup qui me faisoit presumer que c'estoit tres-mauuais presage, voire vn indice manifeste de ma fin triste & douloureuse. Parquoy ie courois çà & là, les oreilles ouuertes: & les yeux clos, reduict à telle necessité, que la mort m'estoit presque autant agreable à desirer que la vie. Toutefois j'auois vn douloureux regret de mourir sans auoir obtenu l'effect tant desiré de mes amours. Helas au moins que j'eusse seulement veu madame Polia: nulle mort ne me seroit griefue ny ennuyeuse. Quoy? seray-je deux si notables pertes par vne seule disgrâce: en ma vie & en ma Dame? Puis ce me disoy-je: Si ie meurs ainsi en cette estrange misere, qui sera digne successeur à seruir vne si parfaicte maistresse? Qui meritera d'heriter à si grand bien? Qui possèdera ce thresor tant riche? Quel Ciel serain acquerra & recouuera cette belle lumiere? O malheureux Poliphile: ou penses-tu fuyr? tu te vas perdre. Il n'y a plus d'espoir en toy, iamais (las) tu ne la verras. Voicy la fin de tes plaisirs, ensemble de tes pensées amoureuses. Helas! quelle maladventure, ou quelle Estaille ainsi maligne t'a precipité en langueur tant mortelle: & destiné pour seruir de pasture à vne beste si vilaine que ce Dragon, au ventre duquel te faut estre enseuely? Au moins que ie sois englouty tout entier, & aille en cet estat pourrir dans ses entrailles venimeuses. O fin miserable. O lamentable decez. Où sont les yeux tant deseichez & prieuz d'humour, qui ne deussent distiller & fondre en larmes? Mais le voicy, ie le sens à mes espaulles. Qui veit-onc plus grande cruauté de fortune? Voicy la despitueuse mort, & l'heure dernière du maudit poinct que ceste pauvre chair humaine sera viande à vn Serpent. Quelle calamité & plus estrange & rigoureuse, que viure apres sa mort, & demorer sans sepulture? O combien plus griefue est l'infortune d'abandonner sa Dame tant loyalle? Adieu, adieu donc Polia l'vnique vie de mon cœur. Je lamentois ainsi à part moy tant las & trauaillé que ie n'auois plus que l'esprit qui s'en alloit errant par ces tenebres: En cette necessité j'inuoyay le Ciel & mon bon Ange, en conscience pure & affectueuse, estimant qu'ils auroient pitié de ce mien sinistre accident. Lors comme j'estois en cette perplexité, j'apperceus de loing vne petite lumiere: vers laquelle ie couru à grande ioye: mais elle fut courte: car quand j'y fus ariué, ie vey que c'estoit vne lampe tousiours ardante, qui pendoit deuant vn autel, lequel (ainsi que ie peu comprendre) auoit cinq pieds de hauteur, & deux fois autant de large: & dessus estoient posées trois statues d'or. Adonc ie me treuay frustré de mon intention, & surpris d'vne horreur deuote. Cette lumiere n'estoit gueres claire, ains toute trouble, à cause du gros air. Toutesfois ie vis auccinement la disposition de ces lieux souterains, les grandes ouuertes, les voyes tenebreuses & profondes, avec les vaultes souteruées de gros pilliers de quatre, six & huit quarez, lesquels on ne pouuoit clairement discernier, pour la debilité de la lumiere: ce neantmoins ils sembloient bien estre faicts de proportion, conuen-

ble pour soustenir la pesanteur excessiue de la Pyramide grãde & merueilleuse qui estoit au dessus. A cette cause apres auoir fait vne oraison brieue deuant cēt autel, ie me remis à chercher l'yssue: & n'eus pas beaucoup cheminé, qu'il m'apparust vne autre petite splendeur luyfante à trauers vn pertuys estroict quasi comme le col d'vn entonnoir: O combien y'en fus content, & de quel cœur ie la suiuy: Je ne l'eus pas si tost apperceue, que ie renonçay à tous les desirs de mourir, ausquels ie m'estois peu auparauant accordé: & recommençay mes pensées amoureuses, me persuadant par vne esperance feinte & flateuse, que ie pourrois encores par le tēps facilement acquerir ce que n'agueres ie tenois pour perdu. Quand doncques ie fus paruenü à cette lumiere, qui de loing m'auoit semblé si petite, ie trouuay que c'estoit vne grande ouuerture: par laquelle ie sorty tout en haste, & me prins à courir, sans regarder d'oü' estois party. Adonc les bras qui m'auoient seruy de pauois pour euitter le choc de pilliers, me seruirent de fortes rames pour mieux haster ma fuite: au moyen de laquelle ie fey tant que ie paruius en vne region belle & plaisante: en laquelle ie ne m'osay encores arrester, pour ce que i'auois si fort impruné en mon entendement la memoire de ce Dragon, qu'il me sembloit le sentir tousiours à ma queue. Mais la grande beauté du lieu, m'incitoit de marcher plus auant, sous esperance de trouuer gens, & habitation, où ie me peusse reposer en seureté, & sans crainte d'aucune chose. Et à ce me confortoit la vision de la Soury blanche, que ie tenois pour bon augure. Et à ce neantmoins i'auois peur d'arriuer en place où ma venue fust mal prise, & estimée trop grande audace ou presumption, si qu'il m'en aduint quelque mal, aussi bien qu'il auoit ja fait pour auoir entré en la belle porte. D'vne part i'estois en grand doute, & de l'autre i'auois regret d'auoir perdu la veüe de tant beaux & somptueux edifices, lesquels ie n'auois assez contemplez à mon gré. Aucunes fois aussi me venoit en fantasie que c'estoit songe ou illusion. Puis ie disoye: Ce n'est point songe: Je ne dors pas: Je l'ay veu & touché: Ma memoire en est toute fraiche: C'est chose vraye, & bien certaine: Je me souuiens bien du tout, & le réciterois bien particulierement partie apres autre, s'il en estoit besoin: Celle beste n'estoit ne faulce ne simulée, mais plaine de vie naturelle. Et disant cela, le poil me herissoit en la teste, pour auoir ramentu le Dragon, & me reprenois à fuyr comme deuant: & tost apres ie me rasserois, disant: En ce lieu si beau & tant delectable, ne scauroit habiter sinon gens de bien, & par aduenture que c'est la demeure de quelques esprits diuins & demy dieux, ou bien ils en sont protecteurs: ou ce peut estre la retraicte des Nymphes & Deesses champestres. Parquoy ie me resolus de suyure mon chemin quelque chose qui m'en deust aduenir

E iiii

## LIVRE PREMIER

*POLIPHILE RACONTE LA BEAUTE DE LA  
region où il estoit entré, & comment il y trouua vne belle fontaine,  
& cinq damoyelles, lesquelles furent fort esmerueillées  
de sa venue, & le conuierent d'aller à  
l'esbat avec elles.*

## CHAPITRE VII.



**N**CONTINENT que ie fus eschappé de ces cauernes obscures, qui ressembloient proprement l'enfer ( car ma vie y auoit esté en grand danger, combien que ce fut le tressainct Aphrodise) & que ie fus arriué en cette contree gracieuse, ie tournay la teste pour veoir d'où i'estois sorty: & i'aduisay vne montaigne qui n'estoit pas fort roide, mais moderément declinante en descende, couuerte de beaux arbres verdoyans, comme chesnes, Erabes, Tilleulx, Fraisiues, & autres semblables. Au long de la plaine elle estoit bordee de Nefliers, Coudres, Cormiers, & Alifiers, enuicloppez de Cheufueuil, Troefne, Hobelon, & Couleuree: & au dessous croissoient, Polypode, Scolopendre, les deux Ellebore, Tressle, Plantin, Bugle, Senicle, & assez d'autres herbes qui se nourrissent en l'ombre. L'ouuerture par laquelle i'estois sorty, estoit vn peu haute, & la montaigne toute couuerte de ronces & buyssons: & à ce que ie peus coniecturer, estoit à l'opposite de la belle porte par laquelle i'estois entré: parquoy il est à croire que semblablement en ce costé y souloit auoir vne entree pareille à l'autre, & que le temps & la vieillesse l'auoit reduite en vn monceau de ruynes, & conuertie en vn gros tertre tout desnüé de cognoissance: car entre les pierres s'estoient leuez plusieurs arbrisseaux, tellement qu'à grand peine auoy-ie sceu choisir de l'œil le pertuis, par lequel i'estois ysu: & pensé que l'on n'y eust peu r'entrer, à cause des rameaux, troncs & racines qui l'occuppoient: ny mesmes le trouuer sans difficulté: au moins de ma part ie n'estime point que i'y eusse peu retourner, tant le lieu estoit esgaré & sauage. Au descendre ie vins premierement le long du costeau iusques à vn hallier de Chastaniers, que ie presumay estre l'habitation du Dieu Pan, ou de Sylluanus, pour les beaux paturages & fresches ombres qui estoient là. Lors passant outre, ie trouuay vn Pont antique fait de marbre blanc, & qui n'auoit qu'vne seule arche, mais elle estoit assez grande, & conduite par bonne proportion. Au dessus de ce Pont, tout au long des accoudoirs, tant d'vn costé que d'autre, y auoit des sieges de la pierre mesme, esquels ie ne m'osay asseoir, nonobstant que i'en eusse bon besoin, car i'estois fort las & trauaillé. Au milieu du Pont, au costé droict, vis à vis de la clef de la voultre, estoit posé vn quaré de Porphyre, entaillé de moulures tout à l'entour, & au dedans certains Hieroglyphes Egyptiens, en telle forme: Vn cabasset antique, cresté de la teste d'vn chien. Vne teste de bœuf, seiche & desnüée, avec deux rameaux à menu fueillage, attachez aux cornes de ceste teste, puis vne lampe faite à l'antique. Lesquels Hieroglyphes i'interpretay en ceste sorte, excepté les rameaux, car ie ne scauois s'ils estoient de Pin, Sapin, Genevrier, Cypres, Larice, ou Saunier.

*Patientia*

*Patentiâ est ornamentum, custodia, & protectio vita.*

C'est à dire,  
Patience est l'ornement, garde & protection de la vie.



Au costé gauche, & proprement à l'opposite, y en auoit vn autre semblable, fors qu'il estoit de pierre serpentine: avec aulli telle sculpture de hieroglyphes. Vn Cercle, & vn Ancre, sur la stangue duquel s'estoit entortillé vn Daulphin, & ie les interpretay pareillement en ceste maniere.

*Semper festina tardè.*

C'est à dire,  
Toujours haste-toy par loisir.



Sous ce pont sourdoit vne grosse veine d'eau viue: claire & bouillonnante à plaisir, qui se departoit en deux petits ruisseaux, coulans l'vn à dextre, & l'autre à senestre. Leurs riuages estoient bordez de toutes manieres d'herbette, qui ayment le voisinage des eaux, comme Souchet, Nymphée, Adianthe, Cymbalaire, Trichomanes, & autres. Puis à l'entour on pouuoit veoir toutes especes d'oyseaux de riuere: sçauoir est; Herons, Butors, Canards, Sercelles, Plongcons, Cigongnes, Gruës, Cignes, Poulles d'eau, & Cormorans. Au delà du pont il y auoit vne grande plaine toute plantée à la ligne d'arbres fruitiers, en forme de verger: les escuriers y sautoient de branche en branche, & les oyssillons releuoient la melodie de leurs chants entre les feuilles. Le parterre estoit semé de toutes manieres de fleurs & herbes odorantes conuenable en medecine, enrosées de ses petits ruisseaux, qui rendoient le lieu si plaisant, que ie pensois lors estre aux Isles fortunées, & ne pouuois croire qu'il fust sans habitation.

F

uay vn petit ma veuë, & apperceu par dessus la pointe des arbres le faicte d'vn edifice: dont ie fus grandement resiouy, & tiray bien en haste deuers celle part. Adonc arriué tout aupres, ie trouuay que ce maïsonnage estoit octogone, c'est à dire, de huit pans ou faces & qu'en l'vne d'elles y auoit vne belle fontaine, laquelle me vint bien à propos pour la soif que i'auois endurée. Le comble du bastiment estoit aussi à huit pantes, ainsi que le reste du corps: & me sembloit de loing couuert de plomb, parce qu'il finissoit en poincte. En vne des faces du corps y auoit vne pierre de marbre blanc, bien poly, ayant de hauteur son carré & demy: la largeur duquel carré (ainsi que ie peus estimer) estoit de six pieds de mesure. Aux deux costez de ceste pierre y auoit deux colonnes canelées à rudentures garnies de leurs bases & chapiteaux, & au dessus de l'architraue, frize, & corniche, sur laquelle estoit assis le frontispice, ayant de hauteur la quarte partie du carré: au tympan ou plafons, duquel y auoit vn chapeau de triomphe: & au dedans deux colombes beuuaës en vn petit vaisseau tout d'vne pierre massiue. Entre les deux colombes dedas le carré estoit entaillée vne belle Nymphe dormant, estenduë sur vn drap, vne partie duquel sembloit estre amoncelée sous sa teste, comme s'il luy eust seruy d'oreiller. L'autre partie elle l'auoit tiré pour couvrir ce que l'honnesteté veut que l'on cache. Et gisoit sur le costé gauche, tenant sa main dessous sa iouë, comme pour en appuyer sa teste. L'autre bras estoit estendu au long de la hanche droite, iusques au milieu de la cuysse. Des bouts de ses mammelles (qui sembloient estre d'vne pucelle) yssoit de la dextre vn filet d'eau fraische, & de la fenestre vn d'eau chaude: qui tomboient en vne grand' pierre de Porphire, faicte en forme de deux bassins, esloignez de la Nymphe enuiron six pieds de distance. Deuant la fontaine sur vn riche pauë entre les deux bassins, y auoit vn petit canal, auquel ces deux eaux s'assembloient sortans des bassins, l'vne à l'opposite de l'autre: & ainsi meslées faisoient vn petit ruisseau de chaleur attempee conuenable à procréer toute verdure. L'eau chaude sailloit si haut qu'elle ne pouuoit empescher ceux qui mettoient leur bouche à la mammelle droite pour la succer, & y boire de l'eau froide. Ceste figure estoit tant excellentement exprimée, que l'image de la Deesse Venus jadis faicte par Praxitiles, ne fut oncques si parfaictement taillée, encores que pour l'acheter Nicomedes Roy des Gnidions despendist tous les biens de son peuple. Si est-ce toutesfois que ce bon ouurier la fit tant belle, qu'il se trouua puis apres quelques hommes qui en deuindrent amoureux: de sorte que ie ne me puis persuader que ceste Nymphe eust esté faicte de main d'artiste, mais plustost que de personne viuante, elle eust esté transformée en ceste pierre. Elle auoit les levres entr'ouuertes, comme si elle eust voulu reprendre son haleine: dont on luy pouuoit veoir tout le dedans de la bouche quasi iusques au neu de la gorge. Les belles tresses de ses cheveux estoient espanduës par ondes sur le drap amoncelé dessous sa teste, & suyuoiënt la forme de ses plis. Elle auoit les cuyssees refaites, les genoux charnus, & vn peu retirez contremont, si bien qu'elle monstroït les plantes de ses pieds, tant belles, & tant delicates, qu'il vous eust prins enuie d'y mettre la main pour les charouïller. Quand au reste du corps, il estoit d'vne telle grace, qu'il eust (paradnenture) peu esmouuoir vn autre de la mesme matiere. Derriere sa teste s'esleuoit vn arbre bien feuilleu, abondant en fruit, & chargé d'oyselets, qui sembloient chanter & induire les gens à dormir. Deuers les pieds de ceste Nymphe, y auoit vn Satyre, comme tout esmeu & enflammé d'amour, estant debout sur ces deux pieds de chèvre, la bouche poinctué, joignant à son nez camus: la barbe fourchue, pendante à deux barbillons, en forme de bouc. Il portoit deux oreilles longues, & velluës, l'effigie du visage quasi humaine, toutesfois tirant sur la chèvre. A le

veoir, vous eussiez iugé que le sculpteur l'auoit moulé sur vn Satyre naturel. Il auoit de sa main gauche prins les branches de l'arbre, & à son pouuoir s'efforçoit de les courber sur la Nymphe qui dormoit, pour luy faire plus grand ombrage :



De l'autre main il tiroit le bout d'une courtine, attachée aux basses branches de l'arbre : entre lequel & ce Satyre, estoient assis deux ieunes Satyreaux enfans,

## LIVRE PREMIER

l'un desquels tenoit vn vase, & l'autre deux serpents tortillez autour de ses mains. Je ne pourrois, certes, suffisamment deduire la beauté & perfection grande laquelle estoit en cét ouurage, en qui estoit adiontée la grace de la pierre, plus polie que n'est l'yuoire. Mais sur tout ie m'esmerueillois de la hardiesse & grand patience de l'ouurier, qui auoit si nettement vidé l'entre-deux des fueilles percees à iour, & les pieds des petits oyseaux, deliez comme filets de lin. En la frize de dessoubs estoit escrit.

ΠΑΝΤΩΝ ΤΟΚΑΔΙ.

## A LA MERE DE TOVT.

Le ruisseau qui sortoit de ceste fontaine, couroit entre deux hayes de rosiers assez basses, & enrosoit vn champ plein de cannes de sucre. Au long de son cours croissoient des Artichaux aymez de la belle Venus, Asperges, Satyrion, Melilot, & Cicorée sauuage. Aux deux costez y auoit des Orangers, & Citronniers, plantez à la ligne, chargez de leurs fruits, les branches pendantes à vn pas pres de terre, tellement qu'ils estoient ronds & larges deuers le bas, le haut montant en pointe, à la façon d'une pyramide, & tant odorans, que mes esprits en estoient tous recreez. Je me fusse reputé trop heureux & content si i'eusse trouué quelque habitation. Le desir me pressoit d'aller plus auant, & ne sçauois quelle voye prendre. Avec ce i'estois las, traouillé, douteux, & en crainte de tomber en quelque accident contraire, pource que ie reduisois en memoire les Hieroglyphes qui estoient au costé fenestre du pont: & pensant que tel aduertissement n'auoit point esté là escrit en vain, & sans bonne cause, sçauoir est: Hastez-vous tousiours lentement. Sur ce i'ouy derriere moy vn metucilleux bruit, qui ressembloit au battement des ailles du Dragon: & par deuant vn autre comme le son d'une trompette. Adonc ie me retournay soudain tout esperdu, & vis à costé de moy aucuns arbres de Carrobes, avec leurs fruiçts meurs, longs & pendans, lesquels agitez du vent, s'estoient vn peu entrehurtez: parquoy ie reuins à moy-mesme, & conimencay à rire de ce qu'il m'estoit aduenü. Puis i'inuoyay les bons esprits, Iugantin, Collatine, & Vallone, dont l'un est dit à Iugo, l'autre à Colle, & le tiers à Valle, les suppliant qu'en cheminant par leurs saints lieux, ils me fussent fauorables & propices: car ie doutois quasi de rencontrer vne armee, à cause de la trompette. Toutesfois ie presumay que c'estoit quelque trompe de Berger, faite d'escoree, & m'asseuray au micux qu'il me fut possible. Peu de temps apres i'ouy venir deuers moy vne compagnie de gens chantans: & me sembla bien à la voix que c'estoient ieunes pucelles, accompagnées du son de quelque lyre: parquoy ie m'enclinay par dessous les rameaux pour vcoir que ce pouuoit estre, si bien que i'apperceü cinq Damoysselles, qui marchoient de bonne grace, les cheueux liez à cordons de fil d'or, portans des chapeaux de Myrte en leurs testes, avec autres fleurs diuinement agécees, vestuës d'un accoustrement de soye, à la mode de l'Isle de Cos. C'estoient trois tuniques, l'une plus courte que l'autre. Celle de dessous estoit de satin cramoyssi, la secóde de soye verte, & la premiere de toille de coton, deliée comme crespé, claire, & saffrance de bien bonne grace. Ces Damoysselles estoient ceintes de carcans de fin or au dessous des mammelles. Les brascelets estoient de mesme, qui serroient les poignets de la derniere tunique. Elles auoient en leurs pieds des semelles attachees par dessus à riches rubens d'or & de soye cramoyssie, entrelasées à l'antique. La iambe depuis la cheuille iusques au genouil estoit couuerte d'un brodequin de satin cramoyssi, eschancré en forme de croissant, à l'endroit du genouil,

cordelé tout au long de la greue, d'un lasset passé en boucles d'or. Le brodequin estoit enrichy de broderie par les deux bouts: & à chacun costé de la fente, par dessus la greue, esgayé d'une broderie de fil d'or de quatre doigts de large, ainsi que l'on pouvoit cognoistre quand le vent esbranloit leurs cottes.



Quand elles m'eurent apperceu, tout incontinent elles s'arrestèrent, & cessèrent de chanter, regardans l'une l'autre sans mot dire: en sorte qu'il sembloit qu'elles fussent esbahies de me veoir, comme si ce leur esté chose estrange & nouvelle: puis se joignans ensemble, furent vn petit de temps murmurant à l'oreille l'une de l'autre, & plusieurs fois s'esbahirent de me veoir, comme si i'eusse esté quelque fantosme. Je me sentoie adonc renuerfer & remuer toutes les parties intérieures, comme fueilles battuës du vent, car ie n'estois pas encor bien asséuré de la peur que i'auois passée. Qui plus est, ie ne cognoissois rien plus de la condition humaine, & craignois qu'une telle vision m'aduint, que iadis fit à Semclé mal fortunée, quand elle fut deceuë par la Deesse Iuno, s'estant desguisee, & pris la forme de la vieille Beroë. Parquoy ie commençay à trembler depuis la teste iusques aux pieds, disputant en moy-mesme, lequel ie deuois faire, ou m'agenouïller humblement deuant elles, ou me retirer & retourner arriere, ou bien demeurer ferme sans me bouger: car elles me sembloient pucelles gracieuses, & qui n'y auoit que

douceur & courtoisie, accompagné de quelque don celeste. A la fin ie conclus d'attendre, & m'adventurer à tout ce qui pourroit aduenir, estimant neantmoins qu'en si parfaites Dames ne trouuerois que douceur, mesmement que l'homme esgaré porte avec soy son assurance & sauue-garde. D'autre part honte me retenoit, cognoissant que i'estois indignement arriué en ce lieu, qui paradventure estoit saint, & l'habitation des Nymphes, veu que i'auois le cœur souillé d'affections mondaines & par vne audace presomptueuse & importune, i'estois temerairement entré en region defenduë à prophanes. Estant donc en ces grands doutes, vne des cinq la plus hardie se print à dire: Qui es-tu? A laquelle voix ie fus si surpris de peur & de hôte, que ie ne sceu que dire, ny respondre, mais demeuray comme vne statuë, à qui la parole est interdite. Ces belles ayant remarqué à me veoir que i'estois, non vn fantosme, ains vne espee d'animal raisonnable, vn ieune homme errant, apres ses pensées, & surpris d'un doux estonnement pour leur presence, s'approcherent de moy. Et me dirent, Bel-adventureux que vous soyez, nostre regard ne vous deuroit espouuenter: n'ayez doute d'inconuenient aucun, car en ce lieu vous ne trouuerez que courtoisie, partant parlez vn petit à nous, & laissez la peur inutile, disant hardiment qui vous estes, & ce que vous cherchez. Cette gracieuse parole me fit recouurer vn petit de voix, tant que ie respondy tout bas: Nymphes diuines & admirables, ie suis vn amant le plus mal-heureux & desolé qui iamais nasquit en ce monde, car i'ayme, & ne sçay où est celle dont trop jardemment ie suis espris: & pour mieux dire, ie ne sçay où ie suis moy-mesme. Tant y a que ie suis paruenu iusques icy, ayant passé les plus mortels perils qu'homme sçauoit imaginer. Parlant il m'eschappoit iustement des gouttes des yeux, qui se formoient en grosses larmes, ce que desirant destourner, ie me iettay à leurs pieds, en m'escriant par vn soupir: Pour Dieu prenez pitié de moy. Adonc ces belles me voyant en cette douleur, furent esmeuës de compassion, & me prindrent gracieusement par les deux bras pour me releuer en disant. Nous sçauons assez (pauvre homme) & est chose toute certaine, que peu de gens peuuent eschapper de la voye, par laquelle vous estes entré icy. A ceste cause louiez Dieu sur toutes choses, & remerciez la bonne fortune, car d'ores-enauant vous estes hors de tous les dangers, & ne faut plus rien craindre. Ce lieu est l'habitation de tout plaisir, où vous pourrez deuenir bien-heureux: mettez donc en repos vostre esprit, & soyez vertueux. Car vous estes arriué en la contrée où abondent toute ioye & liesse: & si est de telle nature que iamais n'y a changement. La situation en est assurée, & le temps n'y est point variable, ains constant: joint aussi que nostre compagnie vous doit induire à vous esiouyr: car il faut que vous entendiez que si l'une de nous est gaye, l'autre est aussi preste à se donner du plaisir. Nostre alliance est composée d'une concorde si parfaite, qu'entre nous y a vraye vnion perpetuelle, & vne mesme volonté. Nous demourons en cest air & pays salubre, fort spacieux en ses limites, verdoyant d'herbes, fleurs, & plantes, souverainement agreables à la veuë: fertile de tous biens, enuironnez de couteux fructueux, habité de bestes mignonnes, rempli de toutes voluptez, abondant de tous fruiçts delicieux, & enroë de claires fontaines. Tenez pour certain que ce terroir est plus heureux, & plus grand que le mont Taurus en son reuers du costé de Septentrion, quoy qu'on die que les raisins qu'il produit, ont deux coudées de long, & qu'un seul figuier y porte chacun an soixante & dix muys de fruiçt. Il excède veritablement la fertilité de l'Isle Hyperborée, en la mer Indique. Il surmonte le Portugal: & si fait-il bien l'Isle de Talge en la mer Caspie. Et combien que l'on appelle Egypte le grenier commun de tout le monde, son abondance est moins que rien, au prix de ceste prouince. Nous n'auons paluz ny maretz qui puissent engendrer mauuais air. Nos montaignes ne

font point rudes, ains seulement petits costaux, & belles vallées, circonuës par dehors de hauts rochers taillez inaccessible, tellement que n'auons occasion de rien craindre. En ce lieu sont toutes choses qui peuvent apporter du contentement. C'est le promenoir des grands Dieux, le repos désiré & l'assurance de l'esprit. Nous sommes à la Roïne Eleutherilide, magnifique, liberale, & la plus genereuse de toutes les Princesses, laquelle par son admirable science & felicité, surpassante tout ce qui est humain, gouuerne absolument cette contrée: il luy sera fort agreable que nous nous presentions à sa Majesté, pource que c'est vne nouveauté que d'y veoir d'autre humains, occasion que si nos compaignes estoient aduerties de ceste aduanture, elles y accourroient, pour, comme nous, vous assurer de nostre ioye & vous donner courage. Doncques ostéz toute crainte de deuant vos yeux, car vous estes en lieu de paix & tranquillité, & diuinité.

POLIPHILE ASSEVRE' AVEC LES CINQ

*Damoyelles, alla aux bains avec elles: leur risée pour la fontaine. & pour l'oignement, il est mené deuant la Roïne Eleutherilide: au Palais de laquelle il vit vne autre belle fontaine, & plusieurs mercurilles.*


CHAPITRE V.



Vyant le bel accueil que me firent ces cinq Damoyelles, qui m'auoient tant courtoisement fauorisé, ie me rendis assuré, car leurs paroles me toucherent avec tant de douceur, que l'efficace en parut, si que ie me desdiay du tout à leur seruice: Et pource qu'elles portoient des boëtes esquelles on serre les mixtions precieuses & les mignardises aromatiques, dont les plus delicates Dames se seruent ordinairement pour entretenir la bien-seance de leur ambon-point, avec toute honnesteté & propreté. Et qu'avec cela elles estoient chargees de leurs petites besognes ordinaires, comme miroërs, peignes, tauayoles, & couure-chefs, chemises & linges pour s'essuyer apres le bain; Je les suppliy de me permettre de les porter pour les soulager, ce qu'elles ne voulurent, me disant. Nous allons aux bains, & s'il vous plaist vous nous tiendrez compaignie, ce n'est gueres loing d'icy, & pensons que vous en auez desia veu la fontaine. A quoy promptement ie respondis. Belles Nymphes, si i'auois mille langues, ie ne vous scaurois suffisamment remercier de tant de courtoisie, dont vous vsez en mon endroict: car vous m'auuez en la bonne heure resuscité de mort à vie: parquoy ie seray tres-heureux de vous obeyr & suyure, aussi me seroit-ce vne extreme lascheté de courage de ne vous obtemperer. Certainement ie m'estimerois plus heureux d'estre vostre esclauue perpetuel, que dominer ailleurs par authorité: veu que, comme ie puis cognoistre, vous estes le tresor ynique de ce qui est de plus beau en ce monde, & l'ynique cause de toute parfaicte delectation; J'ay veu à loisir la belle fontaine, dont m'auuez parlé, & l'ay soigneusement contempee: qui me fait affermer que c'est le plus excellent ourage que ie vis onques: mais la grande soif que i'auois, ne me donna temps de m'en enquerir plus auant: & sans plus me contentay d'y auoir beu. Adonc l'vne d'entr'elles me dit. Baillez-moy la main, vous estes en seureté, &

LIVRE PREMIER

le tresbien venu. Nous sommes cinq compagnes, ainsi que vous pouuez veoir. Quant à moy l'on m'appelle Aphaé (c'est à dire attouchement.) Celle qui porte les boëtes & le linge, est Olphrasie (l'odorat.) L'autre qui tient le miroër, Horalie (la veüe.) Celle de la lyre, Acoé (l'ouye.) Et la dernière portant le vase plein de liqueur, Geufie (le goust.) & allons ensemble à ses bains passer le temps. Donc puis que la bonne fortune nous a amené icy, vous viendrez avec nous: & apres que serons vn petit esgayees, nous retournerons au Palais de la Roynie, laquelle vous treuuez accomplie en liberalité: & pour certain, qu'en luy recitant le faict de vos amours, & iustes pretentions, l'induirez facilement à vous ayder. En ces propos & deuis, elles me menerent iusques au lieu, fort content de tout ce qui m'estoit aduenu: de sorte que il ne restoit à desirer sinon Madame Polia, pour accomplir mon souuerain bien, & donner acheuement à ma felicité suprefme. Toutesfois ie me trouuois fort honteux de ce que mon habillement n'estoit conforme à si noble assemblée. Toutesfois apres m'estre assuré & rendu vn peu priué, ie me mis à sauter avec les Nymphes: dôt elles se prindrent à rire, & moy aussi. Sur ces entrefaictes nous arriuasmes aux bains: qui estoient d'vn merueilleux edifice. C'estoit vne place à huit angles ou pans, au dehors de laquelle y auoit deux pilliers assis sur vn mesme piedestal, qui commençoit à nyueau du paüé, & enuironnoit tout le pourpris. Ces pilliers sortoient de la muraille vne tierce partie de leur largeur, & estoient enrichis de beaux chapiteaux, dessus lesquels regnoyent l'architraue, frize, & corniche. En la frize estoient entaillées de petits enfans nuds, tenans des cordons, ausquels pendoient de beaux festons, ou trouffaux de verdure. Sur la corniche estoit posée la retube, qui est vne voute ronde à cul de four: mais faicte de forme octogone, pour correspondre au reste du bastiment. Ses faces estoient percees à iour, en fucillages de diuerses inuentions: les ouuertures closes de vitres ou bien de lames de fin crystal, qui de loing m'auoient semblé plomb. Le Pteryge, c'est à dire, le pinnacle ou lanterne, estoit vne poincte pareillement octogone, sur laquelle y auoit vne pomme ronde: & sur le centre de cette pomme vn pyuot, avec vne aisse tournant à tous vens. Puis dessus vne autre pomme, moindre que la première d'vne tierce partie, avec vn petit enfant nud, ayât la iambe droite posée à ferme sur icelle, & l'autre suspendue en l'air. Le derriere de sa teste estoit creux iusques à la bouche, en forme d'vn entonnoir: & là estoit soudée vne trompette qu'il tenoit de la main gauche près l'emboucheure, & la droite vers le gros boutile tout faict de cuyure doré bien poly. Il sembloit que l'enfant soufflast dans le creux de ceste trompette. Et pource qu'il estoit facilement tourné à tous vens par le moyen de l'aisse qui estoit au dessous, le vent qui luy donnoit tousiours au derriere de la teste, & passoit par dedans cette ouuerture iusques au corps de la trompette, la faisoit sonner haut & clair. Mais adonc en vn mesme instant le vent auoit esbranlé les Carobes, & donné dedans la trompette: parquoy ie me prins à souffrir de la peur, que friuolement i'auois eüe: & cogneu que l'homme qui se treuue tout seul en pays estrange, est bien soudain espouuanté à chaque petit bruit qu'il ouyt. En la face respondant à l'opposite de la Nymphe seruant de la fontaine, estoit l'entrée par vn riche portail faict de la main de l'ouurier qui auoit taillé la fontaine: sur lequel portail estoit escript ce tiltre en caracteres Grecs, Α Σ Α Μ Ι Ν Θ Ο Σ.



Par le dedans, cét édifice estoit pareillement octogone, environné tout autour de sieges, en forme de quatre marches de jaspe & Chalcedoine, variez de couleurs. Les deux plus bas degrez couverts de l'eau tiède, iusques prés le bord du troisieme : le quatrieme entierement hors de l'eau. A chacun des huit angles y

G

auoit vne colonne ronde Corinthienne, de Iaspe meslé de toutes les especes de couleurs que nature sçait peindre, assises sur le quatriesme degré, qui leur seruoit de pedestal, avec leurs bases, chapiteaux, architraue, frize & corniche. Ceste frize estoit taillée en demy-bosse d'enfans nuds, courans parmy vn' eau avec petits monstres marins luttans enfantinement par efforts conuenables à leur aage, & si bien contrefaits qu'ils sembloient mouuoir: au dessus de la frize suyoit la corniche de laquelle à plomb de chacune des colonnes, sortoit vn tortis de feuilles de chesne, entassées l'une sur l'autre, faite de Iaspe verd, & liées de tresses d'or, le tout de relief, montans le long des coings de la voulte, & s'assemblans enuiron la clef, en maniere d'un chapeau de triomphe, dedans lequel y auoit vne teste de Lyon Herissée; tenant en la gueule vne boucle, où pendoient les chesnes, esquelles estoit attaché vn beau vase à large ouuerture, & vn profond, qui estoit esleué au dessus de l'eau enuiron deux coudées. Le Lyon, les chaines, & le vase, tout de fin or, & tout massif. Le reste de la voulte fait à fueillages percez à iour, & vitrez de chrystal: estoit de pierre d'azur semée de petites paillettes d'or. Assez près de là, en la terre y auoit vne veine de matiere bruslante: de laquelle ces Nymphes qui me conduisoient mirent quelque peu en ce vase, & par dessus certaines gommés & bois odorant, dont se fit vn parfum beaucoup plus gracieux que celuy d'oyselets de Cypre. Apres elles fermerent les portes qui estoient de metal doré, fait à fueillage aussi percé à iour, comme la voulte, & le vuyde remply de larmes de chrystal, qui rendoit vne clarté de plusieurs diuerses couleurs, & toutesfois la fumee ny l'odeur ne sortoient point. Toute la muraille par dedans estoit de pierre de touche tres-noire, & si polie qu'elle reluysoit comme vn verre. En chacune face entre deux colonnes y auoit vn quarré ceint de moulures, en façon de lyteaux ou plattes-bandes, de Iaspe vermeil, ayans ces lyteaux trois poulces de largeur: à chacun desquels estoit assise & figuree vne belle Nymphé nuë, les Nymphes estoient differentes en contenancez toutes de pierre Galactite, aussi blanche que fin yuoire nouueau, & elles estoient posées sur vne moulure, qui se rapportoit aux bases des colonnes. O comme ie regarday ces images ainsi exquisement taillées: Certes plusieurs & plusieurs fois mes yeux furent destournez des vrayes & naturelles, pour contempler les contrefaites. Le pauë du fons au dessous de l'eau estoit de musaique assemblé de menuës pierres fines, desquelles estoient exprimees toutes sortes & manieres de poissons. L'eau estoit temperement chaude, non par chaleur artificielle, mais seulement par la naturelle: & qui plus est, si nette & claire, qu'en regardant dedans, vous eussiez iugé ces poissons se mouuoir & frayer tout au long des sieges où ils estoient portraits au vif, c'estoient carpes, brochets, anguilles, tanches, lamproyes, alofes, perches, turbots, solles, rayes, truittes, saumons, muges, pleyes, ecreuices, & infinis autres, qui sembloient remuër au mouuement de l'eau, tant l'œuure approchoit de la nature. En l'espace au dessus de la porte, y auoit vn Daulphin taillé en demy-bosse, de pierre Galactite, nageant en la mer, portant vn ieune fils sur son dos, lequel s'esbatoit d'une lyre. De l'autre costé à l'opposite de la porte, sur la fontaine estoit semblablement vn autre Daulphin, sur lequel estoit monté Neptune, tenant vn trident de la mesme Galactite: rapportee sur le fons noir de la muraille. Esquels ourrages le sculpteur n'estoit pas moins à louer que l'Architecte. Sur tout l'estimois en ma fantaisie la singuliere grace des belles & plaisantes Damoyelles, & n'eusse sceu bonnement faire comparaison entre la peur passée, & ma felicité presente, ny dire laquelle des deux excedoit. Certainement ie me trouuay en grand plaisir & satisfaction de courage, parmy ces parfums & senteurs, plus odorans que tous les simples que l'Arabie heureuse scauroit produire. Les Damoyelles se despouillerent & mirent

leurs riches vestemens sur le dernier degré qui estoit hors de l'eau, enueloppans leurs blons cheveux en belles coiffes de fil d'or. Et sans aucun respect de honte, me permirent librement de les veoir toutes nuës, blanches & delicates le possible, sauf toutesfois l'honnesteté qui fut par elles tousiours gardée. Leur charneure sembloit proprement à roses vermeilles, meslées parmy de la neige : dont mon cœur estoit lors tant esmeu que ie le sentoie tresfaillir d'esmotion, tant il estoit surpris de volupté : car il ne pouuoit assez constamment resister aux affections vehementes qui l'aisailloient de toutes parts: neantmoins ie m'estimay bien-heureux de iouyr de cete vision excellente sur toutes autres, laquelle m'embrazoit d'une ardeur amoureuse, telle que ie ne la pouuois bonnement endurer : mais pour éuiter à tous inconueniens, & pour mon mieux, ie destournois souuentesfois ma veüe de la beauté tant attrayante. Et elles qui prenoient bien garde à mes façons indecentes, & contenances par trop simples, en soubscrioient ioyeusement, tirant leur passé-temps de moy: dont i'estois assez satisfait, comme desirant leur complaire en tout & par tout, pour acquerir leur bonne grace.

G ij




Ainsi ie souffrois cette ardeur en merueilleuse patience, & ma passion estoit accompagnée d'une honte modeste, cognoissant que i'estois indigne de me trouver en ceste diuine compagnie, par laquelle (combien que souuent ie le refusasse en m'ex-

enfant) ie fus cōtrainct d'entrer dedans le bain, comme vne Corneille entre les Colombes : parquoy ie me tenois à part tout honteux, les yeux inconstans & mobiles qui n'osoient regarder obiects tant excellents & singuliers. Adonc Osphrasie me dit. Mon amy, comment auez-vous nom? Et ie luy respondy humblement que l'on m'appelloit Poliphile. Il me plaist bien (dit-elle) si l'effect y accorde. Mais comment se nomme vostre Maistresse? Polia ma Dame dy-ie lors: à quoy promptement elle repliqua. Je pensois que vostre nom signifiait fort aymé : mais à ce que i'en puis comprendre, c'est à dire, l'amant de Polia. Or dites verité si elle estoit icy maintenant, qu'entreprendriez-vous pour son seruice. Je respondis, ie mettrois peine de m'aduancer à la seruir selon le merite de sa pudicité, & l'honneur que ie dois à vostre respect : Adonc elle me dit. Mais encores, Poliphile, luy estes-vous autant affectionné que vous feignez estre son seruiteur? Je luy replique, Madame, ie vous proteste que ma vie ne m'est point tant agreable que mon beau subiet, aussi ie luy ay tant vouë d'amitié, que si l'extremité d'amour se peut estimer, on la trouuera en moy pour son occasion. Où est-ce doncques, dit-elle, que vous auez abandonné cét obiect tant extremement aymé. Je respondis que ie ne sçauois, & mesme le luy dis ainsi, ie ne sçay en quel lieu ie suis, ny quelle aduventure me conduit: Lors en se souf-riant elle me dit, que donneriez-vous à qui vous feroit recouurer vostre maistresse? Ne vous donnez plus de soucy, faites bonne chere & n'affligez plus vostre cœur, vous la trouuerez bien tost. Auec tels depuis les Nymphes se baignerent, & moy avec elle: Mais afin de poursuyure mon discours, toute la belle fontaine par dehors où estoit la Nympe dormant, & le Satyre, il y en auoit vn autre par dedans le bain, dont la figure estoit de cuyure doré, rapporté sur vn marbre blanc, rabaislé en quarré, & costoyé de deux colomnes de demy-bosse : puis au dessus vn architraue, frize, corniche, & frontispice, grauez & taillez du massif de la mesme pierre. En ceste fontaine estoient deux Nymphes, quelque peu môindres que le naturel, vestuës d'vn habillement vollant, & ouuert au long des cuyllés, les manches rebrastées iusques aux espaulés, & les bras nuds, qu'il faisoit fort bon veoir, soustenans vn petit enfant qui auoit ses deux pieds posez sur les mains, à sçauoir, le droict sur la main gauche de l'vne, & le fenestre sur la main doicte de l'autre. Les visages des trois sembloient rire à bon escient. Ces Nymphes leuoient de leurs autres deux mains les vestemens de cét enfant, & le descouuroient iusques à la ceinture, par dessus le nombril. Il tenoit à ses deux mains sa petite quynette, & pissoit de l'eau froide comme glace, qui se mesloit parmy la chaude pour la tremper & attiedir. Je me trouuois là en grand contentement d'esprit, mais le principal de mes plaisirs estoit troublé, par me veoir si vil & different de la beauté de ces Nymphes, noir comme vn Ethyopien, parmy cette excessiue blancheur : dont Acoé en souf-riant me va dire de bonne grace, Poliphile, pren ce vaisseau de chrystal, & m'apporte vn petit d'eau fraîche. Quoy entendant & ne desirant que leur complaire, & me rendre serf & subject pour leur faire quelque seruice, y courus sans mal y penser : mais ie n'eu pas si tost mis le pied sur vn degré pour m'approcher de l'eau tombante, que ce petit enfant leua sa quynette, & me pissa droict contre le milieu de la face, vn traict d'eau si froide, & si forte, que ie cuiday tomber à la renuerse : de ceste action, il se leua si grande risée entre ces filles, que la voute en retentit toute, & bien que l'eusse vne grande apparence ayant esté surpris, si est-ce que l'eus apres ma part du plaisir, riant comme elles : Puis apres ayant aduisé le tout, l'apperçeus la tromperie de l'artifice industrieusement trouuée : car en mettant sur vn degré mouuant qui estoit là, quelque pesanteur, il tiroit amont par vn contrepois la petite quynette de l'enfant, parquoy entenduë la subtilité de l'en-

LIVRE PREMIER

gin, ie demeuray bien faisfaict. Au dessus du quarré dans la frize estoit ce tltre en lettres Attiques : ΓΕΛΟΙΑΣΤΟΣ, c'est à dire ridicule, ou faisant, rire.




Après que nous fusmes baignez à nostre plaisir, & faict ces ioyeuses risées, accompagnées de gracieux deuis, nous sortismes de l'eau tiede, & reposâmes sur le

dernier degré, où les Nymphes se parfumerent de ses liqueurs aromatiques, & m'en donnerent vne bouëtte. Ceste onction me sembla grandement profitable à l'ysuë du bain, à cause que outre sa bonne senteur, mes membres affoiblis & debitez de la peine soufferte, en furent soudain recreez. Je m'habillay le plus diligemment qu'il me fut possible : Mais les Damoyelles demourerent vn peu longuement à se parer & accoustrer. Puis ouurirent leurs drageoirs pleins de bonnes confitures, dont nous prinmes refection, & beuimes d'vn breuuage delicieux. La collation paracheuëe, elles retournerent à leurs miroërs, & regarderent soigneusement à leur accoustrement de teste, si tout estoit en ordre. Cela fait, couurirent leurs cheueux de crespes desliez, disant. Allons tost Poliphile vers la Royne Eleutherilide, nostre souveraine Princesse. Vous aurez en sa compagnie plus de passetemps & de ioye qu'en cét endroict. Puis en s'esbatans me disoient. Vous auez eu de l'eau par le visage : & adonc renouvelloient leurs risées, & s'esbatoient ainsi de paroles ioyeuses, se faisant signe du coin de l'œil, l'vne à l'autre, en me regardant au milieu de la troupe. Apres elles commencerent à chanter doucement vne Metamorphose ou transfiguration d'vn amoureux qui se cuydoit par onction muer en oysseau, mais par faillir de boëtte, il se transfigura en Asne. Leur conclusion estoit, qu'aucuns pensent les oignemens estre pour vn effect, & ils sont directement pour vn autre. Cela me donna suspicion qu'elles parloient couuertement de moy, & aussi leurs contances & soubriez à tous momens iettez sur moy m'en firent douter : mais pour lors ie n'y pensay plus, estimant & croyant pour vray, que l'oignement qu'elles m'auoient donné, fut pour le grand bien de mes membres lassez & recrus de peine. Mais incontinent me senty tout esmeu d'vne chaleur lasciue, tant vehemente, que ie ne me pouuois contenir : dequoy ces Nymphes affectees rioient entr'elles à plaisir, cognoissant assez ma maladie, laquelle s'augmenta de sorte, que ie ne scay qui retint mon appetit desordonné, que ie ne me iettasse, entr'elles, comme vn Autour en vne compagnie de perdris. Et d'autant plus se renforçoit mon désir, que la commodité des subjects s'en offroit, lesquels mesmes m'importunoient d'alliger ma peine. Adonc vne boute-feu de la bande, la mignarde Aphaë, me dit en se moquant de moy : Poliphile, qu'est-ce que tu as : Tu te gaudissois n'agueres, & maintenant ie te voy tout changé. A quoy ie fey cette responce. Je vous supply pardonnez-moy, ma Dame: car ie m'entords comme vn osier, & suis quasi homme perdu, par vne ardeur demesurée. A ce mot elles se mirent plus fort à rire que deuant : & me vont dire : Si ta Polia, que tu desires tant, estoit icy avecques nous, que luy ferois-tu à ceste heure ? Helas (respondy-ie) mes Dames, par cette grande Majesté à laquelle vous seruez & obeysez, ne jetez point d'huile sur mon grand feu, ne soufflez pas la flamme qui brule mon cœur : car ie suis totalement consummé. De cette dolente responce elles firent grand' huee, qu'il ne leur fut possible passer outre, ains tomberent sur l'herbe comme transies & pasmées. Adonc par vne confiance desia priuée & familiere, ie me pris à leur dire. O mauuaises enchanteresses, & qui m'auëz enforcelé, me traitez-vous en ceste sorte ? J'ay maintenant bonne cause de vous courir sus, & faire force : puis ie fis semblant de les empogner, comme si l'eusse eu la hardiesse d'executer ce qu'en nulle maniere mon corps n'eust osé entreprendre, dont elles rians tousiours de plus en plus appelloient l'vne & l'autre en secours, & fuyoiēt çà & là par la prairie, laissant leurs souliers & ceuure-chefs à terre, abandonnant leurs vales, peignes, miroërs, & autres besongnes, pour courir plus legierement. Le vent emportoit les rubens & cordons en l'air, ainsi qu'elles alloient fuyant, & moy apres de les poursuyure à viuement, que ie m'esbahy qu'elles & moy ne tombasmes presque morts, tant nous

## LIVRE PREMIER

estions lassez. Ceste plaisante mocquerie dura quelque temps: & quand elles en furent lassez, elles ramasserent leurs beaux souliers, & autres choses espanduës le long des riuës du ruisseau. Et à la fin cessant leur risée elles eurent pitié de moy, parquoy l'une d'entr'elles nommé Geusie, cueillit vne fucille de Nenuphar, vne d'Amelle, & vne racine de pied de veau, autrement appellée Aaron, qui estoient creuës bien près l'une de l'autre: & m'en fit offre gracieuse, afin d'essire & prendre celle qui me plairoit, pour ma santé. Je prins l'Amelle, que ie mis en ma bouche, & en mangeay: parquoy incontinent apres celle chaleur laiciue fut esteincte, si bien que ie retournay en ma disposition premiere: & cheminay avec elles, iulques à ce que nous arriuasmes en vn Palais somptueux à merueillës. Et pour en dire la description. Premièrement nous passasmes par vne belle voye droicte & large, bordée par les deux costez de hauts Cyprés, plantez à la ligne par esgales distances, drux & espoix de branches & de fucilles, autant qu'ils pouuoient estre selon la nature. Tout le parterre hors du chemin d'une part & d'autre, estoit couuert de Paruenche azurée, au moins en ses belles fleurettes. Et contenoit cette voye en longueur enuiron cinq cens de mes pas, & à la fin se terminoit à l'entrée d'une belle haye, faicte à trois pans en forme de muraille, ayant autant de hauteur que le Cyprés qui seruoient de colonnes: mais elle estoit entremeslée d'Orangers, & Cytronniers plantez près à pres & fort druz, industrieusement ployez & entrelassez l'un parmy l'autre. La haye ainsi que ie peu conceuoir, auoit six bon pieds de largeur. Au milieu du premier pan y auoit vn grand portail où la voye s'adressoit, faict en volute des arbres mesmes ainsi courbez à propos: au dessus duquel en des autres lieux conuenables estoient faictes les fenestres de matiere toute semblable, esquelles ne s'aperceuoit par dehors signe de bois, branche, ny tronc, mais seulement la verdure naturelle des fueilles enrichies de leurs fleurs blanches, rendans vne odeur agreable entre le souhait. Pareillement y pendoit le beau fruit, Oranges & Citrons, les vns meurs, les autres verds: aucuns commencez à former, & les autres à demy formez, mesmes d'autres près à cueillir. Au dedans l'espoisseur de la haye, les branches & troncs estoient si proprement serrez, que l'on pouuoit bien à son aise cheminer par dessus pour aller aux fenestres, où se promener à l'entour: & y estoient les fueilles si druës, que les passans n'eussent sçeu veoir à trauers. Par ce portail nous entrasmes en la haye singulierement plaisante & delectable à l'œil, mais plus merueilleuse à l'esprit: car elle seruoit de closture à vn riche Palais quarré, qui faisoit le quatriesme pourpris avec ces trois de verdure. Chacun des pans de sa muraille contenoit en longueur soixante pas. La Court estoit enuironnée de cette haye, & au milieu d'icelle vne belle fontaine d'eau claire comme chrystallin, qui sailloit contremont, quasi aussi haut que le clos, & tomboit dedans vn grand bassin de fine Amethyste, comprenant trois pas en largeur pour tout le diametre. La grosseur estoit de trois poulces, diminuant peu à peu vers le bord, qui n'auoit qu'un pouce d'espoix, & tout à l'entour d'iceluy par dehors estoient entaillez de petits monstres marins de basse-taille. Il repositoit sur vn pillier de Iaspe de diuerses couleurs, meslé avec Chalcedoine, diaphane de couleur de l'eau de la mer, fait en forme de deux beaux vases à col estroict & ventre gros, mis l'un sur l'autre, fons contre fons, & entre deux vn pomineau posé sur vn plinthe de pierre Ophite, tout rond, & leué enuiron cinq poulces de haut, enelos d'un autre bassin de Porphyre, fait en la façon d'une cuue, montant la hauteur de trois pieds. A l'entour du pillier y auoit quatre Harpies de fin or, ayant les pattes estenduës sur le plinthe d'Ophite, les dos tournez à ce pillier, & opposites l'une à l'autre. Le bout de leurs ailles s'estendoit iulques sous le bassin d'Amethyste, comme pour le tenir en l'air. Les visages sembloient

bloient à pucelles, mais leurs queuës estoient de serpens, entortillees & finissantes en fueillages antique, qui s'assembloit au plus haut du pillier droit sous le fonds de ce bassin, en sorte qu'elles seruoient d'ornemens superbe & magnifique. Au milieu du grand bassin par le dedans, & à plomb du pillier, sortoit vn vase vn peu longuet, expressément renuersé sur la bouche, & decoré de beau fueillage, faict de la mesme pierre du bassin, autant eminent par dehors, que le bassin estoit profond, & soustenoit vne base ronde, dessus laquelle estoient posees les trois Charites ou Graces nuës, grandes comme le naturel, faictes de fin or, jointes dos contre dos. Ictans l'eau par les mammerons, comme petits filets desliez, qui sembloient vergettes de fin argent. Chacune d'icelles tenoit vne corne d'abondance, lesquelles s'assembloiet toutes en vne, vn peu au dessus de leurs testes. Entre les fruicts & fueilles qui sailloient des cornes, sortoit l'eau par six petits tuyaux, & i'aillissoit en haut à l'egal de la haye ou muraille de verdure. L'ouurier pour garder l'honesteté, auoit fait que chacune des trois Dames tenoit la main droicte sur la partie qui doit estre couuerte. Dessus les bords du grand bassin excédant d'vn pied en largeur par toute sa circonference, le plinthe d'Ophite, estoient six Dragons d'or, plantez sur leurs pieds par esgales distances, en telle sorte & industrie, que l'eau sortant des tetins des trois Dames, tomboit droicte ment dans leurs testes, qui estoient creuses & cauees: puis l'eau resortoit par leurs gueules, & venoit cheoir entre le plinthe d'Ophite, & le bassin de Porphyre: auquel y auoit vn canal d'vn pied & demy de large, & de deux en profond. Le reste du corps des Dragons estoit couché sur le creux du bassin, tant qu'ils venoient assembler leurs queuës qui se changeoient en vn fueillage antique, duquel le vase soustenant les trois Dames estoit composé, sans que le bassin en fut en rien difforme, ny empesché par le dedans. Mais la reuerberation de la verdure des Orangers, le lustre de la pierre, & la clarté de l'eau, causoit aux regardans vne diuersité de couleurs, telle qu'on les voit en l'arc du Ciel. Au ventre du bassin par le dehors, entre deux Dragons sortoient des testes de Lyon, vuidans par certains petits tuyaux l'eau qui distilloit des Cornes d'abondance: laquelle apres estre montée bien haut, retomboit dedans ce bassin, és endroits où estoient ces testes de Lyon, faisant vne resonnance douce, & gracieuse extrêmement.



L'ouvrage estoit si excellent, que ie ne croy point que mains d'hommes l'eussent fait : car il est impossible de le bien descrire, & à l'humain entendement de le comprendre. Toutesfois ie puis dire que iamais en tout nostre temps, ny auparavant ( que l'on sçache ) ne fut veuë besongne aussi parfaicte : tant s'en faut qu'elle en approchast. Toute la place autour de la fontaine estoit pavée de quarreaux de marbre, de diuerses couleurs & figures. Au milieu de chacun quarreau estoit rapporté vn rond de iaspe, differend en couleur. Les coins & angles des quarrez hors des ronds estoient figurez à fueillage. Entre les quarreaux, & à l'environ de tout le pavé, y auoit des bandes ou lizieres, pour seruir de separation, faites de fine mosaïque. C'estoit vn fueillage bien verd, accompagné de maintes fleurs, iaunes, perles, vermeilles, & violettes, composées de pierres menuës, cubiques, si artificiellement jointes, que cela sembloit vn tableau de platte peinture. Je me trouuay tout surpris de ces choses, car ie n'auois pas accoustumé de veoir si excellents ouvrages : & me fusse volontiers arresté pour le contempler plus à loisir, mais il me conuenoit alors suiure les Damoiselles, mes guides & compagnes.

La marque & regard de ce Palais sembloit proprement rire aux yeux : parquoy tant plus s'en approchois, plus ie le trouuois digne d'estre contemplé, pour la richesse des murailles, l'excellence de la peinture, la disposition des colonnes, & la distribution des membres, comme salles, chambres, galleries, & offices. Là estoient les proüesses du magnanime & puissant Hercules, taillées en demy bosse, & si proprement dénüées, que les figures sembloient séparées d'auoc le fons, & si estoient environnées de despoüilles, tîtres, & trophées, d'vn noppareil & admirable artifice. Mais quelle entrée ? quel portique ? quel perron ? Certes ie n'ay à qui le comparer : car tout estoit tant singulier, que tout entendement parfaict seroit trop petit & debile pour en faire la declaration. La viz & montée estoit fort exquisite, considéré que tout l'art d'Architecture y estoit employé. L'arceau de la voulture de la porte estoit rabaislé par dessous entre deux moulures, à parquets ronds & quarrez, & par dedans semé de roses & fueillages de demy taille, rehaussées d'or, & le fons couché d'azur. Deuant ceste porte estoit tenduë vne courtine, tissüe de fil d'or & de soye : & y estoient pourtraictes deux belles images, l'vne avec tous les instruments conuenables au labourage, & l'autre contemplant le Ciel. Quand nous fumes arriuez deuant ceste courtine, les Nymphes me prindrent par la main pour me faire entrer, disant : Poliphile, cecy est l'ordre qu'il faut obseruer, & par lequel on doit venir à la presence de la Royne nostre maistresse. Ainsi qu'elles me dirent : Il n'est permis n'y loisible à aucun d'entrer en ceste premiere courtine, s'il n'est receu par vne Damoiselle vigilante portiere, nommée Cinofie (muable, ou mouuante) elle nous ouyt incontinent, & vint à nous, entr'ouurant la courtine, parquoy aussi-tost nous entraismes. Là estoit vn petit espace, & apres vne autre courtine, plus iolie que la premiere, diuersifiée de toutes sortes de couleurs, & de toutes manieres de bestes, de plantes, d'herbes, & de fleurs, d'exquisite tapisserie. Là vint à nous vne autre portiere, nommée Indalmene ( feintise ) qui sembloit merueilleusement curieuse : toutesfois elle nous receut benignement, & ouurit la seconde courtine, nous mettant au dedans. En l'autre espace, ou entre-deux, y auoit encores vne tierce courtine, tissüe par grande excellence, & peinte de plusieurs lassets, lyens, crochets, & autres instruments pour attacher, tirer, & retenir : à la garde de laquelle estoit vne autre matrone hospitaliere, fort gracieuse, que l'on appelloit Mnemosyne, qui nous ouurit incontinent : & adonc pour resolution mes compagnes me presenterent deuant la Majesté de la Royne Eleutherilde.


**POLIPHILE RACONTE L'EXCELLENCE DE**  
*la Royne, le lieu de sa résidence, avec son magnifique appareil, l'esbahissement*  
*qu'elle ent de le veoir, le bon recueil qu'elle luy fit, ensemble le ri-*  
*che & somptueux banquet, & le lieu où il fut préparé,*  
*qui n'a second, ny semblable.*

## CHAPITRE IX.



**C**OMME ie fus deuant la premiere huyssiere, elle me considéra avec quelque esbahissement, & apres que ie l'eus saluée, selon mon debuoir, elle me reccut fort fauorablement. Puis quand i'en passé les trois courtines, ie trouuay vn grand portique, en forme d'vne galerie basse, & ouuerte, qui contenoit en longueur autant que tout le corps du Palais. La voulte estoit de fin or bruny, peinte à fueillage, entre-lassez de rameaux, meslez de fleurs de bonne grace, & de toutes manieres de petits oysillons, representez en vne musaique, faicte de pierres precieuses. Les murailles estoient couuertes de mesme ourage & matiere: & le paué semblable à celuy de la court de dehors. La matrone, portiere de la derniere courtine, m'admonesta & aduertit que ie fusse assuré & constant, sans crainte, resolu à la perseuerance & à mettre en execution tout ce que la Royne me commanderoit, me promettant qu'il m'en aduendroit tout contentement & honneur. Apres ces remonstrances elle me mit dedans le Palais, où ie vis des singularitez plus diuines que transitoires: mais entr'autres vn appareil merueilleux qui se dresloit en vne court large, bien ample & spatieuse, au deuant d'un grand coips d'hostel, parfaitement quarré: qui contenoit soixante quatre quareaux en longueur, & autant en largeur. Chacun quareau auoit trois pieds de mesure, faicts en forme d'un eschiquier, differens en couleur, l'un de iaspe, rouge comme corail, & l'autre de iaspe verd, tacheté de gouttes sanguines. Le bord du paué estoit vne belle frize, en fueillage de musaique, ayant vn bon pas de largeur, composé de petites pierres fines, comme iaspes, presmes, agathes, chalcedoines, ambre, crystal, iayet, & autres, toutes d'une grosseur & quarrure, si iustement jointes ensemble, que l'on n'eust sceu discerner les jointures. L'ouurage estoit si plein, poly, & tant vny, que qui eust mis dessus vne boule bien ronde, elle eust tousiours esté en mouuement. La frize estoit encores enlose & euiroignée d'un autre bord, large de trois pas, figuré de beaux entrelas des mesmes pierres & ourages. Au long des murailles à l'entour de la place y auoit des sieges de bois de sandal, rouge & iaune, couuerts de veloux verd, & de quareaux pleins d'une matiere molle, comme du uet ou cotton. Le veloux estoit attaché aux bords du banc à petits cloux de fin or, sur vne liziere d'argent martellée, en façon de ruben. Les murailles du Palais estoient reuestuës de lames d'or, & ornées de sculptures, correspondantes à matiere tant precieuse, départies en sept quarez, par pilliers de moulures de mignonne proportion. Au milieu de chacun de ces quarez y auoit vn chapeau de triomphe, composé de toutes manieres de fruiçts & fueillages, contre-faits apres le naturel de fines pierres precieuses, selon les couleurs, qualitez, & ressemblances necessaires. Dedans le vuide d'iceux ronds estoient entaillez & ciselés à demy-bosse les sept Planettes, avec leurs proprietéz & nature. Le demeurant du quarré hors du rond estoit enrichy de fueillage de fin argent, limé & rapporté dessus la lame d'or.

Telle estoit la muraille du premier front. Celle du costé gauche estoit toute semblable, avec les quareaux & chapeaux de verdure, comme les precedens, en nombre, ornement, & façon, reserué qu'en ces sept ronds estoient les sept triomphes de ceux qui sont dominez par les sept Planettes, & enclins à leur constellation, faits du mesme ouurage & matiere. Au costé droict ie vis dedans les ronds les sept harmonies ou concordances des sept Planettes, & l'entrée de l'ame dans le corps, avec la reception des qualitez infuses par les degrez celestes. La quatriesme muraille estoit comme les autres, fors que la porte occupoit l'espace du milieu, & les autres six espaces estoient de la mesme mesure, proportion, & correspondance. Ces ronds contenoient les influxions & operations procedantes de l'inclination des Planettes, exprimées par belles Nymphes, avec les escreteaux, tiltres, & enseignes de leurs effects. Le septiesme rond estoit situé au milieu du frontispice du portail, au droict de la Planette du Soleil, qui estoit plus haut que les six autres, en la muraille opposite, à cause du siege de la Royne qui estoit plus éminent que les autres. Ainsi toutes les parties correspondantes l'une à l'autre, estoient égales ou semblables en nombre, en assiette, & matiere, chacun pan de muraille auoit en longueur vingt & huit pas, tellement que la court estoit quarrée, couuerte d'un merueilleux artifice. C'estoit vne treille d'or, tant industrieusement taillée, qu'il est impossible de la bien declarer. D'un pillier iusques à l'autre, qui faisoient les quarez de la muraille, y auoit distance de quatre pas en sept diuisions, qui est le nombre plus agreable à la nature. Ces pilliers estoient de pierre d'azur Orientale, de viue couleur, & semez de menuës pailletes d'or: les faces desquels entre deux moultres estoient entaillées de candelabres, grotesques, fucillages, arabesques, cornes d'abondance, vases, masques, satyres, monstres, balustres, & autres belles inuentions & deuises d'une sculpture si ronde, qu'elle sembloit estre de relief toute entiere.



Ces pilliers faisoient l'interualle des quarrez où estoient les chapeaux de triumphe, garnis de leurs chapiteaux, bases, & ornemens, conformes au reste de l'œuvre. Au dessus estoit l'architraue, avec ses lineamens, moulures, & lizieres requises, ornées de billettes, continuées & départies de deux en deux : puis la frize entaillée de la sculpture suiuite. C'estoient des testes de bœuf seiches, les cornes liées de tresses, pendantes avec deux rameaux de Myrte, entrauersez & liez sur leur jointure, deux Daulphins ayans les aislerons & le bout de leurs queuez figurez en fueillage antique, & tournées en rond : dedans la reuolution desquelles estoient petits enfans qui s'empoignoient aux deux costez de la rondeur. La teste du Daulphin estoit aussi faite en fueillage fourché, vne partie renuersée deuers le petit enfant, l'autre se tournoit sur vn vase à large ouuerture, finissant en teste de Cigongne, ayant le bec dedans la bouche d'un masque, avec petites billettes enfilées. Les cheueux du masque estoient de fueillage qui enuironnoit le bord du vase, & du drap pendant vers le pied, passant au dessous du neu, ou pommeau d'iceluy. Au dessus du vase y auoit la teste d'un enfant entre deux aisles.



Tel estoit l'ornement & sculpture de la frize, sur laquelle estoit la corniche, parfaite en toute excellence d'ouurage. Au dessus de la dernière cymaise, droict à plomb de chacun pillier, y auoit vn vase antique de hauteur de trois pieds chacun, les vns d'Agathe, les autres de Iaspe, aucuns d'Amethyste, Grenad, ou Ambre de diuerses couleurs, & inuention differente, pleins, & tournez, avec anses taillées en figure de serpens, lezards, & autres belles fantasies. Entre-deux, au droit des chapeaux de triomphe estoient plantées des foliues quarrées, fichées de pointe, & debout, ayant sept pieds de hauteur, toutes de fin or, creuses, pour doute de trop grand charge: par dessus lesquelles il y en auoit des autres qui trauesoient toute la court, & repositoient dessus d'autres sommiers aboutissans sur la muraille opposite: & estoient sept en nombre, seruant de postures, entrauerisées de menus foliueaux & chevrons aussi tous d'or, en façon de la charpenterie d'une treille platte. Des quatre vases estans aux quatre coins, sortoient grands seps de vignes, & plusieurs autres herbes differentes, comme Voluble, Hobelon, Chérefueil, Troëne, & autres semblables, toutes d'or, qui s'estendoient par dessus la charpenterie en plusieurs branches & rameaux entremeslez, embrassans l'une l'autre en façon d'entrelas, par liaisons belles & singulieres, de sorte qu'elles couuroient toute ceste belle court d'un ouurage riche, ou pour mieux dire, inestimable: car les fucilles estoient d'Esmeraudes, les fleurs de Saphirs, Rubis, Diamans, Topases, & autres pierres precieuses, mignonnement ordonnées & disposées selon leurs couleurs. A traues ce fueillage pareillement y auoit des raisins contre-faits d'Amethystes, & autres pierres exquises, de couleur assortissante au naturel. C'estoit vne despence infinie que de ce bastiment: car toute la treille reluisoit d'une merueilleuse clarté, non seulement pour la matiere qui estoit incomparable, mais aussi pour l'artifice nonpareil, que ie ne peu iamais comprendre par quel art ou inuention cét ouure auoit esté drellée, non pas mesmes déterminer si elle estoit cloüée, soudée, enchassée, riuée, sarte, ou polée à vis; Ce qui me sembloit impossible en vne couuerture si grande, entremeslée de liaisons & entrelasures tant diuerses. La Royne magnanime, & de contenance Royale, estoit assise en Majesté, bien ressemblante vne Déesse sur son throsne d'or,

garny de pierrerie, fait à degrez, contre le premier front du Palais, à l'opposite de l'entrée. Elle estoit vestuë d'un drap d'or traict, & sa teste atornée d'un diadème de soye cramoisie, comme à telle Dame appartenoit, bordée d'un borlet de grosses perles reluisantes au long de son front, & sur ces cheueux, qui estoient plus noirs que iayet, départis en gréue, & ondoyans sur ses temples, diuisez par derriere en deux tresses à trois cordons, chacune ramenée aux deux costez par dessus les oreilles; & nouée au sommet de la teste avec vn bouton de fines perles, claires, rondes, & de bonne grosseur, duquel sortoit le bout de ces cheueux en lieu de houppe, le tout couuert d'un crespé delié, bordé d'une pourfisure de fil d'or, volant au long de ses espauls. Au milieu du diadème droict, au dessus du front, estoit attaché vn riche fermaillet de perles & de pierrerie. Elle auoit vn beau carquan, auquel pendoit vne chere bague, descendant iusques entre ses deux tetins, si blancs, & de tant belle forme, que l'on les eust iugez de lait. Ceste bague estoit vne table de Diamant en ouale, grande entre les plus grandes, & enchassée en or par bel ouurage de fil. A ses deux oreilles pendoient gros Carboncles bruts, & brillants comme chandelles allumées. Sa chaussure estoit de soye verte: les anses de ses pantoufles d'or, garnies de pierrerie. Elle repositoit ses deux pieds sur vn quareau de veloux cramoisy, bordé de perles, à quatre boutons de pierrerie, avec les flocs, ou franges de fil d'or, & de soye cramoisie. A dextre & à fenestre de son throsne estoient assises les Dames de la Court, en grauité moderée & benigne, vestuës de drap d'or, d'une façon si belle que iamais ne fut rien veu de plus agreablement bien. La Roynie estoit au milieu d'elles en grand pompe & magnificence, vestuë d'un accoustrement bordé de pierrerie, en si grande abondance que l'on eust dict que nature auoit là gressé à superfluité toutes les pierres precieuses de ses thresors.

Quand ie fus arriué deuant la Roynie, ie me mis humblement à genoux, & luy fis la reuerence: & incontinent toutes les Dames se leuerent meuës (comme ie croy) de la nouveauté de me veoir. I'estois (sans point de doute) en merueilleuse admiration, pensant aux choses passées, & considerant les presentes, tout remply d'estonnement, & confus de crainte honteuse. Adonc les Dames se rassirent, & desirant scauoir nouvelles de moy, faisoient signe à mes compagnes, & leur demandoient tout bas en l'oreille qui i'estois, & comment i'estois là venu: parquoy les yeux de toute l'assistance estoient employez dessus moy, empeschez à me regarder.

Estant



Estant ainsi à deux genoux deuant ceste Majesté, ie me trouuois esbahy & hon-  
teux. Adonc la Royne interrogea mes compaignes de la maniere de ma venuë, &  
comme i'estois entré en ce Palais. A quoy elles luy racompterét tout ce qui s'estoit  
passé, & luy firent sçauoir mon nom. Quoy entendu, elle me dit gracieusement,  
Poliphile, faites bonne chere. J'ay bien ouy le discours de vostre desconuenü:  
mais ie desire entendre comment vous estes eschappé du Dragon, & en quelle  
maniere vous auez trouué l'issüé des caüernes tenebreuses: car ie m'en esbahy  
grandement en moy-mesme, pource que nul, ou peu de gens, peüent arriuer icy  
par ceste voye. Et puis que la bonne fortune vous a conduict à sauueté, il me sem-  
ble raisonnable de vous receuoir en ma grace, & vser enuers vous de ma liberalité  
& bien-veillance accoustunée. Je la remerciai de ce recueil gracieux, par les  
plus humbles paroles d'honneur qui lors furent en ma puïssance: & apres luy  
recitay succinctement, & de poinct en poinct, comme ie fuy la fureur du Dragon,  
& à quelle peine & difficulté i'estois paruenü iusques là: dont elle s'esmeruilla

LIVRE PREMIER

beaucoup, & pareillement toutes les Dames. Puis en poursuivant mon propos, leur comptay comment les cinq Damoiselles m'auoient trouué errant, & tremblant de frayeur. Dont elle se print à soufrire, & me dit. Il aduient par fois que le mauuais commencement prend heureuse & prospere fin. Mais auant que ie vous commette à executer chose aucune de vostre deliberation amoureuse, ie vueil que vous assistiez en ceste belle compagnie à disner avecques moy, puis que le Ciel vous a fait digne d'entrer en ma maison. Et pourtant choisissez vne place, pour cét effect: car vous verrez aujourd'huy vne partie de mon estat, qui est somptueux au possible; l'abondance de mes delices, la pompe de tout mon seruice, l'excellence de mes honneurs, & la grandeur de ma liberalité magnifique vous sera manifeste. Lors entendant son humaine parole, ie me rendy seruiteur tres-humble & tres-obeyssant de son saint Empire, delibéré d'obeir toute ma vie à ses bons commandemens & volonteiz. Puis avec humble hardiesse ie m'assis dessus ces riches bancs au costé droict, avec ma robbe de laine, à laquelle les glouterons, espines, & ronces, tenoient encores. l'estois au milieu de mes cinq compagnes, troisieme apres la Royne, entre Osphrasie & Acoé: De l'autre costé estoient assises six Dames, si loin l'vne de l'autre, qu'elles emplissoient & occupoient toute la longueur du banc, chacune au droit d'un des quarrez. La Royne descendit de son haut throsne, & s'assit sur le bas degré, dedans le rond qui estoit au dessus de sa teste. Plus haut que sa chaise estoit l'image & effigie d'un beau ieune homme sans barbe, ayant les cheveux blonds & dorez, la moitié de la poitrine couuerte d'un drap noüé sur l'espaule, & au dessous vn aigle estendant les ailles, & tenant en ses serres vn rameau de laurier verd. Il auoit la teste leuée, pour le regarder au visage, qui estoit environné d'un diadème azuré, départy en sept rayons, le tout fait d'orfeucerie, cizelé & esmaillé en toute perfection, & semblablement les six ronds.



Or estoit-il aduenü par fortune, & sans y penser, que ie m'estois assis sur le rond de Mercure: & vey en me retournant comme sa benignité, son bñ aspect & influence sont diminuez & deprauez quand il se trouue en la queuë de Scorpion. L'ayant regardé ie me r'adressay deuers les Dames, & commençay à penser combien vil & pauure estoit mon habillement, puis qu'entre tant de riches pareures l'on me pouuoit comparer & dire semblable au Scorpion, vil & difforme entre les nobles signes du Zodiaque. Le demourant des Dames fut assis sur les autres bancs à l'entour de la place, toutes richement attournées d'accoustremens, variez & diuers, tels que les

femmes les scauent diuiser, leurs cheveux liez, tressez, entre-lassez, & attournez en plusieurs belles & plaisantes manieres. Les autres les auoient crespelées & volletans sur les temples, aux deux costez du front. Il y en auoit de plus noirs que fin layet, liez à filets de grosses perles: & autour de leurs cols des carquans de prix & valeur inestimable. Toutes si diuites & bien prises, que quand les Damoiselles seruantes

fléchissoient les genoux, ou s'enclinoient pour faire la reuerence aux tables, elles aussi se leuoient de leurs sieges, & faisoient le semblable. Celuy de la Royne estoit droitement vis à vis de la troisieme & derniere courtine, où y auoit vne porte belle & grande, non point de marbre, mais de Iaspe Oriental, faite à l'antique, d'un ouurage presque diuin. Aux deux costez d'icelle se tenoient les Damoiselles musiciennes, sept de chacune part, vestués de drap d'or fait en broderie, en façon de Nymphes, lesquelles aux changements des mets changeoient d'instruments: & cependant que l'on mangeoit, sonnoient en accords si accomplis, & harmonies tant plaisantes, qu'elles eussent rendu les Dieux affectionnez à les escouter. Incontinent les tables & trestaux furent apportez & dressez quasi sans qu'on s'en apperceust: car chacune estoit merueilleusement prompte à faire son office, ententue au seruice, soigneuse & bien aduisee de tout ce qu'elle auoit à faire.

Premierement deuant la Royne fut apporté vn tresteau en façon de trepied, fait de trois pilliers d'or, fichez en vn rond de Iaspe: le bas desquels estoit formé en pattes de Lyon, estenduës sur le Iaspe: & en sortoit vn feuillage, continué d'une part à l'autre. Vn peu plus haut que la moitié, contre chacun de ces pilliers, y auoit la teste d'un petit Ange entre deux ailes, où pendoient des festons, diminuans sur les extremittez, ou bout d'iceux pilliers, liez de cordons, ou de tresses, le tout fait de fin or, & bruni. Le tout estoit vn rejet ou saillie en forme de crampons, pour enfermer la table ronde que l'on mettoit dessus, laquelle estoit changée à chacun mets, aussi bien que le linge & la vaisselle: mais le trepied ne se bougeoit.



Bien-tost apres fut apportée la table de la Royne, pareillement ronde, & faite de fin or, contenant trois pieds en largeur, & vn bon pouce de grosseur: de ceste forme & mesure estoient toutes les autres où nous mangeames, mais la matiere estoit d'ivoire, & les trestaux de fin Ebene. Sur chacune d'icelles fut estenduë vne nappe de soye verte, armoysine, pedante tout à l'entour iusques à vn pied pres de terre, bordée d'une broderie faite en arabesque, enrichie de pierrerie de la largeur de deux pouces, & au dessous vne frange de fil de la soye mesme, retors & meslé avec filets d'or & d'argent: ainsi furent toutes les nappes. Puis vint vne belle Damoiselle portant vne corbeille d'or, comblée de toutes fleurs odorantes, comme au printemps, qu'elle sema sur toutes les tables, fors sur celle de la Royne, où n'en fut point mis. Quand tout fut prest, la Royne se despoilla de son

manteau royal, & demetra en vn corset de veloux cramoisy, figuré à petites bestes, tant oyssillons qu'autres especes, avec fleurs & feuilles esleuées en broderie, proprement agencée de perles, & par dessus vn creipe quelque peu safranné, tant

subtil & deslié, que l'on pouuoit facilement voir à trauers le veloux cramoyfi, la broderie, & tout l'accoustrement, qui estoit (certes) singulier, riche, excellent, & imperial. Apres que la Roynes fut assise, deux belles ieunes filles apporterent vne fontaine sans fin, artificiellement construite, en sorte que l'eau tombant dans vn bassin d'or, remontoit par tuyaux secrets au mesme lieu dont elle estoit sortie. Et se faisoit ceste reuolution (au moins comme ie coniecturay) par deux tuyaux, l'vn plus gresse que l'autre, & vne separation estant dedans le vase percé au milieu: parquoy l'air enclos en ce vuide, attiroit l'eau comme vne esponge, puis par contrainte & violence la faisoit monter contremont. Elle fut premierement presentée sur la table d'or de la Roynes, par les deux filles enclinans la teste, & ployans les genoux quasi iusques à vn pouce de terre. Semblable reuerence en vn mesme instant firent les autres Damoiselles seruantes: autant à l'asseoir & leuer les plats, & consequemment à tous les seruices. Les deux filles estoient suiues de trois Damoiselles. La premiere tenoit vne eguyete d'or, l'autre vn bassin de mesme, & la tierce vne seruiette de soye blanche, exquisement subtile & desliée. La Roynes l'aua en ceste fontaine: & la Damoiselle qui portoit le bassin receut l'eau, à fin qu'elle ne retournaist: mais celle qui auoit l'eguyete y en remit autant d'autre senteurs, comme il en estoit fort: puis la tierce tendit la seruiette pour essuyer les mains. Le receptoër de ceste fontaine estoit posé sur quatre petites rouës, par lesquelles on la faisoit rouler sur toutes les tables pour seruir à chacun. Le milieu estoit embouty, & vn petit plus esleué, fait à goderons de bonne grace: le bord enrichy de pierres precieuses, & belles sculptures.



Le pilier estoit composé de deux vases mis l'vn sur l'autre, differens en facon, joinctz & assemblez par deux anses. Au bout de la pointte du couuercle du dernier vase, laquelle finissoit en vne fleur, y auoit vn gros Diamant fait en poire, le gressé fiché en la fleur, de grandeur inaccoustumée, de prix nullement estimable, & reluisant merueilleusement, ainsi que ie peus iuger à la sentir, fut faite de roses, escorces de lymons, ambre gris, & benjouyn, deüement proportionnez & distillez pour rendre vne odeur agreable.

Au milieu de la place fut mis vn vase de parfum, non seulement exquis pour sa riche matiere, qui estoit d'or purifié, mais en special pour sa belle inuention, & le gentil ouurage dont l'ouurier l'auoit decoré. C'estoit vne base triangulaire, soustenuë par trois pieds de Harpyes, finissans deuers le haut en fucillage, qui s'embrassoient l'vn l'autre. Sur les trois coins y auoit trois petits Anges, de la hauteur chacun de deux coudées: de qui les pointtes des ailles se vehoient joindre & assembler en vn, tous trois plantez d'vne mesme démarche, ayans le pied droict fermé & plat sur la base, & le gauche vn peu souleué, & quasi comme en repos, pource qu'il ne touchoit la base que de l'extremité des arceils, ces mannequins tellement disposez, que la iambe ferme de l'vn, estoit

contre celle que l'autre tenoit en suspens. Ils auoient les coudes hauffez, & tenoient de chacune main vn balustre, amenuisé par bas, & s'elargissant par dessus en façon de couppe largette, & vn peu profonde, enuironnée d'un bord plat. Les balustres estoient six en nombre, colloquez en parfaite rondcur.



Entre les trois Anges, droit au centre de la base, estoit fiché vn pilier fait en candelabre antique, à la pointe duquel y auoit vne pareille couppe que les autres, & de mesme grandeur, qui emplissoit le vuide que les six faisoient en leur milieu. Les Damoiselles seruantes y auoient mis des charbons ardants, couuerts de cendre: & là bouilloit vne ampoule d'or à chacune des couppes, pleine d'eau, ou autre liqueur, qu'elles (à mon iugement) renouelloient tous les iours: & me sembla que c'estoient toutes eaux diuerses, comme de Roses, de Myrte, Suseau, Menthe, fleurs d'Oranges, & autres telles assez cognuës, mixtionnées de plusieurs matieres odorantes, qui respiroient vne odeur delicieuse, que iamais il n'y en eut qui approchast de sa douceur.

La Royne estoit seruiue de trois Damoiselles, fort belles & gracieuses, vestuës d'un drap tissu de fil d'or & de

soye: toutes fois elles changeoient d'habillement au changer des nappes, qui estoit à tous les mets: car elles venoient en forme de Nymphes, vestuës du drap de la couleur de la nappe qu'elles apportoit, troussées au dessus de la ceinture avec vn plaisant reply de leur accoustrement, tournoyant sur leurs espauls, & tiré sur l'estomac, pour faire apparoir la belle vallée qui départoit les petites mammelles, si rondes, & parfaitement blanches, que les yeux des regardants en estoient trop sobrement rassasiez, encores qu'ils les contemplassent sans cesser. Leur chaussure estoit ouuerte au dessus du pied en façon de lune, attachée à boucles & courroyes d'or. Les cheveux blonds & longs leur pendoient iusques sur les genoux: mais ils estoient liez à l'entour du front d'une guirlande de grosses perles de compte, toutes de pareille rondcur. Ces trois assistoient deuant la Royne, humbles en maintien & contenance, expertes en leurs offices, prompts & propres à seruir, combien qu'elles ne seruoient sinon à vne table, & à vn mets: car venant l'autre, elles demouroient debout, les bras ployez: puis les trois nouvelles venuës seruoient à leur tour, & ainsi par ordre, à chacune assiette de viande. Ceux qui estoient assis à la table auoient chacun trois seruantes, dont l'une portoit le manger à la bouche, l'autre l'accompagnoit avec vne assiette, afin que rien n'en tombast: & la tierce luy essuyoit la bouche d'une seruiette blanche & nette, faisant à chacune fois la reuerence, & jettant apres la seruiette sur le paué, qui estoit incontinent leuée & recueillie par vne autre Damoiselle: car elles apportoiēt autant de seruiettes que l'on deuoit manger de morceaux, toutes de soye, ployées, parfumées, & tissuës à la damasquine.

## LIVRE PREMIER

assis ne touchoit à son plat, mais estoit peu & seruy, fors de boire, par la Damoiselle Escuyere. Et à celle fin que nos mains ne fussent oysives, fut à chacun de nous baillé vne pomme d'or, couuerte de feuillage percé à iour, & emplie d'une paste composée d'ambre & de musq. Quand on vouloit changer de mets, deux Damoiselles amenoient au milieu de la place vn chariot sur quatre rouës, le deuant fait en façon de la prouë d'un nauire, & le derriere en char triomphant, tout de fin or, cizelé à Scythes, & petits monstres marins, & de tous costez enrichy & semé de pierretie, ordonné bien à propos, qui estinceloit par tout à l'environ, & se rencontroit avec le lustre des contre-joyaux, situez en diuers endroits du Palais, tellement qu'il sembloit que ce fussent rayons de Soleil, donnans contre vn acier bien fourby. L'œuvre estoit tant ingenieuse, que ie ne scaurois trouver chose assez digne (ce me semble) pour en faire la comparaison. Dedans ce chariot estoient les seruites necessaires pour le changement des tables: à scauoir, nappes, seruiettes, coupes, assiettes, vaisselle, fourchettes, viande, saulce, & le breuage, distribué par les Damoiselles du chariot aux autres qui seruoient les tables, lesquelles remettoient dedans toute la desserte. Quand le chariot s'en alloit, les Damoiselles musiciennes se prenoient à sonner de hautbois, & trombons: puis autant quand il reuenoit: & ainsi comme elles cessoient, les chantres commençoient vne harmonie qui eust endormy les Sereines. Parquoy continuellement estoient ouys deux sons & accords comme celestes, melodie delicieuse entendue, odeur delectable receue, & friandise nonpareille sauourée: car toutes choses y estoient appropriées à dignité, grace, & delectation. Au premier mets toute la vaisselle fut de fin or, comme la table de la Royne: & fusmes seruis d'une confiture cordiale, faite (à ce que i'en peu comprendre) de rasure de Licorne, des deux sandaux, avec perles cuites & esteintes en eau de vie, iusques à resolution, manne, pignons, musq, & or moulu en eau rose, precieusement composez & assemblez en masse, avec sucre & amydon, & nous en fut donné à chacun deux morceaux sans boire; qui est vn manger pour preseruer de toute poison, deliurer de fièvre, ou humeur melancholique, & conseruer la santé & ieunesse: Incontinent apres les nappes furent leuées, & les violettes respanduës: puis au mesme instant les tables redressées, & recouuertes de drap de soye toute perse, duquel les Damoiselles seruantes vindrent gayement habillées, & semerent par dessus des fleurs d'Oranges. Et adonc on osta la table d'or qui estoit deuant la Royne, & y en fut mise vne de Beril, avec la vaisselle de mesme. Puis on nous presenta à chacun cinq petites souppettes ou friteaux d'une paste saffranée, faite de sucre bouilly en eau rose, enroulées d'eau musquée, & bruinées de sucre candy. La premiere cuitte en huile de fleurs d'Oranges, la seconde en huile de cloux de Girofle, la troisieme en huile de Gensemy, la quatrieme en huile de Benjouyn, & la cinquiesme en huile tirée d'ambre & de Musq. Quand nous eusmes repeu de celle viande sauoureuse, on nous apporta vne riche coupe de Beril, couuerte de mesme, & par dessus vne longiere de soye deliée, tissue de fil d'or, jettée sur l'espaule de la Damoiselle qui la portoit, & pendant par derriere iusques à demy pied de terre. En ceste maniere estoient seruis & apportez tous les vaisseaux, tant du boire que du manger. Je croy (veritablement) que les Dieux auoient fait vendanger aux champs Elisées le vin que nous beusmes, car il n'est possible que la terre habitable produise liqueur si precieuse. Nous en beusmes à nostre gré. Us les nappes leuées, tout incontinent en fut apporté d'autres de soye grise, les Damoiselles seruantes vestuës de semblable parure, qui espendirent par dessus des roses de damas, blanches, vermeilles, & incarnates, nous apportans pour chacun six tranches de Chappon gras, confites en vne saulce faite de la graisse, eau rose saffranée,

vn petit de jus d'Orange, avec six tranches de pain blanc. Puis nous mirent au deuant vne autre saulce de jus de lymon, adoucy de sucre, le foye du chappon pilé avec pignons, & destrempé en eau rose, musq, & canelle. La table de la Royne, & la vaisselle furent de Topace en ce troistiesme seruice: & la table leuée, la quatriesme fut incontinent mise à point, couuerte d'vn beau satin iaune, duquel les Damoiselles seruantes furent habillées en belle mode, & de plaine arriuée semerét des fleurs de Muguet: puis chacun de nous fut seruy de sept estomachs de perdrix, & autant de tranches de pain, plus blanc que lait: la saulce d'amandes pilées, sucre, amydon, sandal citrin, musq, & eau rose bien extraicte. La vaisselle & table de la Royne estoit alors de Chrysolithe. Il nous fut pour la secõde fois donné à boire du premier breuage. La cinquiesme nappe fut de foye vermeille cramoisie, & tel l'habit des Damoiselles seruantes: les fleurs des violiers iaunes, blanes & violets. On nous donna pour mets chacun huit morceaux d'aile de Faisan, & autant de tranches de pain. La saulce de moyeux d'œufs frais, pignons, eau d'Oranges, jus de grenades, sucre & canelle. La vaisselle & la table de la Royne estoient d'Esmeraude Orientale. Ce seruice leué, fut mise vne autre nappe de foye violette, comme l'habillement des Damoiselles seruantes, couuerte de fleurs de Gensemi: Nostre manger fut de poitrine de Pan en saulce verde, faicte de Pistaches pilez, sucre, amydon, musq, thim, serpolet, marjolaine, ozeille, & salemonde. Au septiesme & dernier changement elles apporterent deuant la Royne vne somptueuse table d'iuoyte, dessus laquelle estoit rapportée vne autre de bois d'Aloës, toute grauée de fueillages, fleurs, vases, petits monstres, & oyselets: le vuide emply d'vne fine paste de musq & ambre. C'estoit vn chef-d'œuvre magnifique, odorant, & exquis à veoir. Les nappes & seruiettes de lin de Carysto, & semblablement les robbes & vestemens des Damoiselles: les fleurs, toutes sortes d'œillets & giroflées souëffleurantes. Mais qui seroit celuy qui pouroit comprendre si grand douceur de senteurs tant diuerses, & si souuent reuouuellées? La viande fut de Dates & Pistaches, broyez en eau rose, avec musq & sucre, desguisé de fin or, tellement que les morceaux sembloient or massif: & nous en fut donné à chacun trois. La vaisselle estoit de Iacinte, certainement conuenable à si grande pompe & excellence du banquet triomphant & diuin. Quand ces nappes furent leuées, on apporta vn beau grand bassin d'or, plein de charbons ardans, sur lesquels furent jettées seruiettes & nappes, & y demeurèrent si longuement, qu'elles furent toutes embrasées en feu: puis on les en retira, & quand elles furent refroidies, reuindrent en leur premiere nature, nettes & entieres, aussi blanches que qui les eust tirées du coffre apres la laissue: qui sembla chose bien nouvelle & merueilleuse, au moins à moy qui n'auois accoustumé de voir tels mysteres: dont tant plus profondement ie les considerois, plus me trouuois ignorant & esbahi. Toutesfois i'auois grand plaisir de voir si triomphante & prodigue despense, telle que les banquets de Sicile, les ornemens Attaliques, les vases Corinthiens, ny les delices de Cypre, n'estoient rien en comparaison. Ce grand plaisir & contentement (certes) m'estoit aucunement rendu imparfait, à l'occasion d'vne des Damoiselles, qui à son rang m'auoit seruy à table, ressemblant du tout en tout à Polia, de contenance, de regard, & façon de faire. Cela (croyez) estoit diminution de mon ayse, & de la douceur des viandes sauoureuses dont i'auois esté refectionné: parquoy ie retirois discrettement mes yeux occupez à contempler tât de pierrerie precieuse, si grand comble de toutes richesses, & tant de singularitez de choses: puis les appliquay à regarder la Damoiselle, fort esmerueillé de celle ressemblance, avec conformité de figure, & façons, tellement que ma veüe y estoit si auant schiee, & (pour mieux dire) oblinée, que ie ne l'en pouuois retirer.



Les tables furent levées, & emportées: puis on me fit signe que ie ne bougeasse de mon lieu, pource que l'on devoit apporter les confitures.

Bien-tost apres cinq Damoiselles vindrent deuant la Royne, vestuës de soye bleuë, entre-meslée de fil d'or. Celle du milieu tenoit vn arbrisseau de Coral, ayât vne coudée de haut, fiché dedans vne petite montagne d'Esnerandes, assise sur l'ouuerture d'vn vase antique de fin or, fait quasi en façon de coupe, ou calice, autant haut comme le Coral & la montagne. Entre le pied & le rond de la coupe y auoit vn gros pommeau d'vn ouurage exquis le possible. Le reste estoit cizelé en demy-bosse, à feuillage de Scyllés & petits monstres, si naturellement exprimez, qu'on n'y eust trouué que redire. Le bord serrant & enchassant la montagne, estoit enrichy de pierrerie, assortie selon les couleurs, & pareillement tout le tour du pied. Aux branches de cét arbrisseau estoient appliquées des fleurettes en forme de Roses à cinq fucilles, aucunes de Rubis, autres de Diamans, Saphirs, Iacintes, & autres semblables. Dedans cinq d'icelles fleurettes estoient fichées cinq pommes, grosses comme Cormes, le tout de la propre couleur, pendantes à vn filet d'or, comme si elles eussent creu là. La Damoiselle qui le portoit auoit vn genouil en terre, & l'appuyoit sur l'autre qu'elle tenoit leué. Ce riche arbrisseau, qui estoit entre les roses, se monstroit garny par les branches de grosses perles, fichées aux pointes des rameaux.

La seconde Damoiselle tenoit le vase à boire, plein d'vne liqueur trop plus precieuse que celle que la Royne Cleopatra donna iadis au Capitaine Romain. Les autres trois faisoient leur office, & cueillirent les cinq pommes avec vne four-

chette: puis les nous presenterent pour manger. Je ne pense pas (à mon iugement) qu'onques homme sentist, ny goustast, viande si excellente. C'estoit (comme ie croy) de l'Ambrosie dont les Dieux se nourrirent. Alors nous rendismes les pommes d'or pleines de senteurs, lesquelles nous auions tenuës en nos mains durant le dîner.

Après

Après on nous amena vne œuvre miraculeuse, à sçauoir vne fontaine sans fin, d'inuention rare & nouvelle, toutesfois faisant mesme effect que la premiere, mais d'autre façon plus estrange. C'estoit vn plinthe quarré, tout d'or massif, contenant trois pieds en longueur, deux en largeur, & quatre onces pouces d'espois. A chacun des coins y auoit vne Harpie, estendant ses aisles contre le ventre d'un vase qui estoit au milieu, posé sur le centre du plinthe, lequel estoit garny de moulures. La face de deuant, & celle de derriere, estoient vn peu courbes en demy-rond, ainsi que la quarté partie d'un cercle : & estoient départies en trois, avec moulures conuenables. Ce plinthe estoit assis sur deux rouës. La partie du milieu en la face de deuant, contenoit vn triomphe de Satyres & de Nymphes, fait en demy-bosse : & en celle de derriere y auoit vn sacrifice sur vn vieil autel, mesmes plusieurs figures & personnages. Les autres deux tiers, tant du costé de deuant que du derriere deuers les coins, estoient couverts & reuëstus des queuës d'icelles Harpies doubles, & finissantes en fueillages, proprement contournez & rapportez de demy-taille. La grosseur du vase estant au milieu, n'excedoit en rien la largeur du plinthe, ains se monstroit accompli de toute proportion & ornement requis & necessaire, si bien qu'il estoit parfait de tout ce qui appartient à vn vase antique. Sa bouche & ouuerture posoit sur vn bassin goderonné, plus large de quatre doigts par tout le tour de sa circonference & rondeur, que le diametre du vase.

Sur le milieu du bassin y auoit aussi vn autre vase, moindre d'une quarté partie que celui de dessous, goderonné deuers le bas, pour vn tiers de sa hauteur : & où les goderons finissoient, estoit faite vne ceinture en forme de platte-bande, toute garnie de pierrerie : & au dessus de la teste d'un monstre de chacun costé de la bouche, duquel sortoit vn fueillage embrassant le corps du vase, & se rencontrant avec le fueillage d'une autre teste semblable, entaillée de l'autre part : & en lieu d'anses auoit deux boucles rondes, en forme d'anneaux, où pendoient des festons de verdure, composez de fleurs, fruités, fueilles, & branchettes, de maintes manieres diuerses. Entre ces deux boucles, au droit milieu de chacun des costez estoit cizelé vn visage vieillard, le menton duquel se conuertissoit aussi en fueillage, & rendoit eau par la bouche, tombante dedans le bassin.

L'ouuerture de ce dernier vase enuironnoit vne riche montagne, ou monceau de pierres precieuses, toutes sans taille ne polissement, assemblées tout en vn tas, & pressées l'une contre l'autre, groslement, sans art, & sans ordre : parquoy la montagne sembloit aspre & difficile à monter, mesme elle rendoit vn brillement de diuerses couleurs estranges. Sur la poincte & sommet d'icelle naissoit vn pommier de grenade, dont la tige & les branches estoient d'or, les fueilles d'esmeraudes, & le fruit de grandeur comme naturelle, l'escorce duquel estoit d'or, sans brunir, & les grains de Rubis Orientaux, tous de la grosseur d'une fève. La membrane ou pellicule qui separe les grains, estoit d'argent approprié.

Le gentil ouurier de ce chef-d'œuvre l'auoit garny en certains lieux de grenades fenduës & entr'ouuertes : les grains desquelles sembloient n'estre encores paruenus à maturité, & les auoit composées de grosses perles Orientales. Inuention certainement superbe, & quasi faisant honte à nature.

D'auantage il y auoit mis des balustres, ou fleurs de grenadiers, taillées de corail vermeil : l'ouuerture en forme de calice, dentelée, & pleine de petits filets d'or traict : puis auoit fait passer vn petit pilier au dessus de l'arbre, fiché en forme de puiot en l'aisieu du chariot, & trauersant par dedans le trou qui estoit vuide.

Ce pilier tournoit incessamment, & soustenoit vn vase de Topase, large par le bas, enuironné contre le milieu par deux bandes d'or, faites en moulures de qua-

tre testes de petits enfans, ayant chacune deux ailles, jettans eau par la bouche.

Le col du vase estoit deux fois autant long que le demeurant du corps, diminuant & montant en pointe, couuert par dessus d'un fueillage renuersé, sur lequel estoit posé vn autre vase quasi rond, aussi couuert d'un beau fueillage.

Au fonds de ce dernier vase touchoient des queués de Dauphins de chacun costé, joignant le graille du col du vase. Leurs testes qui estoient reuestués du fueillage descendoient iusques sur les bandes ou ceintures d'or, entre lesquelles estoient les testes des petits enfans, ployez quasi en forme d'anses, d'une belle grace, pource que les testes des Dauphins estoient courbes & voultrées, & les queués basses & serrées contre le vase: qui estoit fait par tel artifice, que quand le chariot se mouuoit, le vase & le pilier qui le soustenoit tournoient incessamment, jettans eau par dessus le grenadier. Je pensay que cela prouenoit par vne proué du chariot, qui en faisoit tourner vne autre couchée à plat, & cheuillée, rencontrant au bas du pilier, auquel il y auoit vn pignon.

Les roués du chariot estoient à demy couuertes, & iusques au moyeu, en forme de deux ailles estendués, de fin or, cizelé en petits monstres, comme Scylles, masques, & fueillage. Ainsi fut menée ceste fontaine par toutes les tables, & y lauasmes nos mains & nostre visage, d'une eau tant odorante, qu'onques homme ne sentit plus grande douceur. Puis les Damoiselles seruantes presenterent à la Roynes vne grande tasse d'or, qu'elle print en saluant la compagnie, & faisant signe de boire à nous, dont nous la remerciafmes tres-humblement, pour acheuer le conuy solemnel nous la plegeafmes: car elle nous le commanda.



Finablement les fleurs qui auoient esté respandues furent amassées, & portées hors, de sorte que le paue demeura net, & luisant comme la glace d'un miroër crystallin, faisant à l'enuy avec la pierrerie. Chacun de nous demeura en la place où il estoit assis au disner: & la Roync ordonna le bal, qui fut fait en sa presence.

K ij

*POLIPHILE RACONTE LE BEAU BAL QVI  
fut fait apres le grand banquet, & comme la Royne commanda à deux de  
ses Damoiselles qu'elles luy fissent veoir plus amplement l'estat de son  
Palais : aussi comme il fut par elle instruit sur aucuns doutes  
qu'il auoit : puis mené aux trois portes, esquelles il  
entra, & demeura en celle du milieu avec  
les Damoiselles amoureuses.*

## CHAPITRE X.



R l'excessiue gloire, les incomparables triumphes, les thresors que l'on ne peut penser, les delices abondantes, les viandes exquisés de ce banquet somptueux, préparé par ceste heureuse & riche Royne, ne sont point de qualité estimable, & ne peuuent estre dignement desferis, aussi ie ne croy pas qu'il y ait langue assez disert, ny esprit tant accompli qui puisse satisfaire à les desduire: tant s'en faut que i'en sois suffisant, attendu mesmement que mon cœur n'estoit occupé d'autres desseins qu'à penser à Madame Polia, outre que ie tiens pour certain que tout entendement humain (quelque excellent qu'on puisse eslire) eut esté troublé & confus entre tant de merueilles impossibles à croire, & difficiles à reciter. Et encores qu'en ma fantasie n'y eust autre pensée ou imagination que ceste-là, si estoit-ce assez pour opprimer & offusquer tous mes sens. Mais qui est celuy qui pourroit, ie ne dy pas reciter, ains seulement rememorer tous les riches atours & parfaites beautés des Damoiselles? Qui pourroit raconter la grande prudence, beau langage, sagesse, sçauoir, & liberalité de la Royne? l'exquise disposition d'Architecture, la proportion conuenable de l'edifice, l'excellence des peintures & tapisseries de soye, & de fil d'or, la richesse de la vaisselle, le nonpareil ourage des sculptures, & la multitude infinie des pierres precieuses? Certainement il me sembloit que toutes celles du monde y estoient assemblées. Les ornemens des chambres, salles, galleries, cabinets, garde-robbes, cuisines, bains, estuues, & basses-cours, estoient si somptueux & bien appropriés, qu'en tout le Royaume des Fées n'en fut iamais veu de semblables. L'inuention & entreprise de ce Palais estoit incroyable, d'autant qu'il se proportionnoit si exactement en toutes les parties, qu'il estoit tout accompli. Entre les ourages plus excellents il y auoit vn plancher fait à compartiments ronds, quarrez, ouales, triangles, hexagones, & autres figures toutes d'une grandeur, séparées par vne bande, ou liziere, bordée de deux moulures entre-deux, comme de boutons de roses enfilez, les coins de compartimens embrasés de feuilles d'Acanthe, dedans emply de feuillage Arabesque, en demy bossé. Le relief estoit doré, le fons d'azur d'Acre, si beau que l'on pouuoit dire singulier, & non pareil.

Ie ne discours point des beaux vergers, iardins, prez, saussayes, fontaines, & ruyssaux, enclos, & courans entre les riués de marbre blanc, bordez de fleurs toujours verdoyantes, nourris de doux vents en temps serein, sous vn ciel temperé, en contrée plaisante & saine, bruyante du chant des oyseaux, abondante en tous biens terrestres, & les costaux couuerts d'arbres si proprement arrangez, qu'il sembloit

qu'on les eust plantez à la ligne, & tout expres mis ainsi, pour donner plaisir aux regardans. Quant à l'opulence, grande famille, & pompeux seruire de la Royne, à la multitude incomprehensible de la ieunesse qui là estoit en fleur d'aage, aux filles gentilles & gracieuses, ie n'en scaurois dire autre chose, fors que ie m'en trouuay esmerueillé, de sorte que ie ne pensois plus estre moy-mesme, ayant perdu la cognoissance du lieu où i'estois arriué. Bien sentoie-ie vn tres-grand plaisir: mais ie ne me pouuois rassasier de regarder, & pensois incessamment comment & par quelle aduenture i'estois entré là: toutesfois me voyant en lieu de felicité & beatitude, entre toutes les gloires du monde, parmy tant de douces Damoiselles toutes belles, asscuré des courtoises paroles de la Royne, qui m'auoit tant humainement recueilly, & promis son ayde & faueur en la jouissance de mes amours; ie me resolu de rendre graces à ma bonne fortune, qui m'auoit si bien adressé, tousiours pensant à tout ce qui m'estoit adueni jusques à ceste heure-là. Le banquet prodigue acheué, la Royne voulut monstrer combien elle excedoit tout l'vniuersel en magnificence. Parquoy estant encores chacun assis en son lieu, elle ordonna vn passe-temps, non seulement digne d'estre consideré, ains renommé à tout iamais. Ce fut vne danse telle. Par la porte des courtines entrerent trente-deux Damoiselles, dont les seize estoient veitües de drap d'or, à scauoir huit d'vne parure, l'vne en l'habit de Roy, l'autre de la Royne, deux Capitaines de places fortes, deux Cheualiers, & deux fols, & le reste en femmes de guerre. Puis en entra autres seize, veitües de fin drap d'argent, toutesfois accoustrées de la mesme façon des premieres, lesquelles separées en deux bandes, se mirent selon leurs qualitez & offices, sur les quarraux de la court, faicts en forme d'eschiquier, les seize d'or d'vne part en deux ranges, & celles d'argent à l'opposite, en pareil ordre. Ce fait, trois Damoiselles musiciennes commencerent à sonner de trois instruments d'estrange façon, accordez en douce harmonie, aux mesures & cadences desquels les Damoiselles du bal se mouuoient ainsi que leur Roy commandoit: & en luy faisant reuerence, & à la Royne pareillement, marchoient brauement sur vn autre quarrau. Quand donc les instrumens eurent commencé à sonner, le Roy d'argent commanda à la Damoiselle qui estoit deuant la Royne sa compagne, qu'elle se mist au deuant de la Damoiselle d'or qui s'estoit auancée. Lors faisant la reuerence à son Roy, elle marche à l'encôtre de sa partie aduerse: & ainsi elles toutes changeoient de lieu: ou demeurant sur vn quarté, tousiours danfoient au son des instrumens, iusques à ce qu'elles fussent prises, & mises hors, en la presence de leur Roy. Et si le son harmonieux contenoit vn temps musical, les huit pareilles veitües d'vne sorte mettoient autant à se transporter d'vn quarrau à l'autre: & ne leur estoit permis de reculer, si elles n'auoient passage ouuert pour sauter sur la partie où estoit leur Roy, ny prendre le front, mais seulement de trauers, par les lignes diagonales. Le fol & le Cheualier tout en vne cadence passoient hardiment trois quarez, le fol par ligne diagonale, & le Cheualier par deux quarez en ligne droicte, & vn de trauers, ou à costé, tant à dextre comme à fenestre. Les Capitaines des places fortes pouuoient sauter plusieurs quarraux en droicte ligne, le long du paue, ou en trauers par les diametres, s'ils n'estoient empeschez de rencontre, hastant leurs pas, & gardant la mesure. Le Roy se pouuoit mettre sur tel quarté que bon luy sembloit, pourueu qu'il ne fust empesché ou occupé d'vn autre: & auoit liberté de prendre, mais il estoit descendu de se mettre sur vn quarté ou quelque autre de ses contraires eust peu luy nuire: & s'il aduenoit qu'il s'y fust mis, il estoit contrainct s'en leuer, apres auoir esté sommé de ce faire. La Royne pouuoit aller sur tous les quarraux qui se presentoyent, de quelque sens que ce fust, pour

ueu qu'il n'y eut point d'empeschement : mais il estoit bon que tousiours elle sui-  
uist son mary. A chacune des fois qu'un Soldat de l'un des Roys en trouuoit vn de  
l'autre sans garde, il le faisoit son prisonnier : & apres qu'ils l'estoient entre-baizez,  
celuy qui estoit pris & vaincu s'en alloit dehors la troupe. En telle maniere les  
trente-deux Damoiselles firent vne belle danse, ballant à la mesure du son de ses  
instruments, tant que la victoire demeura au Roy d'argent : dont furent faites gran-  
des exclamations, & plaisantes risées.

Ceste feste dura en assauts & secours vne bonne heure, ou enuiron, par contour-  
nemens, reuerences, & pauses, si tresbien mesurées, qu'une seule note ou cadence  
n'y fut perduë. Finy le premier bal, chacune des Damoiselles retourna en son lieu  
ordonné, & recommencerent pour la seconde fois, tout ainsi qu'elles auoient fait  
à la premiere. Mais celles qui sonnerent des instrumens hastèrent vn petit les tēps,  
de leurs notes, suiuant lesquels, le pas & la danse des Damoiselles ballantes estoit  
d'autant plus auancé, toutesfois gardant la cadence, par vn art accompagné de ges-  
tes tant conuenables, qu'il est impossible de le bien reciter : tant elles y estoient  
expertes. Aucunes auoient les tresses pendantes & auallées sur leurs espaules, les  
autres reiettées en derriere, selon leur promptitude & mouuement : & en leurs tes-  
tes auoient des chappeaux de fleurs qui leur donnoient vne grace fort plaisante à  
veoir. Quand l'une estoit prise de sa partie aduerse, toutes les autres leuoient les  
bras, & se battoient les paulmes. Le Roy d'argent eut encores la victoire de ce bal  
second : mais à la tierce fois qu'elles furent entrées, & mises d'ordre en leurs pre-  
mieres places, les Musiciennes hastèrent encores plus promptement la mesure : par-  
quoy le Roy d'or fit partir la Damoiselle qui estoit deuant la Roynie, & marcher  
sur le troisieme quarteau en droicte ligne. Là se dressa incontinent vne bataille ou  
tournoy, si gaillard & tant chaud, qu'il excedoit tous autres passetemps : car vous  
les eussiez aucunes fois veu encliner iusques à terre, plus vistemēt faire vn saut en  
trauers, tant dextremēt & par si grande adresse, que Mymphurius le voltigeur  
n'en approchast onques, nonobstant qu'il feist deux tours en l'air, l'un tout au con-  
traire de l'autre, puis sans interualle mettāt le pied droict en la terre, tournoit deux  
fois dessus la poincte, & autāt sur le gauche à l'opposite en vn mesme temps, & sans  
aucune pause. Certainement ces Damoiselles se manioient d'une tant bonne gra-  
ce, & par si gentil ordre, sans empeschier l'une l'autre, que cela sembloit chose plus  
diuine que terrestre. Quand vne estoit prise & saisie, elle baisoit celle qui la prenoit,  
puis se départoit de la danse. Et de tant qu'il en restoit moindre nombre, d'autant  
plus se pouuoit veoir vne affection sollicitée de surprendre & deceuoir l'une l'autre,  
chacune gardant son ordre avec la cadence : nonobstant que les instruments  
pressassent leurs notes beaucoup plus que du commencement, incitans & quasi  
contraignans les spectateurs à semblables gestes & actes, pour la conformité qui est  
entre nostre ame, & l'harmonie musicale. Chose qui me fit souuenir du Musicien  
Timothée, lequel par la force de ses accords contraignit les gēs de guerre du grand  
Roy Alexandre de prendre les armes, & se ranger en bataille : puis fléchissant de  
voix & ton, les ramodera, & fit retourner en leurs tentes. Le Roy d'or emporta  
l'honneur de ceste escarmouche derniere : laquelle finie, on me fit leuer de mon  
siège : & adonc m'enclinay deuant le throsne de la Roynie, avec vne humble reue-  
rence, mettant les deux genoux en terre. Quoy voyant, il luy pleust me dire, Il est  
temps, Poliphile, que vous mettiez en oubly les fortunes passées, les fantasies pri-  
ses, & les perils tres-dangereux dont vous estes eschappé : car ie suis certaine que  
vous estes bien remis, partant si vous deliberez poursiuire la queste amoureuse  
de Polia, mon aduis est que pour la trouuer vous alliez aux trois porte où habite

la Roynie Telosie. Sur chacune d'icelles vous trouuerez sur son vray tiltre, que li-  
 rez soigneusement. Et pour vous y conduire ie vous bailleray deux de mes Damoi-  
 selles, lesquelles (pour estre cognoissantes du pais) vous y guideront à seureté, sans  
 vous faulser de compagnie. Et pourtant allez en la bonne heure. Cela dict, elle ti-  
 ra de son doigt vn bel anneau d'or, dedans lequel estoit enchassée vne pierre nom-  
 mée Anchite, qu'elle me donna proferant ces paroles. Prenez ceste bague que ie  
 vous donne, & la portez en souuenance de ma liberalité enuers vous. Par ces fa-  
 ueurs tant gracieuses, accompagnées de la valeur de ce precieux don, ie fus telle-  
 ment surpris de honte, que ie ne la sceu remercier, ny seulement respondre vn mot:  
 dont elle s'apperceut assez, mais par sa bonté naturelle dissimula sa cognoissance,  
 & se tourna deuers deux belles pucelles, prochaines de sa Majesté, auxquelles par-  
 lant par expres à celle qui estoit à sa dextre, luy dit; Logistique, vous serez vne de  
 celles qui conduirez nostre hostre Poliphile: puis à l'autre estant à fenestre. Et vous,  
 Thelemie, vous irez semblablement avec luy. Monstrez-luy en quelle porte il de-  
 uera entrer. Et adonc me dit: Elles vous meneront à vne autre grande Roynie, à la  
 quelle faut necessairement vous presenter: & si elle vous est fauorable, vous serez  
 heureux à tousiours: mais si elle fait autrement, il aduiendra tout le contraire. L'on  
 ne la peut cognoistre ny comprendre par son visage: car il est muable, & subject à  
 changer, maintenant doux, tantost rigoureux, soudain pitifant, & puis terrible. C'est  
 celle qui termine & acheue toutes choses, & pourtant dicte Telosie, qui ne demeu-  
 re en maison si somptueuse que la mienne: car ie vueil bien que vous scechiez que  
 le Toutpuissant Createur de ce monde ne vous pouuoit donner vn plus grand tresor  
 que vous diriger en ma presence. Ce n'est pas peu que d'acquiescer ma grace, & parti-  
 ciper à mes biens. Il n'est auoir dessous le Ciel qui soit comparable à celuy qu'on  
 obtient par moy. C'est vne richesse diuine octroyée aux mortels bié-heureux. Mais  
 ma bonne seur Telosie habite en ce lieu trouble & caché. La porte & les fenestres  
 de sa maison sont à toutes heures fermées, & ne consent en aucune maniere que  
 les hommes la cognoissent. Aussi n'est-il loisible, ny permis aux yeux corporels,  
 de regarder chose tant souueraine. Voila pourquoy le succez de ses effets est à tou-  
 tes heures incertain. Elle se mué & transfigure en plusieurs formes bien estranges:  
 puis vient à se manifester lors que point on ne la desire, & quand l'on y pense le  
 moins. A l'ouuerture de chacune des trois portes elle se viendra presenter, tou-  
 tesfois vous ne la pourrez cognoistre, sinon par conjecture, qui la preuoit & con-  
 sidere incontinent, quoy qu'elle change à tous coups de visage & d'habit, pour ren-  
 dre la cognoissance douteuse. Ceste doute & incertitude faict souuentefois de-  
 meurer l'homme sans amendement, estant deceu par esperance. Ces deux mien-  
 nes Damoiselles donc à qui ie vous consigne, recommande, & baille en charge,  
 vous enseigneront en laquelle des portes vous deurez vous arrester, & pourrez  
 en vertu de l'anneau que ie vous donne, gouverner par celle des deux que bon  
 vous semblera. Ce dict, elle leur fit signe qu'elles s'approchassent de moy. Alors  
 par gestes & par actes (n'estant en ma puissance, hardiesse, n'y sçauoir de parler) ie  
 la remerciai tres-humblement de toutes ses graces & biens-faits. Adonc mes deux  
 compagnes me prindrent familièrement chacune par vne main: puis avec le  
 congé de la Roynie, & semblablement de toutes les Dames, nous sortismes hors  
 de la mesme porte par laquelle i'estois entré: Ie me retournois à chaque pas, com-  
 me celuy qui ne se pouuoit rassasier de voir ce logis triomphant, si somptueux  
 qu'il est impossible de croire que ce fust bastiment de mains d'hommes, mais que  
 nature l'auoit fait pour ostentation, & monstret d'vn excellent chef-d'œuvre de  
 son artifice, remply de beauté, grace, richesse, seureté, beatitude, felicité, & durée

perpetuelle. Parquoy ie me fusse volontiers arresté encores vn bien peu, mais il me conuenoit suiure mes guides. En passant doncques mon chemin ie jettay ma veüe en trauers, & vey escript en la frize dessus la porte vne inscription, disant ainsi.


Ο ΤΗΣ ΦΙΣΕΩΣ Ο ΑΒΟΣ.

C'est à dire,

LA RICHESSE DE NATURE.

Au départir ie recouru avec les yeux tout ce pourpris, pour le retenir en memoire, disant à part moy. O bien-heureux celuy qui pourroit obtenir lettre de bourgeoisie pour y habiter perpetuellement. Quand nous fusmes venus à la closture d'Orangers, Logistique me dit. Poliphile, vous auez veu des choses singulieres, mais il y en à encores quatre, non moindres que les precedentes, lesquelles il vous faudra veoir. Adonc elle me mena au costé gauche du Palais, en vn beau verger, contenant en circuit autant comme tout le logis où la Royne faisoit sa residence. A l'entour duquel, tour au long des murailles, y auoit des parquets de iardinages en forme de casses, dedans lesquelles estoient plantez des Buys, & des Cyprez, entremeslez, à scauoir entre deux Buys vn Cyprez, les troncs & les branches de fin or, mais le fueillage estoit de verre, si proprement contre-faict, que l'on l'eust prins pour naturel. Les Buys montoient en troupeaux ronds, d'vn pas de haut, & les Cyprez en pointe, doublans ceste mesure. Il y auoit des herbes & des fleurs pareillement feintes de verre, de diuerses couleurs, figures, & especes, du tout ressemblantes aux naturelles. Les planches des parquets estoient pour closture, enuironnées de lames de verre, dorées & peintes par le dedans de plusieurs belles histoires. Les bords auoient deux pouces de largeur, garnis de moulures d'or, tant par haut que par bas, & les coins couuerts d'vn petit fueillage d'or, en forme de bizeaux. Le iardin estoit clos de colonnes ventruës, faites de verre, en forme de Iaspe, embrasées de l'herbe dicté Liset, ou Voluble, avec ses fleurs blanches, pareilles à clochettes, toutes de relief du mesme verre coloré, apres le naturel. Ces colonnes estoient appuyées contre des piliers d'or, quarrez & cannelez, soustenans les arcs de la voulture, faite de mesme matiere. L'espoisseur d'icelle par dessous estoit garnie de lozenges de verre, rapporté entre deux moulures. Sur les chapiteaux des colonnes ventruës estoient assis l'architraue, la frize, & la corniche de verre, figurez en Iaspe: & les moulures à l'entour, de rhombes d'or, à fueillage lyme & martellé: lesquels rhombes auoient en largeur la tierce partie de l'espoisseur de la voulture. Le plan & parterre du iardin estoit faict à compartimens, composez d'entre-laz, & autres figures de belle grace, diapré d'herbes & fleurs de verre, ayant lustre de pierrierie: car il n'y auoit rien de naturel, & neantmoins cela rendoit vne odeur soueue, propre & conuenable à la nature de l'herbe qui en estoit representée, à cause de quelque composition dont elles estoient frottées. Je regarday longuement ceste nouvelle maniere de iardin, & la trouuay fort estrange en moy-mesme.

Logistique



Logistique me fit apres monter en vne haute tour qui estoit là , & me monstra vn autre grand circuit en forme de Labyrinthe , fait en rond , mais on ne pouuoit cheminer par dedans , pource que toutes les voyes estoient couuertes d'eau , & y falloit aller en barques ou nasses. Au reste le lieu de soy estoit assez delectable , abondant de toutes sortes de fruiçts , arrosé de claires fontaines , embelly de verdure , & remply de toutes delectations : Adonc Logistique me va dire.

Je pense, Poliphile, que vous n'entendez pas la qualité de ceste merueilleuse contrée. Je vous aduise que celuy qui vne fois y est entré, ne peut iamais retourner en arriere. Ces tourelles que vous voyez edifiées çà & là, sont distantes l'une de l'autre par sept enuironnemens ou reuolutions de chemins : & y en à dix de compte fait, sans celle qui est au centre, & sur le milieu. Le danger auquel tombent ceux qui y entrent est, qu'en la tour du centre se tient vn Dragon inuisible, mais grandement cruel & hydeux. Il est vray que ne le voit point, est quelque peu de reconfort, toutesfois c'est chose par trop espouuenable de ne le pouuoir euitier. Aucunesfois dès l'entrée mesme, ou sur le chemin, par cas fortuit, ou de propos deliberé, il deuore ceux qui y sont entrez. Et si à l'entour, ou parmy la voye, il ne les engloutit en son ventre, ils passent seurement toutes les reuolutions, & voyent toutes les tourelles vne à vne, iusques à celle du centre où ce monstre fait sa demeure, & là inéuitablement tombent dedans sa gueulle, & n'y à point de remission.

L.

L'on y entre par ceste premiere tour, sur laquelle tu vois ceste escriture de lettres Grecques.

Δ Ο Σ Α Κ Ο Σ Μ Ι Κ Η Ω Σ Π Ο Μ Φ Ο Λ Υ Σ .

C'est à dire,

La gloire du monde est comme les bulles d'eau quand il pleut.

Ceux qui premierement y entrent nauigent à gré d'eau, sans peine, & sans aucun soucy : & cependant les fleurs & les fruiçts tombent en leur batteau : puis passent les sept reuolutions premieres en tout plaisir, & sans moleste, iusques à la premiere tourelle.

Regardez, Poliphile, quelle clarté d'air, quelle attrempance de temps il y a en ce commencement, qui tousiours augmente iusques à la cinquiesme tourelle, & comme de là en auant elle decline & décroist peu à peu, obscurcissant vers la tour du centre, ou la lumiere vient à faillir du tout. En la tour de l'entrée fait sa residence vne Dame benigne & liberale, deuant laquelle y a vne vieille conche, entaillée de sept lettres Grecques.

Θ Ι Σ Η Ι Ο Ν .

C'est à dire,

Le sort, ou destinée.

Ceste conche est pleine de Mesles fatales, desquelles elle donne à ceux qui entrent leans, à chacun vne, sans aucun respect de qualité ou condition, mais ainsi que l'adventure & le sort y eschéent : puis commencent à nauiger droict au Labyrinthe, & treuuent les chemins bordez de roses, & arbres fruiçtiers. Quand ils ont passé l'environnement des sept reuolutions premieres, & sont venus à la premiere tourelle, ils treuuent vn grand nombre de filles qui leur demandent à veoir leurs mesles, car elles sont expertes à cognoistre leur propriété : & apres les auoir veüs, reçoient & acceptent pour hoste celuy qui à la mesle accordante & conuenable à leur nature : & l'embrassent, suiuent & accompagnent par les autres reuolutions, en diuerses vacations & exercices, selon leur inclination. Ainsi vont iusques à la seconde tourelle, & lors commencent à regarder ce beau lieu : puis nauigent deuers la tierce, voulans bien entendre que c'est à cause qu'ils y prennent plaisir. En ce lieu qui vouldra perseuerer avec la premiere compagnie, elle ne l'abandone iamais : mais pource qu'il s'y en treuue de beaucoup plus belles, plusieurs repudient les premieres, & les delaisent pour s'acointer de celles-cy. Et est à sçauoir que de la seconde tourelle iusques à la tierce, ils treuuent vn peu l'eau contraire, tant qu'il est besoin de voguer. Et de la tierce à la quatriesme encores plus forte & plus mal-aisée, combien qu'en passant ils y voyent diuers plaisirs variables & inconstans. Lors arriuez à la quatriesme tour, ils sont receuz par autres Damoiselles lutteuses, & duites au mestier de la guerre, qui esproutent & examinent leurs mesles, & tirent à leur vacation ou exercice ceux qu'elles y cognoissent idoines, laissant passer les autres qui n'ont point de conformité avec leur complexion. En ce passage l'eau est rude, & grandement resistente aux batteaux : parquoy sont contraints à voguer


à toute force. La cinquième tourelle, quand ils y sont paruenus, leur semble fort recreative: car ils y contemplent la beauté de leur semblable: & en ce passé-temps ioyeux & desiré cheminent pleins de fantasies & occupations laborieuses. Là est practiqué ce Prouerbe. Les bien-heureux ont tenu le moyen. En ce passage se iuge le milieu de nostre cours, avec lequel se marie & conjoinct la felicité, la richesse, ou la science: lesquelles si l'homme alors n'a avec luy, moins les pourra-il acquerir en l'aduenir. Au sortir de ceste tourelle, l'eau pour raison de la pente du lieu commence à deualer, & prendre cours vers le centre final: parquoy aisément & sans guieres voguer, on est porté iusques à la sixième tourelle, en laquelle demeurent certaines belles matrosnes, comme femmes vefues, de regard & maintien chastes & honnestes, entendantes au seruice diuin: la deuote contenance desquelles faict esprendre leurs hostes de leur amour, si bien qu'elles blasment les Dames passées, faisans avec ses dernières vne alliance ferme & perpetuelle pour tout le reste du passage. Ces six tourelles passées, l'on nauigue par les autres en gros air obscur, avec beaucoup d'incommoditez, & trouue-l'on le chemin fort coulant & brief, pource que d'autant plus s'approchent les voyes du centre, tant moins ont-elles de longueur, & sont plus courtes, & tost passées: parquoy n'ont plus que faire de voguer: car l'eau les emporte assez d'elle-mesme, & sont comme precipitez par vallées, glissantes dedans l'abyssine & orage du centre, non sans grande affliction d'esprit, pour la souenance & recordation des beaux passé-temps & gracieuses compagnies qu'ils ont laissé aux lieux passez. Et d'autant plus qu'ils cognoissent que plus ne leur est possible de retourner en arriere, ny reuolter la proué de leur barquette: pource que les chemins sont estroits, & les proués de ceux qui les suiuent nauiguant apres eux, touchent sans cesser à leur poupe: plus se redouble en eux leur peine, voyant l'escriture espouventable sur l'entrée de la tour du centre, qui est grauée en lettres Attiques, disant:

ΘΕΩΝ ΑΥΧΟΣ ΑΥΖΑΛΗΤΟΣ.

C'est à dire,


Le Loup des Dieux, qui est sans pitié.

L ij



Alors considerant ce mal gracieux tiltre, sont fort dolents, & ont vn merueilleux regret d'estre entrez en ce verger esgaré, sujet à tant de necessitez inéuitables & malheureuses, combien qu'il semble plein de delices. Alors Logistique me dit encores: Sçachez, Poliphile, que dans le fons de ce grand abyssme est assise vne rude contrerolleuse, laquelle iuge ceux qui y entrent, poise & examine scrupuleusement, & à iuste balance, toutes leurs actions, par lesquelles ils doiuent receuoir mal ou bien, selon leur merite. Et pource qu'il seroit trop long à vous declarer le tout, vous serez confus de ce que i'en ay dit. Descendons maintenant à nostre compagne Thelemie. Quand nous l'eusmes retrouvée, elle nous demanda la cause de nostre tardement: Et Logistique respondit. Il ne suffisoit pas à nostre Poliphile de voir seulement ce que ie luy ay monstré, mais il a esté besoin que ie luy donnasse à entendre ce que pour la disposition du lieu il ne pouuoit personnellement conceuoir, à fin que par mon interpretation, puis qu'autrement ne luy estoit possible, il cogneust aucunement la propriété de ce lieu. A ce mot Thelemie changea de propos, & dit; Allons à l'esbat à l'autre jardin, qui n'est moins delectable que celuy que luy auez monstré. Ce jardin estoit de l'autre costé du Palais, fait de la mesme grandeur & façon que celuy de verre, & semblable en la disposition des planches, fors que les fleurs, arbres, & herbes de cestuy-cy, estoient de soye, les couleurs appropriées selon le naturel. Les buys, & les cyprez, arrangez comme les precedens, ayant les troncs & branches d'or, & au dessous plusieurs herbes simples de toutes especes, si viuement exprimées, que nature les eust adouciées pour siennes: car l'ou-


urier leur auoit artificiellement donné leurs odeurs, avec ie ne sçay quelles compositions conuenables, tout ainsi qu'à celles de verre. La muraille de ce iardin estoit faite par industrie singuliere, avec vne despence incroyable. C'estoient toutes perles assemblées, de grosseur & valeur égales, par dessus lesquelles on auoit estendu vne tige de lierre, dont les fueilles estoient de soye, les branches & les petits filets rampans de fin or, & les corymbes ou raisins de son fruit de pierres precieuses: & tout à l'entour par égale distance y auoit en la muraille des piliers quarrez, avec leurs chapiteaux, architraue, frize, & corniche du mesme metal, seulement assis pour ornement. Les aiz qui seruoient de planches estoient faits en broderie de fil d'or & de soye, à poinct plat, historiez d'amourettes & chasses, tant curieusement pourtraictes, que le pinceau n'eust sçeu mieux faire. Le parterre estoit couuert de veloux verd, ressemblant à vn beau pré sur le commencement du mois d'Auril. Au milieu de la place y auoit vn berceau, ou tonnelle ronde, en forme de treille, dont les perches & les oziers estoient bien estoffées d'or par dessus, & tout à l'entour estoient ployées des branches de rosiers fleuris, couuertes de fueilles verdoyantes, meslées de roses blanches & vermeilles, le tout de soye, tant approchantes du naturel, qu'on eust iugé les contre-faittes plus belles que ne sont les vrayes. Sous ceste treille y auoit des sieges continuez selon le rond, faits d'vn fin iaspe vermeil: le bas paué d'vne seule piece ronde de iaspe iaune, meslé de plusieurs couleurs confuses, mais rapportant toutes à vne, tant claire & polie, que l'on y voyoit tout le iardin, comme dedans vn grand miroir. Nous entraimes sous ceste treille, & nous assimes sur les beaux sieges pour y reposer. Puis Thelemie print sa lyre, & l'accordant à sa voix, commença de chanter l'origine de ces delices, le souverain Empire de leur Royne, & l'honneur que l'on pouuoit receuoir de s'accompagner de Logistique, si melodieusement, que ie m'esmerueille qu'Apollo n'y accourust pour l'escouter, car pour lors ie n'estimois aucune autre chose, quelle chere ny desirée qu'elle me feust.



La chanson finie, Logistique me print par la main, & me mena hors de ce lieu, disant : Poliphile, ie vous veux monstrier des choses plus delectables à l'entendement, qu'elles ne sont à la veuë, combien pourtant que l'vn & l'autre s'en contentent. Durant ce propos nous entraismes en vn autre iardin pres de là, fermé de voulttes, soustenuës sur des piliers. Ces voulttes auoient cinq pas de hauteur, depuis le plan iusques à la clef : & trois de large, depuis vn pilier iusques à l'autre : le tout fait de brique, couuerte de lierre naturel, tant espois, que l'on n'eust sçeu veoir vn seul quareau de ceste brique, & y auoit cent voulttes en rondeur, faisant la closture du pourpris : à chacune voulte vn autel de porphyre, & sur chacun autel vne Nympe d'or : les Nymphes estoient toutes differentes en habit & maintien : toutes la face tournée deuers le milieu du iardin, où estoit fondé vn piedestal quarré, de pierre Chalcedoine, sur lequel estoit assis vn plinthe rond, de iaspe vermeil, contenant en sa hauteur deux pieds, & en largeur vn bon pas & demy. Ce plinthe soustenoit vn triangle de mesme largeur, fait d'vne pierre tres-noire : les coins ou crestes de laquelle ne sortoient hors de la circonference du plinthe rond. A chacune des trois faces estoit rapportée vne image de representation diuine, ayant les pieds posez sur le plinthe rond. Au vuide, entre deux coins du triangle qui auoit vn pas de hauteur, les images estendoient leurs bras deuers les coins, vn peu obtus ou mouffes, & tenoient trois cornes d'abondance, à l'endroit des trois angles, directe-

ment contre le milieu. Ces cornes auoient deux pieds & quatre pouces de longueur, & estoient liées de rubans, vollans sur le fons & vuide de la pierre noire. Ces images figurées en forme de Nymphes de fin or, & pareillement les cornes d'abondance, & leurs ligatures. En chacune face du quarre, mis au dessous, estoient Dysalotos, grauées des lettres Greeques, c'est à sçauoir en la premiere face trois lettres, en la incomprehensible seconde vne, en la tierce deux, & en la quatriesme trois : lesquelles assemblées faisoient ce mot.

ΔΥΣΑΛΩΤΟΣ.



Au plinthe rond, à l'endroit des pieds de chacune des trois images, y auoit des hieroglyphes, à sçauoir sous la premiere vn soleil, sous la seconde vn tymon ou gouvernail de nauire, & sous la tierce vn vase plat, plein de flammes de feu. Sur la saillie d'vn chacun des coins du triangle, plus haut que les images, y auoit vn monstre Egyptien, fait d'or en forme de Sphinge, gifant dessus ses quatre pieds, l'vn desquels auoit la face toute humaine, l'autre demy humaine & demy bestiale, la tierce toute bestiale; & auoient toutes trois vne bande à l'entour du front, avec vne autre qui leur ceuuroit les oreilles, en façon des pendans d'vne mitre, descendant le long du col, iusques à la poitrine. Elles auoient le corps de Lyones, & estoient couchées sur le ventre. Dessus leurs eschines repoloit vne pyramide

LIVRE PREMIER

D'or massiu, & triangulaire, ayant de longueur cinq diametres de son pied, & montant en pointe. A chacune de ces faces estoit taillé vn cercle, & au dessus vne lettre Grecque antique. En la premiere vn  $\Pi$ , en la seconde vn  $O$ , en la troisieme vn  $V$ , Logistique se tourna deuers moy, & me dit: Par ces trois figures, quarrée, ronde, & triangulaire, consiste la celeste harmonie. Soyez aduertý, Poliphile, que ce sont hieroglyphes Egyptiens antiques, qui ont perpetuelle affinité & conjunction ensemble, signifians & difans. A la diuine & infinie Trinité, en vne seule essence. La figure quarrée est dediée à la diuinité, pource qu'elle est produicte de l'Vnité, & en toutes ses parties est vnique & semblable. La figure ronde est sans fin, & sans commencement, & tel est Dieu. Autour de la circonference & rondeur sont contenus ces trois hieroglyphes, la proprieté desquels est attribuée à nature diuine. Le Soleil par sa belle lumiere crée, conserue, & enlumine toutes choses. Le tymon gouvernail signifie le sage gouvernement de l'vniuersel, par la sapience infinie. Le troisieme qui est vn vase plein de feu, nous donne à entendre vne participation d'amour & charité, qui nous est communiqué par la Bonté Diuine. Et combien que les trois images soient separées, si est-ce vne mesme chose indiuisible, éternellement comprise en vn, & inseparablement conjoincte, laquelle nous départ & communique benignement ses graces & ses biens, ainsi que tu peux comprendre par les cornes d'abondance posées sur les coings du triangle, qui est ferme sur tous ses costez: parquoy il nous signifie que Dieu est immuable & invariable, sans iamais receuoir alteration ne changement. Regardez ceste parole Grecque eserite sous la figure du Soleil,  $A \Delta I \Gamma \Gamma \Theta \Sigma$ , sous celle du tymon,  $A \Delta I \Lambda \chi \alpha \rho \iota \sigma \tau \omicron \varsigma$ , en celle du feu,  $A \Delta I \alpha \rho \epsilon \upsilon \nu \epsilon \varsigma$ . Pour ces trois effects les trois animaux ont esté mis sous l'obelisque d'or qui est posé sur leurs eschines, figurant les choses súdites: car ainsi que l'effigie humaine excède & surpasse toutes les autres, la foy & la vraye opinion conçoit & comprend toutes choses qui nous semblent incroyables. En la pyramide y à trois faces, à chacune desquelles est entaillé vn cercle, signifiant les trois temps, passé, present, & à venir. Et faut scauoir que nulle autre figure ne peut parfaitement comprendre ces trois cercles, que le triangle. Notez qu'il n'est possible de veoir entierement tout à vne fois & d'une mesme veuë, les deux costez de la pyramide triangulaire, mais vn tant seulement, & celui qui est deuant vous, par lequel est entendu le present. Doncques non sans cause y furent entaillées ces lettres  $O \text{ N } \Omega$ , qui anciennement estoit ainsi  $\Pi \text{ O } \text{ V}$ . A mon aduis il vous pourra sembler que ie suis trop prolix & superflue en ce propos, mais certainement i'y suis plustost biéue & succincte. Sçachez que la premiere pierre est seulement cognue de soy-mesme: & combien qu'elle soit diaphane ou transparente, si ne nous est-elle totalement claire. Toutefois celui qui à meilleur esprit monte plus haut, & considere ingenieusement la couleur de la figure ronde: puis cherche plus auant, & passe iusques à la tierce figure, laquelle est de couleur obscure: & finalement vient à contempler vne autre figure à trois faces: & de là en auant tousiours vont la veuë & la cognoissance en diminuant & défailant, ainsi que la pyramide: car nonobstant que l'homme soit scauant & expert, il n'en peut apprendre autre chose sinon que cela est; mais quoy ne comment, cela ne peut entrer en son cerueau.

De ces saintes remonstrances que Logistique me faisoit, prises au secret de nature diuine, i'eu plus de plaisir en mon cœur que de tout ce que i'auois veu auparavant: & de fait ie me pris à contempler l'obelisque de si grand mystere, droit, ferme, & égal, composé de matiere incorruptible, éternellement persuerant, assis au milieu de ce pré, entre plusieurs arbres fructiers, de goust suau, & d'effect salutaire,


taire, plantez par ordre, & proprement assis, en grace, beauté, delectation, plaisir, & vilité merueilleuse, voire incessamment substantez du Soleil, qui iamais ne fine. Apres que nous eusmes là sejourné quelque temps, mes deux compagnes me reprendrent par les mains, & me menerent hors ce pourpris. Lors Thelemie me va dire. Il est temps d'aller aux trois portes que nous cherchons. A quoy consentant nous nous mismes en voye parmy ceste belle contrée, où l'air estoit clair, & le ciel serain au possible: mais ce ne fut pas sans passer le temps en propos familiers & delectables, tellement que desirant sçauoir & entendre particulièrement les grandes richesses & thresors inestimables de leur Royne Eleutherilide, ie leur fis ceste demande honneste. Te vous supply (heureuses Damoiselles) si ma curiosité ne vous est importune: dites-moy quelle histoire est taillée dedans le Diamant, lequel pend au carquois de la Royne vostre maistresse? car entre toutes les pierres precieuses que j'ay veuës en son palais, ceste-là me semble tant riche, que ie la repute hors de toute estime: & pense qu'il est impossible de luy assigner prix conuenable, veu qu'il est tel que le Iaspe de l'Empereur Neron, où la figure estoit grauée, le Topace de la Royne Arsinoë d'Arabie, & pareillement la pierre pour laquelle le Senateur Nonius fut enuoyé en exil, ne furent oncques dignes de luy estre comparées. Bien est vray que pour estre vn peu loing de moy, & à l'occasion de sa grande clarté & brilllement, ie ne la peu veoir à mon aise: & voila pourquoy (s'il vous venoit à plaisir) ie voudrois bien apprendre qu'il y à.



Adonc Logistique cognoissant que ma demande estoit fondée sur vn beau desir d'apprendre, me respondit. Sçachez, Poliphile, qu'en ce beau Diamant est entaillée la figure du souverain Iupiter, couronné & assis au thronne de sa Majesté, sous lequel gisent des Geants foudroyez, pource qu'ils s'efforceroient de monter au siege de sa diuine excellence. Il tient en sa main senestre vne flamme de feu, & en la dextre vne corne d'abondance, remplie de tous biens: & sont ses deux bras estendus. Telle est pour vray la sculpture contenuë en ce ioyau precieux. Adonc ie l'interrogeay derechef. Que veulent donc signifier ces deux choses si differentes, comme le feu, & l'abon-

dance? Lors elle me fit ceste responce. Le grand Iupiter immortel, par sa prudence infinie, met les hommes terrestres au choix de prendre celles des deux choses qui meilleure leur semblera, & sous la libre volonté de leur aduis, & franc arbitre. Sur ce poinct ie luy repliquay. Puis que nostre propos est tombé là dessus, & que mon desir d'apprendre n'est pas encores satisfait: ie vous requiers (pourueu que ma hardiesse ne vous ennuye) que me vueillez dire que signifie le monstre en maniere d'Elephant, que ie vey auant que trouuer le Dragon? car il estoit formé de pierre, en vne grandeur excessiue: & comme ie fus entré dans le creux de son ventre, ie trouuay deux sepulchres, avec vne escriture d'interpretation difficile, adressant à quelque thresor, disant: que ie laissasse le corps, & prisse la teste. Adonc Logistique repliqua. Te sçay tresbien ce que vous cherchez. Ceste merueilleuse

machine n'a pas esté faite sans cause. Et pour entendre l'inuention de l'ouurier, souuenez-vous que dessus le front de la beste pendoit vn ornement de cuiure, semé d'écriture, laquelle en nostre langue dit: **LABEUR ET INDUSTRIE**. C'est à dite. Qui pretend acquerir richesse, doit delaisser oisueté, signifiée par ceste grosse corpulence: & prendre la teste, qui est celle écriture: car en trouuillant avec industrie, vous treuuez le tresor désiré. Par ces paroles ie me trouuay suffisamment instruit de ceste signification: dont ie la remerciay de bien bon cœur. Et voyant que ces belles n'vsoient de priuauté si familiere en mon endroiect, ie poursuuy avec plus grande audace à les interroger, disant: Sages Nymphes, au sortir de la grande cauerne ie trouuay vn beau pont de pierre, sur les acodoërs duquel d'vn costé & d'autre y auoit des hieroglyphes en deux tableaux, l'vn de Porphyre, & l'autre d'Ophite: lesquels (ainsi comme il me semble) i'interpretay selon leur signification, excepté les rameaux attachez aux cornes d'vne teste de bœuf: car oncques ie ne peu cognoistre, ny sçauoir, de quels arbres ils sont: & aussi ie desire entendre pourquoy les hieroglyphes ne furent tous taillez en vne mesme pierre. A quoy elles me respondirent. L'vn des rameaux est de Sapin, & l'autre de Larice. La nature de ces deux bois est, que le Larice ne peut brusler: & le Sapin ne ploye iamais quand il est mis en œuvre: voulant signifier par cela, que patience est à loier, laquelle ne s'enflamme par ire, & ne fléchit en aduersité. La pierre de porphyre n'est pas sans mystere, ains à telle propriété, que si elle est mise en fournaise pour en faire chaux, non seulement elle ne peut cuire, mais garde les autres



pierres qui luy sont prochaines, de s'amolir au feu: l'Ophite aussi est toujours froid, & ne se peut nullement eschauffer. En verité (Poliphile) ie vous prise beaucoup de ce que vous desirez sçauoir, & vous rendez soigneux d'enquerir des choses tât dignes & recommandables. Ainsi deuisans nous paruinmes à vne riniere belle & plaisante, bordée de toutes les especes d'arbres, qui ont accoustumé de croistre au long des eaux: & sur elle estoit bié basty vn pont de pierre à trois voultures, les piles duquel sailloient en pointe, pour estre plus fermes & mieux resister au cours de l'eau.

Au milieu de ce pont, sur les acodoërs, ou appuyis, à plomb de la clef de la grande arche, estoit

cloüé de chacun des costez vn quarré de Porphyre, avec les moulures, frontispies, & tympan, contenant vne sculpture de hieroglyphes.

En celuy du costé droict y auoit vne Dame, ceinte d'un serpent, assise seulement d'une jambe, & tenant l'autre haussée, en contenance de se vouloir leuer. De la main, du costé de son siege, elle tenoit deux ailles, & de l'autre vne Tortuë.



C'est à dire,

*Moderate la legereté par l'assoir, & la tardiveté par se leuer.*

Le paüé de ce pont estoit fait vn petit en pente, de sorte qu'il demonstroit assez le bon iugement & industrie de l'architecte qui l'auoit basti en éternelle fermeté, par vn art incogneu aux manouuiers, gaste-pierres, modernes, ignorans les bonnes lettres, & ne suiuan ny raison ne mesure, ains courant de fard ou ombrage leurs bastimens mal ordonnez & difformes. Ce pont estoit de marbre blanc, bien conduit & ouuré le possible. Et apres l'auoir passé, nous cheminâmes tout le long d'une belle plaine, à l'ombre de plusieurs arbres fructiers, en escoutant le chant mélodieux d'une infinité d'oyillons, qui faisoient retentir le pays d'alentour: mais bientôt apres nous arriuâmes en vn lieu pierreux, aspre, & comme tout esgaré, joignant au pied d'une plus haute roche, ronde & seiche, sans aucune verdure, en laquelle estoient caüées les trois portes, sans aucun art, ny ornement quelconque, mais toutes moüies & vermouluës par antiquité.

En l'autre quarré y auoit vn beau cercle, le centre duquel estoit tenu par deux petits Anges. Adôc Logistique me dit. Le sçay bien que vous n'entendés point ces hieroglyphes, toutesfois ils sont appropriés à ceux qui vont aux trois portes: & pour cet effect y sont mis, afin que ils en ayent memoire. Le cercle doncques de ces deux Anges veut dire.

**MEDIUM TENVERE**

**BEATI.**

C'est à dire,

*Les bien-heureux ont tenu le milieu.*

Et l'autre où est la femme assise, & demie leuée, tenant en ses mains les ailles, & la Tortuë.

**VELOCITATEM  
SEDENDO, TARDI-  
TATEM.**

**SVRGENDO TEM-  
PERA.**



Sur chacune d'icelles estoit escrit son propre tiltre, en caracteres Arabiques, Hebrieux, Grecs, & Romains, ainsi que la Royne Eleutherilide m'auoit dict. Sur celle du costé dextre estoit ceste parole, Theodoxia. Sur la fenestre, Cosmodoxia : & sur celle du milieu, Erototrophos. Quand nous fusmes aupres, les Damoiselles mes compagnes frapperent à la porte droicte, qui estoit de metal, tout verdy de rouilleure : & elle nous fut incontinent ouuerte. Adonc se presenta deuant nous

vne Dame de grand aage, ayant contenance de vefue, qui sortoit d'une petite maisonnette enfumée, faite de clayes & de bourbe, par vne porte basse & estroite, sur laquelle estoit escrit ce tiltre, Pylurania. Elle viuoit en ce lieu solitaire dedans la roche, sur les pierres nuës, pauvre, pale, maigre, & desirée; ayant tousiours les yeux fichez en terre. Son nom estoit Theude, accompagnée de six pucelles, assez pauuement vestuës: l'une desquelles s'appelloit Parthenia: la seconde Euche: la tierce Pinotidia: la quarte Hypocholinia: la cinquiesme Tapinose: & la sixiesme Ptochia. Ceste venerable Dame auoit le bras nud, & la main leuée, monstrant le col, ou firmament. Elle demouroit à l'entrée d'un chemin fort mal-aisé, raboteux & difficile à passer, empesché d'espines & de ronces. L'air y estoit tant trouble, & pluuieux, que le lieu me sembla melancholique, mal-plaisant & remply de tristesse.



Logistique s'apperçeut incontinent que ie l'auois en grande horreur: parquoy elle me dit toute fâchée. Je cognois bien que l'amour de ceste femme laborieuse n'est maintenant propre à vostre faict. Mais ie ne luy fis point de response, ains priay soudain Thelemie, en signe couuert & secret, que nous sortissions de là. Quoy entendu, elle me tira par la robe, & nous transportasmes ailleurs. Aussitost que nous fusmes sortis, l'huy fut fermé à nos talons. Parquoy nous heurtasmes à la porte fenestre, qui promptement nous fut ouuerte. Euche nous vint res-

çenoir, c'estoit vne matrosne de regard furieux, tenant vne espée fourbie, la pointe contre-mont, passée à trauers vne couronne, parmy laquelle passoit vn rameau de palme. Elle auoit les bras forts & robustes, le port audacieux, le ventre estroit, la bouche petite, les espaules puissantes: & sembloit bien estre assurée, non facile à espouuenter d'aucune auanture, pour haute ou dangereuse qu'elle fust: tant se monstroit hardie, & de courage fier. Elle vint, aussi bien que la premiere, accompagnée de six Damoiselles: qui sont Merinnasie, Epitede, Ergasie, Ancétée, Stalie, & Thrasie.



Ce lieu me sembla merueilleusement laborieux: & Logistique s'en apperçeut: parquoy elle print la lyre que Thelemie tenoit, & se print à chanter doucement en ton Dorique: Poliphile, qu'il ne vous soit point grief de traouiller virilement en ce lieu: car la peine passée, le bien & l'honneur en demeurent. Certes son chant fut si vehement, que ie fus presque conuertý à me mettre en ceste aduanture, nonobstant que l'habitation me semblaist rude, & pleine de trauaux. Mais Thelemie me dit alors. Il seroit bon (mon amy) que vous visitassiez l'autre porte, auant que vous arrester à aucune des trois: à quoy facilement ie m'accorday. A ceste cause au plustost que nous fusmes dehors, le guichet fut clos contre nous: parquoy Thelemie frappa en celle du milieu, laquelle on nous ouurit soudainement: & quand nous y fusmes entrez, vint à nous Philtrone, Dame notable, pourueüe d'un

regard lascis, & inconstant. Sa maniere plaisante & gaye m'attira tout du premier coup à poursuiure son amitié : car ie la trouuay singulierement belle, & le lieu de sa residence ioly, gaillard, & gracieux. Ceste Dame auoit aussi à sa suite six Damoiselles de nonpareilles beautez, atournées de tout ce qui estoit requis pour donner grace à l'excellence de leurs personnes : elles sont Rhastone, Chortasine, Idone, Trophile, Etosie, & Adie.



La presence, la grace, & la beauté attrayante de ces six Damoiselles, contentent mes yeux plus que nulle des autres : quoy voyant Logistique, ma bonne & loyalle conseillere, mesmes que i'estois ja enclin, & seruiement addonné à l'amour de ceste Dame, m'admonnesta pieusement, disant. Ah ! Poliphile, la beauté de ceste-cy est feinte, faulle, & fardée : & si vous auiez veu ce qu'elle a de caché derriere, vous en auriez mal au cœur : vous cognoistriez la trahison, & sentiriez vne charongne puante outre mesure : vous la verriez tant abominable, que vous en auriez grand horreur. Certes ces Damoiselles ne demeureront guieres avec vous : mais vous abandonneront incontinent, & serez tout esbahy que vous les verrez esuanouyr de vostre presence. La volupté passe, & la honte demeure, accompagnée de repentance. Croyez-moy, ce ne sont icy que vaines esperances, & dommage tres-cer-

tain : ioye bien courte, & regret perpetuel, mellez de souspirs qui importunent le reste de la miserable vie. C'est vne douceur contre-faicte, confite en amertume dangereuse; la gluz ou se prennent les malheureux: & la fin qui consume tout bien. Telles & semblables paroles disoit ma Logistique, de cœur dolent & courroucé: puis en fronçant sa belle face, jetta sa lyre contre terre, & la rompit en plusieurs pieces. Toutesfois Thelemie qui faisoit peu de conte de telles remonstrances, ne s'en soucia pas, ains en soufriaient me fit signe que ie ne m'arrestasse aux contes de ceste importune: laquelle cognoissant ma mauuaise & peruerse inclination, souspirant de despit me tourna le dos, & en courant se retira. Par ainsi ie demeuray avec ma chere Thelemie, qui ayant victoire sur moy, me dit en paroles flatteuses. Poliphile, mon amy, voicy le lieu où vous treuuez de brief ce que plus vous desirez en ce monde, qui est vostre, & à laquelle incessamment vostre cœur songe. Adonc i'allay presupposer que c'estoit Madame Polia: car en mon cœur ne pouuoit entrer autre pensée: parquoy ie fus grandement resiouy. Peu de temps apres, Thelemie voyant que i'estois resolu, & en femme propos de resider en la compagnie de ces Damoiselles, me baïsa gracieusement, prenant congé de moy, & s'en retourna deuers la Roïne.



Les portes furent fermées apres elle, & ie demeuray seul entre ces belles Nymphes: qui m'entretindrent fort amourusement de toutes manieres de plaisir, tellement

ment que l'amour commença à se multiplier en moy par leurs douces paroles, regards attrayans, & grandes mignotises. Leurs yeux estoient tant acerez qu'ils eussent percé vne poitrine d'acier, & esneu, non pas vn ieune homme, simple & muable comme moy, mais le bon vieillard Socrates. Si vne d'entr'elles eust esté au lieu de Phryne, elle eut eschauffé le froid Xenocrates, & n'eust eu cause de l'appeller statuë de pierre: car elles estoient accomplies de toute perfection de nature, vestuës de riches accoustremens, décorées de diuerses façons. Leurs cheueux plus blonds que l'or, bouffans & crespez à l'entour du front, parfumez d'une odeur plus soëfne que n'est le musq, ny l'ambre gris. Aucunes les auoient liez par derriere de rubans de fil d'or & de soye, les autres cordez, entortillez & tressez en trois ou quatre cordons, en maniere de passément. Leur parler estoit doux, & d'une si grande efficace, qu'il eust subjugué toute resistance contraire, & rebelle à l'amour: adoucy l'amertume, appriuoisé l'humeur farouche, dépraué la saincteté, emprisonné la liberté, & amolly vn cœur de fer: dont ne se faut esbahir si ie fus enflammé, pris, & jetté en vne fournaise de chaleur demesurée, & noyé en conuoitise lasciuë. Estant donc attainct & conuaincu de celle contagieuse pestilence, tout en vn moment ces Damoiselles s'esuanouyrent, & me laisserent seul au milieu d'une grande plaine, miserablement persecuté de ces tentations.

*POLIPHILE AYANT PERDV DE VEVE LES  
Damoiselles lasciuës qui le delaisserent, il vint à luy vne Nymphë,  
la beauté & parure de laquelle sont icy amplement descrites.*

CHAPITRE XI.



**L**ESTAT auquel ie me trouuay, estant las & trauaillé, me troubla tant que ie ne scauois si ie dormois ou non. Toutesfois m'estant reconnu, j'apperceuy que veritablement ma belle compagnie m'auoit abandonné: & ne peu scauoir quand, ny comment, ny où elle estoit allée, & me trouuois ainsi que si en sursaut ie me fusse réueillé d'un songe. Lors regardant à l'entour de moy, ie vey seulement vne belle treille de Iasmin, toute semée de ses fleurs blanches, qui rendoient vne odeur fort agreable. Là ie me retiray à couuert, grandement esbahy en moy-mesme de ceste mutation, tant soudaine & inopinée, reduisant en-memoire les choses grandes & merueilleuses que i'auois veuës & ouyes, ayant toujours ferme esperance es promesses de la Royne, qui m'auoit asscuré que ie treuuerois ma Polia tant desirée. Helas! Polia, disois-ie en soupirant: Mes soupirs amoureux retentissoient dessous ceste verdure: & ainsi cheminant pas à pas, comme celuy qui pense & ne scait s'il va, ou s'il ne bouge, mes esprits ne se ressentirent iusques à ce que ie fusse au bout de la treille, qui estoit assez longue à passer.



Alors regardant çà & là, ie vey de loing vne assemblée de icunes gents, hommes & femmes en plusieurs bandes, au milieu d'une campagne grande, & fort spacieuse, les vns dansans, les autres passans le temps en diuers plaisirs: Si-tost que ie les eus descouverts, ie m'arrestay, ne sçachant que ie deuois faire, ou passer outre deuers eux, ou bien attendre, & ne bouger de là. Estant en ceste pensée, vne belle Nymphé se partit de la troupe, portant vn flambeau ardent en sa main, & print son chemin droict à moy, qui l'attendy en grande affection, esperant auoir quelques nouvelles de ce que j'allois querant. Ceste Nymphé s'approcha de moy avec vn visage riant, & de si bonne grace, que l'amoureuse Venus ne se monstra oncque belle, ny au guerrier: mais ny au bel Adonis, ny la belle Psiché à l'ardant Cup. Certainement si l'eusse esté par Iupiter deputé arbitre sur le differend des trois Déeses, & que ceste Nymphé y feust venuë pour la quatriesme, Venus n'en eust pas emporté le prix: par la sentence du Pasteur Phrygien: car elle estoit (sans comparaison) plus belle & trop plus digne de la pomme. De prime face ie pensay, & tins pour tout certain que c'estoit ma Polia: mais la façon de l'habit que ie n'auois pas accoustumé de veoir, & la qualité du lieu où ie me trouuois, me persuaderent le contraire: parquoy ie ne luy osay faire aucun semblant, & en demeuray incertain. Ceste Nymphé estoit vestuë d'une robbe de soye verte, tissüë avec fil d'or, representant en couleur de plumage changeant, du col d'un Canart: & auoit par deffous

vne chemise de toille de coton, desliée comme crespes, laquelle couuroit la delicatessé de ceste peau, belle comme lait. Cela surpassoit l'inuention de Pamphile, fille de Platis, & fille de Coë. Ceste chemise sembloit enuelopper des roses blanches & incarnates. La robbe estoit joincte & serrée au corps, au dessous des mammelles, faisant des petits plis couchez à plat sur l'estomach, qu'elle auoit vn peu releué: la ceinture estoit sur les hanches larges & charnuës, serrée d'vn cordon de fil d'or, sur lequel elle auoit retroussé la superfluité de son vestement, taillé beaucoup plus long que le corps, tant que la lysiere venoit iusques aux talons: elle estoit encores ceinte au dessous de l'estomach, pour serrer ce retroussement qui sembloit enleué, & bouffant à l'entour du pudique ventre des flancs. Le reste pendoit iusques aux cheuilles des pieds, & alloit volletant, pour le mouuement qu'elle faisoit en cheminant: car il estoit battu d'vn petit vent qui l'esbranloit, le rejettant aucunesfois en arriere, pour faire veoir la belle proportion de son corps, que negligemment elle faisoit paroistre, qui me fit soupçonner qu'elle n'estoit point humaine. Elle auoit les bras longs, les mains grandes, les doigts ronds & deliez, les ongles vermeils luisans, ainsi que les à Minerue. Ces bras se pouuoient facilement contempler au trauers de sa chemise de toille claire & floquante. Sa robbe estoit bordée d'vne frize de fil d'or traict, enrichie de pierrerie, & en semblable tout le tour de sa mante: à laquelle frize pendoient en maniere de frange plusieurs petits fers d'or, comme de flèches barbelées. Le vestement estoit fendu aux deux costez des hanches, depuis le haut iusques à bas, fermé à trois boutons, faits chacun de six perles, d'vne grosseur toute pareille, enfilée de foye azurée, plus belles que n'en eut oncques Cleopatra, pour dissoudre & faire boire. Son col estoit longuet, & droict, ressemblant à l'albâtre, & se monstrait tout descouuert, pource que sa robbe estoit eschancrée sur la poictrine; & bordée de la mesme frize, entrant entre les mammelles en maniere de cœur. Les manches de sa chemise estoient vn peu larges, liées aux poignets de deux bracelets d'or, boutonnez de deux grosses perles Orientales. Mais sur tout ie regarday ses tetins, si rebelles, qu'ils ne vouloient souffrir d'estre pressez du vestement, ains le repoussioient en dehors, formans deux petites pommes, qui à grande peine eussent peu emplir le creux de la main, & estoient plus gracieux à mes yeux, qu'vn beau ruisseau n'est au cerflasé, & plus gracieux que la lyre d'Orphée. Sa gorge estoit plus blanche que la neige, enuironnée d'vn collier, plus riche que celuy pour lequel la desloyale Eryphile enseigna son mary Amphiraus: c'estoit vne grosse corde de grosses pierres precieuses, allées de perles, en la maniere qui s'ensuit. Contre le milieu de la poictrine y auoit vn grand rubis, enfilé entre deux grosses perles, puis deux Saphirs, vn de chacun costé, & deux autres perles. Apres deux Esmeraudes, & deux Perles, suiuiés des deux Diamants: & au milieu, vn autre Rubis entre deux Perles, de la forme & grosseur d'vne Oliue, & au milieu des Perles qui estoient rondes, & vn peu moindres Elle auoit en sa teste vn diademe de fleurs, par dessous lequel sortoit la cheuelure entortillée en façon de petits annelets, faisant ombrage aux deux costez des temples. La grosse flotte de perrique descendoit le long du collet, où elle estoit troussée en bonne grace, & laissant les oreilles descouuertes, qui estoient rondes & petites, pendoit iusques sur les genoux, estincellant au Soleil comme filets d'or: car elle estoit plus belle & mieux diaprée que la queue d'vn Pan quand il fait la roué. Elle auoit le front haut, large, & poly, puis au dessous deux yeux rians, clairs comme les rayons du Soleil, composez de deux prunelles noires, enuironnées d'vne blancheur telle, que si on eust mis du lait à l'encontre, il se feust monstré aussi noir comme ancre. Ils estoient couuerts de deux sourcils deliez, & vultez en quatre partie de cercle, separez &

distans l'un de l'autre la largeur de deux bons poulces, plus noirs que fin veloux. Les iouës estoient vermeillettes, embellies de deux petites fosses, ayans couleur de roses fraiches cueillies à l'aube du iour, & mises en vn vaisseau de Chrystal. Certes ie les puis (à bon droit) comparer à celle transparence vermeille. Au demourant elle auoit le nez traictif, bien pourfilé, & dessous vne petite vallee ioignante à la bouche qui estoit de moyenne grandeur: les lèvres vn peu releuees, & de couleur de satin cramoyssi: les dents aussi blanches qu'yuoire, toutes d'une proportion, & si proprement arrangees, que l'une ne passoit pas l'autre. Amour entre elles composoit vne odeur la plus douce qu'il est possible de penser. Vous eussiez dict à la voir de loing, que ses lèvres estoient de Corail, ses dents perles Orientales, son haleine Musq en parfum, & sa voix doux accord de floutes. La veuë de ceste Nymphé engendra vne grande discorde entre mes sens & mon desir: ce qui ne m'estoit encores aduenü pour toutes celles que j'auois auparauant trouuees, ny pour les richesses que j'auois veuës. Mes sens iugeoient l'une des parties de cette excellente composition estre plus belle que l'autre: mes yeux estimoient le contraire: lesquels furent auteurs & cause principale de ce debas, pour embrouïller mon pauvre cœur, qui pour leur obstination vehemente, a esté precipité en trouble & trauail perpetuel. Mon desir faisoit vn estat singulier de ce beau sein, à quoy mes yeux s'accordent aucunement, pourueu qu'ils la puissent veoir plus à plein, puis estant sollicité de sa bonne grace, iugeoient que c'estoit la perfection mesme, l'opinion legere passant soudainement me faisoit priser d'auantage ses beaux cheueux blondissans, outre la beauté de l'or: & l'artifice dont ils estoient annelez, ondez & repassez me tiroit desperduëment en leur admiration: Mais mon œil s'arrestant à ses lumieres les comparoit à deux vniques estoilles luyfantes au matin, au milieu du ciel serain. Helas! les rayons de ses beaux yeux passoiënt au trauers de mon cœur, comme deux dards tirez par Cupido, quand il se met en cholere. Je cognoissois bien en moy-mesme, que ceste dissention ne pouroit cesser sans perdre le plaisir de considerer la belle Nymphé: ce qui m'estoit impossible: parquoy i'estois ainsi qu'un homme pressé de faim, se trouuant parmy grande abondance de viures qu'il desire toutes ensemble; mais il n'est assouuy d'aucun.

LA BELLE NYMPHE ARRIVA DEVERS

*Poliphile, portant vn flambeau ardent en sa main, & le compta  
d'aller avec elle: il fut espris de son amour.*

CHAPITRE XII.



**O**SERVENT diligemment toutes les apparentes perfections de cette beauté tant accomplie, ie n'eus plus de courage à estimer ce dont auparauant ie faisois tel estat, les richesses, les magnificences, & cette abondance de comoditez ne m'estoient plus rien au prix de cét obiect: trop heureux, disois-je en moy-mesme, celuy qui pourroit iouir pacifique de cét vniue thresor d'amour, quelle gloire seroit à celuy que cette belle receuroit pour seruiteur: Puissance diuine ie croy que voicy le naïf de ton effigie, si Zeuxis eut veu cette beauté, lors qu'il fit l'image de Venus, à mon iugement il l'eust prise pour son exemple pardessus toutes les pucelles d'Agriente, voire de tout le

monde vniuersel, la iugeant accomplie en toute perfection de beauté. Je perdis en la contemplant le sens, l'esprit, l'entendement, & la cognoissance totale: & ne sceu autre chose faire, sinon luy presenter mon cœur tout ouuert: duquel elle à depuis faiet son propre, & d'iceluy disposé à plaisir, y élisant sa demeure perpetuelle: & depuis est deueni carquois des flèches de Cupido, & la forge où il chauffe & trempe ses dards acerez. Je sentoys mon cœur battre incessamment dedans moy. Or nonobstant que par son regard gracieux elle me sembla Polia (de moy tant desirée) si est-ce que l'habit estrange qu'elle auoit, & le lieu qui m'estoit incogneu, me tindrent longuement en doute. Elle portoit la main senestre appuyée sur sa poictrine, & tenoit vn flambeau ardant, passant vn peu plus haut que la teste: & quand elle fut près de moy, elle estendit le bras droict plus blanc que Lys, auquel apparoissoit les veines comme petites lignes de cinabre entier, tirées sur papier blanc: & en prenant de sa main droicte la mienne gauche, me va dire: Poliphile, mon vniue, venez presentement avec moy, & n'en faites aucune difficulté. A ce mot ie me senty troubler tous les esprits, & quasi conuertir en pierre, m'esmerueillant comme elle pouuoit scauoir mon nom. I'estois tout embrazé d'vne ardeur amoureuse: & ma voix retenué de peur & de vergongne, ne permettoit que ie luy peusse respondre: & par ainsi ie ne scauois bonnement comme l'honorer: parquoy sans plus ie luy tendy la main, indigne (ce me sembloit) de toucher à la sienne.



En la préhant il me fut aduis (& estoit vray) que ie touchay autre chose qu'humaine, dont i'eus frayeur: car ie ne cognoissois rien outre le commun naturel, & ne scauois encores qu'il me deuoit aduenir. Ie me trouuois en mauuais ordre, pauvre habillement, & triste contenance, bien different de forme, d'estat, & de qualité, à vne si excellente Dame: parquoy ie me reputois indigne de telle compagnie, sachant bien qu'il n'est licite aux mortels (habitans de la terre) de jouyr du Ciel. I'estois tout rouge de grand honte, & remply d'esbahissement, me plaignant en moy-mesme de ma basse condition. Toutesfois ie me mis à la suite, non ayant du tout recouuré l'entendement, mais croyant neantmoins que l'illuë n'en pouoit estre fors bien-heureuse, consideré que i'estois conduit en si beau lieu par vne guide tant singuliere: car son doux regard amoureux eust peu retirer des mains de Rhadamanthe les ames condamnées & perduës: voire (qui plus est) re-stabli en leur premiere nature les corps consummez & conuertis en cendre. Ainsi ie m'en allois apres elle, mon cœur tousiours battant, & plus tremblant que la brebis entre les dents du loup, merueilleusement enflammé de douce passion amoureuse. O (dis-je alors) bien-heureux sur tous les Amants, celuy qui seroit vn peu participant de la grace de ceste Damoiselle tant exquise: puis tout soudain ie blasmois mes fols desirs, disant. Helas! à peine pourrois-je croire que telle Nymphe daignast s'acointer des choses si basses comme sont les hommes mortels, qui n'ont rien de semblable à elle. Certainement elle merite d'estre aymée des plus grands Dieux; & faire descendre Iupiter déguisé de sa propre forme. D'autre-part ie me consolais, luy offrant mon cœur & mon ame, n'ayant autre chose plus digne dequoy luy faire present, estimant que c'est ce que les Dieux ont le plus agreable. Ainsi ie me trouuois troublé & confus en diuersité de pensées, tellement que mon cœur estoit variablement esmeu par s'appliquer trop volontiers à telles imaginations, prest & appareillé à seruir de tison au puissant feu d'amour, lequel ie souffrois en si doux plaisir, que ce tourment m'estoit recreation. Le regard de ceste Nymphe me faisoit ainsi que la foudre aux chesnes & aux arbres, qu'elle fend, rompt & dissipe, tant que ie n'osois plus leuer la veüe pour contempler ses yeux: car quand sa lumiere se rencontroit contre la mienne, long-temps apres toutes choses me sembloient doubles, & estois esblouy, comme ceux qui de droict oeil ont regardé le corps du Soleil. En ceste maniere ie fus pris, lié, & vaincu: tout prest à luy crier, Madame, ie me rends à vous: ce que i'auois desia conclu, tout resolu en moy-mesme d'en bailler mon cœur pour ostage: qui tantost recogneut la flamme accoustumée, laquelle n'estoit que couuerte & assoupie: parquoy elle fut promptement rallumée, comme tison lequel a esté en la cheminée, & senty le feu. Cét amour entra en mon cœur comme le cheual de bois à Troye, à scauoir plein d'ennemis cachez, qui l'ont tout ars & mis en cendre, me navrant de playes incurables, desquelles iamais ie n'espere guerir, si ce n'est par le moyen de ceste Nymphe: enuers laquelle ie me cuiday enhardir de luy declarer la peine que ie ne pouuois souffrir, presque perdu d'vn desir aueuglé: & fus en termes de luy faire entendre à pleine voix ceste harangue. O Nymphe parfaite, ou autre objet diuin, moderez vn peu par l'ardeur dont sans mesfaict vous consommez mon triste cœur: Ie pensois l'arraisonner ainsi, & puis luy descouurir le mal que ie faisois, pour aliger mon tourment qui empiroit estant celé. Ce nonobstant ie me retins, sans oser ouuir ma bouche, & rompy ces pensées temeraires, me voyant mal vestu d'vne meschante robe, vieille & vsée, à laquelle tenoient encores les espines de ronces qui sy estoient attachées à la forest: & ne plus ne moins, comme vn Pan regardant à ses pieds, abbat & rabaille sa queüe: ainsi ie me reprimois ces rebelles desirs, & vai-

nes entreprises, considerant que ie n'estois rien à comparer à sa beauté diuine: qui me fit refrener mon appetit desordonné, & suppediter mes volonteZ déregiées: avec ce, pour lors i'y estois forcé: parquoy i'estois en pareille peine que le miserable damné Tantalus, qui est en l'eau iusques à la bouche, & à les fruiets pendans dessus ses lévres: ce neantmoins il meurt de faim & de soif. Ainsi (las!) estoit-il de moy aupres de la Nymphé, accomplie en perfection, en la fleur de son aage, doiée de toutes les vertus & graces que les humains peuuent aymer. Helas! elle m'entretenoit si familièrement: & ie ne luy osois dire ma desconuenue. Ie faisois tout ce qui m'estoit possible pour appaiser mon cœur, ce nonobstant oncques charbon ne fut si esteint, qu'en l'approchant du feu il ne se r'allumast, par sa conforme disposition de sa nature. Ainsi les yeux tournez, le cœur desarmé, & depourueu de deffence, l'embrazoient d'heure en heure, & de plus en plus, d'vne affection extrême de la Nymphé, laquelle ils monstroient tousiours plus belle, plus gracieuse, & plus digne d'estre aymée. Puis tout en vn moment ie reuenois à moy, & disois. Si le ciel cognoissoit que par ma mauuaise inuention i'appete les choses plus rares, deffendues & interdittes aux humains, ne me pourroit-il aduenir ainsi qu'à vn prophane, & comme il est aduenü à plusieurs autres qui ont temerairement & presomptueusement offensé leur bonté, comme à Ixion l'audacieux, & au Thracien mal aduisé, qui pour auoir indiscrettement joint & meslé par adultere, le sauoureux Bachus avec la Déesse Thetis, dérogeant indignement leur estat diuin? En pareille maniere Galantide, chambriere Royale, n'eust pas rendu ses enfans par la bouche, si elle n'eust menty à la Déesse Lucine. Par aduanture ceste Nymphé est reseruée à quelque Demy-dieu, qui se pourroit à bonne cause indigner contre moy, si i'atentois de commettre tel sacrilège. Finalement ie presupposay que ceux qui legerement s'asseurent, aussi perissent, & à telles gens est facile de faillir, & estre deceuz: car il se dit communément, que la fortune n'est pas tousiours propice aux trop hardis: avec ce qu'il n'est pas aysé de cognoistre le cœur d'autruy. Parquoy ainsi que Calysto, honteuse de le veoir croistre le ventre, s'absentoit de la compagnie de la chaste Diane: ainsi ie me retirois de honte, en m'esloignant de ce desir importun, toutesfois ayant tousiours l'œil ouuert pour contempler la belle Nymphé, ie me dispoisois de l'aymer à tout iamais.

*POLIA ENCORE INCOGNEVE A POLIPHILE,  
l'asseuré doucement, & le conduit plus loing.*

CHAPITRE XIII.



ON cœur ayant receu l'archer Amour, n'eut plus moyen de s'en desfaire, car ce Tyran se rendant le maistre de mon cœur, me resserra: & reduit captif du tout, ainsi ie sentoie les rigucurs de ses Loix qui m'outrageoient mortellement: & toutesfois en les souffrant ie les iugeois agreablement plaisantes, & en ces delicieuses angoisses ie soupirois abondamment. La parfaite Nymphé (avec ses douceurs) ouurant le pourpre de sa belle bouche, dont les accents sont de miel, & voulant m'oster des iniques pensées qui m'affligoient, & me retirer de la rustique craincte qui m'occupoit, me jettant vn regard celeste, m'atraisonna ainsi de propos releuez, de delices d'amour; Poliphile, ie vueil que

vous sçachiez que le vray amour n'a point de respect aux choses exterieures : & pourtant que vostre habit n'amoindrisse en rien vostre courage, qui (paradventure) est noble, magnanime, & digne de voir ces lieux saints. Ostez toute fantasie de vostre entendement, à celle fin que puissiez librement considerer les grands biens inexplicables, appareillez à ceux que la Déesse Venus a choisis pour estre couronnez, & qui vaillamment trauailent, perseuerans en son seruice, à fin d'acquérir sa bonne grace. Apres qu'elle eut ainsi dit, nous cheminâmes assez bon pas, & en allant ie disois à part moy. O vaillant Perseus, tu eusses pour ceste-cy plus hardiment combatu l'horrible monstre, que pour la belle Andromede. O Iason, si ceste Nymphé t'eust esté offerte en mariage, ie croy que pour son amour tu eusses exposé ton corps à plus grand peril, que ne fut celuy de conquerer la toison d'or, & l'eusses à bon droit estimée plus que tous les thresors du monde, voire y fust la Royne Eleutherilide avec sa merueilleuse opulence. Je cheminois pas à pas avec elle, & baissois aucunesfois les yeux, pour voir ses pieds chaullez d'une semelle de cuyr rouge, liée au dessus du pied de rubans de fil d'or & de soye, garnis de perles Orientales : & quelquesfois aduenoit que le vent esbranloit son veustement, descouuroit ses jambes, qui sembloient composées d'escarlatte, de laict, & de musq, meslez ensemble. Et aussi ce furent les rhets deçeuans qui me prirent, & qui sont plus difficiles à resoudre, que le nœud Gordien qu'Alexandre couppa. Alors ie me senty affermy du tout, & fait esclat d'un desir enflambé, qui me faisoit souffrir plus de pointures, que n'endura dedans le Carthage le courageux Rugulus, roulé dedans le tonneau, par dedans tout herissonné de cloux. Je ne pouuois rafraichir mes esprits qui languissoient en ceste ardeur, sinon de souspirs continnels & redoublez, disant tout bas en ma pensée. O Poliphile, comment peus-tu laisser la ferme & inséparable amour que tu as commencée avec ta chere Polia, pour seruir vne autre? Lors ie taschois à me deslier & départir de ceste nouvelle fantasie : mais il ne m'estoit pas possible : & ce qui plus estroitement m'y retenoit estoit, que ceste Nymphé auoit entierement toute la ressemblance, en stature, grace, figure, & belle façon de Polia : bien que ce m'estoit vn merueilleux tourment de penser qu'il me la faudroit abandonner : car adonc les larmes me tombaient des yeux, & me sembloit chose difficile & injuste, de desloger vn ancien hoste, pour y receuoir vn nouveau venu : renoncer le premier Seigneur, pour obeyr à vn estrange. Puis en me confortant ie disois, paradventure ceste-cy est Polia, que ie puis auoir trouuée, suivant les promesses de la Royne Eleutherilide : mais elle ne se veut pas encores donner à cognoistre : certes si ie ne suis en grande erreur, c'est elle vrayement. Je faisois tous ces discours en ma fantasie, & me persuadois qu'ainsi estoit, ayant tousiours le cœur, & l'entendement, en la Nymphé, de sorte que ne pouuois ailleurs tourner mes yeux, lesquels y auoient avec eux attiré mes autres sens, & employez en la mesme vacation, à quoy tous s'accordoient volontiers, consentans qu'à elle seule, & non à autre, ie demandasse allegeance & soulagement de ma peine. Quand donc nous eusmes cheminé quelque espace de temps, nous arriuasmes en vn lieu, estant à costé droit de la plaine, où il y auoit plusieurs beaux arbres, chargez de fructs & de verdure, plantez par ordre tout à l'environ du pourpris. Là s'arresta ma Nymphé, & moy aussi. Adonc nous vismes approcher vne grande assemblée de ieunes hommes sans barbe, ayans la perruque longue, crespé, & blonde, enuironnée de chapeaux de fleurs, & herbes odorantes, qui venoient dansant avec vne infinité de filles, & des plus belles, les vns & les autres vestus de riches habillemens de fine soye de diuerses sortes & couleurs, comme changeant, autres déguisées, aucuns de cramoyssi, autres de toilles de lin safranées, & tissües en façon de crespé, de  
toute

toutes les especes que l'on pourroit penser, entre-meslées de fil d'or, & enrichies de pierres precieuses, au long des bords & lizieres. Plusieurs en y auoit vestués de chasubles & ornemens d'Eglise, & d'autres en habit de chasseurs. La pluspart des filles auoient les cheueux tressez, amoncellez en beaux entre-laz, les autres départis en trois trouppets, assemblez sur le derriere du collet, volletans autour des espaules, & au long du dos, plusieurs enuolopez en belles & riches coyffes, apparens seulement à l'entour du front en petits annelets, naturellement entortillez, & sans artifice, qui leur donnoit vne fort belle grace. De telles y en estoit qui les auoient troulez en filets de perles, & riches rubans & cordons. Leurs gorges estoient ornées de colliers & carquans de grand prix. A leurs oreilles pendoient bagues, ioyaux, & affiquets. Leur front estoit enuironné de grosses perles. Et à ces habits precieux se conformoit la beauté des personnes. Leurs seins se monstroient descouverts iusques au milieu des mammelles: & sous leurs pieds auoient des semelles antiques, liées à cordons d'or, passans entre le gros arteil, & le doigt second, enuironnans la cheuille, & s'assemblans sur le col du pied, où ils estoient lassez avec quelque riche bague. Aucuns portoient des brodequins antiques, depuis le genouil iusques à la cheuille, cordélez sur la jambe: autres des petites pantouffles, & patins à oreillettes d'or, ou de soye, de diuerses couleurs & façons, que ie n'auois iamais veués. Plusieurs de ces filles auoient la teste & le front couuerts d'un crespé volant, plus delié que toille d'araignée, au trauers duquel leurs yeux reluisoient aussi clairs comme estoilles, dessous deux beaux petits sourcils voutez, puis le nez traictif entre deux joués pommelées, & vermeilles comme les mesmes pommes, avec deux fossettes riantes, & au milieu la petite bouche de couleur de coral, avec les dents menués & polies, qui sembloient argent de copelle. Aucunes portoient instruments de musique, si melodieux en leur son, qu'onques telle harmonie ne fut ouye: & passoient le temps ensemble en toute ioye & soulas, courant l'un apres l'autre, & s'entreche-rissant amoureusement, à l'entour des quatre chariots du Triomphe.

*POLIPHILE VEIT LES QUATRE CHARIOTS  
trionphans, accompagnez de grande multitude de ieuuesse.*

CHAPITRE XIII.

**N**VL n'est tant stupide qui voulust s'opiniastrer à croire, ou penser, qu'il y eust quelque chose difficile à la Diuinité. Aussi (certes) il faut confesser qu'il n'y à rien qui ne soit possible aux puissances celestes. Or outre les magnificences qui emplissent l'Vniuers, il se pourra faire que quelqu'un remonstrant vn artifice excellent, l'estimera, par son admiration, estre ouurage supernaturel. Ce qui aduient souuent pour des sujets esquels l'art s'est efforcé de triompher, comme nature a fait es siens. Mais pourtant il ne les faut pas estimer outre leur merite: Car il n'est industrie qui sans l'ayde & inspiration diuine puisse atteindre à quelque perfection, parquoy quelque ceuvre que nous confide, ions, nous le deuons tenir en tel conte, qu'encore qu'il nous soit incroyable & inusité, il est pourtant de la disposition de Dieu, qui conduit les entendemens comme il veut, ce que nous remarquons, afin

## LIVRE PREMIER

Le chariot du premier Triomphe auoit les quatre rouës de fine Esmeraude, & le reste de Diamant, resistant au feu, au fer, & à l'Emery, & qui ne se peut briser sinon comme les ignares pensent, par sang de bouc tout chaud, vtile aux Magiciens, le tout estoit entaillé de demy taille, & enchassé en or.

En la face du costé droict estoit faicte vne ieune Nymphé, fille de Roy, assise au milieu d'un pré, accompagnée de plusieurs pucelles de son âge, faisans des chappelts de fleurs aux Toreaux qui là pasturoient, l'un desquels estant aupres d'elle, se monstroit merueilleusement traictable, & priué.



En l'autre face estoit la mesme Nymphé, passant la mer sur vn Toreau qu'elle embrassoit : ainsi elle passoit l'humide surprise de beaucoup de timidité.



Au front de deuant estoit la figure de Cupido, tirant ses flèches contre le Ciel, & à l'entour de luy vne grande multitude d'hommes & de femmes qu'il auoit blefsez asprement. En celuy de derriere estoit le Dieu Mars, se complaignant deuant le throsne de Iupiter, de ce que Cupido son fils luy auoit faulxé de ses dards son hallecret, nonobstant sa dure trempe: & ce grand seigneur, Roy des Dieux, luy monstroit (pour responce) sa poitrine qui en estoit toute navrée, tenant en sa main vn tableau, où il y auoit escrit.

N E M O.  
N V L.



Le chariot estoit tout d'or, composé de deux quarez, ayans six pieds de long, trois de large, & autant de hauteur, compris ces corniches & moulures. Au dessus y auoit vn plan, haut d'vn pied & demy, large de deux & demy, & long de cinq & demy, descendant en pente sur les moulures du premier. La pente estoit taillée à escailles, en pierres precieuses de couleurs differentes. A chacun des quatre coings se rapportoit vne corne d'abondance, pleine de feuilles, fleurs, & fruiets de pierre-rie, l'ouuerture renuersee sur la saillie du coing de la corniche du premier carré: le demeurant couroit au long des arestes des coings, cannelées en rond, & reuestués de feuilles de Pauot, tant que le graisse se renuersoit en lymasson. Au dessous de la moulure du dernier plan, aux coings du plinthe, ou quarté, au droit de la moulure basse, estoit faict le pied d'vne harpie, quelque peu courbé & releué en demy-rond, finissant en fueillage de Pertil, qui embrassoit le coing par les deux costez. Au chariot n'y auoit point de lymons, mais en leur lieu sortoient de ce quarté par dessous les pieds des Harpies, deux rouleaux en forme de crochets, où les traits estoient attachez. La moitié des roués estoit iusques au moyeu, couuerte d'vn fueillage qui se départoit en deux, & sortoit d'vne rose, par le milieu de laquelle passoit le bout de l'aisseau. Sur le plan de ce chariot gisoit vn Toreau tout blanc, armé de fleurs, comme vn bœuf de sacrifice. Dessus estoit assise vne pucelle Royale, toute espouuantée, qui l'embrassoit par le col, comme craignant de tomber, vestuë d'vne soye verte, tissue avec fil d'or, ceincte au dessous des mammelles, d'vn crespé qui vole-

## LIVRE PREMIER

toit à l'entour d'elle : tout son accoustrement enrichy de pierrerie , & auoit en son chef vne couronne d'or. Le chariot estoit tiré par six Centaures de la race d'Ixion, avec fortes chaisnes d'or plattes, esquelles y auoit des crochets, qui s'attachioient aux boucles pendantes à leurs escharpes, & mises par tel artifice, qu'ils tiroient tous six d'vn pas esgal. Chacun de ces Centaures portoit vne Nymphe, les espaules tournées l'vne à l'encontre de l'autre , & les visages en dehors, tenant chacune certain instrument de Musique bien accordé. Leurs cheveux pendoient sur le derriere , & estoient couronnées de chapeaux de fleurs : mais les deux plus prochaines du chariot se monstroient vestués de fine soye azurée, de la propre couleur que sont les plumes du col d'vn Pan. Les deux du milieu de cramoisi, & les premieres de satin verd, avec la suite des ornements propres & commodes à Nymphes. Leur chant estoit si doux, & leur son tant harmonieux, qu'il eust peu retarder la mort, quelque halitue qu'elle eust esté. Les Centaures estoient couronnez de Dendroïde, & les deux plus pres du chariot portoit chacun vn vase antique, tenans d'vne main le pied du vase, & de l'autre le goulet. Les vases estoient de Topase Arabique, ayant couleur d'or bien luisante, agreable à la Déesse Lucine, & vtile pour appaiser les ondes de la mer courroucée. Ils estoient faicts presqu'en fusées, estroits deuers le pied, larges par le milieu, puis le col long & gresse. Leur hauteur estoit de deux pieds, & leur ouurage singulier. Du dedans sortoit vne fumée si odorante, qu'il n'est possible l'exprimer. Les deux Centaures suiuan sonnoient de deux trompes, auxquelles pendoit vn panonceau de soye desliée, & mesliée de fil d'or traict, attachée en trois lieux. Et les deux premiers faisoient melodieusement bondir deux cornets antiques, accordant le tout par grande harmonie, avec les instruments des Nymphes.



Les raiz des rouës estoient faiçts en balustres, joinçts au moyeu, & leurs bouts ornez de pommeaux, respondans à la circonférence. Le moyeu estoit de fin or, & aussi le tour de la rouë, parce que le metal ne peut estre consumé par feu, ny par rouilleure, il est aussi le poison de vertu, & le mortel venin de paix. Ce chariot estoit grandement honoré & festoyé de ceux qui le suiuoient, dansans & se resjouyssans en grandes pompes solempnelles. Les Nymphes assises sur les Centaures chantoient en douce melodie, accordant à leurs instruments, & celebrant l'occasion de ce diuin & somptueux mystere.



## LIVRE PREMIER

Le triomphe de deuant n'estoit de rien moins merueilleux : car le chariot auoit les rouës, raiz, & moyen, d'Agathe noire, mellée de quelques veinës blanches, plus belle que celle de Pyrrhus, en laquelle nature auoit formé les neuf Muses, & Apollo droit au milieu, dansant & sonnant de sa lyre. Le chariot estoit de la façon du precedent, mais les tables qui couuroient la moitié des rouës estoient de Saphir Oriental, tres-fort aymé de Cupido, quand il est porté en la main gauche. En la face droiſte du plinthe quarré, estoit entaillée vne Dame, accouchée de deux beaux œufs, dedans la chambre Royale d'vn Palais excellent, dont les matrosnes sembloient estre esbahies, pource que de l'vn de ces œufs sortoit vne flamme de feu, & de l'autre deux estoilles fort luyſantes.



En l'autre face estoient figurez les parents de celle Dame, lesquels desirans ſçauoir que ſignifioit ce preſage, preſentoient les deux œufs au Temple d'Apolo, enquerans que ce pouuoit estre, & quelle en ſeroit l'iſſuë, ausquels ce grand Dieu reſpondit.

VNI GRATVM MARE, ALTERVM GRATVM MARI.

C'eſt à dire,

La Mer eſt agreable à l'vn, & l'autre agreable à la Mer.

Et pour ceſte reſponce obscure, ils les firent ſoigneuſement garder.




En l'autre face de deuant estoit Cupido en âge d'enfance, volant en l'air, lequel on voyoit avec vne flèche tranchante, peindre contre le Ciel toutes manieres de bestes & oyseaux : dont il sembloit que les hommes estans en terre s'esbahissoient de la merueille.



En celle de derriere, Jupiter commettoit en sa place vn berger de subtil esprit, qui dormoit sur vne fontaine ; & vouloit ce Dieu qu'il iugeast du differend suruenu entre trois Déesses, s'estant dépoüillées nuës deuant luy, & comment ce berger seduiët par Cupido, donna sentence en faueur de Venus sa mere, luy adjugeant la pomme d'or, comme à la plus belle, & plus excellente à son gré.

Ⓞ iiij



Ce chariot estoit tiré par six couples d'Elephans, plus beaux que ceux qui furent veus aux triomphes de Scipion l'Affricain, du grand Pompée, & de Bacchus, apres qu'il eut vaincu les Indes. Les traits estoient de soye bleuë retorse, avec fil d'or & d'argent, en vn cordon à quatre arestes, ressemblant à vn espy de bled. Les poitrals des Elephans estoient de fin or, enrichy de pierrerie, où il y auoit des boucles par lesquelles les traits passoient. Et sur chacun Elephant vne pucelle, comme au premier triomphe, avec plusieurs instruments de Musique, tous differends aux premiers, mais accordez au mesme ton. Deux d'entr'elles estoient vestuës de rouge, deux de iaune, & deux de violet. La housse, ou couuerture des Elephans, estoit de drap d'or à broderie, semée de perles, avec des colliers de grosses pierres precieuses enfilées. Sur le front leur pendoit vne pomme de perles Orientales, dont la houpe estoit de soye de plusieurs couleurs, meulée parmy du fil d'or.

Tout



Tout au haut du chariot estoit vn Cygne, amoureuxment accollé d'une belle Nymphé, fille de Theseus. Le Cygne auoit le bec en sa bouche, comme pour la baiser : & couuroit de ses aïsses ce qu'elle auoit de nud. La Dame estoit assise sur deux quarreaux pleins de duuet, vestuë de soye blanche, tissué avec du fil d'or, semée de pierrotie singuliere, sans qu'il y eust faite de chose qui peust seruir à la rendre plus belle.

Le tiers Chariot auoit ses rouës de Chrysolythe Ethiopien, estincellé de pailletes d'or : lequel est de telle nature, que si on le perce à trauers, & que l'on l'enfile d'un cordon d'un poil d'un Asne, il chasse les mauuais esprits, & à grande vertu pour celui qui le porte en la main gauche. Le carré & les autres faces estoient de la mesme longueur.

Les tables qui couuroient la moitié des rouës estoient pareillement d'Heliotrope verd, enchassé en bois de Cypres : & ainsi à puissance sur les estoilles, rend inuisible celui qui le tient, & fait deuiner les choses à venir, spécialement quand il est semé de gouttes sanguines.

En la face droicte estoit figuré vn Roy dedans vn Temple, prosterné deuant vne idole, & enquerant quelle chose auendroit d'une seule fille qu'il auoit : à quoy luy fut respondit, que par le fruit qui en naistroit il seroit deboutté de son Royaume. Parquoy redoutant cét Oracle, il la fit emmurer en vne grosse tour, où elle fut soigneusement gardée, afin qu'homme n'en approchast : mais vne nuit aduint qu'en son giron tomba vne pluyé en gouttes d'or, dont elle conceut vn enfant.



En l'autre face estoit vn ieune Gentil-homme, receuant vn escu de crystal des mains d'vne Déesse : & comme il trancha la teste à vne Dame fort hydeuse, puis l'attacha sur son escu en signe de victoire : du sang de ceste occise il s'engendra vn cheual volant, lequel frappa du pied sur le sommet d'vne haute montagne, & en fit faillir vne fontaine miraculeuse.



Au front de deuant estoit Cupido, tirant vne flèche d'or contre le Ciel, dont il pleuuoit des gouttes d'or. Et à l'entour de luy vne multitude infinie de gens bleffez, esbahis de ceste pluye nouvelle. Au derriere l'on pouuoit veoir Venus grandement courroucée, pource qu'elle auoit esté surprise anec vn gendarme dans vn rhiets enchanté : & tenoit son fils par les ailles, arrachant ses plumes vollages, comme s'il eust esté occasion de la prise : dont l'enfant se sembloit consumer tout en

larmes. Là suruenoit vn Messager ayant aïsses aux pieds, qui le deliuroit des mains de sa mere. Apres on voyoit le Messager aïssé presenter à Iupiter le petit Cupidon, lequel il couuroit de son manteau, & luy disoit en langue Grecque.


ΣΥ ΜΟΙ ΓΑΥΚΥΖ ΤΕΚΛΙ ΠΙΚΡΟΣ.

C'est à dire,

TV MES DOUX ET AMER.



P ij



Ce chariot estoit tiré de six Licornes, consacrées à Diane, ressemblantes à Cerfs par la teste. Leurs colliers estoient de passément de fil d'argent, & de soye iaune, ensemble les traits attachez à boucles d'or, avec les autres harnois & garnitures necessaires. Chaque Licorne portoit vne Nymphes vestuë de toille d'or bleuë, tissuë à fleurs & à fueillages. Chacune tenoit son instrument de musique, mais ils se monstroient tous diuers aux precedents. Sur le plan du chariot y auoit vn siege de laspe verd, enchassé en argent, estimé ayder aux femmes qui trauaillent d'enfant, & rendre la personne chaste qui le porte sur soy. Le pied estoit taillé à six faces, montant en poincte, & soustenant vne coquille à demy platte, cannelée iusques à son milieu: sur laquelle estoit assise vne belle Nymphes, vestuë pareillement de toille d'or bleuë, & couronnée d'vn diadème, reluisant comme vn autre Soleil, pour estre aornée d'vne infinité de pierres precieuses. Au giron de ceste Nymphes tomboit vne pluye d'or, dont elle sembloit toute ioyeuse.



Le quatriesme Chariot estoit en tout & par tout semblable aux precedents, referué que les rouës estoient d'Asbeste d'Arcadie, ainsi appellé pource que quand il est vne fois allumé, iamais on ne le peut esteindre. La table qui les couuroit fut d'Escarboucle, reluisant en tenebres. En la face dextre estoit figurée vne Damoiselle encceinte, à laquelle Iupiter apparoissoit en sa diuinité, & en la forme qu'il est accoustumé de conuerser avec la Déesse Iuno sa femme, à sçauoir en feu, foudres, & tonnerres : tellement que la Dame qui de ce l'auoit requis, à grande instance en estoit aise, & conuertie en cendre, mais non pas son petit enfant.



En la seconde Iupiter bailloit ceste petite creature à vn ieune homme, ayant ailles aux pieds, & vn sceptre entortillé de deux serpens, qui le portoit en vne cauerne, & le bailloit à quelques Nymphes pour le nourrir.



Au quarré de deuant estoit Cupido, accompagné d'une grande multitude d'hommes & femmes, par luy navrez cruellement : lesquels sembloient s'esmerveiller de ce que par auoir tiré sa flèche contre le Ciel, il en auoit fait descendre Iupiter en sa majesté, pour le plaisir d'une ieune fille mortelle.

Au pan de derriere estoit encores Iupiter, seant au Tribunal Diuin, & deuant luy Cupido blessé, qui auoit fait conuenir sa mere, l'accusant d'auoir esté occasion que luy-mesme s'estoit navré de l'amour d'une tresbelle Nymphes, laquelle l'auoit bruslé en la jambe de l'estincelle d'une lampe, & là présente, assistoit la Nymphes

accusée, tenant encores la lampe en la main : & Iupiter en riant disoit à Cupido;

PERFER SCINTILLAM, QVI CÆLYM ACCENDIS, ET OMNES.

C'est à dire,


Endure vne estincelle, toy qui brusles le Ciel, & tous.



Le chariot suiuant estoit tiré par six Tygres, mouchetez de taches rouffes, attachez à des rameaux de vigne ; garnis de moissines de raisins, qui seruoient d'armes offensiuës : & cheminoient tout le petit pas. Au milieu du plan de dessus y auoit vne base d'or, d'un pied & quatre doigts en diametre, & de trois palmes en hauteur, c'est à sçauoir vn palme au plynthe rond ou bozel, demy palme à l'eschine, & à son petit quarré, & le demeurant départy au trochyle ou nasselle, à la gueule renuerfée, & au bozel d'enhaut, enrichis de leurs petits quarréz. Le plan de ceste base estoit vn peu rauallé, & creux, pour faire place à quatre queuës d'aigles qui repositoient dessus le bord, faictz de pierre Ætite, Persane. Ils auoient le dos tourné l'un contre l'autre, & assembloient leurs aïles en poincte, dont ils soustenoient vn vase antique de Iacynthe Ethiopien, diuersifié de veines d'Esmeraude, & plusieurs autres pierres precieuses. Sa hauteur estoit de deux pieds & demy, son diametre d'un pied & demy au droict de sa grosseur. Sa rondeur portoit trois diametres, & vn peu plus. Le pied failloit quatre poulces au dessus des aïles d'iceux Aigles. Au plus large de sa grosseur il estoit enuironné d'une frize de la largeur d'un palme: de laquelle iusques au commencement d'un autre vase à Gargoule, joint au premier, y auoit vn autre palme. Ce dernier vase auoit vn pied de hauteur, & commençoit à s'elargir par le dessus, enuiron d'un bon palme & demy : lequel demy palme estoit employé en vne petite frize, faicte à fleurs & fueillages de demy bosse, percée à iour, & quasi hors de leurs fonds, espargnez de la mesme pierre. Le diametre du vase en sa grosseur auoit deux palmes & demy, & estoit goderonné au dessous de la frize à goderons estroits deuers le fonds, & larges par le haut. Le col auoit en longueur de-

puis la frize iusques à la bouche, deux palmes & demy, faisant le total de la hauteur du pied du vase, avec le palme & demy, estant au dessous de la frize, faite à goderons, tournans en façon de lys. Le bord de la bouche estoit plat, garny de moulures, gueule, doucine, eschine, & autres: si estoient bien les listieres des frises. En celle de la Gargoule, en la moulure de dessous, estoient soudez des demy annelets en trauiers à chacun des costez, que deux Lezards mordoient, faits de la veine d'Esmerau-  
 de: & auoient les quatre pieds sur le couuercle du grand vase qui soustenoit la Gargoule: & estoit joint à la frize, en forme de doucine, ou gueule renuersee, taillée à escailles de la mesme Iacinte: & auoit vn palme de haut. Les queuez des Lezards qui estoient couchez sur le ventre le long de ce couuercle, estoient entortillées pour faire des anneaux sur la moulure de la frize, vn autre au dessous, qui seruoient danses. Le bas finissoit en vn fueillage, qui entroit demy pied de dans la frize de chacun costé, & estoit quasi tout de bosse, tellement que l'on pouuoit aysément veoir le fonds de Iacynthe. Par ainsi ce fueillage occupoit deux pieds de la rondeur du vase. Reste à voir l'espace qui demouroit en la frize. Entre les deux fueillages, contenant vn pied & demy de long, à chacun des costez estoient certaines sculptures: premierement le ventre de ce vase estoit couuert d'vne vigne, laquelle auoit des souches, les brocs & le ferment espargnez d'vne veine de Topase, les fueilles d'Esmeraude, & les raisins d'Amethyste, sur vn fonds de Iacynthe, si rond & si poly, qu'on eust iugé qu'il auoit esté fait au tour: car il sembloit que les fueilles en fussent separées de la grosseur d'vn pouce: & tant furent viuement contre-faites, qu'elles sembloient proprement naturelles. La frize qui enuironnoit le vase estoit ainsi, space vuide laissé entre deux fueillages, contenoit de chacun costé vn pied & demy, & là estoient entaillées deux belles histoires, c'est à sçauoir en la face de deuant, Iupiter tout debout sur vn Autel de Saphir, tenant en sa main dextre vne espée tranchante de Chrysolithe, reluisante comme l'or: & de l'autre vn foudre estincellant, fait de Rubis flamboyans à merueilles; Deuant luy estoit vne danse de sept Nymphes, vestues de blanc, en façon de Religieuses, chantans (comme il sembloit) par vne resjouissance deuote & sainte: puis estoient conuerties en arbres verds, ornez de fleurs azurées: & s'enclinoient tres-humblement deuant ce grand Dieu. Elles n'estoient pas toutes entierement transformées, mais les vnes plus, les autres moins: toutes fois la dernière estoit jà toute en arbre, excepté le visage. La seconde n'auoit sa transmutation que depuis la ceinture en bas: & ainsi consequemment les autres. Ce neantmoins toutes monstroient quelque signe de transformation en la teste.

En




En l'autre costé estoit taillé vn ieune Dieu grasset, ressemblant de visage à vne fille, couronné de deux Couleures, l'vne blanche, & l'autre noire, si bien contre-faiçtes, qu'on les eust prises pour naturelles. Il se seoit sous vne treille, couverte d'vn sep de Vigne, où montoient des petits enfans pour la vendanger, & puis apportoient leurs paniers pleins de raisins deuant ce ieune Dieu, qui les receuoit en riât. Aucuns fouloient la vendange, d'autres demeuroident sans rien faire, fors qu'ils battoient vn tabourin, & chantoient sans accord. Plusieurs gisoient en terre, couchés à l'enuers, endormis d'auoir entonné le vin, & beu en la Sibille du pressoir. Et combien que les figures fussent fort petites, si estoient-elles faiçtes à leur proportion & mesure, si parfaitement qu'il n'y auoit que redire : & y auoit l'ouurier appliqué les pierres precieuses selon les couleurs, par merueilleuse dexterité, conjoincte à industrie & grande intelligence.




LIVRE PREMIER

Du vaisseau y estoit vne Vigne d'or, tres-abondante en sucilles, chargée de raisins, faux d'Amethyste Oriental, & les sucilles de Silenite de Perse, qui ne peut estre entamé par la lime, & plaist à Cupido, pour autant qu'il maintient en santé celuy qui le porte sur soy. Elle seruoit & de treille & d'ombrage à tout le chariot, qui auoit à chacun coing vn chandelier, essis sur trois pieds de Corail, singulierement profitable aux Laboueurs, à raison qu'il déchasse Tonnerres, Foudres, Tempestes, Tourbillons, & autres mauvais vents. Le pilier de l'vn estoit de Ceraune de Portugal, de couleur celeste, amy des Tempestes, & fort aymé de la Déesse Diane. Il estoit fait en balustres, assemblez avec pommettes, & autres ornements de fin or, en ourage de fil. L'autre de pierre Onyce noire, tachée de gouttes vermeilles, qui à odeur d'Encens quand elle est frottée. Le troisieme de Medée, de couleur d'or obscure. Le dernier de Nebreide precieuse, de couleur noire, blanche & verde, toutes meslées ensemble, & sacrées à ce Dieu Bacchus. Ils auoient chacun deux pieds de hauteur, & sur la poincte vne escuelle plate, ou continuellement ardoit vne flamme de feu, qui ne le pouoit estaindre.



A l'entour du chariot estoient les Nymphes Mainades, Mimalloides, Lenées, Thyades, Faunes, Satyres, Tityres : & autr'es brayans ce mot, Eue Bacchus, en voix confuses, & mal formées. La plus grande part des personnes suiuant ce triomphe estoit nuë, & l'autre vestuë de peaux de Daims, & Fans de Biche, leurs cheueux pendans & espars sur leurs espauls. Il y en auoient qui sonnoient de tabourins & chalumaux, celebrant & solemnifant les Orgies Bacchanales.



Aucunes estoient ceintes & couronnées de Rameaux de Pin, Cypres, & autres semblables : & si fautoient ou dansoient, ne plus ne moins comme aux j. tri. Trioteriques. Apres elles venoit le vieillard Silenus, monté sur son Asne, & un Boute de poil herissé, que l'on menoit en procession pour faire sacrifice. Puis entre les derniers se monstroient vne femme, marchant furieusement, qui portoit sur la

teste vn Van à vanher les risées, les cris, & les chants (ou plustost hurlements) de ceste compagnie : qui estoient tels, que l'on n'y pouuoit entendre l'vn l'autre.

*POLIA ENCORE INCOGNEVE A POLIPHILE,  
luy monstre les ieunes hommes & filles qui aymerent iadis, & en pareil  
furent aimées des Dieux : puis luy fit veoir les Poëtes,  
chantans leurs Poësies nouvelles.*

## CHAPITRE XV.



**N**TRE tous les bien-disans il n'y auroit pas moyen de treuuer éloquence si prompte, & si faconde, qui fust suffisante à specifier distinctement tous ses diuins secrets & mysteres, donner à entendre par quelle prouidence ils sont conduits, ny pareillement exprimer la gloire, felicité, & beatitude, affluente en ces quatre triumphes, accompagnés de beaux ieunes hommes, & Nymphes gracieuses, plus prudentes en toutes choses, que leur ieune aage ne portoit. Ces belles passoient le temps ioyeusement avec leurs amis, estans en la fleur de leur premiere ieunesse : tellement qu'aucuns estoient encores sans barbe : les autres ne monstroient que le petit poil follet, ressemblant à cotton deslié. Plusieurs des Nymphes auoient leurs flambeaux allumez, qu'il faisoit merueilleusement bon veoir. Il y en auoit vn grand nombre vestués de chappes, chasubles, & ornemens de religion. Quelques autres portoient des lances, où pendoient certains trophées, où dépoüilles antiques : & cheminoient pesse-messe en troupe, ainsi que chacun se trouuoit. Le bruiet, le cry, les voix des personnages, & le son des instruments, hautsbois, cors, trompes, buccines, & chalemies estoient si grands, qu'il sembloit que l'air se deust fendre. En ce lieu de felicité viuoient les bien-heureux en tout soulas & plaisir, glorifiant les Dieux, & suiuant les triumphes, parmy les beaux champs diaprez de verdure, & de fleurs de toutes couleurs, odeurs, & saueurs, qu'il est possible imaginer, plus aromatisantes que toutes les sortes d'espices, que nature scauroit produire, voire (certes) plus belles que nulle peinture : & sans iamais estre seichées du Soleil : car tousiours y est le printemps sans varier, le iour sans passer, & la saison tranquille & temperée : Aussi tout y croist sans labour, & s'y engendre par la bonté de la terre, au moyen de la benignité de l'air : & demeurent les fruiets, les herbes & les fleurs, incessamment en leur perfection de bonté, beauté, odeur & verdure, sans flestrir ny seicher en aucune maniere. Iamais n'y à douleur ny maladie, dueil, soucy, melancholie, falcherie, ny desplaisir. C'est l'habitation de parfaicte beatitude, deputée pour ceux qui seruent les Dieux à leur contentement. Là estoit la belle Calysto d'Arcadie, fille de Lycaon. Antiope fille de Nycteus, femme de Lycus, & mere d'Amphion le musicien. Asterie fille de Ceus le Tytan. Alcmena avec ses deux maris, l'vn vray, & l'autre supposé. Puis la belle Erigone, qui auoit son giron plein de raisins. Helles y estoit encores, montée sur le mouton à la toyson d'or. L'on y pouuoit veoir Eurydice, que le serpent mordoit au talon. Phylira fille du vieil Occéan, & femme de Chiron le Centaure, y tenoit vn rang honorable. Apres marchoit la Déesse Ceres, couronnée d'espics de bled, montée sur le serpent de Triptolemus. La belle Nymphé Lara y estoit, accompagnée de Mercure, sur la riue du Tybre tant renommé : aussi estoit Iurne, sœur du preux Turnus : & presque vne infinité d'autres, qui seroient trop longues à raconter. I'estois grandement estonné voyant tant de

gens assemblez à l'entour de ces saincts triumphes, & ne sçauoient qu'ils pouuoient estre, pour ne les auoir iamais veuz. Adonc ma guide apperceuant mon imbecilité, sans luy demander que c'estoit, me va dire. Voyez-vous ceste Déesse (en la monstrât de bonne grace) elle a autrefois esté mortelle, mais sa condition fut muée pour auoir aymé Iupiter. Ceste autre là fut vne telle : & tels Dieux furent rauis de son amour, & ainsi poursuiuant le catalogue, elle me declaroit leurs noms, leurs races, & origines antiques. Apres me monstra vne grande assemblée de filles, conduictes par trois matrosnes, marchans deuant toute la compagnie : & me dict aucunement troublée, & changée en visage. Mon Poliphile, ie vueil bien que vous sçachiez que nulles de celles qui sont nées en la terre, ne peut entrer ceans sans auoir son brandon allumé par ardent amour, & violent trauail, comme vous me le voyez porter. Encores faut-il que ce soit par le moyen & adresse de ces trois matrosnes. Puis dit en soupirant. Il me conuiendra pour vostre amour, offrir & esteindre le mien dedans le sainct Temple. Ceste parole me penetra le cœur : tant le plaisir eut de force, quand ie m'ouy appeller sien, car par ce mot elle me donna soupçon que c'estoit ma désirée Polia : & (à la verité) tel fut mon ayse, que l'ame qui me fait mouuoir fut sur le poinct d'abandonner mon corps, & se retirer dans le sien : dequoy la couleur de mon visage m'accusa, ioincte à vn soupir bas & ardent, que i'en iettay bon gré malgré : mais quand elle s'en apperceut, promptement changea de propos, me disant : Or combien il y en a au monde qui voudroient seulement entreuoir ce qui vous est permis de contempler à pleine veüe. Pour autant esleuez vostre esprit, & regardez ces autres Damoiselles qui vont pair à pair avec leurs amis, chantant en beaux vers les felicitez de leurs triumphes. Ces premieres sont les neuf Muses, & Apolo qui va deuant, suiuy d'une belle Damoiselle Napolitaine, appelée Leria, couronnée de Laurier verdoyant. Aupres d'elle est vne fille, belle par excellence, nommée Melanthie : l'habillement, & le langage, me firent cognoistre qu'elle estoit Grecque. Ceste-là portoit vne lampe ardante, qui esclairoit à toutes celles qui la suiuoient. Son chant & sa voix estoit trop plus amoureux que d'aucune autre de la troupe. Apres ma guide me monstra Pierus, & ses filles, qui tant furent sçauantes. Puis Lycoris, avec vne Dame qui chantoit la guerre d'entre deux freres de Thebes. Toutes auoient des instruments de Musique, dont elles faisoient merueilles de sonner. Au second triomphe estoient la noble Corinna, Delia, & Néera, avec plusieurs autres Musiciennes amoureuses : & parmy elles Crocale la Sicilienne. Au tiers triomphe ie vey Quintilia, Cynthia, & autres, proferantes des vers assez melodieux. Et là se treuuoit Lesbia, plorant encores son passereau. Au quatriesme où jouïoit Lyde, Cloé, Tiburte, & Pyrrha. Puis entre les Mainades estoit vne iolie Damoiselle, chantant pour son amy Phaon. Et au derriere deux Dames, l'une bien parée de blanc, & l'autre vestuë de verd : toutes lesquelles solempnisoient ceste feste, chantans à l'entour des Triumphes, portant couronnes de Laurier & de Myrthe, avec diuerses autres herbes, fleurs, & rameaux, sans fin, sans trauail, sans ennuy, & sans se lasser, assouuies en contentement, jouyssantes par fruition éternelle des visions diuines, & perpetuellement habitantes en ce Royaume bien-heureux.

APRES QUE LA DAMOISELLE EUT DECLARE  
 à Poliphile le mystere des triumphes, & les douces amours des Dieux, elle l'ad-  
 monesta d'aller plus auant: ce qu'il fit: & y vit plusieurs ieunes Nym-  
 phes, passant le temps tout le long d'un ruisseau avec leurs fidelles  
 amis. Puis se trouua espris de l'amour de la Damoiselle sa guide.

## CHAPITRE XVI.

**S**UR tout j'estimerois non seulement heureux, mais au delà de la  
 beatitude, celuy auquel par grace speciale seroit permis de veoir  
 sans fin ces pompes diuines, & triumphes glorieux, decorez de  
 tant de Nymphes & Deesses, pleines de beauté nonpareille, ayant  
 entr'elles amitié cordiale & conuersation familiere: mais encores  
 seroit-ce plus sil estoit conuict par vne pucelle autant exquisite  
 que ma guide: car (à mon iugement) c'est l'vne des principales parties de la vraye  
 beatitude. Pensant à cela ie demeuray quelque espace de temps hors de moy, &  
 tout esmerueillé: parquoy ma belle me tira par la main, disant; Passons outre, à  
 quoy j'obey de bien bon cœur. Nous prismes vn chemin auant ioly qu'on pour-  
 roit souhaitter, s'estendant au long de plusieurs belles fontaines, qui faisoient vn  
 ruisseau clair comme argent bruni, bordé de fleurs & de verdure, principalement  
 de Sonchet, de Glayeul, & de Lys blancs, rouges & jaunes, avec de belle balsamite.  
 Là se miroit l'imprudent Narcissus, fils de Liriope, amoureux de soy-mesme. Tout  
 ce pourpris estoit entourné de beaux costaux, peuplez d'arbres fructiers, comme  
 Lauriers, Pins, Myrthes, & Lentisques, au long desquels couloit ceste eau plaisante,  
 qui auoit le fonds paué de beau sable rouge. Toutesfois en aucuns lieux y croissoit  
 le Cresson, & autres herbes aquatiques. Là estoient plusieurs ieunes Nymphes,  
 belles & de bonne grace, accompagnées d'autant d'hommes de leur aage, passans  
 le temps ioyeusement ensemble. Aucunes qui auoient haussé leurs vestemens de  
 soye, & amoncellez sur leurs bras, courtoient par dedans ce ruisseau, tellement que  
 elles faisoient voir la belle disposition & profil de leurs personnes, ayant les jambes  
 descouuertes iusques aux genoux, & les pieds en l'eau iusques à la cheuille. Qui me  
 fit sentir en mon secret, que telle chose à puissance d'assubjectir à l'amour vn hom-  
 me du tout inhabile & inutile à son seruice. Là ou estoit l'eau plus tranquille, & ou  
 elle auoit moins de cours, vous eussiez veu toute leur figure aussi parfaitement  
 exprimée, que dedans la glace d'un miroir. Et quand elles alloient amont contre  
 le coulant de ce ruisseau, l'eau s'esleuoit contre leurs jambes, faisant vn petit mur-  
 mure, comme si elle eust esté courroucée de les rencontrer. Les vnes courtoient  
 après les Cygnes, & s'entre-jettoient de l'eau avec leurs mains. Les autres estoient  
 assises sur la riuie, & faisoient des bouquets de flettes, qu'elles donnoient à leurs  
 amis, avec les dépendances accoustumées, qui sont les gracieux baisers, lesquels ny  
 estoient esparnez, ains liberalement & prodigalement octroyez, plus joints &  
 plus estroit serrez, que ne sont les coquilles des Huîtres. Ce nonobstant & com-  
 bien qu'ils fussent doucement donnez & receus, si pouuoit-on veoir apres le dé-  
 part, l'impression & marque de leurs dents au col, aux jouës, aux lèvres, ou au men-  
 ton, sans violence, ny aucune douleur. Certains estoient estendus aux pieds des  
 Saules & Aulnes, à l'ombre, contre les racines desquels l'eau se venoit heurter en

murmurant : & là se reposoient en tout plaisir, voyant les beaux seins de leurs Dames, qui donnoient aux yeux pasture plus agreable & desirée, que ne sont à Cupido les larmes de ses bons seruiteurs. Aucunes chantoient chansons d'amours, à voix debiles & tremblantes, brisées de petits soupirs, & remplies de doux accens, assez forts pour faire amollir & entr'ouuir vn cœur de pierre. Quelques autres estoient couchees aux giron de leurs belles Nymphes, auxquelles ils faisoient des plus plaisants comptes dont ils se pouuoient aduiser : & elles en recompense mettoient des chapelets, ou lioient des bouquets à leurs cheueux. De telles en y auoit, qui faisant semblant d'estre courroucées, refusoient de s'approcher, & fuy-oient, ou bien feignoient, de chasser leurs seruiteurs, & leur donner congé, montrant d'auoir à déplaisir ce qu'elles desiroient tres-ardemment : & par ainsi ces belles couples alloient courant l'une apres l'autre à grands cris, & plaisantes risées. En ces entre-faictes les cheueux des Dames volettoient en l'air, reluisans comme le fil d'or : puis quand les personnages s'estoient atteints, incontinent se baissoient contre terre pour emplir leurs mains d'herbes & de fleurs, & se les entre-jetter. La recompense de ce travail estoit vn baiser reciproque. Apres ils s'entre-donnoient de petits soufflets, ou sur la joue, ou par derriere, en fuyant, avec les plus estranges & nouvelles escarmouches, qu'Amour sceut oncques inuenter, sans toutesfois faire acte qui dérogeast à la grace d'une honneste fille. Mais tousiours contenance & geste tel, que les regardans n'en pouuoient aucunement estre offensez. Helas ! qui seroit donc le cœur si froid & tant gelé, qui ne s'enflammeroit voyant si delectables effectes d'amour égal ? Je vense veritablement que la chaste Diane y eust esté tout soudain embrasée : & oserois quasi dire que les ames des felons enuieux n'endurent plus grand mal en ce monde, que ce luy qui leur est causé de l'ennuy qu'elles ont, voyant la felicité de ceste heureule compagnie, qui vit sans peine & sans soucy, menant ioye perpetuelle, contente du present, non assouuie en desirant l'aduenir, ains estimant tousiours chose nouvelle ce qui est soumis à leurs yeux, & dont ils ne sont jamais las. Les miens (certes) receuoient vne douceur si grande seulement de les contempler, que mon cœur participant en ces delices, fut sur le point de me laisser, pour aller en ceste beatitude requerrir sa part de ces benefices d'amour. Et si l'imagination eust peu causer l'effect, ie feusse (sans doute) demeuré lors sans ame. Aucunesfois ie pensois que ce fut enchantement, où ie cuidois estre arriué en quelque pays de Fées, puis il me souuenoit des oignements de Circé, des herbes de Medée, du chant Magicien de Byrrenne, & de l'infernal murmure de Pamphile : car ie scauois bien que les yeux corporels ne peuuent rien veoir outre l'humanité : & qu'un corps mortel fait de terre, lourd, vil, pesant & tenebreux, ne pourroit estre au lieu où reposent les immortels. Ces choses pensois-ie en moy-mesme : toutesfois apres auoir laissé toutes ces resueries, & venant à rememorer les merueilleuses choses que j'auois manifestement veuës & apperçeuës, ie cogneu que ce n'estoient point illusions ny fallaces de Magie, ains veritez imparfaitement comprises de mon sens : qui me fit retourner à contempler la beaucé de ma guyde, & y appliquer toute la puillance, de mon esprit, lequel souffroit vne peine trop grieue, pour ne luy oser demander si elle estoit ma Polia, ou non : considéré qu'elle n'agnieres m'en auoit donné quelque cognoissance douteuse. Or craignois-ie de l'offenser pour peu de chose, pour autant que ie luy estois inferieur en toutes parties & qualitez, voire presque indigne qu'elle parlât à moy. Ce neantmoins la parole n'estoit plusieurs fois venue iusques sur le bout de la langue, & ie l'auois tousiours supprimée, estant perplex & incertain outre mesure de ce que j'auois lors à faire : dont ie me trouuois plus estonné que Sosia, quand il rencontra le Dieu Mer-

curé, lequel auoit pris sa propre forme, d'autant qu'il ne pouuoit iuger s'il estoit ou luy, ou vn autre. Voila comment j'estois assailly de pensées, & disois à part moy. Pour auoir place en ce paradis terrestre, ie serois content de m'auanturer à toutes entreprises, pour hautes & difficiles qu'elles peussent estre. Nul travail me sembleroit moleste. Je mettrois ma vie à tous hazards. Je ne craindrois peril de mer, ny de terre. Je serois content d'entrer en la cauerne du cruel Polyphemus, loger en la maison de Calypso, seruir plus longuement que Iacob, m'offrir à l'aduanture de Hippomanes contre Atalanta, & endurer toutes peines, labeurs, & dangers extrêmes, redoutez & fuys de tout le monde: pour autant qu'ou l'Amour domine, peur & peine n'ont point de lieu. Toutes choses ferois-je volontiers pour acquérir vn si grand bien, & demeurer en ce lieu de felicité, abondant & comblé de toutes delices parfaites, & principalement pour paruenir à la grace de ceste Nymphé, laquelle est (sans comparaison) plus belle qu'Helene la Grecque, voire (certes) que toutes les autres, renommées de grande beauté. Helas! ma vie & ma mort font du tout en sa puissance. Mais il semble aux Dieux que ie sois indigne de son amitié, ie requiers (pour le moins) qu'il me soit permis de la pouuoir contempler, & seruir à tout iamais. Puis ie redoulois. O Poliphile, si le grand travail te destourne, le guerdon t'y semond & conuie: mesmes si les perils t'espouuarent, bon espoir te doit enhardir. Par ce moyen ie m'asseurois, disant derechef en voix non entenduë. O grands Dieux de là sus, & vous Souueraines Déeses, si ceste Nymphé dont ie voy la presence est Polia (de moy tant désirée) laquelle ie porte empraincte dedans le profond de mon cœur, ie l'ay portée depuis les premiers ans de ma iuennesse, ie suis content & satisfait: tant seulement ie supplie qu'il vous plaise la contraindre de se chauffer au feu où ie me brusle, & faire que tous deux soyons liez d'un lien indissoluble, ou bien me remettez en liberté: car ie ne puis plus dissimuler le tourment que j'endure, ne courir le brasier qui me consume. J'ay grand plaisir en ma tristesse, & suis en peine sans pener. La flamme qui me diminue me nourrit, & le viure me fait mourir. En viuant ie ne gouste la vie, en mourant ie ne sens pas la mort, ains ie suis comme vn glaçon, mis au milieu d'une fournaise ardante. Helas! cét amour m'est vn plus pesant faix, que l'Isle d'Inarime au geant Tiphæus. Je m'y treuve plus esgaré que dedans vn grand Labyrinthe: voire (à bien dire) plus pressé qu'onques ne fut Acteon par ses chiens, & tant que ie ne puis cognoitre en quelle part du monde ie suis, sinon deuant les yeux de ceste Damoiselle qui me tient: & ne m'en puis garantir pour fuyr, ny pour resister. Helas! au moins qu'elle eust plaisir du mal que j'endure pour elle, ce me seroit vne espee d'allegement. En proferant telles paroles, les larmes me tomboient des yeux, & appellois la mort, tout bas, de peur que ie ne fusse ouy, & delibéray plusieurs fois de m'escrier par vne grande plaincte. O noble Nymphé, ma seule esperance, prenez désormais pitié de moy: car ie suis en termes de mourir. Puis tout à coup ie blasmois ce conseil, comme leger & inutile, disant. Pourquoi varies-tu: ô inconstant, & peu ferme? Le mourir pour amour te sera plus honorable que la vie. Adonc en changeant de propos. Paraduenture (disois-je) que c'est quelque Déesse, à laquelle ie me dois adresser. Certes Syringa d'Arcadie n'eust iamais esté transformée en roseau, sur les riués du fleue Labdon, si elle se fust abstenuë de parler indiscrettement en la presence des Déeses. Semblablement Echo ne seroit conuertie en la queue des voix, si elle eust honorablement recité son affaire. A ceste cause, combien que les Dieux soient de leur propre naturel tous enclins à misericorde, vn tel contemnement & audace temeraire les pourroit irriter à vne cruelle vengeance. Qu'il soit vray, les compagnons du sage Vlysses ne fussent peris en la

mer, s'ils n'eussent (comme sacrileges) dérobé le bestial d'Apollo. Orion eust euité l'ire des Dieux, s'il ne se fust ingeré de faire violence à la chaste Diane. Et Phaëton (fils de Phœbus) fut par la presumption precipité du Ciel à bas. Ainsi donc si par imprudence ie faisois quelque acte indecent enuers ceste Nymphe tant exquise, il me pourroit aduenir le semblable, & (peut-estre) pis. Ce discours me fit oublier toutes mes folles entreprises, si que ie me treuuy en grand repos, & me remis à contempler la bonne grace, & l'excellence de la Damoiselle, qui me consola grandement: de maniere que ie passay toutes ces facheuses pensées, & cessay de soupirer, laissant l'esperance flatteuse, qui est la pasture ordinaire dequoy viuent les Amants, meslée bien souuent d'un breuuage de larmes, & me miray en ceste beauté diuine, content & satisfait d'en auoir la seule fruition par la veuë.

*LA NYMPHE CONDICT POLIPHILE EN*

*plusieurs autres lieux, & luy fait venir le triomphe de Vertumnus & Pomona.*

*Puis le meine en un Temple sumptueux, & par l'exhortation de la Priense, la*

*Nymphe y estreindit son flambeau en tres grande ceremonie, se don-*

*nant à cognoistre à Poliphile, & declarant qu'elle estoit*

*sa Polia: les sacrifices qui s'y firent.*

CHAPITRE XVII.

**E**STANT dominé par le pouuoir celeste, ie ne pouuois plus resister aux traicts de l'Archer Diuin, qui me pressoit par les yeux de ceste parfaite Nymphe, qui ayant toute puissance sur moy, me prit par la main, voulant me mener plus outre vers vn riuage, qui estoit sur le bord de ceste valée, où finissoient les costaux & montagnettes, dont le lieu estoit clos & enuironné. Aussi nous cheminames entre des beaux rangs d'arbres Orangiers, Palmiers, Pistaches, Pins, Pommiers, Lauriers, Chesnes, Houx, Buys, Genévriers, Myrthes, Frefnes, Noylliers, Lentisques, Cormiers, Amandiers, Meuriers, Cerisiers, & autres infinis, qui n'estoient espois, ny obscurs, mais plantez par égales distances à la ligne, & verdoyants comme au printemps. De là nous entraimes en vn lieu fait à parquets, en quarté, separez de chemins & allées assez larges, croyez par carrefours bien ordonnez. Les parquets clos de Genèvres, Buys, & Myrthes, drus & ferrez en façon de muraille. Le dedans estoit en pré, semé de toutes manieres de fleurs. Parmy la closture des parquets y auoit des Palmiers tous chargez de leur fruités, plantez aussi par interualles, entremeslez d'Orangiers, Citronniers, Grenadiers, & Pistaches.

R



Au dedans de ces prez se treuvoit vne multitude infinie de peuple champ estel tel que ie n'auois acoustumé de voir. Il me sembla vestu rustiquement de peaux de Daims, Chèvreulx, Onces, & Leopards. Certains estoient accoustrez de feuilles de Bardane, Pislopat, Mixe, ou Sebesten, ensemble de la grand Farsuge. Leurs brodequins estoient de Parelle, & d'Ozeille, bordez de fleurs, pour autant qu'ils solemmisoient vne feste avec les Nymphes Hamadryades, à l'entour de Vertumnus, qui auoit vn chapeau de Roses, & son giron plein de fleurettes. Aupres de luy estoit la Pomona, couronnée de fruiçage, les cheueux pendans sur les espaules: tous deux assis en vn chariôt de triomphe, tiré à traicts de rameaux & fueillages, par quatre grands Faunes cornus. A leurs pieds y auoit vne Chantepleure: & Pomona tenoit en sa main vne corne d'abondance, pleine de fueilles & de fruiçts. Au deuant du chariôt alloit deux belles Nymphes port'enseignes, l'vne ayant en sa deuise des fers de charruë, marres, hoyaux, faux, faucilles, fleaux, pelles, & autres instruments de labour, tous pendans au bout d'vne lance. Et vn tableau où estoit esarit.

INTEGERRIMAM CORPORVM VALETVDINEM, ET STABILE  
ROBVR, CASTASQVE MENSARVM DELICIAS ET BEATAM ANI-  
MI SECVRITATEM CVLTORIBVS MEIS OFFERO.

C'est à dire,

Le donne & presente à ceux qui me seruent, parfaite santé de corps, ferme  
& stable vigueur de leurs personnes, pures & chastes delices en  
banquets, avec bien-heureuse tranquillité d'esprit.



L'autre portoit certains greffes & rejettons, avec vne petite serpe, assemblez  
corame vn trophée, & ceste troupe alloit en forme de procession, selon l'usage  
antique, à l'entour d'un autel quarré, scitué tout au milieu de ce pourpris, taillé en  
marbre blanc, & garuy de moulures conuocables. En chacune face du quarré y

R ij

LIVRE PREMIER

auoit vne figure plus enleuée que de la demy-bosse. La premiere estoit vne Déesse, couronnée de roses & autres fleurs, les cheveux espars au vent, vestuë d'un drap de lin si deslié, que l'on pouuoit voir ses membres à trauers. Elle respandoit de sa main gauche des roses sur vn pot à trois pieds, fait pour les sacrifices. De l'autre tenoit vn rameau de Myrthe, representant le naturel. Aupres d'elle estoit vn petit enfant volant, qui rioit, & tenoit vn arc & des flesches, avec des Colombes amiables : & au dessous estoit escrit.

FLORIDO VERI S.

C'est à dire,

Dedié au fleury Printemps.



En l'autre costé se monstroit vne Damoiselle, semblant vierge à son visage, & matrosne en sa majesté. Dessus son chef elle portoit vne couronne d'espiz de bled : ses cheveux estoient pendans sur ses espaulles, & son accoustrement estoit tel que celuy des Nymphes. Elle tenoit en sa main dextre vne corne d'abondance, pleine de bled meur : & en la gauche vne racine dont procedoient tous espiz. A ses pieds estoit vne gerbe de bled, & au dessous estoit escrit.

FLAVÆ MESSI S.

A la blonde moisson.

En la tierce face estoit figuré un beau simulachre d'un ieune homme riant, tout nud, & ressemblant du visage à un enfant, couronné de fueilles de Vigne, tenant de la main gauche un sep chargé de raisins : & de l'autre vne corne d'abondance pleine de grappes & de fueilles. A ses pieds y auoit un Bouc, & au dessous telle es- criture.

MVSTVLENTO  
AVTVMNO S.

C'est à dire,

Dedié au vineux Autumnne.



R iij



La dernière face contenoit vne autre figure en forme de Roy, seure & robuste, tenant vn sceptre en sa main droicte, regardant deuers le Ciel, en sorte qu'il rendoit l'air trouble & obscur. De l'autre main touchoit les nuës noires & pluuiueuses, pleines de gresse & de neiges. Son habit estoit d'vne peau velue, le poil tourné deuers le nu, chauffé de fouliers à l'antique: & au dessus estoit escrit.


HYEMI ÆOLIAE S.

C'est à dire,

Dedié à l'Hyuer yenteux.

Outre l'excellence de l'art exprimé par l'ouurier de cet autel, il auoit choisi le marbre à propos: car parmi la blancheur s'estoient trouuées certaines veines vn peu brunes, pour faire apparoir l'obscurité des nuës, meslées de pluyes, neiges, gresses, & tourbillôs. Sur le plan de l'autel estoit posé le rude & rustique gardien des

iardins, marqué de son enseigne, ombragé d'vne treille de verdure, faicte à voulte, soustenuë sur quatre perches, reuestuës de feuilles & de fleurs, le tout lourdement esbauché, voire (à bien dire) sans grand ouurage. A chacun espace entre deux perches pendoit vne lampe ardente, attachée au milieu de l'arc de la voulte, à petites chaisnettes de cuyure fort subtiles: qui estant agitées du vent, rendoit en s'entreheurtant vn son comme de petites cymbales. Tout autour estoit ceste tourbe rurale, Bouuiers, Bergers, & Laboureurs, qui rompoient contre l'effigie de leur Dieu beaucoup de fioles de verre, pleines du sang d'vn Asne qu'ils auoient sacrifié, meslé de vin & de lait: & y jettoient des bouquets & rameaux à puissance. En ceste procession estoit par eux mené le vieillard Ianus, lié de rameaux, de fleurs, & de feuilles. Ils alloient brayant certaines chansons champestres & festiues, appellans Thallasse & Hymenée, dansans, sautans, & rians par grande ioye. Ce triomphe me donna plus d'admiration que de plaisir, & ne me sembla point si diuin que les precedens.





Quand nous fufmes paflez outre, ie vey à traucts la forest c'ertaines Nymphes, Oreades, Napées, & Dryades, avec les Nercides, veftués de peaux de Veau marin, & les autres de fleurs & de fueilles, ballantes avec les Faunes & Satyres, couronnez de cannes & de jonc. Pareillement y estoit le Dieu Pan, & Sylvanus: puis Zephirus avec sa mie Chloris, & tous les autres Dieux & Déesses des bois, montagnes, vallées, & fontaines: ensemble plusieurs bergers Musiciens, sonnans de vieux instrumens, compofez de festus de cannes, de cornemuses de peau crüe, de chalumeaux d'efcorce, & autres tels d'eftrange refonnance, dont ils celebroident les faintes ferries florales. Je laiffe à penser à ceux qui le pourront comprendre, le plaisir que i'eus de veoir des choses tant nouvelles. Nous n'eufmes guieres cheminé ma guyde & moy, que j'apperçeu à traucts les fommittez des arbres vn haut pinnacle, comme vne tournelle ronde, qui ne me sembloit guieres loing de ceste rive de la mer, ou ma guyde prenoit son chemin, à laquelle tous les ruisseaux que nous auions paflez se venoient rendre. Quand ie fus vn peu approché, ie vey plus manifestement comme vne voulte ronde à cul de four, couuerte de plomb (ainfi qu'il me sembloit) enrichie d'vne lanterne à huit piliers: & dessus vne autre voulte de mesme, foustenant vne autre lanterne pareillement de huit piliers quarréz, en laquelle estoit fichée vne verge & vne boule fort reluyfante. Je desiray soudainement veoir ce beau battiment, qui tousiours me sembloit de tant plus exquis, que i'en approchois plus pres. Je iugeois à le veoir de loing, que c'estoit structure antique: parquoy ie fus en delibération de prier ma guyde qu'elle m'y voulust mener, combien que nous cheminions tousiours vers le lieu où il estoit: mais ie reprimay mon vouloir, difant à part moy. Helas! ie n'ose demander la chose que plus ie desire, & qui me feroit content sur tous les hommes de ce monde, si ie la pouuois impetret: comment donc demanderay-ie ceste-cy, qui ne m'est ny nécessaire ny vrgente? Ainsi allois-ie cheminant, tousiours la fantasie comblée de telles variations amoureuses, tant que nous paruinmes sur la rive de la mer, en vn lieu fort plaifant, auquel estoit édifié vn temple sumptueux, consacré à Venus Physioé. Sa forme estoit ronde, & auoit de hauteur tant que le diametre de son cercle: & pour la bien conduire l'Architecte en premier lieu auoit fait sur le plan vn rond, & dedans vn quarré: puis auoit diuisé le diametre du rond en cinq parties, depuis la circonference iusques au costé de ce quarré, & en auoit adjousté vne sixiesme sur le centre. Sur laquelle il auoit tiré vn autre cercle, & sur iceluy érigé ce bel édifice, quant à ses parties principales, voire trouué toutes ses mesures, tant de la grosseur des parois & pilastres, que l'espace qui estoit entre la muraille, faisant la closture du temple, & les colonnes foustenantes la voulte du milieu. Apres auoir tiré dix lignes égalemēt depuis le centre iusques à la circonference, distantes l'vne de l'autre comme raiz ou femy diametres: sur lesquels il auoit fait dix arcs ou voltures assises sur dix piliers de pierre Serpentine. Par dedans l'œure, contre chacun des piliers (qui auoient deux pieds de largeur en leur face, & foustenoient les berceaux des voltures) estoit posée vne colonne Corinthienne de Porphyre, de hauteur Ionique, c'est à dire de neuf diametres, sans les chapiteaux qui estoient de cuyure doré, & pareillement les bases, sur lesquelles estoient assis l'architraue, la frize, & la corniche, qui auoient leur saillie iusques à plomb du vif de la colonne. La courbure des arcs commençoit au chapiteau du pilier, qui auoit de hauteur la tierce partie de sa largeur, & sa base seulement vne quatriesme. Ces piliers se posoient sur des beaux pedestals quarréz, & les colonnes Corinthiennes sur des demy ronds, compofez de deux quarréz parfaicts, prins sur la ligne diametrale du pied de la colonne, vne tierce partie employée aux moulures joignantes aux pedestals des piliers quarréz:

quarrez. Aux clefs des voultures il y auoit des petits enfans, & auffi aux coings que les arcs faisoient vers les piliers, il y auoit à chacun vn rond de iaspé de diuerses couleurs, enclous en chappeaux de fueillage. De l'autre costé du pilier, au derrière des colonnes de Porphyre, sortoient des piliers quarrez cannelés, de Serpentine, ayans de faille la tierce partie de leur grosseur, la base assise sur le plan du paué. A leur opposite, en la muraille principale faisant la closture du temple, il y en auoit d'autres semblables : & dessus vne ceinture en forme de corniche, enuironnant toute la massonerie. La distance d'un pilier à l'autre estoit réglée par les lignes tirées du centre à la circonférence. Les piedestals quarrez & demy-ronds des piliers & colonnes estoient d'Albâtre, entaillée de festons ou faisceaux de verdure, de plusieurs sortes, à testés de Pauot, Nessles, & autres fructs & fucilles, hez de rubens, qui sembloient passer parmy des anneaux de chacun costé, & leurs extrémités volantes sur le vuyde de la pierre. A chacune voulture de la muraille il y auoit vne fenestre, faite d'un carré & demy, vitrée de pierre Sogobrine tres-claire, ainsi qu'il estoit requis pour les temples antiques, & n'en y auoit sinon huit, pource que la porte du temple occupoit le lieu de la neuuesime, & la chappelle (ou sacristie) qui estoit à l'opposite, le lieu de la dixiesme. Les piliers de dehors auoient autant de faille, que la muraille d'espoisseur. La largeur du pilier estoit tirée de l'espace d'entre deux lignes partant du centre, & touchant à la circonférence, diuisant tel espace en trois, & la troisieme partie en deux. Vne pour la largeur du pilier, l'autre aussi diuisée en deux, pour en mettre vne à chacun costé des piliers, sur lesquels les arcs des voultures estoient courbez. Outre la faille du pilier départie en trois, ces deux costieres en auoient vne avec la voulture, & le pilier deux autres. Ces mesures furent iadis obseruées par les suffisants Architectes, pour ne donner tant de grosseur au mur, que les fenestres en fussent obscurcies. Au milieu de l'espace entre les deux piliers, au droict de la clef de la voulture, estoient percez les fenestrages, & y auoit dix piliers, & dix arches, comprenant celle contre laquelle estoit la chappelle. Droictement sur la voulture & espoisseur de l'arc, estoit faite la corniche, laquelle enuironnoit tout le bastiment, & embrassoit toute la chappelle, l'assemblant avec le temple. Sur icelle corniche commençoit la voulture ronde, à cul de four, du tout separée de la grande. Or par dedans, apres l'architraue & la frize, soutenus des colonnes de Porphyre, au rond du milieu & dessus la corniche, à chacune faille d'icelle, à plomb des colonnes, il y auoit vn demy pilier de Serpentine, carré, & cannelé, selon qu'il est requis. Cét ordre de piliers soutenoit vne autre corniche, sur laquelle estoit assise la grande voulture ronde, faite en retube, ou cul de four. Entre deux piliers il y auoit vne fenestre, vitrée de lames de Bologne en France. La muraille estoit de mosaïque dorée, contenant en peinture les proprietés des douze mois de l'an, & leurs dispositions, selon le cours du Soleil par le Zodiaque, & pareillement de la Lune, ensemble leurs conjunctions, oppositions, quadratures, eclipses, & autres aspects : & pourquoy elle se montre cornue, puis demie, & tost apres ronde. Aussi l'on y pouoit voir les reuolutions du Soleil par les tropiques. Puis comment se font la nuict & le iour, avec la diuision des quatre saisons annuelles : à sçauoir, Hyuer, Printemps, Esté, Automne. Plus la nature des planettes, & estoilles fixes, avec leurs influences & effets : qui me fit presumer que telle peinture estoit de l'inuention du grand Astrologue Petoris, ou du Mathematicien Necepsus. Sans point de doute elle tiroit le regardant à vne haute & admirable contemplation, conjointe à vn plaisir singulier : car la fiction estoit ingenieuse, les figures excellentes, la distribution & ordre propre, la peinture riche, la proportion égale, les ombrages au naturel, & le tout exprimé par vne représentation tant viue, qu'elle donnoit contentement, non seulement aux yeux, mais seuiuilloit les esprits : car à la

verité) c'estoit vn ouvrage autant digne d'estre veu, qu'aucun autre qui oncques ait esté. En l'vn des espaces estoit escripte en lettres Attiques toute la signification du contenu, comme en tous les autres espaces entre les demis piliers, enclos de moulures excellentes. Les murailles du temple estoient de marbre, enrichy de tous les ornemens que l'industriex Architecte auoit peu & sçeu imaginer. Au dessus de la frize & corniche, sur les saillies qu'elles faisoient à plomb des colonnes de Porphyre, contre les piliers quarréz estoient posez sur l'vne Apollo jouiant de sa lyre: & sur les autres les neuf Muses, toutes de relief, faites de pierre Pilates. La grande retube, ou voulte ronde, estoit plustost œuvre diuine, que terrestre: & si elle fut faicte par mains d'hommes, ce n'estoit pas sans accuser la trop presomptueuse entreprise de l'entendement mortel: car en regardant ceste masse excessiue, qui estoit d'vne seule piece de metal, jettée en fonte, ie la iugeois quasi estre impossible. Toute ceste rondcur estoit enclose d'vne vigne de dix sèps, sortans chacun d'vn vase, posé sur la dernière corniche, à plomb des Muses & des colonnes, de la mesme fonte de cuyure doré. La vigne emplissoit toute la concavité de la voulte, par beaux entre-laz & entortillemens de ses branches, fueilles, & raisins: parmy lesquels estoient faits des petits enfans, comme pour les cueillir, & des oyseaux voletans à l'entour, avec des lezardes & couleuvres, moulées sur le naturel: tout le vuyde percé à iour, & vitré de lames de Crystal de diuerses couleurs, ressemblant à pierres precieuses. La manufacture en estoit si bien conduicte, qu'à ceux qui la regardoient d'embas, les fueilles de raisins, & les bestions, se monstroient de grandeur naturelle. Et pource que toute ceinture mise par dedans vn édifice, en requiert vn autre par dehors, autrement il ne seroit pas parfait: les piliers exterieurs estoient empietez sur trois degrez, au nyueu du plan ou paue du dedans, qui leur seruoient de piedestal: & en lieu de base y auoit vne moulure, qui enuironnoit tout le bastiment: la saillie de laquelle fut prinse sur la forme du pied de l'homme. Les piliers estoient creux, & percez du haut à bas, comme tuyaux, pour vuyder l'eau des pluyes qui tomboit sur le Temple, & par ces conduits descendoit iusques en terre dedans vne cysterne: car en vn bastiment à découuert ne se doiuent faire goutieres, ny gargoules, pource qu'elles sont en danger de tomber: parquoy se doit euitier tel inconuenient. D'auantage la goutiere caue la place d'alentour: & si l'eau chet sur la pierre, elle rejailit & pourrit l'empietement du mur. Voire (qui plus est) l'eau tombant d'icelles goutieres, rejettée du vent contre la paroy, noircit, couure de terre, difforme, & ruyne les moulures: mesmes y engendre plusieurs herbes, mousses, ou arbriffcaux, qui des-joignent & arrachent les pierres. La hauteur de la muraille de dehors n'excedoit en rien celle de la clef des arcs, sans la corniche de dessus, laquelle estoit cauée par le haut en façon de canal, où se venoit rendre la pente du couuert, depuis le rond du milieu iusques à la muraille, qui estoit de lames de cuyure dorées, faictes à escailles: & commençoit la pente par dehors, droict à l'opposite de la dernière ligne, faicte par dedans, sur la corniche de la frize & architraue: & declinoit sur ceste goutiere qui receuoit l'eau de la pluye, & la vuidoit dans les tuyaux des piliers par lesquels elle estoit conduicte en la cysterne, garnie d'vn autre conduict secret, pour la décharger quand elle estoit trop pleine, & que l'eau regorgeoit, retenant seulement ce qui estoit necessaire pour le sacrifice. Les faces des piliers estoient faites de demy-taille, à candelabres anti-ques, oyseaux, fueillages, & bestions, continnez iusques à la hauteur de la corniche, posée par dehors à l'opposite de celle du dedans, estant au dessus des figures des Muses, sur laquelle commençoit la grande voulte ronde. Depuis ceste corniche iusques à la hauteur du pilier, il y auoit autant de pente, que le couuert de dessous en portoit, qui estoit d'escailles de cuyure. En la corniche par dehors, sur laquelle estoit la

retube, ou voute à cul de four, commençoit y n arc-boutant, garny des mesmes moulures que l'architraue, respondant contre la hauteur du pilier : les cornes duquel re-  
 poisoient sur deux demy piliers quarrez, saillans de la troisieme partie de leur lar-  
 geur, l'un de la muraille, & l'autre de derriere la hauteur du pilier, auquel par dehors  
 estoient faits des nids au dessus du chapiteau, pour y loger dix figures de relief, tou-  
 tes de contenance diuerses. Aux deux costez le pilier estoit entaillé de sculpture,  
 ainsi comme en sa face. La pente commençoit à la ceinture sous la voute, & des-  
 cendoit sur la cyme du pilier, avec telles moulures, que celles de l'enceinte, qui estoit  
 vne corniche dentelée, & ourlée, le dessous rabaisé avec des rosaces. Le plan de la  
 corniche, à l'endroit par où il joignoit à la voute, estoit caué tout à l'entour, pour  
 seruir de goutiere, & recevoir toute l'eau qui en descendoit, laquelle couloit apres  
 par dedans les arcs-boutans, & de là dedans les piliers, comme celle de l'autre cou-  
 uert, puis se jettoit en la cysterne. Ces arcs-boutans estoient couverts d'une carto-  
 che, ou rouleau (que d'aucuns appellent voute) en forme d'un papier roulé par les  
 deux bouts, l'un au contraire de l'autre: c'est à scauoir celuy qui touchoit à la murail-  
 le deuers le bas: & celuy qui estoit contre le pilier, deuers le haut. De leurs repliz  
 sortoient des gosses de Féves, Pois, & Carobes, à demy ouuertes, tant que l'on dis-  
 cernoit leur fruit, pour ornement. Le plan de dessus estoit départy d'une arête plat-  
 te, entaillée à escailles des deux costez, & par dessus vne feuille d'artichaut bien ou-  
 urée, & vn peu renuersee sur le bout: lesquelles voutes se font facilement par ceste  
 pratique. Tournez du compas vn demy cercle, & mettez apres l'un de ses pieds  
 sur la corne du demy cercle, puis l'ouurez tant qu'il embrasse l'autre corne: & ainsi  
 changeant de poinct, & l'ouurant par mesure, vous pourrez faire la voute, que les  
 experts nomment Spite. Sur le haut des piliers il y auoit à chacun vn chandelier de  
 bronze doré, faits en forme de vases antiques, à large ouuerture, ayans deux anses.  
 Ils estoient pourueus d'une matiere, qui ne se peut consumer ny esteindre, par vent,  
 pluye, ou autre accident: car ils ardoient sans fin, & sans diminuer. Aux anses de l'un  
 iusques à l'autre estoient attachez des festons courbez, contre leur milieu beaucoup  
 plus gros que par les extremittez. Ces festons estoient faits de toutes sortes de feuille-  
 les & de fleurs, percées à iour, de la mesme matiere de leurs candelabres. L'ouurier  
 les auoit liez par le milieu, & sur le lien branché vn aigle ayant les ailles estenduës,  
 & regardant en l'air: la voute de l'allée, c'est à dire de l'espace entre l'ordre des co-  
 lonnes: & la muraille de dehors, qui estoit par dedans faicte de musaique, en belles  
 histoires. La hauteur d'un Temple rond se faict de la ligne de son diametre: & pour  
 treuuer ceste hauteur iusques à la dernière corniche, faut diuiser le mesme diametre  
 en six. Ce faisant, quatre de telles diuisions donneront la hauteur des colonnes, ar-  
 chitraue, frize, & corniche, iusques au commencement de la voute. Le diametre du  
 grand cercle faict la hauteur totale: & celuy petit le surplus de la hauteur, qui est la  
 voute ronde. La pente du comble des allées se treuue en prenant la distance d'une  
 muraille à l'autre: & d'icelle faisant deux quarrez parfaicts, dont le diagonon mon-  
 stre combien il doit auoir de pente.





Toutes les mesures & proportions de ce somptueux édifice auoient esté si bien ordonnées & disposées, que le dedans & le dehors s'accordoient, & respondoient l'un à l'autre, en piliers, colonnes, & ceintures. O malheureux temps. O nostre siecle infortuné: auquel si belle & si digne inuention est tant lourdement ignorée. Certes il ne faut estimer que nous eussions peu entendre que c'est l'architraue, frize, corniche, base, chapiteau, colonne, pilier, paue, entablement, proportion, partition, & mesure, si les anciens Architectes ne nous l'eussent appris par portrait, & par esriture. Au milieu de ce temple estoit leuée la bouche d'une cysterne fectée, à l'entour de laquelle se monstroit taillée de basse taille vne danse de Nymphes, qui n'auoient faute sinon de la parole, tant elles estoient bien contre-faictes, avec leurs habits volants de bonne grace. A la clef de la voulte, au milieu du rond de fucilles, estoit figurée de la mesme fonte & matiere la teste de Meduse, ouuerte comme si elle eust voulu crier par grande rage. Du fonds de sa gueule sortoit vn crochet, auquel pendoit vne chaisne, faite à nœuds, respondante à plomb de l'ouuerture de la cysterne. Ceste chaisne estoit d'or fin, au bout de laquelle il y auoit vn anneau, accolé d'un autre, soudé sur le cul d'un plat renuersé, finissant en pointe, fait à moulures, ayant de diametre vne coudée. En sa circonference estoient soudées quatre demy boucles, & à icelles quatre crochets, retenans quatre autres chaisnes, où estoit attachée vne lame ronde,




sur le tour de laquelle se posoient quatre pucelles monstrueuses, les cheueux liez à l'entour du front: & du nombril en bas, en lieu de cuisses estoient départies en deux rameaux de fueillage de Branche visine, tournées en rond deuers leurs flans, où elle les empoignoit des 2.

mains. Leurs aisles de Harpies estoient estendues vers vne chaisnette, attachée à leurs espauls, au lieu où les fucillages se rencontroient. Entre deux pucelles estoit par derriere attaché vn crochet, les fucillages liez l'un à l'autre. Au dessus du lien sortoient des espics demy creuez, puis au dessous trois petites fucilles. Par ce moyé il y auoit quatre liens, & quatre crochets, desquels pendoient quatre chaisnes, où tenoit vne lampe merueilleuse, dont la platine auoit vne aulne de rondeur, autour de laquelle estoient les pucelles, s'achenans en fueillage. Elle portoit vne ouuerture ronde sur le milieu, & quatre autres sur les deux diametres, qui faisoient cinq, de deux palmes de tour, ou enuiron. Aux quatre y auoit quatre boules creuses, retenues par vn petit bord, en ces quatre ouuertures, tellement que tout le rond se monstroit entier, & comme pendant. L'une estoit de Rubis balay, l'autre de Saphir, la tierce d'Esmeraude, & la quatriesme de Topase. La grande lampe estoit pareillement ronde, faite de Crystal, à quatre anses près de son ouuerture, par lesquelles on l'auoit attachée aux chaisnes.

Elle portoit pour le moins demy brasse d'ouuerture: & dedans estoit mis vn autre vase en forme de courge creuse, pareillement de crystal, pendant à plomb sur le milieu du grand vase rond, lequel estoit plein d'eau de vie, ou esprit de vie, tant de fois distillé qu'il n'ait point de slegme: l'effect m'en donna cognoissance, pource

qu'il sembloit que le tout fust en feu: de sorte que la veüe ne s'y pouuoit arrester, non plus que contre le Soleil. Au vase du milieu, & en semblable aux autres quatre ronds pendans à la platine, brusloit vne liqueur odorante, sans aucunement diminuer: qui faisoit que pour la diuersité des pierres precieuses, dont les lampes estoient estoffées, il se rendoit par tout le temple vne reuerberation de couleurs tremblantes, si gayer que le Soleil apres la pluye ne scauroit peindre vn plus bel arc en Ciel.



Mais la chose qui me semble plus merueilleuse à veoir, estoit vne bataille de petits enfans, montez sur des Dauphins, s'efforçans les vns contre les autres, ne plus ne moins que fils eussent esté produicts par la nature. Ils estoient grauez à l'entour du grand vase de Crystal, qui ne sembloit point enfoncé, mais entaillé de relief, & si proprement exprimé, qu'au tremblement de la lumiere, & flamme des lampes, il estoit aduis aux regardans que la besongne feust mouuante. Or ceste admirable structure estoit toute de pierre Auguste, & de Marbres exquis, sans qu'il y eust ne bois ne fer, le tout décoré des plus belles inuentions d'Architecture & sculpture, que l'on ait iamais peu imaginer. Celuy (certes) que Psammétique Roy d'Egypte, fit à son Dieu Apis, ne luy estoit comparable aucunement. Sous les bases des piliers de la premiere muraille, au plan du paué, estoit faicte tout à l'entour vne ceincture de Porphyre, autant large que la saillie des piliers dedans œuvre: & joignant cette-là vne autre de serpentine. Sous les piliers du milieu, & des colonnes, il y en auoit vne de Porphy-

re, de la largeur des quarteux, qui soustenoient les piliers: & à chacun costé d'icelle vne autre semblablement de serpentine, large comme le piedestal des colonnes. A l'entour de la cisterne il y en auoit deux, vne de Porphyre, & l'autre de serpentine. Le demeurant du paué, entre la cisterne & les colonnes, estoit fait par compartiments en dix ronds & quarteux, diuersifiant les couleurs: & premierement deux de laspe vermeil, taché de plusieurs veines, deux de pierre d'azur, semé de paillettes d'or, deux de laspe verd, meslé de gouttes rouges & jaunes, deux d'agate, cameloté de veines blanches, & les deux derniers de Chalcedoine. Ces ceinctures alloient tousiours en diminuant vers la cysterne, pour le raccourcissement des lignes. Entre les colonnes & la muraille, à l'entour du temple, le paué estoit de musaique, à petites pierres quarrées, de toutes couleurs, composées en feuillages, fruiets, fleurs, & bestions de toutes manieres, que vous eussiez iugé vraies & naturelles, non pas peintes ny contre-faites: le tout si poly, tant égal, &

tellement paré, que jamais Zenodorus n'en fit de semblable en Pergame. Le listrote, ou paue du temple de Fortune à Preneste, n'estoit en rien pareil à cestuy-là. Au dessus de la grande voulte ronde, sur le milieu estoit vne lanterne de huit colonnes, cannelées & creuses, du mesme cuyure doré, continuës l'vne à l'autre, par voultures, berceaux, & arches: puis au dessous des chapiteaux l'architraue, la frize, & la corniche, ayant de hauteur vne tierce partie des colonnes: & sur les saillies, ou projectures à plomb de chacune, y auoit vne figure de vent, taillée selon leurs natures & conditions, les ailles ouuertes, posez sur des puiors, en forte que par eux l'on pouuoit cognoistre quel vent regnoit, considéré que la figure qui portoit le nom du soufflant, luy tournoit droictement le visage. Au dessus y auoit vne petite retube, faicte à escailles, en laquelle estoient posez huit pilastres: de la hauteur de deux quarez parfaicts, prins de l'espace de l'ouuerture, couuerts d'un baste à balustres renuersé, faict à costés de Melon, duquel sortoit vne verge ronde, diminuant de grosseur peu à peu, iusques à monter autant que la moitié du vase: & là estoit fichée vne grosse boule creuse de cuyure doré, ouuerte sur le sommet, & percée au fonds en quatre lieux. Ce qui auoit (ainsi que ie presumay) esté fait à ceste fin que l'eau où la terre entrant par l'ouuerture d'en haut n'empeschast son office, ou ne la chargeast plus qu'il n'estoit conuenable. Par ceste bouche failloit la verge plantée droict au milieu, & passoit autant en amont, allant en poincte, que la boule auoit de hauteur. Sur la poincte estoit fichée vn croissant de Lune, qui sembloit comme renouvelée de huit iours, les cornes tournées vers le Ciel. Dedans ce croissant estoit branchée vn Aigle Marin, ayant ses ailles estenduës.

Dessous pendoient à quatre boucles autant de chaines de pareille matiere, fonduës avec le total de la machine, pour monstret l'excellence de l'ouurier, qui trouua le moyen de faire vne chaine d'vne piece, sans y appliquer soudure, & ce par vn moule party en quatre, garny au milieu d'un pertuis, où il jetta le premier anneau, puis adousta toutes les parties formées en vne, dont on la pouuoit faire autant longue que l'on vouloit. Les quatre chaines descendoient esgalement à moitié de la boule, & au bout de chacune estoit attachée vne Cymbale ronde, creuëe depuis le milieu en bas, à petites fentes, comme dents de pigne, auxquelles il y auoit certaines petites billetes d'acier, pour leur donner le son. Ces cymbales ébranlées par le vent, heurtoient au ventre de la grosse boule, tellement que leur resonance, meslée avec le gros retentissement de la boule, composoit vne gracieuse & hautaine harmonie, bien autre que les chaines & vases pendans au haut du Temple de Hierusalem, ce qui estoit fait afin de chasser les oyseaux. En fin le mur où estoient les huit fenestres portoit vn pied & demy de grosseur, & autant auoit la voulture: mesmes la saillie des piliers qui soustenoient le quarré, se monstroit de ceste grosseur en tous lez, c'est à sçauoir trois pieds de diametre. La porte estoit Dorique, taillée de fin Iaspe Oriental, sur laquelle au plat-fonds de la frize estoit escript ce mot en lettres d'or, limées & apportées ensemble, ΚΥΛΟΝΗΡΑ. L'huy estoit de metal d'oré, enrichy d'un bel ourage percé à iour: nous le trouuâmes fermé par dehors avec vn puissant verrouil, auquel la Nymphe qui me guidoit n'osa mettre la main sans congé de la Prieuse, & des sept pucelles, gardiennes du Temple, à qui appartenoit de permettre l'entrée. Mais quand elles furent venues, & eurent entendu de la Nymphe la cause de nostre arriuée, incontinent nous recoururent avec bon visage: puis nous firent monter sept degrez de Porphyre, assis depuis le plan du paue iusques à la porte: où nous trouuâmes vn beau reposoir d'vne seule pierre noire, si polie, qu'il ne s'en trouue (ce croy-ie) point de telles

telles au Mont de Briançe. Il estoit ouuré de marqueterie de nacre de perles. Là les filles s'arrestèrent, & nous aussi. Adonc la Prieuse se print à dire quelques suffrages: parquoy la Nymphé, ma guyde, s'enclina en toute reuerence: & i'en fis autant. Toutesfois ie ne peu oncques entendre ce qu'elle disoit, à cause qu'en baissant la teste ie jettay mon regard sur les pieds de ma guyde, qui auoit partie de la jambe droite descouuëte, pource qu'en se remüant, son habit s'estoit vn peu tiré en arriere. Apres que la venerable Prieuse eut acheué ses oraisons, adressées aux Dieux Forticule, Limentin, & à la Déesse Gardine: la Nymphé, & moy nous releuâmes. Lors le verrouil fut defferré par la Prieuse, & les portes ouuertes sans aucun bruiet, sinon avec vn doux & plaissant son. Parquoy voulant voir d'où il estoit causé, j'apperceui au deffous de l'huis, à chacun costé de ces jambages, vn tuyau de metal, rond & creux, tournant sur vn vaisséau poly: lequel froyant sur vne pierre Serpentine, vnie comme glace, faisoit ouurir l'huis plus aysément qu'il n'eust fait: & de cëla prouenoit ce gracieux retentissement. Mais l'vne des choses dont ie m'esbahy autant, fut que l'huis d'vn costé & d'autre, sans estre poussé ne tiré de personne, s'ouuroit ainsi que de luy-mesme: parquoy estant entré dedans, ie m'arrestay tout expres, à fin de cognoistre s'il estoit tiré par contrepoix, ou autre engin, & vey qu'en la fuilleure ou l'vne des portes fermoit sur l'autre, il y auoit vne petite lame d'acier, assez estroite, soudée sur le metal: puis en la muraille, & arriere corps de la porte, d'vn chacun des costez il y auoit vne table d'Aymant, de couleur inde obscure, craignant les Aux & l'Ayement, vtile aux yeux, necessaire aux mariniers, & amy de la belle Calisto. Ceste table auoit en largeur vne quarte partie de sa longueur. Parquoy les lames d'acier attachées à l'huis, tirées par la force de la pierre, se venoient joindre contre la muraille, & ainsi s'ouuroient d'elles-mesmes.

En celle du costé droit de l'entrée estoit escrite ceste fameuse sentence de Virgile, graüée en belles lettres Latines.

TRAHIT SVA QVEM QVE  
VOLVPTAS.

C'est à dire,

Chacun est tiré de sa volupté.

Et en la fenestre en lettres Grecques Capitales il y auoit.

ΠΑΝ ΔΕΙ ΠΟΙΕΙΝ ΚΑΤΑΘΝ  
ΑΥΤΟΥ ΨΥΖΝ.

Qui signifie,

Il faut que chacun fasse selon  
sa nature.



Après avoir quelque temps considéré ceste inuention ingenieuse, ie leuay ma veüe deuers la vouste, & recouru toutes les autres parties, qui me semblerent excellentes, & dignes de grande admiration : mais la beauté n'ompareille de ma guyde m'en retiroit, pour retourner à elle, stimulant mes yeux incessamment à ce faire, & tenant mes sens distraits de la contemplation de ces choses somptueuses. A ceste cause il me semble que ie merite quelque excuse, si ie ne les sçay bien specifier par le menu. Ma guyde donc entra dans le temple, tousiours à costé de la Prieuse, & ie la suiuy avec les autres filles, qui auoient les cheueux pendans, & estoient vestuës d'es-carlatte, & par dessus portoient de beaux surplis, tyllus de toile de coton fort desliée, plus courts que leur vestement, qui en acqueroit vne bien bonne grace. La Prieuse nous mena sur le bord de la cysterne miraculeuse, où n'entroit autre eau, sinon celle qui tomboit de dessus le temple, descendant des goutieres, & passant par dedans les piliers. Adonc ceste venerable mere fit quelque signe à ses filles, qui l'entendirent incontinent, & se retirerent en la Sacrystie, ou Thresorerie : tellement que ma guyde, & moy, demeurasmes seuls avec elle. Toutesfois il ne tarda guieres que les Religieuses retournerent en ordre de procession, & apporterent les choses necessaires pour le seruice diuin. La premiere tenoit le liure des ceremonies, à fermoirs d'or,

tomert de veloux bleu, & sur la couuerture vne colombe de grosses perles Orientales, faites en broderie, enleuée à demy. La seconde auoit deux linges desliez, & longs, en façon d'aumusses, ouurez de fine soye. La tierce deux Tutules, ou petites coiffes rouges & rondes. La quatriesme vne sainte saulmoire, enfermée en sa chasle d'or. La cinquiésme le Cecepite, qui est le cousteau du sacrifice, à vn long manche d'yuoire rond, ioinct à l'allumelle, avec or & argent, & cloué de cuyure de cypre: & avec ce tenoit vn Prefericule, qui est vn petit vase dedié aux sacrifices. La sixiésme vn Lépaste de Iacinte, autrement Calice, plein d'eau de fontaine. La septiésme vne Mitre d'or, avec ses pendans, enrichie de pierrerie. Deuant toutes alloit vne petite Religieuse, portant vn tortis de cire vierge, qui n'auoit encores esté allumé. Chacune auoit vn chapeau de fleurs en sa teste. Ces filles estoient bien endoctrinées de ce qu'il conuenoit faire au seruice diuin, expertes en sacrifices, scrupuleuses en ceremonies, & singulierement bien instruietes des institutions & mysteres antiques. En cét ordre elles se presenterent reueremment à la Prieuse: laquelle auant toute cœure prit en merueilleuse deuotion l'vne des coiffes, qu'elle mit en sa teste, puis la riche Mitre, & apres l'vne des aumusses. L'autre avec la coiffe qui estoit demeurée, fut pour la Nymphe, ma gujde, qui pareillement s'en accoustra. Les aumusses estoient froncées par vn bout, & s'attachoient deuers le front à vn riche fermail d'or. Celuy de la Nymphe estoit de Saphir, & celuy de la Prieuse d'Anachite, par laquelle on diét que sont en Hydromance éuouées les figures des Dieux.



LIVRE PREMIER

Quand elles se furent ainsi atournées sur le bord de la cisterne, la Prieuse me fit approcher. Puis avec vne clef d'or elle ouurit le couuercle, avec deuotion bien grande, & ceremonie nonpareille. Adonc la ieune Religieuse bailla le cierge qu'elle tenoit, à celle qui auoit rapporté la Mitre, & print le liure, qu'elle ouurit en toute reuerence, pour le tenir deuant la Prieuse, qui commença à lire bas en langue Hetru-rienne. Peu apres print la sainte saulmoire, sur laquelle fit plusieurs benedictions sacerdotales, & ainsi la respandit dans la cisterne. Ce faict, elle commanda qu'on allumast le cierge où flambeau de la Nymphe ma compagne: & fit tourner la flamme contre bas, sur le milieu de la cisterne, interrogeant la Nymphe en ceste maniere. Ma fille que demandez-vous? Madame (dit-elle) ie demande grace pour cestuy-cy (en me monstrant) & desire que nous puissions aller ensemble au benoist Royaume de la grande mer diuine, pour boire en la sainte fontaine. Quoy entendu, la Prieuse se tourna deuers moy, & me dit. Et toy (mon fils) que demandes-tu? A quoy ie respondy bien humblement. Madame, ie ne demande sans plus d'auoir la grace de la mere souueraine, mais specialement que ceste-cy, laquelle j'estime estre ma Polia tres-desirée, & toutesfois ie n'en suis pas certain, ne me tienne plus en doute, n'y en ce tourment amoureux. Alors elle me repliqua. Pren donc (mon fils) de tes mains ce flambeau qu'elle porte, & dy ainsi par trois fois apres moy. Ainsi que l'eau esteindra ceste flamme, le feu d'Amour allume son cœur froid. Je proferay par trois fois ces paroles apres elle, en propres termes, & en mesme ceremonie: puis à chacun coup les filles Religieuses respondoient. Soit faict. A la derniere fois la Prieuse me fit plonger le flambeau en la cisterne.



Ce faict, elle print le precieux Lepaste de Iacynthe, & le deualla dedans ce crec avec vne corde d'or, meslée de soye cramoisie & verde, & en puisa de l'eau beniste, qu'elle presenta à la Nymphe seule, qui en beut en grande deuotion. Incontinent la cisterne fut reclose, & recouuerte par la Prieuse, laquelle se mit à lire dessus certaines oraisons, exorcismes, & adjurations : puis commanda à la Nymphe qu'elle dist trois fois deuers moy tels propos. La grande Déesse Cytherée vueille exaucer ton bon desir : & par sa grace me soit si fauorable, que son fils se nourrisse en mon cœur. A quoy les pucelles Religieuses semblablement respondirent. Soit faict. Ce mystere acheué, la Nymphe se jeta reueremment aux pieds de la Prieuse, qui estoit chauffée d'un Sandal, tissu en fil d'or : mais elle la fit incontinent leuer, la baisant amiablement. Adonc elle se va tourner deuers moy, avec vn gracieux visage, plein de pitieuse affection : & en jettant vn grand soupir du fonds de sa poitrine, se print à dire : Mon desir Poliphile, vostre desir excessif, & amour perscuerante, m'ont distraicte & separée de la chaste compagnie de la Déesse Diane, & finablement contraincte d'estraindre mon flambeau. Et combien que iusqu'à present vous ayez sans quelque certitude presumé que j'estois celle que ie suis, j'ajoit que ne me fois declarée, si ne m'a ce pas esté petite peine de le tenir secret, & le celer si longuement. Ie suis cette Polia, que vous aymez de si bon cœur : & confesse qu'il est plus que raisonnable que vne si grande & tant ferme amitié soit recompensée de bien-vueillance muruelle. Parquoy me voicy appareillée de donner fin à vos douloureux soupirs, remedier à vos grieues langueurs, complaire & participer à vos amoureuses pensées, desirant esteindre par mes larmes l'embrasement de vostre cœur affligé, & mourir pour vous s'il est besoin : pour arres de quoy (en hostage de mon amour) ie vous donne ce baiser. Disant ce mot elle m'accolla & baisa tres-estroitement, par vne douceur si naïfue, que de ses yeux sortoient petites larmes rondes en forme de perles. Son parler fut lors si courtois, & le baiser tant sauoureux, que ie me senty embraser depuis la teste iusques aux pieds, & fondre quasi tout en larmes : mesmes le cœur de la Prieuse, & de ses Religieuses, en furent tellement attendris, qu'elles ne se peurent contenir de larmoyer.




Il est certainement impossible à vn homme ignorant, & de mauvais discours, comme ie suis, de declarer à suffisance, & en bons termes, ce que faisoit mon cœur au milieu du grand feu qui l'auoit lors espris: car si mon ame feust en céc instant partie de mon corps, elle m'eust laissé grandement satisfait. Mais pour venir au point, la Prieuse dit à Polia: Poursuiuons, ma fille, d'accomplir les sacrifices interieurs que nous auons tant malheureusement commencez. Alors elles prindrent leur chemin deuers la sainte chappelle, ou sacrystie ronde, ioincte au temple, laquelle estoit à l'opposite de l'entrée, & toute bastie de fons en comble, de pierre phengite, ayant Phengites, la voulte d'vne seule piece, de semblable phengite, qui est de telle nature, que non-clair, reluisant. obstant qu'en toute la chappelle n'y eust fenestre, ny ouuerture, fors les portes, elle neantmoins en estoit clairement enluminee, par vn secret de nature à nous inconnu, & n'en pouuons dire autre chose sinon, que la pierre porte le nom de son effect. Deux des Religieuses ( par le commandement de la Prieuse ) apporterent, l'vne Irnelle, vase de sacrifice. deux Cygnes massés, propices aux augures, & vne Irnelle pleine d'eau marine: & l'autre deux Tourterelles blanches, attachées par les pieds à las de soye cramoisie, sur vne corbeille bien garnie de coquilles, & de roses, qu'elles poserent deuotement sur l'Anclabre, table des sacrifices, qui estoit aupres de la table d'or: puis entrèrent toutes ensemble dedans la chappelle. J'auois tousiours les yeux fermes, & fichez en mon object sans varier: & vey que la Prieuse commanda à Polia qu'elle s'agenouillast sur le paue, fait de toutes les especes de pierres precieuses, taillées en table, & assemblées d'ouurage musaique, en fleurs, fruiets, fucillages, & rameaux,

entre-laissez avec des oyselets, & autres bestions, ensuiuant les couleurs de  
& tant estiot ce paue à poly, qu'il sembloit double à ceux qui estoient hors  
pourpris de la chappelle.



La Polia se mit à deux genoux, & ie demeuray ententif ( sans mot dire ) pour n'interrompre les saintes ceremonies, sacrifice, & propitiation fructueuse, mesmes de peur de troubler les prieres solennelles du seruire diuin. Elle estoit agenouillée deuant vn riche autel, assis au milieu de la chappelle, sur lequel luisoit vne flamme de feu, fait ainsi. Il y auoit vn plinthe de marbre quarté, & par dessus vn rond, puis vne gueulle taillée à feuillage, les poinctes duquel finissoient contre vn petit quarté, d'être la gueule estoit vn trochile, ou nasselle, avec son petit quarté entredeux, apres vne bande platte comme d'vne corniche, & par dessus vn autre rond, cannelé à gorderons plats, vn petit plus large deuers son diametre du pied, que par enhaut. Par ceste regle, diuisant le diametre en deux, il y en auoit vne pour la saillie, puis en trois, & les deux estoient pour la largeur. Le haut, fait à moulures, soustenoit vn bassin renuersé, ayant autant de diametre que le Trochile, cizelé par dessus en beau feuillage de demy taille, commençant à vn piedestal, assis sur le fonds du bassin, sur lequel se posoit vn vase à balustre, tourné la bouche contre bas, couuert de quatre feuilles d'Acanthe, & où les fucilles se separoient vers la poincte: il en sortoit autres quatre par dessous les premieres. Plus haut que le vase il y auoit vn pommeau, avec les ornemens necessaires, sur lequel estoit mise vne platine de fin or, vn peu rabaislée au

antennes, ayant les bords larges & plats, auxquels estoient enchassez des Carboucles & Diamans tailléz en poincte, de grosseur incroyable. En comparaison de ce vase, la tasse du puissant Hercules, la couppe du Dieu Bacchus, & le Carchese du Souverain Jupiter n'estoient rien, ou bien peu de chose.



Sous l'extremité, ou bord du bassin, cōme pour le soutenir, estoient appliquees quatre belles anses aux quatre costez, assises par égale distance, sur la saillie du Trochile, avec vne volute ou rouleau, qui sortoit en dehors. L'ansle montoit en se renuersant iusqu'au dessous du bassin, où elle se replioit en dedans. Ce bel ouvrage estoit tout d'vne piece, d'vn laspe de diuerses couleurs, parfaict en sculpture, non de marteau, ny de ciseau, mais pratiqué par vn art qui nous est inconnu. Depuis le plinthe de marbre, iusqu'au pilier, y auoit vne coudée de hauteur, & autant en auoit icy pilier de longueur: le demeurant, iusqu'à la platine d'or, estoit d'vn pied & demy de mesure. De l'vn des anses à volutes, iusqu'à l'autre, pendoient des filets de pierrerie, Rubis, Balais, Saphirs, Diamans, & Esmeraudes, passées en façon

de billetes, & taillées en Oliues, dont les couleurs estoient deuément assorties. Entre deux pierres tenoit rang vne perle Orientale. Puis au bord de la platine estoient attachées à crochets plusieurs autres riches bagues, approchantes la grosseur de noifilles, enfilées sept à sept en quatre petits cordons d'or, au bout desquels pendoit vne fleur d'or, huppée de fil semblable, messé d'argent. D'vn des crochets iusqu'à l'autre pendoient certaines cordes de pierrerie, pareillement neuf à neuf. La platine estoit tant dedans que dehors cizelée de petits enfans, monstres, masques, & fueillages. Estant Polia humblement à genoux deuant ce saint Autel, la ieune Religieuse luy presenta en toute reuerence le liure ouuert: & adonc toutes s'agenouillèrent, fors la Prieuse: & cependant j'entendis qu'elle intuoquoit les trois Graces à voix deuote & à demy tremblante, en proferant ceste oraison.



Voyez Aglaia, florissante Thalia, & delectable Euprosiné, tres-sainctes Graces, Aglaie, ref-  
 filles du grand Iupiter, & de la Nymphe Euridomene, Ministres perpetuelles de la plendissante,  
 Déesse d'amours, partez de la fontaine Alcidale, qui est la ville d'Orchomene, au pleine de Ma-  
 pays de Beotie, où vous faictes résidence: & ainsi que Graces diuines venez à moy jecté.  
 pour estre fauorable à mes deuotes prieres, tellement qu'il plaise à la saincte Déesse Thalia, ver-  
 vostre maistresse, accepter la profession Religieuse en laquelle à ceste heure ie me tueuse & ioy-  
 dédie & consacre en son seruice, affin que mes vœux, prieres, & sacrifices, soient re- euse.  
 ceuz en gré de sa Majesté Diuine, si bien qu'elle vse en mon endroict d'vne affe- Euprosine,  
 ction maternelle, comme elle faict à plusieurs autres. Ceste oraison finie, les Reli- plainir, ou de-  
 gieuses respondirent toutes en chantant. Soit faict. Cependant i'estois aussi à ge- lectation.  
 noux de mon costé, & auois bien ouy le tout, à raison que tousiours ie m'estois  
 rendu ententif à curieusement considerer ces mysteres, decorez de ceremonies  
 antiques, qui me faisoient grandement louer la grace, la belle contenance, & l'hon-  
 neste façon de faire de Madame Polia, qui se monstroit ainsi deuote en ce grand  
 & solemnel sacrifice: dont j'attendois curieusement l'issüe, pour veoir quelle en  
 pourroit estre la fin.

**FFRIT LES DEUX TOURTERELLES, ET**  
*age a riva: parquoy la Prieuse fit son oraison à la Déesse Venus: puis  
 ses furent espendus, & deux Cygnes sacrifiez: sur la cendre desquels  
 vint miraculeusement vn Rosier, plein de fleurs & de fruit, duquel  
 Poliphile & Polia mangerent. Apres le sacrifice ils prindrent  
 congé de la Prieuse: puis vindrent à vn autre temple ruyné:  
 la costume duquel Polia declare à Poliphile, & le  
 persuade d'aller veoir plusieurs Epitaphes,  
 & Sepulchres.*

## CHAPITRE XVIII.



**R**EN ne me pouuoit persuader que Numa Pompilius eust inuenté de plus belles façons de faire, ny de si parfaites ceremonies ou sacrifices, où qu'il se soit exercé de plus excellentes apparences de Religion à Cerité, en Tuscane, ny en Hetrurie, mesme le saint Iuif n'en a point estably de mieux trouuées: Aussi les Prestres de Memphis ne les firent iamais en si humble reuerence à leur Dieu Apis, qu'ils jetterent la coupe d'or dedans le Nil. Et j'ose bien assseurer que le simulachre de la Déesse Fortune n'estoit honoré de semblable solemnité dedans la ville de Rhamniss, non pas (certes) le souverain Iupiter en Anxur: & que ceux qui celebrent la feste de Feronia, marchants sur des charbons ardans sans blessure, n'approchoient en rien de celles-cy. Polia donc ayant compris le signe que la Prieuse luy fit, se leua promptement sur pieds, toutes les autres demeurans à genoux: & fut menée par la bonne mere, droict à vne cruche de Iacinte, mise à vn costé de la chappelle. Je prenois soigneusement garde à tous leurs actes: & comme elle eust tourné son visage deuers moy, il me sembla veoir le Soleil quand il esclaire à la fraische Aurore. Je luy veis mettre ses mains dedans la cruche, & en tirer vne liqueur soëfvement odorante, dont elle l'aua sa face, qui fut par ce moyen purifiée, avec plus de sincerité que n'eut sa pucelle Emilia. Deuant le degré de l'autel il y auoit vn grand chandelier d'or, d'ouillage rare & singulier, garny de pierrerie: sur le haut duquel estoit vne platine ronde, vn peu creuse, contenant enuiron vne aulne de tour, en laquelle fut mis de l'Ambre, du Musc, du Camphire, du Labdan, du Thymiamme, de la Myrthe, du Mastice, du Banjouyn, du bois d'Aloës, du Blactebifantis, & autres odeurs que l'Arabie heureuse produit, deuenement composées par poix & mesures: auxquelles Polia estant admonestée de ce faire, approcha le cierge ardent, & apres auoir allumé ces odeurs, l'esteignit incontinent, puis le mit à part, & d'auantage jecta en la flamme de ses senteurs vn rameau de Myrthe sec: & quand il eut receu le feu, le reporta dessus l'autel du sacrifice, pour en allumer tous les autres rameaux qui là estoient. Ce fait, mit dessus les deux Tourterelles, qu'elle auoit tuées du cousteau Cecespite, & plumées sur la table d'Anclabre, liées ensemble avec du fil d'or & de soye cramoisie, reseruant le sang dedans le petit vaisseau Prefericule.

Quand le sacrifice fut sur le feu, celle qui faisoit office de Chantresse commença le seruice, & les autres luy respondoient.

Deuant la Prieuse alloient deux ieunes Religieuses, sonnans de chalemies Lydiennes, en ton Lydien naturel, plus excellent que n'eut peu inuenter Amphion.

Après la Prieuse estoit Polia, puis toutes les autres par ordre, portans chacune vn rameau de Myrthe, chantans d'accord avec les chalemies, d'un pas & cadence pareille à l'entour de l'autel, disant :

*O feu saint par ta bonne odeur  
Oste la glace de tout cœur,  
Conjointis-Venus & les amours,  
D'une ardeur qui dure tousjours.*

Ainsi enuironnoient ces Religieuses l'autel sacré, chantant & dansant par mesure, cependant que le sacrifice se consumoit, & continuèrent iusques à ce que la flamme fut esteinte, & n'en demeura sinon la fumée. Je pense que ces bonnes odeurs & parfums furent là mis pour couvrir la mauuaise senteur de la chair brûlée. Incontinent après elles se prosternerent toutes sur le paue, excepté la Prieuse : & ne tarda guieres, que ie vey manifestement sortir de la fumée vn petit esprit, beau en toute excellence, qui auoit en ses espales deux ailles si luyfantes, que mes yeux ne le pouuoient bien regarder. Je me sentoie faillir le cœur, & esblouyr par les raiz de sa clarté, comme d'une foudre crée d'eau, de feu, de nuée, & de vent. Mais la Prieuse prenant garde à moy, me fit signe que ie n'eusse point de peur, & que seulement ie me teusse. Ce bel enfant tenoit en l'une de ses mains vne couronne de Myrthe, & en l'autre vne flèche, estincellant de feu ardent. Sa teste estoit couverte de petits cheveux d'or, crespes, & couronnée d'un filet de Diamans. Il voleta par trois fois à l'entour de l'autel, puis à la troisieme il s'esuanouyt, & tourna en fumée, tant que ie le perdy de veue, & demeuray tremblant, & grandement pensif, voyant ces choses miraculeuses, & vne vision tant admirable, qui m'auoit (pour certain) remply d'une horreur deuotieuse. Peu après la Prieuse les fit toutes leuer, & se print à lire dedans le liure qui estoit tenu ouuert deuant elle par la petite Nouice. La sainte Dame portoit vne verge d'or en sa main, dont elle commanda lors à Polia qu'elle assemblast la cendre demeurée du sacrifice, & la mist en vn crible d'or, appresté pour cet effect: ce qu'elle fit, & la cribla sur le premier degré de l'autel, si proprement, & en telle discretion, qu'elle sembloit estre née à cet office. Quand celle cendre fut criblée, la Prieuse luy fit escrire & pourtraire dedans, avec le premier doigt de sa main dextre, certains caracteres à la forme de ceux qui estoient au liure: puis la fit derechef agenouïller, & semblablement toutes les autres.

Lors elle aussi regardant tousiours en son liure, escriuit de sa verge d'autres caracteres en la mesme cendre: dequoy ie fus tout esbahy, & quasi trancy de frayeur, tant qu'en ma teste n'y eut poil qui ne se herissast, craignant que par ces ceremonies & mysteres l'on ne me fist perdre ma Polia, ainsi que jadis la belle Iphigenie, pour laquelle fut supposée vne Bische en Aulide: ou bien qu'en contr'echange on me laissast vne autre Damoiselle, & que par ceste voye ie perdisse en vn instant tout mon bien, & l'object de mes desirs.

Croyez que i'en tremblois comme la fucille sur l'arbre: & neantmoins mes yeux ne parloient iamais de dessus sa personne, & ie notoie soigneusement tout ce que faisoient, elle & la Prieuse: qui prenant le liure, fit de nouveau plusieurs signes terribles, conjurant, anathematizant, & exorcisant toutes choses contraires à l'Amour, & qui y peuent causer moleste.

Puis bemaist vn rameau de Ruë, qui luy fut présenté par l'une de ses ministres, après auoir esté trempé en la cruche de Iacinte, & mouillé en la liqueur dont Polia s'estoit lauë le visage. Elle en arrosa toutes les Religieuses, & moy semblablement.

LIVRE PREMIER

Adonc les belles assemblèrent tous leurs rameaux de Myrthe, avec celui de Ruë, qui furent portez dans la cysterne par vne des professes, à laquelle la Pricuse ainsi le commanda, luy baillant la clef pour ce faire: puis elle mesme print vne escouette d'Hysope, liee de fil d'or, & de soye grise; & en ballia la cendre, l'assemblant en vn monceau, & la serrant en vne boëste.

Ce fait, elle la porta vers la cysterne, estant suiuite de Polia, & des autres nonnains.

Là ceste cendre fut respandue, apres quelques hymnes chantez, & la cysterne deuotement encensée, que la Pricuse fit refermer, & consequemment retourner sa petite troupe en venerable procession dedans la chappelle, où elle frappa trois fois de sa vergé sur l'autel, disant plusieurs paroles secretes, accompagnées de conjurations, en faisant signe aux Religieuses que derechef elles se prosternassent en terre: mais elle demoura debout: & la petite nonnain estant à genoux luy tenoit tousiours le liure ouuert, auquel en voix basse & posée, elle fit ses oraisons ainsi:



O Déesse d'amour, mere piteuse, recours & refuge de tous Amants, fondement & principe de toutes gracieuses assemblées & conjunctions, ayde certaine & infail-  
libile de ceux qui loyaument te seruent: ie te supplie vueilles à ceste heure recevoir  
les humbles prieres de ceste ieune Dame, qui s'est ce jourd'huy vouée, donnée, &  
dediée à toy. Ayez souuenance des requestes que fit Neptune à ton mary Vulcan,

par le moyen desquelles tu fus desliurée du filé auquel il t'auoit surpris avec ton amy Mars. Plaise à ta clemence diuine estre propice à ces deux ieunes personnes, estans en la fleur de leur aage, aptes & idoines à ton seruice. Fais-leur la grace qu'il puissent accomplir leur desir, & amoureuse voloté, apres les auoir separez des froids glaçons de Diane, & rendu ardans en ton doux brasier, conseruateur de la nature humaine, à quoy ils s'offrent, & presentent, en humble obeysance, & singuliere deuotion: mesmement ce ieune Escuyer qui s'y dispose, & delibere employer sa personne perpetuellement & sans varier. Tous deux desirent acquerir tes graces, sentir tes biens-faits, participer en tes merites, & veoir ta Deité souueraine. O doncques (saincte mere celeste) ie te fay priere pour tous deux, & te supplie, & inuoque humblement, qu'il leur soit loisible apres ceste saincte purification, de se transporter en ton exquis, triomphant, & glorieux Royaume, tant qu'ils puissent paruenir à la fin ordonnée de tes saints sacrements, & accomplir leur vœu par le moyen de mes intercessions, qui suis ta deuote Religieuse, administrant tes secrets mysteres. Exauce mes prieres, mere de nature, comme tu exauças iadis celles de Pigmalion, d'Hippomanes, & d'Acontius. Vuetilles-leur fauorablement subuenir, ayder, & secourir, par ta naturelle bonté, de laquelle tu vsas enuers ton ieune Berger, quand il fut battu par le violent Mars, espris de jalousie. Et si nos prieres ne sont dignes d'estre admises en ta diuine presence, fais que ton amoureuse bonté supplée misericordieusement à nostre debile effect: car ils se sont liez & obligez à toy, en inseparable fermeté de cœur, & de volonté irreuocable, prests d'obeyr, & diligens à seruir, curieux d'observer & entretenir tes loix & commandements, sans iamais les enfreindre, ny aller au contraire: à tout le moins cét Escuyer qui s'est des long-temps resolu, & tousiours porté vaillant sous ton enseigne. Au regard de ceste ieune Dame, qui a tout maintenant fait expresse profession en ce lieu, ie pense estre asseurée qu'elle à grande esperance d'impoter & obtenir ta sainte grace, ayde, & faueur. A ceste cause faisant intercession pour eux, ie te supplie par les flammes dont il te pleust estre embrasée à l'occasion de ton amy Mars, par ton mary ialoux, & par la puissance de ton enfant rebelle, qui viuent tous éternellement avec toy en excellents & glorieux triumphes, qu'il te plaise conduire à effect la loüable intention & propos de ces humbles pour-suiuans, qui ne desirent autre chose. Adonc toutes les Religieuses respondirent à haute voix. Soit fait.



Après la Prieuse print les roses avec les coquilles de mer, & les sema sur l'autel, mesmes autour du chandelier, en souveraine reuerence : puis versa dedans vne coquille de l'eau de la Mer, qui estoit en l'Vrne, & en arrousa tout le lieu. Ces mysteres paracheuez, les deux Cygnes furent saignez sur l'Anclabre, avec le cousteau Cecelpite, & leur sang mis parmi celuy des Tourterelles, dedans le Prefericule d'or : & cependant les Religieuses chantoient certains respons: mais la Prieuse lisant à voix basse, commanda que les Cygnes fussent sacrifiez, & bruslez en la chappelle, la cendre amassée en vne boëste, puis jettée dans l'ouuerture qui estoit sous l'autel. Après elle print le vaisseau où estoit le sang, & y mouilla son doigt, & figura sur le paue deuant l'autel quelques caracteres incogneuz. Lors elle appella Polia, & luy fit faire le semblable, les Religieuses tousiours continuant à chanter leur seruice. Quand Polia eust fait ce qui luy estoit enjoinct, la Prieuse, & elle, lauerent leurs mains du reste du sang, parce qu'il ne leur estoit loisible de toucher autre chose. Puis la ieune nonnain leur bailla de l'eau pour les nettoyer : & la reçut en vn Simpule d'or. Ce fait, la Prieuse donna charge à Polia qu'elle print vne esponge vierge, & en essuyast les caracteres qu'elle auoit faits sur le paue, & tout soudain l'allast espraindre en la laueur de leurs mains. Estant ceste chose accomplie, la Prieuse pour la tierce fois se prosterner toutes ses ministres à terre, & comme tremblante de frayeur, jetta ceste eau sur le foyer du sacrifice, qui estoit encores chaud. Lors se prosterna elle mesme : & ne fut pas plustost enclinée, qu'une fumée se va leuer de ceste eau, & monter peu à peu vers la voulte: dont tout en vn instant la terre commença à trembler, s'esmou-

stant en l'air, & dedans le temple vn tourbillon d'orage tant espouventable, qu'il sembloit proprement que quelque grosse montagne se fust precipitée en la mer. Durant cela les portes & fenestres s'entre-heurtoient l'une contre l'autre de telle impetuosité, que le bruiet representoit vn grand tonnerre, causé par vent enclos dedans vne cauerne, sans issuë,




Si ie fus effrayé de ma part, il ne s'en faut point esbahir. Car (pour certain) ie ne sçauois que faire, sinon inuoyer de cœur deuot la clemence & bonté diuine : d'autant que j'auois perdu l'usage de la parole. Ce bruiet horrible vn petit appaisé, j'entr'ouury les yeux, & vey que l'autel fumoit encores, mesmes que la fumée se conuertissoit en vn rosier tout verd, multipliant ses branches, & les estendant par toute la chappelle, iusques au plus haut de la voulte. Il estoit abondamment semé de roses vermeilles, entre-meslées d'un fruiet rond, & blanc, vn petit coloré de rouge. Sur ce fruietier apparurent trois colombes, & certains autres oyseaux volants, qui sautelloient de branche en branche, jargonans doucement leur ramage : parquoy ie presumay que la Déesse se monstroit à nous en telle figure, & comme par vision diuine. Adonc la Prieuse se leua de terre, & en fit leuer Polia, qui me sembla plus belle (sans comparaison) que iamais n'auoit faict auparauant. Toutes deux m'appellerent, & me firent entrer en la chappelle, où ie m'allay agenouiller deuant le riche autel, au milieu d'elles. Adonc la Prieuse cueillit trois de ces fruiets miraculeux, mangea le premier, me donna le second, & le tiers fut pour Polia.



Je n'en eu pas si-tost gousté, que tout soudain ie me sentis recréé, rafraischy, & renouelé en mon entendement, voire mon cœur fut emply du bien d'amoureuse liesse, m'estant aduenu ne plus ne moins qu'à ceuz qui se plongeans en l'eau ferment la bouche, & retiennent leur haleine, puis estans retournez dessus, hument le vent par grande affection. Ainsi (certes) ie commençay à brusler en flammes plus amoureuses que deuant, & avec vn tourment adoucy, pour estre (au moyé de ce miracle) transformé en nouvelle qualité d'Amour, cognoissant euidentement, & sentant par effect, de quelle efficace sont les graces de la Déesse Venus, & quelle recompense acquierent ceuz qui constamment perseverent en son service, mesme comme à la fin ils paruiennent à la possession de son Royaume, reserué aux bien-heureux. Apres ceste refection diuine, l'arbre se disparut incontinent: & par ainsi fut le sacrifice acheué. Lors toutes deux dépouillerent leurs ornemens pontificaux, lesquels furent reportez en la Thresorerie: puis la Prieuse nous dict. Mes enfans, vous estes maintenant purifiez & benits de moy: parquoy vous pouuez aller (si bon vous semble) en vostre entreprise & voyage. Je prie à la Déesse qu'en cét affaire, & en tous vos desseins amoureux, elle vous soit aydante, favorable, misericordieuse, & propice. Cessez deormais vos soupirs, laissez vos plainctes, & chassez toute melancholie: car ie croy que ce iour vous sera prospere pour iama. Retenez mes instructions, & vos affaires en auront tousiours meilleur succez. A ces mots nous la remercia mes humblement, & prisme congé d'elle, ensemble de sa compagnie, le plus reueremment qu'il nous fut possible. Mais les Religieuses monstrerent

monstrerent par leurs larmes que nostre départie leur estoit grandement ennuyeu-  
 se. L'adieu dict, nous sortismes du temple, apres que Polia se fut enquisse & informée  
 de nostre chemin. O agreable compagnie, & de moy longuement desirée. O prospere  
 issué des tristesses passées. Mon cœur ne me tient plus en doute; voicy maintenant  
 ma chere Polia, qui est le bon Ange de mon esprit, dont ie suis tenu à la grande Dé-  
 esse, & pareillement à ma Nymphé, de la demonstration d'amour & excessiue cour-  
 toisie dont elle a vsé en mon endroict. Telles & semblables paroles disois-ie tout  
 bas à part moy: à quoy elle print garde, me voyant remuër les lévres: & me jetta ses  
 yeux estincellans, comme l'acier embrasé quand on le forge sur l'enclume, voire  
 plus clairs que deux luyfantes estoilles en l'absence de la Lune. Adonc me prenant  
 par la main, elle me dit. Mon amy, allons vers ce riuage: car j'espere (ou plustost ie  
 tiens pour asseuré) que nous paruiendrons à la ioye que nostre cœur desire. A ceste  
 cause i'ay renoncé aux loix de Diane, & esteinct mon flambeau, fait par le sacrifice  
 solemnel, & mangé du fruit miraculeux. Cela dict, nous cheminâmes ensemble,  
 confomez en amour inuolable: toutesfois ie remémorois tousiours en ma pensée  
 les visions que i'auois eues, tant que nous arriuasmes à vn vieil bastiment, scitué pres  
 d'vne grande forest, sur le bord de la mer, où l'on yeoid encores certaines grandes  
 masses de murailles, & structures de marbre, enseigne & apparence d'vn lieu rui-  
 le rompu & démolý, auquel souloit jadis y auoir vne belle montée de degrez, pour  
 aller au portique du temple, qui par longueur de temps, moyssissure & negligence,  
 estoit tombé en ruyne. Là estoient encores tout en vn monceau, colomnes, bases,  
 chapiteaux, architraues, stilobates, ou pedestals, & autres pieces de marbre, & de  
 bronze, de toutes sortes, faites de fonte, couuertes de Christe marine, d'Absinthe, de  
 Caly, d'Erynges, de Cachile, de Roquette, de Myrsinites, & autres herbes, ayant  
 l'air de la mer. Quand nous y fismes arriuez, Polia me dict. Poliphile (mon amy) ie  
 vous prie regardez vn petit ceste digne memoire des choses grandes & merueilleu-  
 ses, comme elle est renuersée en ce grand tas de pierres brisées & desfigurées, de  
 sorte que le tout ne semble sinon vn terre raboteux: & neantmoins ce fut jadis vn  
 temple grandement magnifique, à l'entour duquel (au temps qu'il estoit en estat) se  
 tenoient les Foires & Marchez, où venoient tous les ans innumerables multitudes  
 de peuples de toutes nations, & y estoient celebrez plusieurs manieres de jeux &  
 passe-temps, si bien que pour l'excellence de sa structure, & pour l'abondance des  
 sacrifices, il fut grandement renommé, & deuotement vñité. Mais pource que sa  
 magnificence est deschené, vous le voyez à ceste heure desert, & gifant en ruyne. Il  
 fut antiquement appellé Poliandron, consacré à Pluto, Dieu des Ombres: & pour-  
 tant y à grand nombre de tombeaux, où sont ensepuelis ceux qui par importunité  
 d'amour malheureuse, ont miserablement finy leurs iours. Par chacun an, le iour des  
 Ides de May (qui est le quinziésme du mois) tous ceux qui seruoient à l'amour, où  
 estoient dessous son adueu, tant hommes que femmes de diuerses contrées, tant  
 loingtaines que prochaines, s'assembloient en ce temple pour celebrer les solemni-  
 tez des funerailles, & obseques annuels de leurs amis, qui ainsi estoient decedez: &  
 sacrifioient à ce Pluto tri-corporel, à celle fin qu'ils ne tombassent eux-mesmes en  
 inconuenient d'estre occasion de leur mort, & auancer leurs iours consituez: &  
 pource luy faisoient reuerement les oblations funebres de Brebis noires, qui n'a-  
 uoient encores porté, & les brusloient sur vn autel de cuyure, presentant les masles  
 au Dieu, & les femelles à la Déesse Proserpine la femme, ordonnant les leſternes  
 par trois nuits, puis estaignoient la flamme du sacrifice avec des roses & de l'arfe-  
 ric. Qu'il soit ainsi, voyez là vn grand rosier, duquel si aucun eust lors cueilly vne ro-  
 se, il estoit réputé sacrilege, ayant fait merueilleuse offre à ce Dieu. Mais les Pre-

Atres en pouuoient bailler en eschange. Le sacrifice paracheué, le grand prestre vestü en pontifical, & ayant deuant la poictrine vn riche fermailet d'vne pierre precieuse, appellée Synochite, donnoit à chacun vn peu de cendre, qu'il portoit en vn Simpule d'or, & elle estoit receü en grande deuotion. Puis les personnes la mettoient en vn tuyau de canne, ou d'autre chose, & sortoient par troupes sur la marine, où ils souffloient ceste cendre, obseruant vne superstition ceremonieuse, jettant des hautes voix ceste cendre, obseruant vne superstition ceremonieuse, jettant des hautes voix ceste cendre, obseruant vne superstition ceremonieuse, jettant des hautes voix ceste cendre, qui sera occasion coupable de la mort de ce qu'il ayme. Apres donc l'auoir respanduë, ils jettoient aussi la canne en la mer: & y crachotent trois fois, disans à chacun coup, fu, fu, fu: & s'en retournoient en arriere, semans des roses parmy le temple, specialement sur les sepultures, chantans en ton piteux & funebre, accompagné de plainctes, pleurs, gemissemens, & du son de quelques chalemies Miluiennes, conuenables à tel sacrifice. Cela fait, ils s'assembloient par nations, separement, & s'asseoient en rond sur le paue, où chacun mettoit ce qu'il auoit apporté pour manger, & en faisoient vn banquet, qui estoit le Siliceme, où les banquetans se faisoient en mangeant. Et apres auoir prins leur refection, appelloient les ames, & leur laissoient enuiron les sepulchres le demeurant de la viande. Outre ces anniuersaires se faisoient les jeux seculiers, lesquels paracheuez ils sortoient du temple, & achetoient chacun vn Pancarpe, c'est à dire vn chapelet de fleurs, qu'ils mettoient sur leur teste, & prenoient en la main vn rameau de Cypres, seruant aux mortuaires. Puis les prestres reuestus d'estolles & de chappes, chantoient, & portoient les simulachres diuins: mesmes les danseurs Sicinistes estoient meslez parmy les femmes, où ils faisoient des iubilations tumultueuses, accompagnées du son de plusieurs instruments: & alloient trois fois à l'entour du temple, pour appaiser les trois Déesses fatales, Nona, Decima, Morta, & en rentrant dedans le sanctuaire, pendoient leurs rameaux de Cypres en diuers lieux, où les laissoient sichez en la muraille, & là estoient gardez iusques à l'année ensuiuante, que les prestres en faisoient le feu du sacrifice. Quand tout estoit accomply, en la maniere qui est dicte, & les funerailles celebrées, voire finy le seruice des morts, avec les prieres & recommandations accoustumées, & tous mauuais esprits chassez, le grand prestre proferoit les dernieres paroles, disant. Ilicet: qui vaut autant à dire comme chacun s'en peut, quand il voudra, retourner en sa maison. Sur le poinct que Polia paracheuoit ainsi son compte de ces coustumes anciennes, & ceremonies deuotes, nous arriuasmes sur le bord de la mer, où estoit le temple destruit.



Là nous assimes sur l'herbe fraîche & fleurie. Adonc mes yeux se retournerent à contempler la grande perfection & excellence de la beauté de ma compagne : si bien qu'ils ne treuvoient plaisir ny contentement en autre object ; Parquoy mon cœur recréé d'une ioye secrète, laissa tous pensemens bas & simples fantaisies, & m'entendement s'esleua à considerer ses vertus admirables. Toutesfois il aduenoit par fois que le retournois à considerer la situation de ce lieu : belle (certes) & dele-

Etale. L'air y estoit ferein & prospere, les verdurez plaisantes, les petits costaux ont-  
 bragez de bocages, enrosez de fontaines & ruisseaux, coulans par la belle valée,  
 bordée de tous arbres fructiers. Les vents se rendoient gracieux, la terre abondante  
 & fertile, resonnante du chant des oyseaux: si que j'eusse quasi pensé que c'estoient  
 les champs Elysées tant renommez: car les beaux champs & fleuve de Theffalie ny  
 font en rien à comparer. Ce nonobstant mes yeux estoient tousiours arrestez sur  
 ma compagne, sans pouuoir les adresser ailleurs, joint que mon entendement ne  
 s'occupoit à autre chose, & ne sçauois en quelle partie arrester ma veüe, pour la  
 plus belle & delectable. Si est-ce pourtant que ie regardois volontiers vne petite  
 valée, assise au milieu de son sein entre deux mammelles, plus rondes que pommes,  
 & plus blanches que floes de neige, voire (en verité) plus somptueuses que la sepul-  
 ture du Roy Mausolus: pour le moins il me le sembloit, pource que là estoit le desir  
 de mon ame. Aucunesfois elle jettoit son regard dessus moy, & ie le sentoie courir  
 par tout mon corps, ainsi qu'un esclair de tonnerre, tellement que i'en frissonnois  
 vne heure apres. Cela passé, ie recommençois comme deuant, pressé d'un desir insa-  
 tiable par amour aspre & importun, disant (sans remuer les levres) plusieurs paroles  
 de piteuses prieres, fondées sur raisons vray-semblables, par lesquelles ie deman-  
 dois ce qui m'eust rendu le plus content du monde, que j'obtenois en imagination,  
 & me treuuois au milieu des thresors de la Déesse Venus, y desrobant (ainsi que fit  
 Mercure) les ioyaux de nature abondante. Mais (helas) ie me treuuay attainct par  
 trop au vif de ceste maladie contagieuse, assiégré par la mere diuine, & assailly de son  
 fils le grand boutte-feu, indissolublement lié & englué, sous l'appas de deux beaux  
 yeux estincellans à merueilles: à quoy ne seruoit de rien, faire effort de m'en reti-  
 rer: car c'estoit y entrer plus auant: & jà n'estoit plus en ma puissance de resister aux  
 pensemens diuers, veu que la patience estoit presque vaincüe. Si deliberois-ie (en  
 quelque sorte que ce fust) d'esteindre ceste ardeur insupportable, & mettant tout  
 sage conseil en arriere, tenter ma Polia d'une belle audace, luy voulant neantmoins  
 dire en voix humble. Madame, i'estimerois le mourir pour vous, à vne louange  
 éternelle, & me seroit la mort (à mon aduis) tollerable, agreable, & glorieuse. Ce  
 dy-ie pource que mon ame est oppressée d'une ardeur trop violente, laquelle aug-  
 mente incessamment, & se renforce dans mon cœur, tant que ie ne puis auoir vne  
 seule heure de paix, ny de repos. Je pensois bien par ceste voye donner fin à mon  
 grief martyre, mais soudain me venoit un autre conseil, qui disoit. Que feras-tu,  
 Poliphile? Pense un peu quelle fin eut la violence faicte à Mecanira, à Lucrece Ro-  
 maine, & plusieurs autres Dames tant renommées. Considere que les Dieux ont  
 esté souuent refusez de leurs amours terrestres. Que doit doncques faire en cét estat  
 vne pauvre simple personne comme toy? Reduy, reduy, en ta memoire que tout  
 long temps vient à certaine fin, au moins à qui le peut attendre: voire que les  
 Lyons & autres bestes sauuages s'appriuoisent par continuation, mesmes que le pe-  
 tit Formy endureit le chemin pour y passer souuentefois: parquoy, à plus forte rai-  
 son, un esprit celeste caché en un corps humain, pourra bien sentir quelque petite  
 estincelle d'Amour. Par ceste maniere approuuant & blasmant mes opinions, ie me  
 retiray de ces fantasies ennuyeuses, esperant paruenir au fruit de ma longue que-  
 ste, & à la fin triompher de la victoire acquise par ma patience, me souuenant aussi  
 des saintes oraisons & sacrifices de Polia, où elle auoit faict speciale commemora-  
 tion de moy, & estainct son flambeau ardent pour gratifier son Poliphile. Je pensay  
 qu'il estoit meilleur, & plus seur, d'attendre en souffrant vne heureuse (bien que tar-  
 diue) recompense, obtenant la perfection de mon desir, que par importunité peril-  
 leuse accroistre ma peine, perdre l'esperance totale pour l'aduenir. Polia s'apperceut

que ie changeois trop souuent de couleur, & me veit alteré, troublé, & quasi hors d'haleine, fouspirant tout à coup du fonds de ma poitrine: pour à quoy obuier, elle me jetta vn doux regard, qui chassa de moy toutes ces cogitations impetueuses, tant que de là en auant mon ame se maintenoit en esperance plus tranquille, parmy les flammes de l'amour, comme le Phenix qui se brusle, afin de se renouueler.

*POLIA PERSVADE A POLIPHILE D'ALLER AU*

*Temple destruit, veoir les Epitaphes antiques, où entr'autres il treuua en peinture le raiissement de Proserpine: & comment en la regardant il eut peur d'auoir par semblable malheur perdu sa Dame: parquoy il retourna tout espouuanté. Apres vint deuers eux le dieu d'Amours, qui les fit entrer en sa uasselle: l'honneur que les dieux marins luy firent, tant que dura ceste navigation.*

CHAPITRE XIX.



N des plus releuez tourments d'Amour, c'est (à mon aduis) d'auoir en sa presence le sujet d'allegement, & ne pouuoir l'obtenir: c'est ce qui empira mon mal: quand quelques fois ie le pensois adoucir, chaque mouuement de ma maistresse, contenance, parole, ou petit traict d'œil, me faisoient tetcher en plus de mal. En fin cela engendra en moy vne audace qui m'exhortoit à ne me monstrier pusillanime, veu mesmement que la proye par moy si long-temps pourchassée, estoit deuant mes yeux, & en ma puillance: de sorte que

pour le moins i'en pourrois prendre mon droict de veneur, & par ce moyen retarder la continuelle mort d'amours: les desseins me rendirent tant accoustumé à ma douleur, que ie tenois plus pour mal tous les griefs accidents qui m'eussent peu aduenir, à raison que tous inconueniens me sembloient doux, quelques dommageables qu'ils peussent estre. Or ma sage Polia, bien informée des importunes conditions de l'amour auenglé, cogneut assez le trouble de mon ame: & pour m'en diuertir profera certaines paroles syncopées, puis parlant plus ouuertement, me dit. Le sçay (Poliphile) que vous estes naturellement curieux de chercher les choses antiques: parquoy si vous voulez aller veoir ce temple, cependant que nous attendrons nostre maistre Cupido, ie pense que vous y pourrez treuuer plusieurs beaux fragmens de l'antiquité, qui valent bien d'estre attentiuement considerez: & ie demeureray en ce lieu toute seule, pour attendre la venue de celuy qui nous doit passer au Royaume de sa mere. Entendant ce propos (sans plus tarder) ie me leuay de ma place bien fortunée, pour le desir d'obeyr, & de veoir cét œuure, avec les autres jà par moy visitées. Et pour cét effect ie party de la belle ombre des Myrthes & Lauriers sacrez, abandonnant vne treille de Iasmin, qui nous couuroit de ses fleurs blanches, rendant vne odeur singuliere: & sans autrement y penser, ie laissay ma chere Polia: puis ie me mis à trauers ces terres & monceaux de ruines, couuertes de terre, lierre, ronces, & cappriers, tant que ie paruin à l'édifice, qui auoit jadis esté vn temple rond, superbe au possible, comme Madame m'auoit dit: encores s'y treuuoit-il quelques Tribunes, ou Chappelles, qui n'estoient qu'à demy démolies, & grande quantité de fragmens admirables, de Pilastres, Architraues, Corniches, & Colomnes, de toutes sortes & matieres, Numidiques, Laconiques, Corinthiennes, Ioniques, Tuscanes, Doriques, & autres. Ces Tribunes me firent penser que là estoient


## LIVRE PREMIER

les sepulchres des plus nobles & renommez perfonnages  
du monde.

Derriere le Temple estoit esleué vn grand Obelisque de  
pierre rouge, foustenu de quatre boules, posées sur vn quar-  
ré bien entaillé de hieroglyphes en ses quatre faces, dedans  
quatre ronds.

En la premiere il y auoit vne balance, & au milieu vne  
platine, en façon de bassin, de l'vn des costez duquel estoit  
vn chien, & de l'autre vn Serpent : puis au dessous vn cof-  
fre antique, avec vne espée nuë, la poincte droicte contre-  
mont, surpassant le ioug des balances, & entrans dans vne  
couronne.

Je l'interpretay ainsi.





IVSTITIA RECTA, AMI-  
CITIA ET ODIQ EVAGI-  
NATA ET NVDA, PON-  
DERATAQVE LIBERALI-  
TAS, REGNVQ FIRMITER  
SERVANT.

Qui signifie,

Iustice droite, nuë & des-  
potiillée de haine & amitié, avec  
liberalité bien posée, gardent  
fermement les Royaumes en  
leur entier.

Au dessous de ceste figure i'en vis vne autre, faicte en quarré, dedans laquelle y  
auoit vn œil, deux espics de froment liez, vn braquemart antique, deux fleaux pareil-  
lement liez en trauers dessus vn cercle, vn monde, vn timon de nauire, & puis vn va-  
se antique, duquel sortoit vn rameau d'oliuier, vne platine, deux cigongnes, six pie-  
ces de monnoyes mises en rond, vn temple à huys ouuert, & pour le dernier deux  
plombs, ou perpendicles.



X iiij

L I V R E P R E M I E R

Que j'interpretay en ceste sorte.

DIVO IVLIO CÆSARI SEMPER AVGVSTO, TOTIVS ORBIS GV-  
BERNATORI, OB ANIMI CLEMENTIAM, ET LIBERALITATEM,  
ÆGYPTII COMMVNI ÆRÈ SVO EREXERE.

C'est à dire,

Au Diuin Iule Cæsar, tousiours Auguste, de tout le Monde, Gouverneur  
pour la clemence de son courage & liberalité, les Egyptiens  
de leurs deniers communs m'ont érigé.

En la face du costé droict estoient ces autres hieroglyphes, à sçauoir vn Caducée,  
ou baguette, sur laquelle deux Serpens s'estoient entortillez. Deuers le bas d'un co-  
sté & d'autre y auoit vn Formy, qui croissoit en Elephant: & deuers le haut deux Ele-  
phans, qui declinoient en Formy. Entre les deux d'un costé y auoit vn vaisseau plein  
de feu, & entre les autres deux, vn comble d'eau.

Dont ie fis l'interpretation telle.



PACE AC CONCORDIA  
PARVÆ RES CRES-  
CVNT : DISCORDIA  
MAXIME DILABVN-  
TVR.

C'est à dire,

Par la paix, & con corde, les  
petites choses augmentent: &  
par discorde les grandes se ruy-  
nent.

En la fenestre y auoit vn Ancre en trauers, & sur la stangue vn Aigle à ailles esten-  
gués: vne Gumène attachée à l'Anchre: au dessous vn homme armé, entre aucunes  
machines de guerre, regardant vn serpent qu'il tenoit en sa main.

Ce



Ce que j'interpretay ainsi.

MILITARIS PRVDENTIA  
SEV DISCIPLINA IMPE-  
RII EST TENACISSIMVM  
VINCVLVM.

Signifiant,

La prudence, ou discipline mi-  
litaire, est le tres-fort lien de  
l'Empire.

En la quatriesme face, opposite à la premiere, estoit vn Trophée : & au bas de la lance qui le soustenoit, deux rameaux de Palme en trauers, attachez à deux cornes d'abondance : à vn costé vn œil, & à l'autre vne Comete.



Qui signifioient à mon  
aduis,

DIVI IVLII VICTORIA-  
RVM ET SPOLIORVM  
COPIOSISSIMVM TRO-  
PHÆVM, SEV INSIGNIA.

Voulant dire,

C'est le copieux & abondant  
Trophée, avec les enseignes  
des victoires, & despoilles, du  
diuin Iule César.

Y

LIVRE PREMIER

La magnificence de cét obelisque me fit conjecturer qu'il n'en fut oncques porté vn tel à Thebes, ne semblablement à Rome. Parquoy quand ie fus arriué deuant le premier front du temple, ie treuuy que le portique estoit abbatu, & le portail allé de mesme: car ie treuuy à mes pieds vne piece de l'architraue, ensemble vne partie de la frize & corniche, qui me la fit contempler longuement: & treuuy en icelle frize ces mots grauez en lettres Latines.



Qui signifie,  
Dedié aux Dieux infernaux.


*Cimetiere des miserables corps, qui par amour sont tombez en fureur.*

Ce beau fragment estoit d'une seule pierre massiue, & encores y tenoit vne partie du frontispice, au plan duquel dedans le tympan, ou plat-fonds, estoient deux figures à demy brisées, à sçauoir vn oyseau sans teste, que i'estimay estre vn Chahuan, & vn creuset ou lampe antique: le tout construit de fin Alabastr: & ie l'interprétay ainsi.

VITÆ LÆTIFER NVNTIVS.

Après i'entray iusques au milieu du temple, où il estoit moins démoly, & apperceu vn œuure singulier, que le temps auoit encores laissé en son entier. C'estoient six colonnes de Porphyre, assises sur vn plinthe d'ophite hexagone. La distance de l'une à l'autre contenoit six pieds de mesure, & auoient leurs bases, chapiteaux, architraues, frize, & corniche, sans moulures ny lineaments, ains seulement estoient polis, de bonne grace, selon la practique: & sur cela estoit posée la voulte ronde, & faite toute d'une piece de pierre massiue, diminuant en pointe, en forme d'une cheminée percée à iour, & si couuroit vne grande caue, qui n'auoit lumiere sinon par vne ouuerture ronde, close d'un treillis de cuyure, estant au milieu des six piliers: & au droict du centre de la voulte par laquelle ie regarday, me sembla que ie vey là dessous comme vn quarré: parquoy il me print enuie d'y descendre.

Ainsi ie cherchay tant l'entrée parmy les ruynes de ce lieu, que finalement ie m'adressay à vn gros pilier de marbre, tout abbatu, fors enuiron deux pas de hauteur, enucloppé d'une espoisse tige de lierre, qui bouchoit & occupoit la petite porte en laquelle i'entray à grande peine, & descendy par vn degré estroit & obscur au possible, iusques au plus bas de la vis.




Le lieu de prime face me sembla tenebreux, mais soudain que mes yeux y furent vn petit accoustumez, ie commençay à veoir vne grand' caue ronde, voultée & soustenuë de six colonnes naïfues, posées à plôb des six estant dessus, toutes faictes de marbre bis, & la voulte aussi: dont les quartiers estoient si bien joints, qu'elle & les colônes sembloient proprement d'une piece. Vray est que la caue estoit toute pleine d'Afronitre, ou baurach, & souillée de fiente de cheueches, & de chauue-fouris.

Au milieu de ces six colonnes naïfues se treuuoit vn autel de cuyure, composé de deux quarez parfaits, qui faisoient six pieds en longueur, & 3. de haut, compris en ce les moulures ordinaires. Il estoit creux en façon de sepulture

re, mais en l'ouuerture de dessus, trois bons pourees en profond, y auoit vn treillis de la mesme fonte, & en l'un des costez vne fenestre, faite (ainsi que ie peus comprendre) pour mettre le feu dessous le sacrifice, & en tirer la cendre jà esteincte. Ce qui le me fit presumer, fut que ce treillis, avec la superficie de l'autel, estoient tous

noircis de fumée, laquelle sortoit par le rond de dessus, & apres par le petit tuyau qui estoit en la voulte assise sur les six colomnes faict à la mode *Agyptienne*. En la derniere face de l'autel estoit escrit en lettres Romaines bien taillées,



Qui veulent dire,

*A Pluton Roy d'Enfer ayant trois corps, & à sa chere esponse Proserpine, ensemble à Cerberus, qui à trois testes.*

Je ne vis autre chose en ce lieu sousterrain, sinon plusieurs sieges de marbre, dressés tout à l'entour: parquoy ie remontay par où i'estois entré, grandement esmerueillé en moy-mesme, de ce que les colomnes, & la voulte, estoient demeurées en estat. Et, à la verité, cela conferma mon opinion, qui est que le temple estoit ouvert par le dessus, & tout le reste estoit plein de ruynes, tombées en monceaux de toutes parts, & là autour il n'y en avoit point.

D'avantage, regardant à costé ie vis vne Tribune, ou lanterne quasi entiere, en la voulte de laquelle estoit demeurée vne belle peinture de musaique: ie m'approchay tout soudain pour la veoir, & treuuy que c'estoit vne grande fosse tenebreuse, ou plustost vn abyssme espouuantable, situé entre deux roches, apres à merveilles, & hautes à perte de veüe: voire si basses (comme il sembloit) qu'il n'y avoit ne fons ne riuie. Elles estoient rudes & enfumées, ouuertes l'une à l'encontre de l'autre, avec vn pont traufferant l'abyssme, diuisé par son diagonc. L'une des moitez se monstroit de fer chaud embrasé, comme sortant d'une fournaise, & l'autre de glace froide en toute extremité. Entre ces deux roches, dessous le pont, & à l'entour de ceste fosse d'un costé, tout sembloit estre plein de feu, jettant des estincelles volantes, &

broyantes en l'air, puis retombantes en cendre estainte, si souuent & menu, que l'on n'eust pas veu à vn pied loing de soy. A trauers la roche il y auoit plusieurs soupiraux de feu, comme petites bouches de fournaies: & de l'autre costé vn lac obscur & trouble, gelé en toute rigueur, joignant à la roche bruslante, le pont seulement entre deux. Et pour se monstrier deux matieres toutes contraires si prochaines l'vne de l'autre, & ne se pouuoit mesler naturellement, comme il estoit exprimé par la peinture, il sembloit qu'il s'y engendrast vn tonnerre merueilleusement impetueux, tout ainsi que quand la vapeur humide, enclose en lieu où elle treuve son contraire, venant à estre agitée par force, faict tout son pouuoir de sortir, & de faict elle en sort, esclattant par les voyes qui luy sont plus aysees. Certes la demonstration que la peinture ne pouuoit faire d'vne chose, estoit assez supplée par l'autre. Dedans ceste cauerne estoit figuré l'enfer, clos d'vne vieille porte rouillée, & faicte grossièrement: puis là auprès au fonds d'vn creux estoit le chien Cerberus à trois testes, couuert de poil noir tout rouillé, velu & herissé de petites couleures, puant & pestilencieux, faisant le guet à perpetuité, sans iamais fermer l'œil. Sur la riuie du lac gelé, estoit Tisiphoné l'enragée, avec ses cheueux de Serpens, laquelle persecutoit par grand fureur les malheureuses ames, qui tomboient à grands monceaux, du pont de fer dans le lac, ou apres s'estre veautrées quelque temps en l'eau gelée, se hastoient de fuyr ceste penible & mortelle froidure: & tant se travailloient, qu'elles gaignoient finalement le bord: parquoy elles pensoient d'estre eschappées. Adonc fuyant ceste infernale furie, elles couroient à toute impetuosité le long d'vne sente estroicte, rude, aspre, raboteuse, & glissante, les sourcils abaissés, les yeux rouges & larmoyans, mesmes les bouches ouuertes, comme si l'on eust deu entendre les douloureuses voix, piteux cris, & lamentables, prouenans d'angoisse & plaintes mortelles, qu'elles faisoient sans intermission. L'horreur, l'effroy, la foule, la haste, & la grande presse, estoient si terribles entr'elles, que se poussant l'vne l'autre, la plus grand part en retomboit dedans l'abyssine, & le reste qui eschappoit estroit dedans vne cauerne, où se treuuoit l'autre Furie, nommée Megeré, qui les gardoit de se precipiter au lac bruslant où elles desiroient aller: à l'occasion dequoy elles estoient contrainctes de se sauuer sur le pont. Telle & semblable cruauté de tourments estoit aussi deuers l'autre partie: car Alecto la dépiteuse, aussi fille d'Acheron & de la nuit, empeschoit que les ames condamnées à la peine du feu, ne se precipitassent dedans le lac gelé: dont en courant comme les autres, & rencontrant ceste horrible Furie, espouuantées de sa veüe, elles estoient forcées de courir au maudict pont: & là s'entre-heurtoient avec celles qui venoient à l'opposite: en sorte que ie cogneu les miserables ames, destinées au feu éternel, tascher par toutes voyes de se precipiter au lac gelé: & celles qui estoient députées à la froidure trenchante, s'efforcer par toutes voyes d'entrer aux flammes infernales: neantmoins quand elles cuidoient prendre vne partie du pont pour l'autre, à scauoir celles du feu, la gelée: ou celles de la froidure, l'ardeur: par vne certaine disposition fatale le pont s'ouuroit & départoit en deux: tellement que les ames condamnées au feu, tomboient au lieu qui leur estoit ordonné: & par semblable celles qui essayoient d'éuiter la froidure, estoient du haut du pont renuersées au fonds de la glace: & tout incontinent par le vouloir diuin le pont retournoit en son premier estat. Cela se faisoit continuellement, voire sans interualle, pource que ces ames mal fortunées taschoient sans cesse, & sans repos, de faire ce maudict eschange, & toutesfois ne pouuoient paruenir à leur intention, en quelque maniere que ce feust: car celles qui par rage furieuse, accompagnée de desespoir, cherchoient de fuyr la chaleur intollerable, & pour soulagement se rafraischir en la

## LIVRE PREMIER

froidure, n'en pouvoient treuver le moyen : & les autres qui se trauailloient d'esfui-  
ter le froid excessif, pour entrer en l'impetueuse ardeur du feu, se treuuoient fru-  
strées de leur malheureuse volonté. Et (qui leur estoit aggrauation de peine) tant  
plus elles en estoient conuoteuses, plus se perdoit leur esperance : encores qu'elles  
desirassent cét eschange : parce que se trouuans les vnes & les autres sur le pont,  
chacune sentoit cela qu'elle appetoit : à sçauoir celles du froid, la chaleur : & celles  
du feu, la froidure.



Les couleurs de ce tableau estoient si artistement mises, & les affections tant parfaitement exprimées, qu'il est (ce croy-ie) impossible de mieux faire,

*Le titre estoit tel.*

En la flamme éternelle sont condamnées les ames de ceux qui par trop ardemment aiment, se sont meurdri eux-mesmes. Et en la glace sont plongées les autres qui en amour ont esté par trop foibles, refusant d'obeyr aux constitutions amoureuses, déprisé, ou dédaigné, les sainctes loix & ordonnances de Cupido. Tout homme de bon iugement peut penser, que là où les deux lacs de natures contraires se viennent à rencontrer, il s'y doit engendrer vn merueilleux tonnerre, à raison de la contrariété & perpetuelle discorde de leurs qualitez differentes: car où ils s'assemblent, ils se perdent tous deux dans vn profond abyfme trop espouuantable. A dire vray, la profondeur de cét Enfer estoit tant ingenieusement représentée, qu'il sembloit vne chose naïfue, ouuerte pour les mal viuants: tant bien & artistement auoit l'ouurier (pour monstrier son intention) sçeu varier ses couleurs, & conduire les lignes de Perspective par mesure.

Quiconque regardoit soigneusement ce pourtraict, pouuoit sans difficulté cognoistre que cela tenoit beaucoup de la verisimilitude: car le gentil maistre auoit figuré les ames en forme corporelle, entre lesquelles aucunes festouppoient les oreilles, de peur d'ouyr le bruiet espouuantable. Les autres se couuroient les yeux à deux mains, n'osant regarder les abyfmes trop hydeusement enfoncées, & remplies de monstres abominables. La pluspart estoient passées & décolorées, estraignant les bras contre leurs poictines, ainsi que gelées de froid. Aucunes pour exprimer l'ardeur qu'elles souffroient, vomissoient vne espoisse fumée. Maintes auoient les mains serrées l'vne dedans l'autre, ou bien les doigts entrelassés comme dents de pigne, en signification de leur tristesse, accompagnée de peine trop vehemente. Ces ames se rencontroient dessus le pont, & là venoient s'affronter, & heurter rudement les vnes contre les autres, sans auoir moyen de reculer, à l'occasion de la presse de celles qui suiuoient, n'y d'aller auant, pour la repugnance des autres qui leur venoient à l'encontre. Et lors ce pont se départoit en deux, pour renuerser chacune en son tourment, puis se rassembloit de soy-mesme, & tout en vn instant estoit rechargé de nouvelles, sans cesse ne dilation: parquoy les paaures ames desesperées souhaittoient leur perte, qui leur eust esté moins grief que ces Furies insupportables.

X iij

Aupres de là il y auoit vn petit autel , au front duquel estoit escrit en lettres Latines.




Autel des Dieux infernaux.

*Passant tu peux veoir icy Laodia Publica, laquelle pour auoir fraudé son age, & contre la custume des ieunes Damoselles, méprisé les constitutions d'Amour, elle mesme desesperée s'est meurdrie de son glaine.*

Quand ie fus party de ce lieu, ie treuuy entre les ruynés vne pierre de marbre, seulement rompuë en vn endroiët, mais entiere en la plus grande partie.

Le milieu estoit fait comme vn nid à volute, situé entre deux quadrangles, à chacun desquels il y auoit vne ouale assez languette: en l'vn des costez de laquelle estoit figuré vn D, vn masque. Puis en l'autre du costé gauche vn M, avec vn autre masque. Le frontispice ne montoit pas du tout en poinëte, mais finissoit en vn quarre tout plat, sur lequel ie posois vn vase de cuyre sans couuerture, plein de cendre, ainsi que ie peu conjecturer, avec telle inscription en son milieu.

C'est



C'est à dire,

*A Annira Pucilla, fille incomparable, imitatrice de Dido,  
ses tristes parents ont basti ce sepulchre.*

Pres cestuy-là ie vis encores vn autre bel Epitaphe, graué en pierre de Porphyre, gisant en terre, sans aucuns ornemens, brisé aux deux costez : qui me fit presumer que ce auoit esté quelque excellent chef-d'œuvre. Il estoit enuironné de Roquette, & creué aux environs : & disoient ces lettres.

Z

D. M.

Gladiatori meo, amore cuius extremè perusta, in mortem languorèmq; decubui: at eius cruore, heu me miseram, impiata, conualdi, diua Faustina Augusta, piè monumentum relinquens, vt Q. Annius sanguine turturum inter sacrificandum arcam religiosam hãc integeret xlix. accensis faculis: & collachrymulãtes puellæ soluerentur, luctúmq; funeralem ob tanti iudicium doloris perferrent, crinibus promissis, ruffarent pectora faciémq; , diem integrum propitiatis manibus circa sepulchrum satagerent annuatim perpetuò repetendo. Ex tabulis fieri iussi.

A mon gladiateur, de l'amour duquel extrêmement bruslée, ie languis au lièt comme morte: Mais apres (ô moy miserable) que i'eus esté souillée de son sang, ie me porte bien moy Faustine Auguste, laissant religieusement ce monument afin que E. Annius sacrifiant fassè lauer ceste sainte bierre de sang de Tourterelles, qu'il y ait xlix. torches flambantes de plusieurs filles escheuelées, pleurantes par les funerailles, & qu'en signe de douleur vehemente elles fassent rougir leurs visages & poitrines, continuant ainsi vn iour entier au tour de ma sepulture, afin de me rendre propice les Dieux inferieurs. Cét anniuersaire soit reiteré perpetuellement. Je l'ay ainsi ordonné par mon testament.

Après auoir diligemment leu ces deux Epitaphes, ie jettay ma veuë sur vn tombeau, historié à demy relief. Au milieu de sa face de deuant il y auoit vn petit autel, & dessus la teste d'vn Bouc sauuage, qu'un vieillard tenoit par l'vne des cornes. Ce sacrificateur auoit le poil de la teste melle à l'antique, vestu d'vn manteau sur le nu,

rejeté sur l'espaule droicte, passant par dessous la fenestre, & pendant deuers le derriere. Aupres de luy estoit vn autre mal peigné, vestu de deux peaux de chèvre, l'vne deuant, l'autre derriere, les pieds des peaux nouïées sur les espauls, les autres pendoient entre ses cuisses, le poil tourné deuers sa chair, & ceinct d'vn rameau de vigne sauuage, enflant ses jouës, & soufflant vn chalumeau rustique. Cestuy-là estoit appuyé contre vn vieil tronc d'arbre, creux, & couppé, où il y auoit encore quelques feuilles & petits rameaux vndoyans autour de sa teste. Entre ces deux sautoit vn petit enfant au son du chalumeau. De l'autre costé se monstroït vn homme nud, portant sur son espaule vn outre, l'ouerture tournée deuers la teste du bouc, sur laquelle il verfoit du vin. Aupres de luy estoit vne femme nuë & décheuelée, plorante & tenant vn flambeau, la partie allumée contre bas, & entre deux vn beau petit Satyre, estraignant vne couleuvre entortillée entre ses mains. Puis vne villageoise l'iuoït, vestuë sur le nu d'vn drap volant en l'air, ceincte à l'entour de ses hanches, & portoit sur sa teste mal parée vne corbeille pleine de fruiets & feuilles: elle tenoit en l'vne de ses mains vn vase de terre à long col, pour ministrer au sacrifice. Dedans le petit autel estoit escrit en lettres Romaines capitales.




Voulant dire,

*Ab ! Valeria, amiable sur toutes femmes. Adieu.*

T'estois bien à mon souhait, voyant tant de sepulchres dignes de memoire : & ainsi que j'allois cherchant çà & là, pour tousiours treuuer quelques choses nouvelles, il se presenta à mes yeux vn Epitaphe, composé en langue Romaine, par forme de Dialogue. Dedans son frontispice y auoit vne Aigle de demy-taille, & sur chacune des pentes vn Dauphin, tournant la teste contre bas, mais de relief parfait comme le naturel.

Z ij



D. M.

Viator, huc propius ferto oculos: deinde verba mecum facito. Fui sine amore viua: amans heu morior. Dic quæso, amabo, rem. Me huic Polyandrio dedi mortuam ob amoris incendium pueri florentis ætate formosissimi.

Quid insanis? At amans viuebas.

Profecto cum noxiè amare cœperam adolescens spreto amoris munere abnuit. contabui. morte rapta hic sum.

Quid tibi possum?

Nauiam Romanam crudelis Proculi amore defunctam miserè, totam per urbem orbemque dicito. Hoc satis. Vale.

Qui signifie,

*Passant, approche icy tes yeux, & apres parle à moy. I'ay vescu sans amour, helas! & ie meurs en ayant. Dis-moy, ie te prie, comment il se peut faire? Ie me suis donnee morte en ce Polyanthe, embrasée de l'amour d'un beau ieune fils en la fleur de son aage. Quoy? es-tu folle? tu aymois en ton viuant. Pour certain quand ie commençay à tellement aymer, cét adolescent desprisant le don de mon amour, le refusa: parquoy ie seichay toute, & suis icy rauie par la mort. Que peux-tu pour toy? Va disant par la ville, & par le monde, que Xenia Romaine est miserablement trespassee pour l'amour du cruel Proculus. Cela suffira. Adieu.*

J'entray apres en vne autre Tribune, où estoit le reste d'vne peinture, faicte en musaique comme la precedente, toutesfois la pluspart rompuë & gastée aussi bien comme sa Tribune. C'estoit vne Dame qui tomboit dedans vn grand feu, & l'estoit percée d'vne espee à trauers le corps. A l'entour d'elle on pouuoit veoir plusieurs pieds de femme, aucuns nuds avec partie de la jambe, autres couuerts du vestement, tout le demeurant effacé & abbatu par longueur de temps, au moyen des vents, pluyes, & chaleurs du Soleil. Pareillement le paué estoit demoly. Là n'y auoit aucune esriture, fors la moitié d'vn Epitaphe brisé, renuerté à terre, où estoit ce peu de lettres, bien mal-aysees à entendre.



C'est à dire,

Regardant, ie te prie pleure icy dessus malheureuse Roynie, hors du sens par amour. Luy moy miserable, du malheureux present d'un boiste estrange, à la mort.

Et au plinthe quarré sous le vase estoit dit.

Il n'y a rien plus certain que la mort.

Après de ce fragment gisoit en terre vn vase antique d'Albastre, de la hauteur d'vn bon pas & demy, ayant encoro l'vn des anses, mais l'autre estoit rompuë avec partie du ventre. Il estoit posé sur vn quadrangle, où estoit demeurées des lettres antiques, partie entières, & partie deffaictes.

Ie laissay ces sepulchres ruinez, pour aller en vne autre Tribune, où apparoissoit vn fragment de peinture musaique, quasi toute effacée, ce neantmoins l'on y voyoit encoro vn naufrage, & vn icune homme qui se sauuoit à nager, portant vne belle fille sur son dos: & comme ils arriuoient à terre en vn lieu desert, auquel il y auoit encoro vne partie de la figure d'vn Lyon. En l'autre endroit ils estoient en vne barquette sur la mer: tout le demeurant demoly: parquoy ie ne peus bien entendre l'histoire: mais en la muraille, qui estoit de marbre, il y auoit vn tableau de cuyure, grané de lettres Grecques capitales, contenant vn Epigramme en la mesme langue, lequel lisant ie fus contrainct de larmoyer, pour le miserable accident, & maudire l'inconstance de Fortune. Apres l'auoir plusieurs fois leu & releu, ie le tournay en ceste sorte.




*Heus viator, paululum interferere manibus, adiuvo te proditum ac  
 legens polytonos metallos oscula dato, addens. Ab Fortuna crudele manum-  
 entum: Vivere debuissent. Leontia puella. Lollis ingenui adolescentis  
 primavia anxioris dum intemperie urgerentur, paternis affectu cruciatibus,  
 aufugis insequitur Lollis: sed inter amplexandum a piratis capti, insti-  
 tori cuidam venduntur: ambo captivi novem ascendunt. Cum noctu sibi  
 Leontiam Lollis auferri suspicaretur, arrepto gladio nautas cunctos tur-  
 cidat. Navis, orta maris saevitia, scopulis terram propè collisa mergitur.  
 Scopulum ascendimus famis impulsu. Leontiam humeris arripiens impono  
 Fave adesdum Neptune pater: nos nostramq; fortunam tibi commito.  
 Tunc delphinico nixu brachiis seco undulas. At Leontia inter natandum  
 alloquitur. Sumne tibi, mea vita, molestia? Tipula leuior, Leontia cor-  
 culum, atq; sepicule rogans. Suintne tibi vires, mea animula? aio. Eas  
 excitas: mox collum amplexata sachariter basulantem deosculatur solatur,  
 hortatur, urinantem inanimat. Gestio, ad litus tandem devenimus so-  
 spites insperato infremens leo aggreditur: amplexamur invicem. Moribun-  
 dis parcat leo territi casu, nauiculus littori una cum remigali palmicula  
 deserta fugitius ascendimus vires: alternatim cantantes remigamus,  
 diem noctemq; tertiam errantes: ipsum tantum undiq; calum patet lethali  
 cruciamur fame, atq; diutina inedia tabescentes, ruimus in amplexu.  
 Leontia inquit, amabo, fame peris. Sat tecum esse Lollis depascor: ast  
 illa suspirulans, mi Lollis deficis. Minime inquam, amore, sed corpore.  
 Solis vibrantibus & mutuis linguis depascebamur dulciter, Fribusque  
 buccis hiantibus, osculis suavis inieclis videraciter amplexabamur Ambo  
 attepia morimur. Plennyris nec savientibus huc aura deuehimur, ac  
 are quastuario miseri ipsis annexi amplexibus, manes inter Plotonicos  
 hic siti sumus: quosq; non retinuit piratica rapacitas, nec voravit lemna  
 ingluvies, pelagiq; inuestitas abnuis capere, huius vrnula angustia hic  
 capit ambos. Hanc te scire volebam infelicitatem. Vale.*

Helas ? passant ie t'adjure par les infernaux que tu t'entremettes vn peu icy, puis  
 en soupirant baise ce metal, disant: Ah le cruel monument de Fortune! Longue-  
 ment deuoient vivre Leontia ieune fille, & le beau Lollius, de l'amour duquel elle  
 fut esprise en ses premiers ans. Mais affligée des mauuais traitemens de son pere,  
 elle s'enfuyt, & Lollius la suiuit. Ainsi qu'ils se soulageoient d'embrassements, pris  
 par des Pyrates ils furent vendus à des marchands, & monterent au nauire, où ils  
 estoient captifs. Durant la nuict Lollius craignant qu'on luy rauist sa Leontia, &  
 ayant pris vn glaiue, tuë tous ceux du vaisseau. La tempeste suruenant, le nauire s'es-  
 choïta. Pressé par la faim, nous montasmes sur le rochet. Je prins Leontia, & la char-  
 geay sur mes espauls, disant: Sois moy fauorable, Pere Neptune, ayes soing de nous  
 & de nostre aduersité. Je tranchay l'eau de mes bras, comme vn Dauphin avec ses  
 ailleron: & ainsi que ie nageois ma Leontia me disoit: Ne te charge point trop, ô  
 ma vie: Et ie luy respondois: Tu me semble plus legere qu'une Coulandre, Leon-  
 tia mon petit cœur. Souuent me demandant. As-tu assez de force, mon espoir, mon  
 petit cœur: Je luy disois: Tu m'en donne mes amours. Vn peu apres luy embrassant  
 le col, elle baise doucement son porteur, le console, & l'encourage, elle anime son  
 nageur: l'en tressaux de ioye. En fin nous arriuasmes au port à saueté. Vn Lyon  
 rognant (sans y penser) nous assaut, ainsi que prests à mourir nous nous entr'em-  
 brassasmes, & le Lyon nous pardonna. Effrayez, nous entrasmes en vne barquerolle  
 que la mer auoit jetée à bord, il y auoit vn petit auiron, avec quoy nous voguasmes  
 trois iours & trois nuicts, sans rien veoir que la mer & le ciel, traueillans l'vn apres  
 l'autre, nous des-ennuyons en chantant. En fin tourmentez de famine mortelle, &  
 déshallans par continuelle disette, nous nous embrassons, disans. Helas! Leontia, tu  
 meurs de faim: Lollius, disoit: elle, ie me repais assez d'estre avec toy: Puis en souspi-  
 rant me va dire: Mon amy, tu n'en peux plus. Mon corps deffaut, luy dis-je, mais non  
 pas mon amour. Nous remians vn peu nous nous repaisions de nos langues, & hal-  
 letans des bouches l'vne contre l'autre, nous communiquans des baisers agreables,  
 nous nous serrions estroitement. Nous expirasmes ensemble en chartre. Les ondes  
 estans appaisées, vn doux vent nous amena icy, où nous auons esté enseuelis tous ac-  
 coloz, & par argent questé, nous auons esté colloquez entre les amis Plutoniques.  
 Ceux dont que l'auarice des Pyrates n'a peu retenir, ny la Leonine glotonnie de-  
 uorer, & que l'abyssme & la mer n'a pas voulu receuoir vne petite cruche, les con-  
 tient tous deux en son ventre. Je te voulois faire scauoir mon infortune. ADIEV.

Partant de là ie treunay vn autre autel quarré, sur lequel il y auoit vne base, faicte  
 avec toutes ses moulures, & dessus estoit vn plinthe quarré, avec les retraictes d'vn  
 coing à l'autre de la quarte partie de sa largeur, ainsi qu'vn tailloir de chapiteau. Ces  
 coings ne failloient point outre le pied de la base, dessus laquelle estoit posé le fonds  
 d'vn vaisseau rond, n'excédant en largeur les angles du plinthe: mais la bouche auoit  
 autant de largeur que le diametre du pied de la base: le bord d'icelle bouche se re-  
 plioit, & renuerçoit en dehors. En la face de deuant l'autel estoit escript.

Inferni



*Infernis Dijs Deabusq̄.*

**C. Vibius** adulescens in-  
temperato amore percitus  
Putilia Sexta, puellæ gratissi-  
ma, quod alteri vltro tradi  
non sustineret cruento gla-  
dio sibi met mortem consci-  
uit. Vixit ann. xix. menses xi,  
dies ix. Horas scit nemo.

*Signifiant,*

Caius Vibius adolescent, démesurément atteint de l'amour de Putilia Sextia, fille tres-gracieuse, ne pouuant souffrir qu'elle fust donnée à vn autre, c'est luy-mesme par vn sanglant cousteau fait mourir. Il a vesçu dix-neuf ans, deux mois, & neuf iours. Nul ne scait combien d'heures.

À a




Après ie vis vn beau fragment de Porphyre, auquel estoient entaillées deux testes de cheual seiches. Par le lieu des yeux sortoit vne liasse, lassant 2. beaux rameaux de Myrthe, entraversez, & les lioit sur leur croisure. Entre les deux testes, au dessus des rameaux, estoit escrit en lettres Ioniques.

ΤΙΜΟΚΟΥΡΗ ΛΑΡΚΙΑ ΑΡΤΕΜΕΙΣ.

C'est à dire,

A TIMOCVRE LARCIE, DIANE.




Je me treuuois grandement esmerueillé de la magnificence de tant de monuments. Toutesfois i'en vis encores vne de marbre blâc, sur laquelle y auoit vne inscription perplexe & ambiguë, car il n'en estoit demeuré que l'escriture, en vne petite pierre quarrée: le demeurant estoit brisé, & a terre.

Lyndia Thasius, ieune fille, ieune garçon, ie suis icy. Laisse: ie n'ay voulu viure, mais ay mieux aymé mourir. Si tu le sçais, il suffit. Adieu.

I'auois vn grand contentement de voir ces ruines tant glorieuses, & desirois tousiours treuuer quelque nouveauté: parquoy ie m'en allois fouillant par ces monceaux de pierre, comme fait vne beste qui en paissant chemine, cuidant treuuer plus auant de meilleure pasture. Ainsi ie vis plusieurs grandes pieces de colomnes, & d'autres entieres: l'vne desquelles ie mesuray, & treuuy qu'elle auoit en longueur sept fois le diametre de son pied. Aupres de là estoit vn vieil sepulchre sans escriture: parquoy ie regarday de

dans par vne creuasse, & ne vis sinon des vestemens funebres, & des souliers petri-  
fiez, qui me fit presumer que ce tombeau estoit fait de pierre Sarcophage, tirée de Sarcophage,  
Troye en Asie, & que là auoit esté mis en sepulture le corps du grand Roy Darius. mangeant la  
Ioiignant cestuy-cy estoit vn autre de Porphyre, taillé de bel ouurage, couuert de chair.  
certains arbrisseaux, qui estoient creux à l'entour, & inscrit d'vn bel Epitaphe. Son  
couuercle estoit en poincte, fait à escailles de basse taille, vne partie duquel estoit  
demeurée sur le cercueil, l'autre gisoit en terre, & l'escriture en estoit telle.




Publia Cornelia Annia, afin que ie ne suruescusse miserable en veutrage desolé, poussée d'vn incomparable amour, ie m'abandonne a estre mise viue en ce cercueil, avec mon mary trespassé. I'ay vescu avec luy xx. ans, sans dispute. I'ay commandé à nos affranchis que tous les ans ils sacrifient sur ce tombeau à Pluton, & à son espouse Proserpine, & aussi à tous les Dieux inferieurs, & qu'ils parent ce sepulchre de roses, & qu'ils mangent les restes des sacrifices. Pour cet effect ie leur ay legué & ordonné de liurer H. S. X. & ay ordonné qu'ainsi mon testament fut accompli.

• ADIEU LA VIE.

Plus auant sous vn lierre fort espais, descendant d'vn vieil pan de muraille ruynée, ie treuuy vn autre beau cercueil de pierre, ressemblant à yuoire, demeurée iusques à lors, ou pour le moins grande partie, claire: & pource qu'il estoit clos

& couuert, ie fus curieux de sçauoir qu'il y auoit dedans: si regarday par vne fente du couuercle, & y vis deux corps entiers: qui me fit croire que le monument estoit de pierre Chernite. Il y auoit aussi plusieurs fioles & ampoules de verre & de terre, avec certaines petites statues, selon la coutume ancienne, & façon des Egyptiens, & vne lampe antique de bronze, ardante & allumée, pendante au couuercle à vne petite chaisne. Aupres des testes des deux corps estoient deux petites couronnes, lesquelles ie jugeay estre d'or: mais tant pour la longueur du temps, que par la fumée de la lampe, elles estoient deuenues noires. En la face premiere du coffre estoient entaillees ces hieroglyphes: sçauoir est deux masques, & dessus chacun vn œil, vne fusée de fil, vne vieille lampe, deux flèches, l'vne tournée au contraire de l'autre, vn monde, vne semelle de foulier, des crochets, du feu, vn cousteau, vne mouche, deux brandons trauezés & liez par le milieu, vn coffre demy ouuert, & des branches de Cyprés sortans d'iceluy d'vn costé & d'autre, avec vn ioug.



*Qui furent par moy ainsi interpretez.*  
DIIS MANIBVS.

Mors vite contraria, & velocissima, que cuncta calcat, suppeditat, rapit, consumit, dissoluit, mellifluè duos mutuo se strictim & ardentè amantes, hic extinctos conjunxit.

C'est à dire,

AUX DIEUX INFÉRIEVS.


*Mort contraire à la vie, & tresprompte qui tout foule, suppedite, yant, consume, & separe, & icy conioint morts 2. personnes qui s'entr'aimoient tres-doucemēt, estroitement, & ardamēt.*

L'on peut penser que i'estois singulierement resiouy de la diuersité de ces ceuures antiques, excellentes, & admirables, car d'heure en heure me croissoit le desir d'en chercher les pareilles. Mais il m'aduint que si auparauant i'auois esté meū à pleurer par l'Epitaphie Grec des deux miserables Amants morts de faim, encore en treuuy- ie vn plus pitoyable de deux autres infortunez, taillé en vne grande pierre, dedans vn carré, leué de son diagonè, contenant en soy deux piliers, continuez d'vn demy rond, esquels pendoit yn tableau, graué de ces mots pitieux,

O Lector, infelix hoc monumentum, adscitum, te vocat, & post inde  
 roga, quo recidit humana voluptas, ut legas, Dum cinis hic amantum  
 est, qui dudum mutuo cum prurienti amore insolenter exardescerent, im-  
 proba voluptatis impulsu effreni, desertum conueniunt in locum, saxa in-  
 ter diruta, ubi etiam foris adium sacrarum muri confracti, & salabra  
 ruina exstant: ubi eum Veneri optata manera ambo soluere arribiliter  
 vrgeremur, & supina ego Lopidia anguem in altum lapsum minitantem  
 viderem, Heu obe ab incipio desine, inquit mi Chrysanthe, surge, fuge,  
 en serpens voraturus nos, vibraturum sese illum e muro prospicio. Mox  
 ille exterritus suspiciens. O Lopidia, inquit, mea amabo ito viam fuge  
 tu viam, sine me moribundum Draconem impetere. Vix surrexeram.  
 Heu tristem me miseramq; meum Chrysanthem, meam vitam, ad exi-  
 tium irretitum, ac anguinea stricillim circulatum vortigine, iam iam an-  
 xie respirantem videbam: de subitoq; iugulum meum Chrysanthe dentibus  
 vulneratum mordis: tum suffocari, meum Chrysanthem intueor. At at  
 perij infelix, meum Chrysanthem mori sentio. Statim furibunda irruo  
 in serpentem: captusq; fuisse, plectere festino, ast serpens cervicem rixan-  
 tem diuoriat, nec arcti complicitum abigere valui scilicet tandem incaute  
 fallens, Chrysanthem meum occidi, infelicissima. Heu interij. Quid feci?  
 Quid faciam? Tam misera superstes erit? an serpens & ego? Nequa-  
 quam, sed Herculeo ausu, imo laruali furia ringibunda, eo ipso stipite  
 conuerso impetu cadaueri lapsa circumatam bestiam eam ferio atque ne-  
 co. Quid tum puella factura eram perdita & emortua? Meum Chry-  
 santhem & belluam meae sceleris testes scapulis super injectos in urbem  
 effero: & ne obnoxia euaderem, suspiriis, cordolio & lacrymis identidem  
 irrorans, suggestum quendam in foro publico ascendo, ac suspirulans pa-  
 lam rem facio, cateruatim civium concursus ad crudele & inuisum spe-  
 ctaculum rixa ruit, casum miseranter mirantur, fortunam incusant,  
 Venerem damnant. Testor scelus meum: numina inferorum inuoco. Eia  
 ergo, inquit, me una cum meo Chrysanthe poenas daturam suscipite:  
 nunc culpam in me mihi omnem transferam. Tum desperata in publico  
 omnium aspectu arrepto gladio pectus transfixi, eiusque cum cadauere  
 hoc me aeternum tumulo sepeliendum dedi miserima. Vale.

O Lecteur, viens icy, ie te prie. Ce malheureux monument t'y appelle, & apres ie requiers que tu lises à quelle fin tombe la volupté humaine. Cy est la cendre de deux Amants, lesquels jadis outre mesure embrasés de l'amour l'un de l'autre, se laissans emporter à l'importune persuasion de volupté immoderée, se treuverent en vn lieu desert, entre les ruynes d'vn vieil Temple destruit. Estans là, & desirans ardamment d'accomplir leurs vœux à Venus la Déesse. Moy Lopidia couchée à la renuerse ie vis vn serpent sur vne muraille démolie, qui se vouloit lancer à nous. Or cesse, las ! mon amy Chrysanthes leue-toy, & t'enfuy : car voila vn horrible serpent qui veut nous deuorer tous deux. Adonc il regarda en haut tout effrayé, & m'escria. Ah ! Lopidia sauue-toy, laisse-moy mourir, & resister au serpent. Ie ne fus pas si tost leuée, hélas ! moy miserable, que ie vis mon amy, & ma vie Chrysanthes, mortellement enuélé, & lié tres-estroitement des entortillemens de ce serpent, tant qu'il ne pouuoit desia plus respirer, car il le tenoit à la gorge. Hélas ! ie vis en ma presence suffoquer mon cher Chrysanthes. Hélas ! malheureuse, ie suis perduë ? ie voy mourir mon Chrysanthes. Lors tout soudain ie prens vn baston, comme furieuse, & court sus au serpent : lequel ainsi que ie me hastois de l'assommer, destourna sa teste, grinçant les dents, & ainsi entortillé ie ne le peus chasser : parquoy voulant redoubler d'vn autre coup, ie faux, & sans y penser tuë mon amy Chrysanthes. Hélas ! hélas ! mal fortunée, ie suis morte. Qu'ay-ie fait ? que feray-ie tant miserable ? qui demeurera, du serpent ou de moy ? Ce dict, par vne hardiesse Herculienne, ou plustost par rage infernale, ie reprens ce baston, & recharge sur la cruelle beste, enuironnant le corps qui gisoit mort à terre, où pareillement la jettay morte. Que pouuois-ie lors penser ou faire, simple fille esperduë ? Ie mets sur mes espauls mon Chrysanthes, & la beste par moy occise, comme tesmoin de mon forfait : puis ie les portay en la cité, affin que ie n'eschappasse impunie, arrosant mon amy de larmes, & l'accompagnant de souspirs angoisseux de mon cœur. Ie montay sur vn lieu haut en la place publique, où en soupirant ie recitay le cas deuant tous. Le peuple accourut à ce hydeux spectacle, & les gents me regardoient en pitié, blasfant Fortune, & maudissant Venus. Ie confessay mon forfait, & inuoquay les Dieux inferieurs. Or sus, dis-ie, receuez-moy avec mon amy Chrysanthes, pour estre punie : ie mettray toute la coulpe sur moy. En fin desesperée, deuant tout le monde ayant pris vn cousteau ie me le planté en l'estomach, & miserable ie me suis donnée pour estre éternellement avec ce corps enseuelie en son tombeau. Adieu.

Ayant leu la piteuse aduerture des deux pauures Amants, ie me party de ceste place, & n'eus pas beaucoup cheminé, que ie treuuy vne belle table de marbre, quarrée, avec son frontispice, gisant à terre, & deux petites colonnes, vne de chacun costé, entre lesquelles dedans le quarré, autant qu'il contenoit de large, estoit taillé vn chapeau de triomphe, plus enleué que la demy taille, l'escriture estoit tournée deuers le haut : on y lisoit encore s.



Quisquis leoturus accedis, caute si  
 amas: at si non amas, pensacula miser  
 qui sine amore viuit, dulcis exit nihil.  
 Ast ego tam dulce anhelans me incaute  
 perdidis, & amor fuit. Equo, dum aspe-  
 ctui formosissima Dyrnionia puella vir-  
 guncule summa Polyoria placere cupe-  
 rem, casu desiliens, pes hasti stapia,  
 tractus interii.

In rem tuam mature propera. Vale.

Polyoria,  
 foin, cure.

*Qui se doit ainsi entendre,*

Qui que tu fois qui viens icy pour me lire, garde-toy si tu aymes: & si tu n'aymes, pense (miserable) que sans amour il n'y à rien de doux. Mais en cherchant ceste douceur, ie me suis inconsidèremment perdu. Aussi amour en fut la cause. I'estois sur vn cheual, & desirois de tout mon cœur complaire à Diruionie, ieune fille de parfaite beauté: Ie tombay par fortune, mon pied demeurant en l'estrier: dont ie fus traîné, & ie mourus.

*En tes affaires haste-toy meurement. Adieu.*

Mon desir de veoir augmentoit de plus en plus, quand ie donnay en vne autre Tribune, toute abbatuë, referuë la muraille du costé droict, où ie vis vn sepulchre de Porphyre, excellent en inuention, & de bien singulier ouurage, voire (certes) de merueilleuse despense, estant fait en ceste maniere. A chacun des costez il y

Aa iij

auoit vne colonne carrée cannelée, avec sa base & piedestal, & en chacune face des pedestals trois Nymphes, quasi de relief toutes entieres, plorantes, & tournées deuers le milieu du tombeau. Sur les chapiteaux des colonnes estoient l'architraue & la frize, toute taillée de feuillages, & encore apres la corniche. Entre les deux colonnes estoit vn throsne rabaislé dedans la pierre, en façon de nid, entre deux colonnes, de basse taille, avec bases & chapiteaux, & par dessus vne voulture à demy retube, séparée du throsne par vne petite moulure qui partoit des chapiteaux, posez sur les demy colonnes. Entre les deux piliers quarez y auoit vne inscription Grecque, qui me fit cognoistre que c'estoit le monument de la bonne Royne de Carie.

ΑΡΤΕΜΙΣΙΑΟΣ ΒΑΣΙΛΙΣΣΑΣ ΣΗΘΑΟΣ.

C'est à dire,

LES CENDRES DE LA ROYNE ARTEMISE.

Au dessous du throsne, sur vn plinthe, estoient quatre pates de Lyon de cuyure doré, qui soustenoient vn coffre antique, seruant de banc, & sembloit couuert d'vn drap d'or figuré. Là estoit assise vne Royne en habit de Majesté: & au bord de sa houplande faicte en forme de trois demy cercles, pendans plus bas que la ceinture, se monstroit escrit en lettres Grecques, de pierreries & de perles.

ΜΑΥΣΟΛΑΙΟΝ ΑΤΙΜΙΤΟΝ.

C'est à dire,

LA MAVSOLEE SANS HONNEVR.

En la main dextre elle tenoit vne coupe, comme si elle eust voulu boire: & de l'autre portoit vn sceptre, les cheueux pendans sur son col, & couronnée d'vne couronne, il y auoit vne autre petite couronne à l'entour de ses cheueux pendans & bien peignez. Au coing de la voulture de son throsne il y auoit vn ouale, dedans lequel estoit taillée vne teste couronnée, le visage graue, la barbe longue, & les cheueux entortillez: qui me fit conjecturer que c'estoit la vraye ressemblance de son mary, pourtraicte apres le naturel, tenué par deux petits enfans volans, plantez sur la derniere moulure de la voulture: & de leurs autres deux mains tenoient vne cordelette de cuyure doré, pendante au dessous de la teste. En celle corde estoient enfilées plusieurs petites billetes de la mesme matiere. Sur le plan de la derniere corniche, soustenué des piliers quarez, estoit vn plinthe plus large par le bas que par le haut, orné de ses moulures: & au dessus vn rond de cuyure doré, où estoit enchassée vne pierre noire & luisante, ornée de tels caracteres.

ΕΡΟΤΟΖ ΚΑΤΟΡΤΡΟΝ.

C'est à dire,

MIROIR D'AMOUR.

Le rond doré auoit quatre doigts de largeur, faicte à petits compartimens & feuillages

fuillages de demy taille. Plus haut que ce rond il y auoit vne figure d'homme, semblablement de cuyure doré, planté debout au milieu de ce plinthe. En sa main dextre estoit vne lance, & en la senestre vne targue antique, ornée de belle sepulture. Au plan du plinthe estoient assis deux petits enfans volants, tous nuds, appuyans leurs espaules contre le rond, & tenans chacun vn flambeau allumé. Plus bas il y en auoit encores deux autres semblables, tenans aussi la main sur vne boule, & de l'autre, lance d'vn chandelier antique de cuyure doré, faicts en forme de vase. Les ances estoient deux Dauphins courbes, mordans vn pommeau du candelabre : & leurs queuës finissoient en poincte sur la corpulence, ou ventre du vase, qui alloit toujours en diminuant de grosseur iusques à la poincte, où estoit la gueule, sur laquelle y auoit cinq poinctes, à sçauoir quatre en rond, & vne au milieu, plus haute que les autres. Le pied du chandelier estoit entre les deux jambes de l'enfant. Toute ceste sculpture estoit posée sur vn quarré de pierre serpentine, leué sur le paué sans aucunes moulures, excepté que ie vis au milieu vn trophée d'enseignes maritimes : & adonc ie pensay que c'estoit en remembrance de la victoire nauale que ceste Royne obtint sur les Rhodiens. C'estoit l'esperon d'vne gallere, avec partie de la prouë sur laquelle estoit dressé vn tronc d'arbre, reuestu d'vne cuirasse antique, les branches passant par l'ouuerture des bras : en l'vne desquelles pendoit vn escusson, & en l'autre le manche d'vne pompe à vuidier la sentine : au dessous de la cuirasse vn ancre, & vn tymon entrauersez. Sur la poincte du tronc qui sortoit par le collet de la cuyrassse, estoit vn cabasset à creste : toutes ces figures faictes en extrême perfection & beauté, dignes d'estre veuës, & celebrée en perpetuelle memoire. L'estime aussi qu'elles furent taillées par les ouuriers qui furent employez au Mausolée.

Bb



ΕΡΟΣ  
ΚΑΤΟΡ  
ΤΡΟΝ


ΑΡΤΕΜΙΣΙΑ  
Ο Σ  
ΒΑΣΙΛΙΔΟΣ  
ΣΡΟΔΟΥ



Il ne me seroit pas facile de dire quel contentement j'auois de veoir des choses tant exquisés : car j'estois de plus en plus incité d'en enquerir & chercher d'autres : & me sembloit tousiours que ce que ie treuuois de nouueau, estoit plus à priser que ce que j'auois laissé.

A peine auois-ie destourné ma veuë de ce sepulchre, que j'apperçeu au haut d'vn petit tertre vne belle pierre de marbre, en laquelle estoient entaillez deux ieunes enfans nuds, ouurants vne courtine à deux rideaux, sous laquelle estoient deux testes, l'vne d'vn beau ieune homme, & l'autre d'vne belle femme, avec vn Epitaphe de leur miserable accident, qui disoit.

B b ij



Aspice viator Q. Sertullij & dulciculæ sponsæ meæ  
C. Ranciliæ virg. simulacrum, ac post inde, quid fa-  
ciat licentiosa fors, legito. In ipsa florida ætate, cum  
acrior vis amoris ingrueret, mutuò capti, tandèm so-  
tero eius & matre focru annuentibus, solenni hyme-  
næo nuptijs copulamur. Sed ô fatum infœlix: nocte  
prima, cum importunæ voluptatis ex lege, faces ex-  
tinguere, & D. matri Veneri vota cogere mur redde-  
re, heu ipso in actu domus maritalis corruens, ambos  
iam extrema cum dulcitudine lætissimè complica-  
tos oppressit. Funestas sorores nec noui quid fecisse  
puta: non erat in fatis tum nostra longior hora. Cha-  
ri parentes nec luctu, nec lachrymis misera ac larvata  
nostra defleatis funera, ne reddatis infœliciora: at  
vos nostris diuturniores viuite annos optime lector,  
ac viue tuos,

*Dont le sens est tel.*

Regarde passant le simulachre de moy Quintus Sertullius, & de ma chere espouse Caia Rancilia, pucelle : & apres lis ce que la Fortune fait à son plaisir. En la fleur de nostre aage, lors que l'amour à plus de force, nous nous entr'aymasmes grandement : à la fin du consentement de mon pere, & de sa mere, tous deux fusmes assemblez par mariage. Mais (ô la malheureuse aduerture !) la premiere nuit que nous estions pour esteindre (selon la loy) les brandons d'importune volupté, & rendre nos vœux à la grande Déesse Venus, hélas ! en cét instant la maison nuptiale ruyna sur nos testes, & nous tua comme estions embrassez. Ne pense pas pourtant que les Sœurs fatales ayent en cecy fait aucune chose de nouveau, car l'heure de nostre destinée n'estoit pas plus longue. Tres-chers parents ne plorez point nostre piteux trespas, afin que par vostre deuil ne le rendiez plus miserable : mais vivez, vos ans plus longs que les nostres. Et toy, Lecteur, use les tiens en ioye.

Lisant ceste piteuse desconuenüe, ie ne me peus abstenir de soupirer : & en tournant ma veüe, i en vis vn autr de marbre blanc, posé au milieu de deux colonnes, taillées sur le massif en demy relief, avec leurs bases, chapiteaux, architraue, & frontispice, dedans le plat-fonds duquel y auoit deux tourterelles qui beuuoient en vn vaisseau. Sur les colonnes regnoit vne voulte, ayant l'arc vn peu large, distribué par quareaux à rosaces, qui se dimiuoient vers le centre, suiuant la raison de la perspective : & sous la voulte vn coffre saillant dehors, en la face duquel y auoit deux portes : en l'vne entroient quelques personnes nuës : & de l'autre sortoient des petits enfans non vestus : d'entre ces deux troupes partoit vn escriteau, qui me fit cognoistre que le coffre signifioit ce monde, & ses deux portes, l'vne par où l'on entre en naissant, & l'autre par où l'on sort en mourant, mais tousiours avec plainctes, pleurs, & miseres. Ce coffre estoit assis sur deux pieds de Harpie, finissants en fucillage, & au dessous de la voulture estoit vn Epitaphe Latin.



D DITI ET PROXER S

V. F.  
*Trebia Q. L. Trebij filia, amoris  
monumentum & pietatis A. Fibustius  
vir, cum quo summo desiderio deliciose vixit  
mensum unum, dies tres.*

*Hec mea vxor quàm amantissima, mihi in-  
felicissimas lachrymas & eternos luctus reliquit,  
extremo perturbata Zelo, me cum suspicaretur  
alia cum foemina iacuisse, in furorem dulcissimo  
conuerso amore semet ferro pectus per medium  
trajecto necauit. Hei vxor, cur hoc? Michare  
conjunxi nec factum tantum, sed & suspectum  
amanti demere debueras. Vale liber, at ego in-  
certa infelici & trepida vita soluta quiesco.*



MATVRAE  
MATRIS  
DENIGN  
V M  
EDI  
CTV  
M

MATVRAE  
NOVERCAE  
INEVIAB  
I L E  
STAT  
VTV  
M



Ceste miene femme qui m'aimoit tant, m'a laissé des malheureuses larmes, & vn deuil éternel, troublée d'extremie jalousie, ayant opinion que j'eusse couché avec vne autre femme, son tant doux amour tourne en fureur, elle s'est tuée, se donnant d'vn acier dans le sein: Helas! ma femme. Pourquoi cela? Mon cher mary. Tu deuois non seulement oster l'effect: mais aussi le soupçon pour alseurer ton amante. Adieu fois libre de moy, ie ne repose deliurée d'vne vie incertaine, malheureuse, & pleine de crainte.

*Qu'il faut ainsi interpreter.*

Cy est le monument de Trebia, fille de Lucius Sextius Trebius: & pour memoire de son amour & debonnaireté, luy fut mis par Aulus Fibuftius son mary, avec qui elle a vescu en grand plaisir, seulement vn mois & trois iours.

Les lettres qui sont dedans les deux tables du monument, disent.

*L'inevitable statut de la  
marâtre nature.*

*Le benin edict de la  
mère nature.*

Ie m'adressay apres à vne autre Tribune demy rompuë, en laquelle estoit encores demeuré vn petit reste de peinture musaique, & n'y auoit point de sepulchre. Entre les figures j'apperçeu Proserpine qui cueilloit des fleurs aupres du mont Etna, avec la Nymphé Cyanée, & les Syrenes, ses compagnes. Puis ie vis Pluto, sortant du haut de la montagne à trauers vne grande gueule ardente, & comme il la rauissoit, la tirant parmy les flammes. Cyanée la regardoit en pleurant, & ne la pouuoit secourir, là finissoit l'histoire, mesmes la figure de Cyanée n'estoit pas du tout en son entier. La muraille estoit fenduë, & entr'ouuerte en plusieurs endroits, voire perçee de lierre, & grosses racines de Figuiers sauvages. Ce neantmoins j'y contemplay d'vn œil arresté vn petit fleuve, qui auoit encores quelque peu d'apparence de forme humaine, n'estant qu'à demy transformé: & ainsi que mon entendement estoit occupé en si plaisante contemplation, ie sentis tomber quelque chose derriere moy, dont ie fus aucunement effrayé, pour me treuver seul en vn lieu tant desert. Adonc tournant la teste, ie vis que c'estoit vne petite Lezarde, courant sur la muraille, qui auoit abbatu vne pierre. Ce m'estoit (certes) grand desplaisir de ce que ie ne pouuois veoir à mon ayse toute ceste peinture entiere, ains la pluspart défaire & effacée, à cause qu'elle auoit trop long-temps demeuré à l'air, à decouvert.

Fantaisiant donc en ceste maniere sur le rauissement de Proserpine, ie me sentis frapper d'vn triste pensément, lequel me fit dire à part moy. O pauvre imprudent & mal-aduisé, plein de curiosité inutile, qui est de t'amuser aux choses vaines & passées: pourquoi vas-tu cherchant les vieilles pierres brisées & pourries? A quoy te laisses-tu transporter? Or si par mal-auanture ta chere Polia t'estoit presentement rauie, & que par ta nonchalance tu perdisses le bien que tu estimes plus cher que tous les thresors du monde, que ferois-tu? Disant cela, ie fus surpris d'vne peur accompagnée de sièvre & douleur trop terrible, avec vn frisson si tres-rude, qu'oncque ie ne me peus soustenir sur les pieds. Et pour accroistre mon doute, me reuint en la memoire comme Aeneas auoit perdu sa Creusa, en fuyant le grand feu de Troye. Et que tout de mesme j'auois laissé ma Polia loing de moy en vn lieu desert sur la marine. Helas! comme j'experimentay en telle heure que c'est de griefue angoisse en la condition des amants. A la verité ie ne fus point si esperdu lors que ie me vis tout prest d'estre deuoré par le dragon: parquoy ma demeure ne fut pas

longue, ains abandonnay incontinent ceste entreprise, & me mis à courir à trauers les ruynes & monceaux de pierres, parmy les ronces & espines, sans regarder à ma robe pelée, dont il demeurait des lambeaux à chacun coup aux arrests des buissons: car j'auois imprimé en ma fantaisie que j'estois venu à mon dernier malheur, à ma peur finale, & à la perte de tout mon espoir. Ainsi courant à toute force ie veins d'auanture tomber pres le giron de Polia, hors d'haleine, noyé de larmes, à demy vif, & tant failly de courage, qu'à grande difficulté peus-je arriuer iusques à elle: qui fut (certes) vn peu esmeuë de me veoir tant espouuanté: elle me leua entre ses bras, essuyant avec vn linge mon visage, tout mouillé de larmes, terny de sueur, & crasseux de la poussiere: puis amoureuxment me demanda la cause de cét accident, en paroles si douces & tant amiables, qu'elle eust resuscité vn mort. Oyant ceste gracieuse demande, ie reuins soudainement à moy, & me treuuy en son giron, hors de toute doute & mal-aise: puis luy comptay de poinct en poinct: ma peine & la cause de mon inquietude, dont elle se print à soubsrire, & me baïsa doucement, en disant que bien-tost viendrait Cupido nostre maistre, & que cependant ie demeurasse en patience, considéré que le souffrir est souuent cause de grand bien. Ie me treuuy grandement consolé de ces gracieuses paroles, & remonstrances tant humaines: parquoy ma couleur de Buys reuint en son lustre naturel, & ma peur excessiue se changea en fermeté de courage, si bien que mes yeux retournerent à leur office accoustumé, pour viure de leur pasture ordinaire. Ie n'eus guieres esté en ce bien, que Polia se leua d'où elle estoit assise, & s'enclinant honorablement, fit vne reuerence fort gracieuse, humble & honneste: puis se mit à genoux: dont ie fus tout esbahy, car ie ne scauois qui la mouuoit, & regardoit à autre chose qu'à sa grande beauté nompareille, en quoy mes yeux estoient si empeschez, qu'il ne m'estoit possible de les en destourner: toutesfois ie fis de ma part ainsi comme ie luy vis faire, sans scauoir pourquoy, ny à qui: & me mis à genoux aupres d'elle. Adonc soudainement j'apperçeus Cupido tout nud, qui venoit dedans vne barque, & abordant à terre, tourna la poupe deuers le mole ruyné. Mes yeux ne peurent onc souffrir les estincelles de sa clarté diuine, ainsi j'estois contrainct de mettre ma main entre deux. Chacun peut estimer que ie ne me cuidois plus entre les hommes, ains en la compagnie des Dieux, voyant vn esprit celeste en corps visible, ce qui n'aduiet guieres souuent. L'entre-vis sa teste atournée de petits cheueux crespelez, ressemblants à petits filets d'or: & des yeux decorans deux petites jouës rondettes, de couleur d'vne rose vermeille: & toutes les autres parties si excellentes en beauté, que ie reputois bien-heureux celuy qui seulement auroit pouuoir de le penser. Il auoit (comme Dieu volage) deux aïlles de couleur cramoïse, entre-mêlée d'or & d'azur, à la guise du col d'vn Pan. Ce voyant Polia, & moy, ne nous leuâmes de genoux iusques à ce qu'il se print à parler: & m'apperçeu qu'il s'esmerueilloit de la singuliere beauté de ma Dame, ensemble de sa bonne grace & extrême douceur: qui me fit conjecturer qu'en son courage il la preferoit à l'amie Psiché, & l'estimoit plus belle & trop plus gracieuse, sans comparaison. Lors d'vne voix diuine (qui peut reünir & rassembler toutes choses diuisées, abbatre les tempestes, & appaiser le courroux de la mer) ce petit Dieu se print à dire. Nymphé Polia, & toy Poliphile, vrais obseruateurs des amoureux loix de la Déesse nostre mere, & qui puis n'aguieres auez fait profession en son saint temple, ie vous fais scauoir que vos deuotes prieres, & sacrifices, sont paruenus deuant sa Deïté, & luy ont esté agreables, tellement que par vos oraisons & volontaire seruite, auez d'elle impetré heureuse fin, & efficace à vos desirs amoureux. Or vous mettez donc maintenant sous ma protection, & entrez dedans mon batteau, sans lequel aucun ne scau-

ne ſçauoit paſſer au Royaume de ma mere, & ſans que ie luy meine, moy-meſme, qui ſuis le vray pilote & marinier de ce voyage. A ces paroles Polia ſe leua promptement, & me print par la main ſans mot dire: puis entra en la barque: & s'en alla ſeoir en la poupe, où ſemblablement ie me mis joignant d'elle. Si-toſt que nous fuſmes embarquez, les Nymphes deſborderent de terre, & commencerent à voguer. La barque eſtoit à ſix rames, non eſpalmée de ſuiſ, ny autre greſſe, mais d'une mixtion precieufe, compoſée de muſq, ambre, ciuette, banjouyn, labdan, & ſtorax, incorporez par proportion conuenable, avec bois de ſandal, blanc & citrin: les cobans eſtoient d'aloës: parquoy iamais ne fut ſentie vne odeur plus aromatizante. Les cloux furent faits de fin or, & en leurs teſtes eſtoient enchaſſées beaucoup de pierres precieufes. Les bancs ſe monſtroient de ſandal rouge, & les auirons d'yuoire, le ſcalme d'or, & les ſtropes de ſoye. Là vogoient ſix belles Damoiſelles à fleur d'âge, veſtuës d'un linge deſſuë, leger, voletant en l'air, & tel, que quand le vent le faisoit joindre au corps, l'on pouuoit veoir tous les muſcles & lineaments de leurs perſonnes, & les mouuements gracieux. Aucunes auoient les cheueux blonds & dorez, agencez par entre-laz à l'entour de leurs teſtes: d'autres les portoient plus noirs que fin ebene, croiſſant aux Indes: parquoy c'eſtoit vne choſe de ſingulier contentement de veoir les deux contraires à l'opposite l'un de l'autre, pour les parangonner enſemble. Leur charnure ſe monſtroit plus blanche que neige, mais ſur tout au viſage, au col, aux eſpaules, & en l'eſtomach. Leur chef eſtoit enuironné d'une cheuelcure trouſſée à beaux cordons & trefſes, faiçtes en façon de paſſement, lié de tyſſus de fil d'argent, & ſerrée par derriere avec vn fillet de groſſes perles Orientales, tant qu'il n'eſtoit rien au monde plus exquis. Il y en auoit quelques-vnes garnies de chapeaux de roſes, & autres fleurs, deſſous leſquels leurs cheueux volletoient à l'entour du front: elles auoient la gorge plus polie que fin albaſtre, mais encores elle eſtoit décorée d'un ſomptueux collier de pierres precieufes: & leurs corps ceints au deſſous des mammelles, pour faire joindre l'accouſtremet que les tetins repouſſoient en dehors, comme rebelles, & ne voulans eſtre pouſſez. L'ouuerture ſur la poiçtrine eſtoit bordée d'un paſſement de fil d'or traicé, pourfilé de perles, & par dedans enrichy de pierrerie: ie ne ſçauois promptement declarer ce qui me fut permis de veoir: car ie jouyſſois en mon cœur d'une lieſſe tant extrême, qu'il m'eſtoit aduis que ie poſſe- dois (par fantaſie) toutes les felicitez des bien-heureux. Lors les Nymphes de ceſte barque, Aſelgie, & Neolée, veſtuës pompeuſement d'un beau taſſetas Attalique, tiſſu de fil d'or, & de ſoye Perſe: Chlydane & Oluolie, parées d'un voluptueux habit Babylonique, de couleur marine: & Adia & Cypria, mignotées d'un fin damas à fueillage d'or traicé, bordé d'orfeuerie, ſe prindrent à exciter à qui mieux mieux. L'on pouuoit veoir leurs bras tous nuds, plus naïſuement blancs que fleurs de Lys: & le vent qui ſouffloit tres-doux, ſerroit leurs veſtements, faiſant veoir aucunes fois la rondeur des tetins, d'autres la greue, ou bien les pieds liez par deſſus à rubens & cordons de ſoye, entre-laſſez avec leurs demy-chaufſes, verdes ou vermeilles, corde- lées ſur le bord de la jambe à petits laſſets de ſoye, paſſez dans des annelets d'or. Certainement elles eſtoient propres pour ſeruir le Seigneur à qui elles eſtoient.

Quand nous fuſmes eſloignez de terre, les Nymphes enſrenerent leurs auirons, & tournerent leurs viſages deuers leur maĩſtre, qui eſtoit en la prouë, luy faiſant vne reuerence tres-humble: puis ſaſſirent les doz encontre nous: & pluſtoſt ne furent en tel ordre, que Cupido noſtre patron eſtendiſt ſes aiſſes, appellent Zephyrus, pour luy ſouffler dedans comme en des voiles. Ce qu'il fit de ſi bonne ſorte, que nous commençafmes à perdre la veüë de terre, & vogaſmes en haute mer avec ſinguliere bonace, voire certes en tel plaĩſir, que ie ne ſçache cœur ſi farouche qui ne ſ'y

fust appriuoisé: ny concupiscence tant esteincte, ou desir tant esperdu, & dégoulté, qui ne se feust allumé. C'estoit assez pour enamourer Diane, conuertir le chaste Hippolyte, & forcer la prudente Pallas tousiours armée. Or considerez comment s'en deuoient sentir les mortels, qui en estoient si proches, aspres & disposez, pour estre eschangez & bruslez de si doux feux.

Estois adonc comme le petit poisson né en l'eau chaude, lequel mis en autre pour cuire, ne peut eschauffer ne boullir.

Je contemplois les ailles de ce diuin esprit, auxquelles y auoit quelques plumes folletes, tremblantes au vent, & representantes le pennage d'une Aigrette marine, non encores sortie du nid.

O qu'elles estoient belles & luyfantes, de couleur d'or, déclinant sur le rouge, & en autres endroits sur l'azur, ou violet. Il y en auoit tendant sur l'esmeraude, les couleurs tant bien assorties, qu'il n'est possible à la peinture de les contre-faire si naïfement.

Il sembloit à vray dire que tous les ioyaux de nature fussent apportez de son tresor pour estinceller en cet endroit: car elles luysoient comme lames de fin or bruny, pendues au vent, & brillantes contre le soleil, de sorte que l'eau sembloit estre peincte de leurs couleurs, qui estoient soudain effacées par l'inconstance des ondes, s'eslargissans en grands rondeaux.

L'air estoit clair, la mer calme, l'eau claire comme crystal, si bien que l'on en voyoit le fonds tout pavé de beau sable doré, & plusieurs petits escueils, ou islettes, couuertes d'arbres, mesmement les isles Sporades, si verdes, & tant fertiles, que nulles plus: ensemble plusieurs autres lieux loingtains à perte de veüe, qui ressembloient petites taches noires dessus l'eau. Au long de la marine, les arbres, arbrustes, & buissons de myrthe & de lenthisque, ombrageoient l'eau pleine & vnie, dedans laquelle on les apperceuoit comme en la glace d'un miroir, exptimez d'une telle sorte, qu'il sembloit que ce fussent les naturels. Continuant donc nostre doux nauigage, auquel commandoit en lieu de patron, le Souuerain Monarque Amour, treuue amer en extreme douceur, & singulierement doux en gricfues amertumes, & par qui se peut dire heureux celuy qui est tant soit peu en sa grace: ie vis venir les Dieux Marins pour luy faire la reuerence deuë. Premierement le vicil Neptune à la barbe inde, esparpillée, tenant sa fourche-fiere à trois poinctes, & monté en vn chariot, tiré par deux grands Balaines: à l'entour de luy les Tritons, soufflants en coques de lymalles de mer, tournées en mille modes estranges. Ils en auoient fait des buccines & cors, dont ils menoient si grand bruiet, qu'ils en faisoient retentir l'air de toutes parts. Ces Tritons estoient accompagnez d'une multitude presque infinie de Nymphes Nereïdes, montées sur beaux Dauphins, qui suiuent naturellement le vent Grec. Là treuua Nereus avec sa Dame Chloris, puis Ino & Melicerte, en chariots formez de coques de Tortuës. Le vicil pere Ocean y vint, accompagné de son Espouse l'ancienne Amphitrite, & de toutes leurs belles filles. Apres suiuoient Eridanus, Cephus, Sperchius, & Tybris, monté sur vne boule. Là fut aussi le dolent Æacus, vestu de deuil, & lamentant en voix plainctiue sa chere amie, que le serpent auoit piqué. Alcione y accourut, se complaignant de la longue demeure de son amy Ceix. Le muable Protheus, tiré par des cheuaux marins. Le pescheur Glaucus, avec Scilla sa mie: & plusieurs monstres Hippophares & Antropophares, moitié cheuaux, moitié poissons, ou demy poissons & demy hommes, alloient nageant, plongeant, & sautant sur la mer, qui blanchissoit d'escume, & bruyoit à l'entour d'eux, en rejaillissant contremont, tant que l'on en perdoit la veüe: & tout cela se faisoit pour faire honneur à nostre grand patron, à qui toutes choses obeyssent. Outre cela, il vint vn grand nom-

bre de Cygnes, aucuns allans sur l'eau, & d'autres volans autour de nostre barque, en chantans par grande melodie, pour donner loüange à nostre maistre, & le saluër, ou reuerer à leur pouuoir. Certainement combien que ie fusse entre tous les soulas que l'on pourroit imaginer, si estois-ie bien esbahy de veoir tant de Dieux Marins, Déesses, Nymphes, & monstres aquatiques, dont ie n'auois aucune cognoissance. Et neantmoins me sembloit que ie triomphois comme vn Empereur victorieux, apres de ma chere Dame Polia, mesme que j'estois parfumé d'odeur inestimable, & enrichy de tous les delicieux thresors du monde. Parquoy ie disois en mon cœur. C'est ce que i'ay tant desiré : voicy mon secours si long-temps attendu. Or tiens-ie pour bien employez tous les traueux, peines, & martyres, que i'ay souffert à la poursuite. Benis soient les pas que i'ay cheminé en l'amoureuse queste. Cela, crois-ie, est moins que rien, en comparaison de la moindre part de l'aïse que ie sens à ceste heure. Onques Cynthia n'eut tel plaisir avec son amy Endymion, pour qui elle laissoit les Cieux, se contentant de reposer en vne barque de pescheur : car ma Dame pourroit mettre tous les Dieux à son commandement. Ainsi estois-ie entre mes deux Seigneurs & Maistres, regardans puis l'vn, puis l'autre, d'vn œil inconstant, & peu assuré, pource que ie ne l'eusse sçeu arrester. Il ne m'estoit pas possible de discerner la difference d'entr'eux d'eux, sinon par la diuinité. Chose qui me contraindoit d'abandonner mon ame à tous deux, la recommandant à la puissance de l'vn, qui luy pouuoit pardonner ses fautes & erreurs : & à la volonté de l'autre, à ce qu'il luy pleust y donner consentement. Toutesfois ie me persuaday par vne confiance certaine & indubitable, que de ceste assemblée ne se deuoit, ny pouuoit, esperer autre yssue que bonne, & grandement loüable : car desormais ma Dame ne pouuoit plus eschapper de ceste barque, pour s'en retourner en arriere. D'auantage la deuise escripte en lettres hieroglyphes dedans nostre banniere, me donnoit tout espoir de paruenir à la satisfaction de mon desir. Parquoy ie me tins pour conduict à bonne auanture. D'vne seule chose estois-ie esmerueillé, à sçauoir comme le feu que cét enfant portoit pouuoit brusler en l'eau, & aller au profond de la mer eschauder Neptune, puis monter iusqu'à Iupiter : & comme les hommes mortels qui sont jettez au trauers, viuent en luy, & s'en nourrissent : aussi par quel moyen ma Polia y resistoit si vigoureusement, & en faisoit tant peu de compte, veu qu'il m'auoit incontinent tour allumé. O doux oyseau (disois-ie parlant à luy) comme tu as fait secrettement ton nid en mon ame ! Puis regardant les yeux de Polia. O gracieux miroirs, comme vous auez sçeu faire de mon cœur vn carquois propre aux flèches de Cupido. Or départez ensemble le butin de ma dépouille, car ie me rends vostre humble subiect, à iamais.

Ce ij.

LES NYMPHES VOYANTES EN LA BARQUE DE  
*Cupido, chanterent, & Polia chanta aussi à qui mieux mieux, dont  
 Poliphile reçeut vn grand contentement.*

## CHAPITRE XX.



E me treuuy en vn plaisir parfait au milieu de ces pompes & triomphes non accoustumez, entre ces delices & voluptez excessiues ie ressentois les espoingonnements d'amour, car aussi j'estois la butte où Cupido tiroit ses traicts par les yeux amoureux de Polia, & ses flèches entrans en mon cœur le brusloient d'vne ardeur qui s'augmontoit incessamment, mes yeux sont causes de ma douleur, mais ie leur pardonne, d'autant que leur object est si digne qu'ils ne peuuent errer.

Mais las! beaucoup plus de grief & de moleste me faisoit ce thraistre larron penser, qui forgeoit dedans le secret de mon ame tant de plaisantes figures, si beaux simulachres, & fantasies tant estranges, qu'il eust deceu la deception propre.

O quelles angoisses & detresses souffrois-ie adonc par ce voleur ennemy de mon repos, il sembloit vne des fois doux, puis tout incontinent amer: quelque coup ioyeux, puis aussi-tost triste & melancholique: voire & ne la pouois déchasser d'auec moy, n'y qui pis est, m'en desfaire: car il m'entretenoit content en ces effects contraires. Ainsi nous nauiguasmes sans tymon, & sans gouvernail, en celle barque, sans forme, & sans ordre, ayant toutes ses parties confuses, comme la prouë en la poupe, & la poupe en la prouë, où estoient assemblez tous les mysteres d'amour, & qui auoit ainsi esté faite par l'artifice de Venus, pour le nauigage de son fils Cupido: & ie puis dire qu'il n'y a langue si bien pourueüe d'éloquence, qui sceust en parler selon ce qui en est.



Au milieu de ceste barque, en la place de l'arbre estoit leuée vne banniere imperiale de drap d'or, tyssu de soye bleüe, en laquelle d'vn costé & d'autre estoient faites en broderie avec pierres precieuses, trois hieroglyphes: c'est à sçauoir vn vase antique, plein de flammes de feu, & vn monde, liez ensemble, avec vn petit rameau de peruenche, enrichy de feuillage. La banniere estoit déployée au vent, où elle rendoit vne tresgrande clarté. Et pensant à ces hieroglyphes, ie les interpretay en ceste sorte.

OMNIA VINCIT AMOR.

*Amour triomphe de tout.*

Ie m'efforçois souuent de regarder nostre patron à droict œil, mais il ne m'estoit aucunement possible, car mes yeux debiles ne pouuoient le voir. Si est-ce que quand ie les tenois à demy clos, ie comprenois vn bien peu le diuin enfant, toutesfois cou-

siours en diuerſes manieres : car à l'vne des fois il me sembloit tout double, à l'autre triple, m'apparoissant en infinies figures, ce qui (avec Polia) rendoit nostre chemin heureux & glorieux. Car il estoit plus beau, que tout ce qui est de beauté remarquable. Les six Nymphes commencerent vne chanson, d'vne voix totalement differente à l'humaine. Premièrement à deux, puis à trois, apres à quatre, & finalement à six, en musique proportionnée, avec les tremblements d'amour, pauses, & soupirs de bonne grace, accompagnez de passages, toulez par leurs gorges de Rossignols, accordantes aux instrumens qui estoient deux Luths, deux Violes, & deux Harpes, si melodieusement resonantes, que c'estoit assez pour faire oublier toutes les passions & necessitez auxquelles nature oblige les humains. Ces belles chantoient les qualitez d'Amour, les ioyeuses dérobées de Cupido, les sauoureux fruiçtes d'Hymeneus, l'abondance de Geres, & les amoureux baisers de Bacchus, composez en belle rythme. Je ne croy point que le chant par lequel Orpheus deliura des enfers Eurydice sa femme, feust à beaucoup plus pres si harmonieux que cestuy-là, ny mesmes celuy de Mercure, quand il endormit le berger plein d'yeux. Vous eussiez veu couler, ainsi qu'au trauers d'un crystal, plusieurs accens diuins, tout au long de leurs gorges, qui sembloit d'albastre, laué de cramoyssi : & ne fais doute qu'elles eussent peu endormir le cruel Cerberus, ou mouuoir à pitié la dépiteuse Tysiphoné, avec ses Sœurs, Furies infernales. I'estois là repleu de regards gracieux, meslez de doux sons d'amoreuses pensées, se promenant parmy mon imagination, d'autant plus glorieuse, que ma chere Polia chantoit doucement aussi avec elles, en laquelle estoit tout ce que Iupiter sceut onques faire, ny penser, pour l'ornement de nature humaine, & donner du sien à vne creature. I'eusse volontiers ouuert mon cœur, à celle fin qu'elle y eust veu, par experience, les diuerſes passions que l'on endure pour aymer, & come par le regard de ses yeux j'auois esté pris, & assubjetty, en seruitude perpetuelle. Apres ie disois tout bas. O souuerain Cupido, mon Seigneur naturel, tu as esté autresfois navré de tes propres sagettes, au moyen de l'amour de la belle Pſyché, laquelle tu aymas aussi affectueusement, que pourroit faire vn simple mortel, & assez te despleut du conseil frauduleux que luy donnerent ses Sœurs peruerſes : Mais encores tu te mis sur le Cypres en la nuée obscure, & eus pitié de ses angoisses laborieuses. Vſe maintenant enuers moy de ceste pitié tant loüable, veu que tu cognois (par experience) la fragile condition des Amants. Modere vn peu tes grands assaux, desbande ton arc, & oste tes brandons : car ie suis desia tout consumé d'amour. Neantmoins ie puis inferer par bonne raison, que si tu as esté cruel enuers toy-mesme, ie ne dois auoir esperance d'obtenir misericorde, ny attendre aucune pitié. Ainsi ie forgeois en mon entendement mille clameurs, mille saintes prieres, & toutesfois ie perseuerois à toutes espreuues d'amour, comme l'or au Ciment, pensant qu'encores qu'un bien longuement attendu soit plus sauoureux que le plaisir tost acquis, & sans peine : si est-ce que toute forte amour cherche de paruenir à certaine fin desirée. Abrege donc (mon Seigneur) ceste attente, anticipe cét ennuyeux espoir : car le secours tarde trop longuement à quiconques en à besoin. Puis j'accusois la tres-juste nature : car nonobstant qu'elle ait le tout sagement composé, si disois-je qu'elle a oublié, ou failly, d'assembler le vouloir & le pouuoir. Cependant nous exploitons tousiours chemin, & les Nymphes chantoient sans cesse, de ton Phrygien en Lydien, sans discorder, exprimant les douceurs de Venus, meslées parmy les fraudes & fallaces de son fils là present. Mais Polia chantoit vn remerciement des graces qu'elle en auoit receuës, & aucunesfois me demandoit qu'il me sembloit de ceste compagnie. Apres me disoit tous les noms de ces Nymphes : affermant que la perseuerance emporte la couronne pour loyer. En tel comble de tout soulas nous arriuasmes en l'isle Cycherée.


COMMENT ILS ARRIVERENT EN L'ISLE CYTHEREE,  
 La beauté de laquelle est icy descrite, ensemble la forme de leur barque. &  
 comme au descendre vindrent au deuant d'eux plusieurs Nymphes,  
 pour faire honneur à Cupido leur Maistre.

## CHAPITRE XXI.



**T**OVSIORS portez par le doux air, non pas es outres  
 d'Ulysses, mais enfoncez dans les ailles de l'Amour, com-  
 me vne odeur de roses, extrait de l'ymion & des volontez  
 de Polia, & de moy, tous deux desirans paruenir au lieu  
 déterminé pour nostre beatitude, nous nous treuualmes  
 au plus grand aise qu'onques sens humain peult sentir, &  
 & langue dire, soupirans de douceur par amour em-  
 brassée : & échauffez comme le pot bouillant à trop grand  
 feu, lequel se respand par dessus, arriualmes au port de la  
 sainte isle Cytherée, en la barque de Cupido, qui estoit ainsi accommodée.

Des quatre parties les deux estoient employées, l'vne en la poupe, l'autre en la  
 prouë, & les deux autres à la mizane, où elle estoit plus large d'vne tierce partie.  
 Les postices auoient deux pieds de hauteur sur la couuerture, & les bancs vn pied &  
 demy. La carene, & les costieres, estoient couuertes de lames d'or : laquelle sortoit  
 sur la prouë, & sur la poupe, esleuée en forme de crosse, & se replioit en façon d'vn  
 rouleau, au rond duquel y auoit vn riche ornement de perles. Du reply portoit vn  
 fuillage courant sur le plan du siege, fait de fin or, & taillé apres le naturel. L'es-  
 poisseur de ses rouleaux faisoit la largeur du palescalme, du mesme metal, cizelé  
 d'vne frize de quatre doigts de large, garnis de pierreries, & les scalmes d'ebene.  
 Tout le corps du nauire si bien fait, que l'on n'y eust sçeu veoir vne jointure, ains  
 sembloit estre d'vne piece, sans calfeutrer par dessus, sinon de la composition aroma-  
 tique, dont il estoit pegé, ou espalmé : la peincture de dessus estoit des arabesques  
 d'or moulu.




Ce lieu estoit si beau, tant plaisant & delectable, que l'éloquence mesme se treueroit trop pauvre de termes, figures & couleurs de bien dire, si elle se vouloit amuser à le descrire, & seroit vne similitude mal à propos, où n'y auroit rien de conuenable que de le comparer aux lieux par moy veuz auparauant : car c'estoit la vraye retraite de soulas & delices bien-heureuses, faictes en iardins, vergers, & petits bocages, ordonnez pour le but & derniere main de tout plaisir. Il n'y auoit roches, montagnes, ny chose qui peust apporter fascherie à la veüe, au corps, n'y à l'entendement, ains alloit plain comme la paulme iusqu'aux degrez du theatre, tout au iardnage planté d'arbres fertiles & odorans, arrosé de fontaines & ruisseaux, au long desquels y auoit des tresbucheux, coninverts, & petites surprises, pour apprester à rire. Là n'estoient les ombres obscures, ny les destours sombres & sans lucur, à raison que le climat n'estoit en rien subject à l'inconstance, & changement du temps, ny au danger de mauuais vents, chaleurs, gelées, ou bruines, mais tousiours florissant & salubre, dedié à l'eternité, & produisans tous les biens que nature peut faire croistre : parquoy j'estimes trop haute & difficile entreprife, de le vouloir dessiner en nos termes vulgaires. Toutesfois esperant que la memoire m'y seruira de ce qu'elle en a peu repentir, j'essayeray en peu de paroles d'en rapporter quelque semblance.

Cette region est dediée à la nature misericordieuse, pour l'habitation & demeure des Dieux, & esprits beatifiez. Elle contient de tout (ainsi que j'ay peu conjecturer) enuiron trois mille pas. Son assiette est au milieu de la mer, qui l'enclost d'eau claire, sans roches, fange, ny cailloux, ains en est le fonds semé d'une matiere


Cc iij

minérale, reluisante comme crystal, mellee en lieu de cailloux, & autres choses in-  
vutiles, de pierres precieuses de toutes les especes que l'on scauroit imaginer. Aux  
bords de la marine se treuve grande quantité d'Ambre, engendré par les Baleines,  
apporté là par les courans du flot. Tout à l'entour de l'isle sont plantez de beaux cy-  
pres, de trois en trois pas, & au dessous vne haye de myrthe, drucé, & espoisse, en for-  
me de muraille, d'un pas & demy de hauteur, en laquelle sont encloses les tiges des  
cypres, qui sortent de la haye vn pied & demy contremont, iusques à leurs premie-  
res branches. Ceste haye sert de closture à toute l'isle, & y sont faictes les entrées &  
yssiés en lieux conuenables: mais elle est tant espoisse de fueilleure, que l'on ne peut  
veoir à trauers, aussi droicte qu'une muraille, comme qui prendroit soigneusement  
garde à la tondre tous les iours.



De ceste closture iusqu'au Theatre, qui est au milieu, & sur le centre de l'isle faite  
en rond, il y à bien vn tiers de mille: puis du centre à ceste closture de myrthe, sont  
tirées vingt lignes par égalle distance, qui ont en leur largeur plus grande vn stade,  
& sa cinquiesme partie. En chacune diuision est ordonnée vne petite loge d'arbres,  
conuenables à la nature du lieu, & disposition de la partie du Ciel, deuers laquelle  
ils sont tournezz. Ceste diuision de vingt se peut facilement faire sur le rond de dix  
angles, en ceste maniere. Départez le rond en quatre par ses deux diametres, puis di-  
uisez le demy diametre en deux, & sur le milieu faictes vn poinct, par dessus lequel  
tirez vne ligne trauersante, qui touchera d'un costé à l'autre diametre, où il joint à  
la circonference. Alors l'espace qui se treuera entre le demy diametre, & le poinct,  
ou bout de la ligne trauersante, sera la dixiesme partie du rond: diuisez-là en deux,  
& vous en ferez vingt.

Ces



Ces vingt diuisions estoient separées de clostures de porphyre, comme treilles percées à iour, en feuillages & entre-laz de deux poulces de largeur, avec pilastres de marbre blanc, qui portoient six poulces de diametre, & deux de faillie de chacun costé, par dessus regnoient l'architraue, frize, & corniche du marbre mesme, fors ladite frize, qui estoit de porphyre. Tout au long des pilastres montoient le iasmin, le lysset, le hobelon, le chérefueil, le troëne, la vigne sauuage, & autres herbes propres à couvrir vne treille, ou tonnelle. Au milieu de chacune de ces cloisons il y à vne porte, ayant sept pieds de large, & neuf en hauteur, toutes faictes à vn nyueau. En ces vingt diuisions se treuuoient certaines touches de bois d'arbres differents, plantez ainsi à la ligne. En la premiere sont chesnes de toutes les especes. En la seconde, sapins, & larices. En la tierce buys figurez en personnages, representans les forces d'Hercules. En la quatriesme des pins. En la cinquiesme des lauriers, meslez de quelques petits arbustes. En la sixiesme des pommiers, & poiriers de toutes sortes. En la septiesme des cerisiers, guiniers, & merisiers. En la huitiesme des pruniers. En la neuuesme des peschers, & abricotiers. En la dixiesme des muriers. En l'onzieme des figniers, & grenadiers. En la douziesme des chastagniers. En la treziesme des palmiers. En la quatorziesme des cypres. En la quinzieme des noyers, noyfilliers, amandiers, & pistaches. En la seiziesme des injubiers, cormiers, & nefliers, cornouilliers, & alisiers. En la dixseptiesme des casses, & carobes. En la dixhuitiesme des cedres. En la dixneuuesme des ebenes. Puis en la vingtiesme & derniere des aloës. Leur longueur allant vers le centre contient vn demy tiers de mille. Là se promettent toutes les manieres de bestes que la nature a peu créer, excepté seulement les venimeuses, & laides à veoir. Et nonobstant que les vnes soient contraires aux autres, si sont-elles appriuoisées, & viuent en concorde ensemble, à scauoir satyres aux pieds de chévre, faunes cornus, lions, pantheres, onces, geraffes, elephans, griffons, licornes, cerfs, loups, biches, guezeles, taureaux, chenaux, & autres infinies, qui ne font iamais mal ny dommage.

Et pource que toute circonference de figure circulaire ou ronde, est d'aussi gran-

D d

de mesure comme sont trois de ses diametres, & vne septiesme ou enuiron, specialement si ladite circonference est diuisee en vnze parts, & que l'on vienne à deduire l'un des diametres, le reste fait deux portions: le diametre de ceste isle voluptueuse contient vn mille de longueur, & deux parties des vnze.


Après est vne autre closture en rond, regnant tout à l'entour du centre, faite d'orangers & citronniers, qui à bien huit pas de hauteur, & vn pied de bonne largeur: & si est tant espoisse de feuilles, que l'on ne scauroit veoir à trauers, pource que ces branches sont tant vnies, qu'il semble proprement vne peinture, chargée de fruit & de fleurs. A la verité c'est vn ouurage d'autant plus excellent, qu'il aduient peu souuent aux hommes d'en veoir de telle sorte.

Outre celle closture se rencontre vn verger tant somptueux, que le meilleur esprit du monde ne le scauroit, ie n'ose seulement dire ordonner, mais, qui moins est, imaginer: tant s'en faut qu'il peult declarer par quel artifice il a esté conduit, chose qui peult faire cognoistre qu'autre que nature ne l'a fait, pour y prendre son passe-temps.

Ce delieieux iardin s'estend deuers le centre de la longueur de cent soixante & six pas, dont la moitié est diuisee en beaux prez, & ceste diuision adressée par allées, tendantes droit au centre, & circulairement trauersantes, qui portent cinq pas de large. Les premiers prez en la premiere ligne de sa quadrature tendant vers la cloison, peuuent contenir cinquante pas. Mais la quatriesme ligne deuers le centre va tousiours en diminuant, & sur icelle prend sa dimension, ou mesure, la premiere du second pré: & par ce moyen s'esquarrist le troisieme, parce que la force des lignes tendantes au centre, est cause de la cambrure, ensemble des restrecissements des prez & des passages, pour aller à l'entour: & ainsi est formée la quarrure, demeurant les lignes trauersantes totalement en leur entier.

Ces voyes sont couuertes de treilles, ou berceaux à voulte. A chacun quarréfour y à vne tonnelle, assise sur quatre colonnes ioniques de marbre blanc. D'une part & d'autre des voyes se treuve vne muraille basse, ayant des faillies en forme de pedestal, ou stylopode, fabriqué du pareil marbre. Là dessus reposent les colonnes, distantes l'une de l'autre par trois diametres de leur pied. Dans la muraille basse, qui est vuide au milieu, sont plantez des rosiers qui remplissent & peuplent de belle verdure l'entre-deux des colonnes, sur lesquelles posent l'architraue, la frize, & la corniche, de porphire vermeil comme corail. Puis dedans le quarré, à l'endroit des colonnes par derriere, sort vne autre plante de rosier, qui monte par dessus l'architraue, & couure entierement la treille, qui monte cinq pieds en hauteur, faite à voultes rondes comme chappeaux. Les voyes, ou allées droictes, sont couuertes de roses blanches, & les rondes, ou trauersantes, de vermeilles, fort odorantes. Entré le premier quarré, & la closture d'orangers, est menée vne allée ronde: & au droict de chacune d'elles, en se tirant deuers le centre, l'on treuve en la closture vne fenestre, respondant du haut au nyueau du bas mur, qui n'a que trois pieds ou enuiron, & sert de siege aux susdictes colonnes.

Chacun quarré à quatre portes, ou entrées, en ses quatre costez, opposites à nyueau les vnies des autres, & au milieu quelque ouurage excellent. Les premiers ont chacun vne fontaine, sourdant sous vn berceau de buys, fait ainsi.




Premierement il y à trois degrez en rond: le plus haut contenant deux pas & demy en son diametre. Sur cestuy-là se voyent dressées huit colonnes doriques, continuées par arceaux soustenans l'architraue, frize, & corniche: sur laquelle à plomb de chacune colonne pose vn vase antique, ayant trois pieds de ventre en ligne diametrale, estrecissant deuers le pied, puis eslargissât peu à peu, chacun d'eux aorné sur le milieu d'une ceinture, ou platte-bande: & de là en amont venant à se restressir iusques au goulet. Depuis le plant iusques à la ceinture, chacun à trois pieds de hauteur: & de la ceinture en amont, vn pied sans plus, goderonné en trauers. Le corps est garny de deux anses, esleuées sur le bord de l'ouuerture, & descen-

dantes iusques à la ceinture. De chacun de ces vases fort vne plante de buys, verde & fueilluë, de la grosseur du nu de la colonne. Ces plantes, au moyen de leurs branches, font de belles & plaifantes voutures, ainsi que feroient des arcs regnans sur vn rang de colonnes. Aux triangles entre les voutures est vn œil, ou fenestre ronde, avec vne petite ceinture, representant vn architraue, duquel sortent huit autres rameaux à plomb de leurs plantes, & de pareille longueur, courbez & ployez l'vn contre l'autre, montans en pyramide, & vn petit declinans en largeur deuers le bas. De ces rameaux procedent autres branches courbées deuers le pied: esquelles pend vne boule du mesme buys: & en apres montent en haut, où elles sont reployées en chapeaux de triomphe:

Les huit rameaux montans en poincte, seruent de voute & couuerture à la fontaine: De ceux-là partent six autres branches, qui n'ont qu'vn tiers de hauteur, & forment vne petite lanterne à six fenestres, couuertes en rond, & par dessus de la mesme verdure, vne autre lanterne quarrée à quatre fenestres, d'vn pas & demy de haut: des quatre coings de laquelle saillent quatre rameaux courbez, & sur chacun pose vn aigle volant. La couuerte de ceste derniere lanterne fine en vn pi-

Dd ij

guon, s'assemblant en vn pommeau rond par le bas, & poincté par le haut. Tout ce qui est au dessus de ces vases n'est rien que verdure ployée, & agencée, sans nul autre ouurage. Au milieu du dernier degré, entre les huit colonnes, sur le plan vn peu rabaisé, est vn balustre renuersé, contenant deux pieds de hauteur, là dessus est assis vn bassin, rond de quatre pieds de large, sur le centre duquel sont quatre serpents entaillez, traishans leurs queuës contre le fonds, comme s'ils vouloient cheminer, puis s'entortillent en façon d'vne corde à trois cordons, & soudain apres se separent, laissant vn nœud comme trois anneaux, & encores se r'encordent vne autre fois, faisant deux tours iusques à leurs testes, qui ressaillent en triangle, & jettent par la gueule vne eau de senteurs merueilleusement odorante. Entre leurs testes est ordonné vn vase, fait à la figure d'vn œuf, la poincte contre bas, sur le sommet duquel sont huit petits tuyaux, dont saillent des filets d'eau, passants au dessus l'architraue, & tombans dehors par l'entre-deux de ces plates de buys: mais les degrez, colonnes, architraue, frize, & corniche, sont de iaspe, & la fontaine toute d'or.



Aux quatre coings du carré y à comme vn petit autel à quatre degrez, le premier contenât deux pieds de haut, sous vn pied & demy de large en son plan. Le second porte autant de hauteur, que le premier de large, c'est à sçauoir vn pied & demy sous vn pied de large, le tiers vn pied de haut iustemēt. Ils sont creux, remplis de terre, & semez d'herbes odorantes: le premier de basilic, le second de melisse, le tiers d'auronne, & le quatriesme de lauande, tonduës au nyueau du plan des degrez, tellement que les herbes croissantes sur le premier, ne passent point les moulures formées en la face du second. L'ouuerture du quatriesme & dernier degré à vn pied d'ouuerture en son diametre: & au milieu est planté vn pommier de fruiçt sauoureux. Tous les quatre differents, sans estre labourez, fumez, ny enroscez, sont ployez en guise d'vne couronne, ou chapeau de verdure. Le parterre du carré est semé de peruenche, les degrez sont de iaspe, de toutes couleurs, camelotté de veines de calce-

doine, entaillez de moulures, tant en leur pied qu'autour du bord.

Dedans les quarez ou parquets du second ordre, approchans du centre au lieu de la fontaine, se treuve vne belle inuention, qui est vne grande casse de calcedoine, creuse, de couleur d'eau sanonnée, garnie de moulures, longue de trois pas, & haute de trois pieds, posée en trauers au nyueau des allées trauersantes: aux deux costez, dans laquelle environ vn pied pres du bout, est planté vn buys fait en façon

de vase antique, & contient vn pas de hauteur: compris le pied, le corps, & l'encolure qui n'a point d'anses: dessus est monté vn geant, qui tient les deux pieds sur la bouche des vases, il est vestu iusques aux genoux, & ccint par le milieu du corps. Il a les bras leuez, & vn chapeau en sa teste. Sur chacune de ses mains il porte vne tour de quatre pieds de large, & de six de haut: au bas desquelles il y a deux degrez, avec la porte, fenestres, creneaux, & marche-coulis. Au dessus de chacune est vne



boule plantée en vn puior, aussi grosse que le corps de la tour: de ces deux boules sortent deux branches, lesquelles ployées l'vne contre l'autre, formét vne belle voulte, ayant autant de hauteur comme l'vne des tours. De ces boules saillent parcillement deux autres branches, qui vont montant contremont, mais elles sont plus menues que les autres, & au bout y a vn touppet, en façon de poyre, ayât la pointe en haut, commençant sa grosseur au nyveau de la clef de la voulte, ou pend encore vne autre boule, moindre que les autres: & de là part vn tronc qui traaverse la clef, puis soustient vne platine ron-

de, vn peu creuse, en guise de cul de lampe, touchant de son bord aux deux touppets poinctus. Du fonds de la platine se releue vn autre touppet en figure de panier, à large ouuerture, au milieu duquel naissent huit petites plantes de buys en rond, separées l'vne de l'autre: & au bout vn autre touppet rond & plat, puis dessus encore vne autre plus petite. Toute la hauteur de la voulte est de six pieds, & n'y a ouurage de buys duquel ne se voyent sinon les fueilles & les pieds. Entre les deux jambes du Geant est vne autre plante sans pied, ronde & platte comme vn oignon, de la largeur d'vn pas, & d'vn pied & demy de haut, ayant au milieu vn touppet, ressemblant

de figure à vn balustre, couuert d'vne platine ronde, de deux pieds de large en son diametre, du centre duquel procede aussi vn touppet de forme ouale, autant haut que le balustre.



Aux quatre coings de ces parquets y à quatre arbres, enuironnez de quatre âgrez, semblables aux precedents, en façon & mesure, excepté que ceux-cy sont ronds & faits de iayet. Le premier est semé de marjolaine, le second de thym, le tiers de mente, & le quatriesme de sauge. Ces arbres sont poiriers, ployez en tonnelle, ou berceau, rond comme vne boule: le parquet semé de polieul: les quatre fructiers differens, l'vn de bon chrestien, l'autre de ferteau, le tiers de bergamotte, & le dernier de muscadelles, d'vn goust trop plus excellent que les communs.



Les parquets ou  
quarrez du troi-  
siesme rang, sont  
ainsi faits. Au mi-  
lieu y à vne casse  
rõde de trois pieds  
en hauteur, & 2.  
pas en largeur, fai-  
te de pierre d'azur  
oriental, entaillée  
de belles moulu-  
res, en laquelle est  
plâté vn beau pied  
de buys, haut d'vn  
pied & demy, qui  
jette ses branches  
en rond, excédant  
vn peu la largeur  
de la casse. De ce  
rond vuyde ayant  
vn pas & demy  
d'ouerture, sor-  
tent six branches  
verdes, arrangées  
en ordre de col-  
omnes, cõtinuées  
ensemble par pe-  
tites voutures,  
chacune branche  
de quatre pieds de  
hauteur, couuertes  
d'vn pignon, ou  
comble, basty en  
façon de coupe,  
se soustenant sur

vne boule de trois pieds de grosseur, autour de laquelle se treuvent six serpens, qui ont les queuës renuerfées en dedans sur le plan de la voute, le ventre auancé en de- hors, à plomb de la saillie du buys, & les testes jettées en dehors, ouuants les gueu- les, dont par certains tuyaux secrets sort vne eau de senteur excellente, de compo- sition & artifice notable. Du sommet de la boule, qui est entre les serpens, procedent trois branches vn peu courbes, de deux pieds de hauteur, & à chacune vn petit bloc rond comme vn piedestal, de trois pieds de haut, sans les moulures, soustenantes trois vases antiques, à quatre anses de semblable proportion, desquels aussi saillent trois plantes de buys, à trois touppets chacune: la premiere de la grosseur du ventre du vase, esleuée sur sa tige d'vn pied de haut, le second touppet vn peu moindre, du- quel la tige à vn bon pied: la grosseur du tiers est telle, que de sa bouche monte vne branche droicte: & s'assemblent toutes les trois de sorte, qu'elles font vne voute de trois arceaux, couuerte d'vn ombrage du mesme buys. Entre les cornes des voutu- res naissent trois petites branchettes, qui seruent seulement de décoration, & pour donner grace à l'ouurage.


Dd iij

Aux quatre coings de ces parquets sont sciueuz quatre degrez, ne plus ne moins que les precedents, garnis de quatre arbres de beauté singuliere, ces degrez faicts en triangle de fin ambre, reluisant comme l'or. Au premier est planté du romarin, au second du fenouil doux, au tiers du basilic, & au quatriesme de la melisse, tout le parterre couuert de camomille. Les arbres sont, pruniers de damas noir, de violet, de dattes, & de perdrigon. Le Jardinier les a ployez en demy rond, & vuidez par dessous comme vne voulte, si bien qu'ils rendent vn ombrage recreatif autant que nul des autres.



Tous les fruitiers, tant de ce parquet que d'ailleurs, portent vne mesme grandeur, grosseur, & largeur: & qui plus est, se montrent tousiours verds, chargez de fruits, qui ne perd point saison: car incontinent que l'un est cueilly, l'autre se rend apte pour l'estre. Les faces des degrez qui les enuironnent, ont esté si curieusement polies, que l'on veoid dedans les verdures, & la figure du cloz qui ceint les parquets. Au sortir de ces jardins l'on rencontre vn beau Peristyle, c'est à dire closture de colonnes, assises sur pedestals, continuez l'un à l'autre par le moyen d'une petite muraille, faite à claires voyes, de plusieurs fueilles, entre-laz, & autres tailles, d'invention gentille. Les moulures sont semblables à celles desdits stylopo-

dés, ou pedestals. L'espace entre deux colonnes porte deux de leurs diametres avec vn quart: & où les allées tendantes au centre l'adressent, là se treuve vne porte à voulte, assise sur deux colonnes, comprenant la largeur de l'allée, faictes à la façon des autres, toutesfois vn petit plus grosses, à l'équipollent de leur charge: car dessus l'arceau de la porte regnent architraue, frize, corniche, & frontispice, dont les moulures accompagnent tout le long du peristyle, excepté le frontispice. Ces pieces sont creuses, & remplies de terre, & chacune saillie à l'endroit des colonnes est planté vn buys, ou vn genévrier, l'un pres de l'autre, à sçauoir contre vne colonne vn buys rond, sans pied, & joignant l'autre vn genévrier, formé en trois pommes, la premiere grosse, la seconde moindre, & la troisieme plus petite.




Les stylopedes, ou piedestals, avec la muraille d'entre-deux, sont d'albâtre, & les colonnes de pierres différentes, assorties de deux en deux. Celles qui soustiennent la porte, sont de calcedoine, les deux suivantes de iayet, deux d'agate, deux de iaspe, deux de pierre d'azur, deux de prasme d'esmeraude: & ainsi par ordre diuersifiées en couleurs, & taillées en toute perfection de l'art, selon les mesures conuenables. Elles sont de façon ionique. Leurs bases & chapiteaux de fin or, & pareillement la frize, qui est cizelée à beaux feuillages antiques. Entre deux colonnes, sur le plan de la basse muraille, sont assis des vases de mesmes pierres que les colonnes, toutesfois distinguez de forte, que si les deux colonnes sont de iaspe, le vase est d'agate, ou autre diuerse matiere. En chacun vase est contenuë vne plante de quelque herbe odorante, comme romarin, marjolaine, cypres, ou autre, qui sont desguisées en plusieurs manieres, & enrichissent les treillis ou claires voyes, si bien que c'est vne chose admirable à regarder: car la muraille basse seruant d'accoudoër, est toute d'ambre. Depuis ceste cloison iusques sur le bord de la riuiere, le champ est tout semé de menüe verdure, meslée de toutes herbes medicinales, comme ache de toutes especes, absinthe romain & commun, enule, aristologie longue & ronde, mandragore, clymenum ou lizet, meblot, fumeterre, chelidoine, sumac, betoine, calamynthe, lyuesche, hypericon, ou mille-pertuys, morelle, pivoine, & autres simples. Pareillement de toutes celles qui seruent à manger, à sçauoir choux, lactuës, espinars, ozeille, roquette, cheruys, pastenades, asperges, artichaux, serfeuil, raponcles, poix, fèves, pourpier, pinpernelle, aniz, melons, courges, concombres, cicorée, cresson, & semblables, avec toutes manieres d'oyseaux, comme merles, aloüettes, chardonnetts, linottes, calendres, passes-solitaires, pinssons, perdrix, cailles, griues, & la belle Philomela, main-

E c



Ces prez sont bornez de la riuere, laquelle est encluse dedans ses riuies, faites depuis le fonds de l'eau iusqu'à trois pieds au dessus, de maçonnerie de beau marbre verd, & de structure dorique. Elle est retraicte entre icelles deux murailles, comme jadis fut le Tybre à Rome, par le vouloir de l'Empereur Tyberius. La riuere est ordinairement claire, pure, & nette, sans cannes, ioncs, roseaux, ny autres herbes, ou arbustes, mais toute enuironnée de fleurs. Elle sourd d'une fontaine viue, & fait son cours sans guieres de reuolutions: puis est conduite parmy certains tuyaux, faits tous propres pour l'amener dans le pourpris, arroser tout le lieu, & de là se couler en la mer par petits ruisseaux tout à l'entour de l'isle: parquoy la riuere ne peut iamais desborber, ains demeure tousiours en vn estat, sans croistre ny diminuer, pour ce qu'autant d'eau que les sources dégorge, autant en sort-il par les tuyaux. Elle à douze pas de largeur, & quatre pieds de profondeur. L'eau se purifie tant claire, & si subtile, qu'elle ne cause aucune disproportion ny empeschement entre la veüe & son object: car toutes choses y sont veuës iusqu'au fonds en leur propre forme & nature, non plus grosses, ny plus allongées, courbes, obliques, ny aucunement difformes. Le sable du fonds est meslé de paillettes d'or, & en lieu de cailloux, garny de pierres precieuses. Au long des riuies croissent les glayeux de toutes couleurs, à scauoir bleuz, blancs, rouges, & iaunes. Il y vole des cygnes à grandes troupes. Aux deux costez sont plantez orangers & citronniers, en espace de trois pas de l'un à l'autre, mais à vn pas de terre ils commencent à jeter leurs branches, lesquelles s'assemblent l'une avec l'autre, faisant vne voulte de fueillage de trois pas de hauteur: les autres branches plus hautes sont ployées sur la riuere, & y font pour vn ombre vne autre voulte en façon de berceau, qui à depuis l'eau en mont 7. pas de haut. Le fueillage en est tant espois, & si vny, qu'une feuille ne passe de rien l'autre, sinon quand elles branlent au vent, qui leur donne grace singuliere. Bref tout y est couuert de fruiet & de fleurs: aussi c'est vne droicte habitation de rossignols qui se cachent là dedans, & y tiennent leur psallette delectable & plaisante.

Ee ij.



Par dessus l'eau courent nasselles, barquettes, fregattes, bringantins, & petites fustes d'or, conduictes par ieunes Damoiselles qui tirent de l'auiron, & voguent à plaisir, coronnées de chapeaux de fleurs & de verdure, vestuës de crespes safranées, bordées de passément de fil d'or, si deliez, que l'on peut veoir entierement leur charnure, aussi blanche qu'albastre. Ces belles sont ceinctes au dessous de la poitrine, qui est découuerte à la demy rondeur des mammelles, ressemblantes à petites pommettes: & est l'eschancrure de leur robbe d'un passément de fil d'or, enrichy de fine pierrerie.

Quandie les vis, elles faisoient sur l'eau vn combat de plaisir, contre plusieurs beaux ieunes hommes qui vogoient en semblables vaisseaux: & cela representoit vne maniere de gracieuse bataille maritime: car ils s'iuestissoient & prouquoient l'un l'autre, comme il se fait ordinairement en tels affaires. Là se monstroient les Damoiselles fort obstinées, parquoy souuent trespuchoient les nauires des hommes & des Dames: mais sur toutes choses les Damoiselles estoient ententiuës au butin, & depouilloient incontinent tous ceux qui se rendoient à elles prisonniers, puis couraient aux autres, & mettoient à fonds les barques, & vaisseaux, où elles pouuoient entrer victorieuses, criant & riant si tres-haut, qu'il sembloit que l'air s'en deust fendre & esclatter. La riuere est tousiours pleine de toutes especes de poissons à escailles d'or, & aux yeux bleuz, tirans sur le verd, qui ne sont sauuaiges ny paoureux, ains tant priuez que c'est merueilles. Aucuns d'entr'eux estoient si grands, qu'ils portoient les Damoiselles en ce combat, à quoy elles le domptent, pouissoient, & menotent en guise de cheuaux agiles: & cela se faisoit au moyen des aisserons qu'elles auoient empoignez. Ceste troupe passoit parmy grand nombre de loutres, blereaux, & autres bestes aquatiques, douces, & non mal-faisantes, tellement que c'estoit vn plaisir incomprensible à veoir, & à considerer. Voyant ces beaux esbattemens, ces grands soulas & passe-temps delectables, il me sembloit impossible que la felicité de ces personnages peust iamais estre troublée par defastre ou malauanture: qui me faisoit desirer de tout mon cœur, permission pour ma Dame & pour moy, de perpetuellement demeurer en celle compagnie: car ie ne pensois pas qu'en tout le reste du monde y eust plus de contentement, mesmes que par les bois, vergers, & iardins de l'isle, i'auois veu vne multitude infinie d'autres ieunes hommes & Damoiselles, passer le temps à chanter, danser, deuiser, lire histoires & liures d'amours, autres faire des comptes, où joier d'instruments de musique, plusieurs aussi s'entr'accoler, & cueillir des fleurs à poignées, & mesmement de telles couples qui agenoient les habillements l'un à l'autre, affin de se rendre plus agreables enuers ceux où estoit le but de leurs pensées. Bref ceste assemblée ioyeuse se resioyissoit en toutes les manieres de passe-temps qu'il est possible imaginer: Outre le bord de la riuere se treuuoit vn pré d'aussi grande estendue comme le precedent, garny de sa closture de colonnes, ou peristyles, aboutissant au bord de l'eau, que l'on passoit sur des beaux ponts, faits au nyueau des voyes, ou allées, qui tendoient au centre de l'isle. En chacune allée il y en auoit vn, ou d'ophtite, ou bien de Porphyre, & ainsi consequemment. Mais chacun d'eux gardoit son alignement selon la largeur de la voye à laquelle il respondoit, & si estoit couuert de la mesme verdure d'orangers. Sur la fin du pré estoient faits tout à l'environ de l'isle, sept degrez, qui auoient vn pied en largeur, & autant en hauteur, l'un de marbre rouge, & l'autre de noir, qui estoit hors la reigle d'architecture, laquelle veut que les degrez ayent demy pied de haut, ou huit poulces pour le plus, & de large vn pied, ou pied & demy pour assiette. Le premier degré estoit de pierre noire, & sur le dernier y auoit vn peristyle, c'est à dire vne closture de colonnes ser-



rées, avec des portes au droict des allées, par lesquelles on montoit à ces degrez, fors en la grande & principale, tendant à la porte du Theatre : car là deuant il n'y auoit point de degrez comme aux autres, ains seulement le chemin yn petit rehaussé en montée. Les colonnes estoient plantées de deux en deux au long du plinthe, faict expressément double : & apres six colonnes de rang, y auoit vn pilier quarré, sur lequel se posoit vne boule de cuyure doré, toute ronde, sans aucun ouurage. Les six colonnes se monstroient de diuerses couleurs, à sçauoir deux de calcedoine, deux de iaspe verd; & deux de iaspe rouge. L'architraue, frize, & corniche, estoient de porphyre, & le pilier quarré de mesme, sur lequel repositoit vne sphere de cuyure doré. La principale allée n'alloit point en diminuant de largeur comme les autres, ains seruoit toujours son égalité depuis le commencement iusqu'à la fin. Au dessus de la corniche il y auoit plusieurs paons de toutes sortes, les vns cheminans, d'autres faisans la rouë, & plusieurs arrestez tout coy, les queuës pendantes sur la frize & architraue. Le deuant des degrez estoit taillé d'espagne, à antiquës & arabesques, le vuyde remply sur les noirs d'esmail blanc, & sur les rouges d'azur d'esmail.




Entre la closture du buys, & le troisieme degré, se treuuoit vn ouurage somptueux, pour esbahir tout entendement humain, car de prime face il me sembla que toute la tetré estoit couuverte de tapiz de Turquie, assortis de toutes couleurs, à l'inuention de l'ouurier, conduicts en diuerses sortes d'entre-laz & fucillages, tant moreques, qu'arabesques, les vnés plus viues & claires, les autres vn peu plus obscures, ou pour mieux dire, moins apparentes, mais artistement accordées en variété de figures. Les principales estoient rondes, ou quarrées, ou rhombe, ou barlongues, ou d'autres superficies: & ces tapis alloient suiuant l'vn l'autre tout à l'environ du pourpris, excepté seulement ou les allées se rencontroient, qui passioient sur deux figures d'vne sorte, pource que les trois contenoient autant que la largeur d'vne voye.


Pour faire listere & bord à ces figures, y auoit vne sente allant tout au long de la closture de buys, faicte à personages, diuisées en sept ceintures de paué, les trois du milieu de marbre noir, & les deux de chacun costé de marbre blanc, avec vn filet noir entre-deux. Toignant la blanche il s'en monstroient vne pierre rouge comme corail, & au dedans celles de marbre noir estoient mises les figures rondes & quarrées, tellement que dedans vne quarrée, il y en auoit vne ronde, & dans la ronde la quarrée, le tout accompagné de fucillages exquis. Au milieu des figures rondes estoit planté vn cypres, & dans les quarrées vn pin. Semblablement aux ceintures d'entre deux voyes se treuuoient des formes ouales: & en chacune vn fauinier, respondant à l'espace laissé entre les pins & les cypres. Tous les arbres parcreuz d'vne grandeur & grosseur. En ce beau verger habitoient hommes & femmes, vaquans seulement aux œures de la grand mere nature, ou au labourage de ces champs fertiles abondamment.



L'obscure  
se closture  
entre deux  
allées il y  
auoit des  
bruyeres  
l'enceinte  
d'herbe



Cela passé, l'on montoit sept autres degrez, semblables aux autres, sur le dernier desquels y auoit vne cloison de verdure, de diuerses especes d'arbrisseaux: mais les circonferences des portes estoient seulement d'orangers. Aux deux costez de l'ouverture se pouoient veoir quelques cypres, qui s'assembloient en vn, trois pieds au dessus de la tour. La hauteur du feuillage contenoit deux pas de mesure, & ainsi à toutes les autres, dont l'entre-deux estoit fait pour closture de plantes & de buys, que les ouuriers auoient ployés par vn excellent artifice: car ils estoient tourneés en demy cercles, ainsi que croissans de Lunes, les cornes tourneés contremont. Au milieu du croissant, entre les deux cornes, sortoit vn genevrier tout rond, montant peu à peu en pointe aiguë: & où les cornes venoient à se toucher, là estoit vn buys rond comme boule, sur vne tige portant vn pied & demy de haut.



Dedans ce-  
ste closture  
entre deux  
allées il y  
auoit des  
parquets  
semez  
d'herbes &  
de fleurs,  
ordonnez  
de belle in-  
uention.

Car pour  
estre enclos entre deux sentes, ils estoient necessairement irreguliers, c'est à dire,  
plus larges d'un costé que d'autre. Le premier estoit vn entre-laz de bandes, ou lizie-  
res larges de trois palmes. La premiere du quarré formoit vn rond, duquel en sor-  
toient quatre, trois respondans aux quatre costez, par lesquels passoit vne autre ban-  
de, separée de la premiere de la largeur de quatre pieds, qui faisoit contre chacun  
coing de la premiere, vn cercle ou anneau. Puis y auoit vne autre liziere en quarré,  
distant autant de la seconde, que la seconde de la premiere, & tout à vn mesme ny-  
veau: laquelle faisoit pareillement à tous ses coings vn anneau, correspondant à la  
seconde. Sur les lignes diagonales de ce dernier quarré, y auoit comme vn rhombe  
qui entre-lalloit le quarré, par ses quatre costez, & au droict des coings faisoit des  
autres cercles ou anneaux, pour emplir le vuide, & donner plus de grace: & encores  
par dedans formoit vne figure ronde, touchant de sa circonference aux quatre par-  
ties du rhombe.




Dedans y auoit vne Rose, au  
milieu de laquelle estoit mise  
vne base ronde, d'un marbre  
roux, où estoient entaillées trois  
testes de bouef, seiches, les cor-  
nes enrichies de festons, pen-  
dans de l'une à l'autre, & liez de  
rubans volans, avec les moulu-  
res à ce requises, la base creuse,  
& remplie de terre, en laquelle  
estoit planté vn saunier.



Les bandes du parquet estoient enlaffées de maniere, que quand elles passoient dessus en vn endroit, elles estoient dessous en l'autre.


La liziere du premier carré estoit semée de marjolaine, la seconde de thym, la troisieme de melisse, le rond d'auronne, le rhombe d'ysope, & le dernier de coq, ou basilic. L'espace entre les deux premiers quarez estoit pourtrait à fucillages de brancœur fine, l'une au rebours de l'autre: l'une pleine de polieul, & l'autre de ruë. Aux anneaux des quatre coings, à chacun vne grosse boule d'ysope, haute d'un pied & demy. En ceux-là du second carré y auoit vne mauue de iardin, de trois coudées en hauteur, le rhombe estoit semé de camomille. En chacun des anneaux des coings vne plante de romarin, la rose garnie de violiers rouges. Entre le second carré, & le tiers, l'on y veoid des soucis fleuris. Entre le rhombe, & son carré, y auoit de menuës pensées. Mais entre le dernier rond, & le rhombe, tout estoit plein de violettes de Mars.



Au parquet ensuiuant, prochain à celui de l'allée droite, estoit vne autre inuention, à sçauoir tout à l'entour vne bande d'un pied, & neuf pouces de largeur, dedans laquelle estoient contenus neuf petits quarez en trois rangs, par égales distances, continuez en lignes, tirées d'un angle à l'autre, du rang de dessus, à celuy de dessous: lesquelles lignes s'entrecroissoient au vuyde entre les deux rangs. Puis encores y voyoit-on des autres lignes, separantes les quarez de tous costez, & frizant à l'entour de chacun vne figure de huit faces, desquelles procedoient d'autres quarez, qui auoient les costez tournez deuers les coings des

F f

premiers. Les bandes estoient faites de placques de marbres, fichées en terre, de la grosseur de quatre poulces & demy, entre lesquelles les herbes estoient plantées pour faire la distinction des lizieres, & de leurs couleurs ainsi. En la premiere bande faisant le quarré, y auoit de la lauande : les neuf quarez, & les lignes qui les assembloient estoient semez de belle marjolaine, les octogones de targon, tout le vuyde de fleurs de soucy. De tels parquets estoit fait tout le tour de l'isle, dix d'une sorte, & dix de l'autre, autant qu'il y auoit d'allées.



Au milieu de ces parquets, sur le moyen quarré du second rang, estoit vn stylopode ou piedestal de porphyre avec ses moulures. Aux quatre coings dessous celles d'en-haut y auoit quatre testes de mouton avec leurs cornes tortillées, desquelles pendoient de beaux festons de lierre, iusques enuiron le milieu de ses faces. Dessus ce stylopode estoit assis vn vase antique d'agate, ayant quatre anes, dont sailloit vne plante de buys verd, formé en rondeur, vn peu platte, de la largeur d'un pas de diametre : de là sortoient trois tiges, chacune garnie par le bout d'une pomme ronde, sur chacune desquelles estoit posé vn Pan, les queuës de ces Pans estoient pendantes, & les testes en vn bassin soustenu par vne autre tige, montant entre les trois, & saillant au dessus du bassin où elle se départoit en quatre branches. Sur la poincte de chacune se pouuoit veoir vne boule ronde, pour former vn triangle, & vne au milieu plus haute que les autres, qui soustenoit vne ouale, en façon de chapeau de triom-

phe, décoré par dessus, & par les costez de trois petites pommettes de la mesme plante de buys, sans autre matiere, fors le vase, & le piedestal.

Après suiuoient sept autres degrez, l'allée entre-deux, & sur le dernier vne autre closture de myrthe, avec les tours & portes telles que les precedentes, dedans laquelle y auoit d'autres parquets de qui auoient telle figure. C'estoient deux quarez de lizieres, avec vn rond, entre-lassez comme ceux de dessus, le rond sortant hors du premier quarré, & embrassant le second. Le dedans enuironnoit vn Aigle à ailles couuertes. Entre les deux quarez, en lieu de fueillage, y auoit des lettres.

En l'un des costez en la premiere espace estoient A L. en l'autre espace E S M A. Au costé d'apres en l'espace premiere trois lettres G N A. apres le cercle D I C A. En outre de mesme aux tiers costé, au premier espace estoient quatre lettres T A O P. & trois apres le rond T I M. au dernier costé les lettres estoient deux ensemble I O. V I. Les quarrez, le rond, & leurs anneaux, estoient de ruë fort espoisse: l'aigle, de Cabaret, les lettres de Scabie. Les quatre ronds emplissans le vuyde entre le grand & les coings du premier quarré de Bugle, tout le fonds de Muguet, couuert de ses fleurs blanches.

A chacun des quatre petits ronds y auoit vne pomme de Myrte, sur vne tige de deux pieds de hauteur.



L'autre quarré estoit semblable à cestuy cy, au moins quant aux entre-laz & lizieres, mais au milieu du rond y auoit deux oyseaux, à sçauoir d'un costé vn Aigle, & de l'autre vn Faisan, les pieds posez dessus le bord d'un vase antique, le bec l'un au droict de l'autre, & les ailes leuées ainsi comme estenduës. Entre les deux quarrez estoient ces lettres ensuiuantes: au premier costé SVP. ERN. au second A E A. L I T. au tiers I S B. ENI. & au quatriesme G N I. T A S. 3 lettres en chaque espace que distingue le rond. Les quarrez & le rond remplis de basilic, les oyseaux de menthe, les lettres de camomille, semée de ses fleurs blanches, les 4. petits ronds de joubaroe, & le fonds de peruenche, couuert de ses fleurs azurées.

Au milieu des petits ronds

y auoit en chacun vne plante verde, de trois pieds de haut, à l'çauoir deux de sauiue, & deux de genévre: toutes les herbes enroüées par petits tuyaux, en maniere de fontaines, passans dessous la terre, & venans de la grande riuere. Puis y auoit encores sept degrez: & sur le dernier vn treillis de iaspe, passant tout à l'entour, percé en beaux fueillages moresques, de l'espoisseur de deux bons poulces: & n'y auoit portes ny ouuertures: car là finissoient toutes les voyes & allées, fors la grande rue, où estoit fait vn riche portail. Au dedans de ceste closture se treuuoit vn bois nonpareil sur tous les autres desia recogneus, car il n'estoit peuplé sinon d'arbres precieux, comme sôt les deux especes de therebinthe, ebene, aloës, encens, myrthe, poïvres, gingembres, muscades, cannelle, casses, les trois sandaux, storax, & baume, tout le parterre semé de rheubarbe, & de cannes de sucre. La rosée tombant dessus estoit Manne, plus parfaicte & meilleure que celle de Calabre. Pareillement y auoit des arbrisseaux comme de coton, portans fine soye, & vne multitude d'oyseaux à moy incognuz, les mieux chantants qui oncques furent ouys: & parmy ces ombrages vn grand nombre de ieunes hommes, & de Nymphes, fuyantes leurs amours par ces destroits obscurs. Tous ces personnages estoient vestus d'habits de soye, deslié nonchalamment, sans aucun artifice, pource qu'ils estoient plus qu'à demy deuenus farouchés & sauages. Outre ce bois y auoit encores sept degrez, & au dessus vn autre peristyle, où circuit de colonnes, comme celuy qui estoit pres de la riuere, fait de la mesme façon & estoffe des autres: puis vne belle place large & spacieuse, parée de mosaïque à fueillages & entre-laz antiques de moresque, parfaicement portraicts & garnis de couleurs tant naïfues que rien plus. Ainsi estoit distribué le demy tiers de mille, depuis la riuere iusqu'au milieu de l'isle, contenant cent soixante-six pas & demy. La riuere en auoit douze, les prez dix, les degrez huit & demy, la petite voye, six: le premier iardin des parquets, trente: le second vingt & six: le troisieme vingt & trois: le bois vingt-cinq: la place autour du Theatre, seize: le dedans du Theatre iusques au milieu, autre seize, qui faisoient en nombre trois cents trente-neuf pas.

*CYPIDO DESCENDIT DE LA BARQUE: ET LES*

*Nymphes de l'Isle vindrent au deuant de luy richement atournées en parement de triomphe: elles luy offrirent des presents: puis il monta en son chariot triomphant pour aller au Theatre. & fit mener apres luy Poliphile & Polia, liez & attachez, avec plusieurs autres: description du Theatre, tant dehors que dedans.*

C H A P I T R E X X I I .

**E**STANS ainsi heureusement portez par les deux airs qui donnoient dans les petites plumes de l'enfant diuin, tout estant en tranquillité, nous prîmes terre arriuant en l'isle Cytherée, où nous eumes le plaisir de veoir vne infinité de Nymphes venir au deuant de nous: ceste abondance de beauté estoit sans conte, & toutes estoient en fleur d'age, accomplies en bonne grace, & vestuës d'auantage de bien-seance: ainsi elles se presenterent humblement à Cupido, offrant leurs personnes à son seruice. Là furent celles qui hantent le déduit de la chasse, mais c'estoit par grosses troupes, comme les pastophores, qui portoient certains attournements

de liets nuptiax : & les Pyrgophores, chargées de tours feintes, & despoüilles de guerre, sur les poinctes de leurs lances ferrées d'or flamboyant contre le Soleil. l'en vis vne entre les autres qui portoit la cuyrassse de Mars, l'arc passé par l'ouuerture des bras, la trouffe liée au bout de l'arc, d'vn costé, & la hache de l'autre, puis au des-

sous le filé desployé, auquel jadis il fut surpris avec la Déesse Venus. Au bas vne teste d'efant entre deux ailles, assise sur vn pommeau de bel ouurage. Sur le bout d'enhaut de la lance reluisoit le cabasset de ce Dieu : lequel en lieu de pânache, estoit orné de l'estoile Pyrois, ardante comme feu. Vne autre Nymphé portoit aussi sur le bout de la sienne vn chapeau de laurier entre deux ailles, & dessous le visage d'vn beau ieune enfant, sur deux foudres entraversez & li ez de rubens volants. Puis vn sceptre entraversez de la lance, auquel pendoit vn beau riche mâtou.





La troisieme portoit vn cabasset, qui auoit pour cy-mier vne teste de bœuf seiche, & deffous vne cuyrassé antique. A chacune ouverture des bras pendoit 2. escussions, desquels sortoient des liés, ausquels estoit attachée vne peau de Lyon, estenduë tout au long d'vne grosse massue.


Il y auoit vne autre lance, commençant par vn fer tréchant, pointu, descendant en vn petit quarre, joignant à vn demi rond, en forme de plat renuersé, de la grosseur d'vn pouce: & au deffous vn autre rond tout de front, sur vne table d'attente, en laquelle estoit escrie ce mot.

QVIS EVA DET.

C'est à dire,  
QVI EN ESCHAPPERA.

Cela repositoit sur vne petite boule. Et plus bas vn autre rond entre deux aillés, moindre toutesfois que celuy de deffus. Puis deux balustres l'vn contre l'autre, avec vne pomme entre-deux.





Encores vy-ie  
vne autre lan-  
ce, portée par  
vne Nymphie,  
en la poincte  
du fer de la-  
quelle estoit  
fiché vn ouale,  
bordé tout au-  
tour de pierre-  
rie, & au mi-  
lieu vn gros sa-  
phir tout rond,  
assis sur vne ta-  
ble d'attente,  
où y auoit sé-  
blablement es-  
crit, N E M O.  
qui signifie,  
Nvl. Plus bas  
regnoit vn be-  
au vase à balu-  
stres, accom-  
modé entre  
deux aïlles.

La sixiesme  
estoit vne bou-  
le mise sur la  
bouche d'vn  
vase à gros vé-  
tre, & le col  
long, posté au  
milieu de deux  
plumes d'or,  
entrauersées  
par leur moi-  
tié: & des deux  
parties de bas  
estoit formé vn  
rond, dedans



lequel il y auoit deux petits balustres, & au dessous vn pommeau, soustenu sur le  
fonds d'vn balustre renuerfé, l'ouuerture abouchée entre deux aïlles, puis vne figure  
ouale, ayant en son centre vn grand rubis: ceste ouale estoit soustenuë d'vne autre  
boule, faicte à costes de melon.

Il y auoit plusieurs autres enseignes, qui seroient trop longues à raconter. Les  
lances estoient d'ebene, d'aloës, de sandal rouge, iaune & blanc: il y en auoit de  
dorées, argentées, & autres couuertes de fine soye, enrichies de pierreries. Celles  
qui les portoit auoient en leurs mains des gans, faicts à l'aiguille, ou de la brode-  
rie de soye, & de fil d'or, fermans aux poignets. Et deuant toutes marchoit celle qui

portoit la banniere de la barque, suivie d'une autre portant un trophée, qui estoit une figure de Cupido, tout nud, tenant son arc bandé, le pied posé sur une boule, au dessous un chapeau de triomphe, fait de lames d'or, taillées & ciselées en façon de feuilles de Laurier, sur le fonds d'un vase antique renversé. Les lances dont il estoit lié volloient d'un costé & d'autre. Au dedans du chapeau y avoit un tableau, par l'espoisseur duquel la lance traversoit, mesmes par un pommeau estant au dessous, aux deux costez du tableau, hors le chapeau, sortoient comme deux chevilles, esquelles pendoient plusieurs pierres precieuses, enfilées en cordons de fil d'or & de soye, en



maniere de billettes. Au bas de ce chapeau y avoit un vase, le fonds tourné en haut, l'ouverture en façon de balustre, qui embrassoit une onale, ayant au milieu un joyau, un autre dessous, & deux aux deux costez : au tableau estoit escrit devant & derriere en lettres Grecques.

ΔΟΡΙΚΤΗΙΟΙ.

C'est à dire,

### PRIS EN BATAILLE.

Après suivioit grand nombre d'autres enseignes, trophées, dépouilles, & butins, gaignez & conquis par Cupido, avec lances garnies de fleurs, feuilles, fruitages, & rameaux: & celles qui les portoiēt alloient par ordre en ceste pompe triomphale. Sa chere espouse Psyche fut la premiere qui se presenta devant luy en habit Royal, vestue d'un manteau de veloux cramoisi, figuré à fleurettes de fil d'or, frisées sur la frisure. Elle estoit accompagnée de ses Dames, habillées de drap de soye de diverses couleurs: & y en avoit quelquesunes qui portoient comme des haubergeons d'or, faits à escailles, garnis de pierrierie: autres les avoient de veloux bleu, ou d'autre couleur, à grands feuillages de broderie, relevée sur les mammelles selon leur grosseur & rondeur, où les feuilles se contouroient en façon de limasses. La bordure estoit de pierres precieuses: sur le veloux blanc, d'esmerudes: sur le verd, de rubis: sur le jaune, de saphirs: sur le bleu, de perles: sur le cramoisi, de Diamants. Là eust-on peu voir toutes les sortes de drap d'or, & d'argent, & de soye, de toutes couleurs changeantes, & de tous draps, tissus moitié de soye, & moitié de fil d'or, ou d'argent, aucuns à figures, autres rayez par petites bades, & plusieurs meslez ou bien assortis d'escarlante. Maintes portoient des toilles de cotton blanches & safranées,

avec

avec tout ce que la nature auoit peu inuenter de beauté & de bonne grace. Elles auoient paré leurs testes de riches guirlandes, ou chappelets de pierrerie, & coiffes de fil d'or, entre-lassées à quareaux, ou laz d'amours à rosettes, & autres inuentions, & par dessus des Tiars, à la mode Persane, ou des diademes d'or. Les rosettes des coiffes estoient faictes de six grosses perles Orientales, & au milieu vn gros rubis, ou autre pierre precieuse, enfilées aux cordons dont la coiffe estoit composée. Aucunes auoient les cheueux tous tressez, & liez au dessus de la teste: d'autres les vouloient entre-lassez, les tresses à l'entour de leur teste: plusieurs les aymoient mieux liez au derriere de la teste, & pendans iusqu'aux genoux: quelques-vnes les auoient entortillez en la teste, serrez de rubens garnis de perles, & frangez de petites pailletes d'or, branlantes à l'entour du front, des oreilles, & par tout sur les cheueux: où ils les auoient départis en deux cordons, ramenez sur le haut de la teste, où ils estoient noiez ensemble avec vn gros bouton de perles, dont ils sortoient en maniere de houppes: aux autres plus longs iusques sur les oreilles: & aux autres moins, selon leur fantasie. Vous en eussiez veu de plus noirs que plumes de corbeau, liez de fil d'argent, & crespelz du long des temples, branlans en petits annelets, & voletans sur les oreilles, voire pignez & disposez de sorte, que l'on se pouuoit esmerveiller de l'artifice & curiosité feminine. C'estoit l'appast, la glu, l'amorce, les crochets, les hameçons, les rets, & les filets où se prennent les Amants. Elles auoient des gros rubis percez, pendus à leurs oreilles, & de riches colliers ou carquans autour de leurs gorges fraisées: leur chaussure à l'antique, fermée à bouclettes d'or, & cordelettes de soye, les semelles liées sur le col du pied: les brodequins de satin, ou veloux bleu, ou cramoyssi, si ouuert sur la greue, & le long de l'ouuerture bandé d'vn enrichissement de fil d'or, à vn pouce de large, estoffée de pierrerie. Sur le col du pied y auoit vn fermail, faict en façon de cœur, où se venoient assembler toutes les courroyes de la semelle, qui estoient garnies de perles. Leurs vestemens, outre la richesse de la draperie, estoient pourfilez, découpez, & entre-taillez en maintes modes exquisés & nouvelles: car aucunes les auoient bordez de bandes larges de deux pouces par les fentes: & tout à l'entour pendoient des petites poirettes d'or, faictes d'ouurage de fil, ou en lieu de cela des perles en poire, grosses comme noisilles, ou bien quelques autres pierres precieuses, taillées & reduites en ceste forme. D'autres estoient ornées de cuyrasses antiques de satin violet, pourfilées en broderie, en feuillage de demy testes, tout semé de perles, tourné en rond entour les mammelles, & faisant aux deux costez du nombril deux autres cercles en guise de lymasses: au milieu de chacune desquelles y auoit vne rose de pierres precieuses enchassées en or. La cuyrasse venoit iusques sur la hanche, & descendoit en demy-fond, suivant la forme & proportion du ventre, avec vne bande d'orfeuerie, bordée dessus & dessous de grosses perles, & pleine de pierrerie par le milieu. Pour tenir la place des franges il y pendoit des grosses perles en poire, & entre-deux vn bouton d'or. Au dessous il y auoit vn petit vestement de soye verte, tissué avec fil d'or, qui alloit iusques aux genoux seulement, & estoit bandé tout autour d'orfeuerie, portant vn bon pouce & demy de large: Ceste ceuvre estoit faicte à pierreries de rubis, diamans, saphirs, & esmeraudes taillées en rhombes, ou lozanges, & entre-deux vne grosse perle ronde, avec vne liziere dentelée en façon de frange. A chacune pointe pendoit vne pierre precieuse ronde, & entredeux vn fer d'or, comme d'vne flèche barbelée. Des pierres sortoient filets d'or, esmaillez comme des rhets: & où deuoit estre le nœud y auoit vne autre bague ronde, iusqu'à vne maille & demie. Aux pointes de la demie y auoit semblablement vne bague, où pendoit vne houppes de fil d'or: au trauers de la premiere maille passoit vn fil d'or, où estoient

enfilées autres pierres, empliffantes le vuyde & milieu de l'esmaillure. Dessous cét habillement court estoit la cotte de satin cramoyssi, pourfilée à cordons de fil d'or, menez en fueilles Arabesques, & bandée par le bas d'une autre bande d'orseuerie, semblables aux precedentes, excepté qu'il n'y auoit point de franges, & que les pierres y estant enchassées, estoient tables de diamants, rubis, ou du moins cabochons. Les diamants d'un pouce de long, & enuiron demy de large. Pour separation de l'un à l'autre y auoit deux perles en trauers.



Les manches estoient mesme ouurage, attachées à la cuyrassse. L'ouuerture des espaulles bandée d'une pareille liste d'orseuerie, estoit de deux pieces, l'une prenant depuis le coude iusqu'à l'espaule, & l'autre de la jointure de la main, iusques au coude. Ces bandes estoient retenues par beaux cordons de passemet, pointes d'or : & aux fers pendoiet grosses perles, avec autres pierres precieuses. La chemise bouffoit par les fentes & descoupeures. Bref c'estoit vne chose inestimable, & qui presque ne se peut croire : car le desir & le desiré, le scauoir & l'auoir, le vouloir & le pouuoir, s'estoient accordez ensemble si parfaictement, qu'il n'y auoit que redire. Helas! mon Dieu, ces machines offensiuues pouuoient facilement

expugner tout cour rebelle, & contraire à l'amour, voire subjuguer toute forte resse

stance, renuerser & abbatre toute franche liberté, & ( qui pis est ) contaminer toute continence, pour obstinée qu'elle feust. Parquoy ie confesse franchement que la grande amitié que ie portois à Polia, fut en branle de glisser, tant ceste-cy me tenoit: qui me fit dire tout bas en soupirant. O Polia! ma chere Dame, gardez maintenant vostre prise. Ce passage est dangereux. Voicy merueilleuses embusches. Ie ne doute point que ce ne soient voleurs manifestes, lesquels contre toute raison acquerirent immortelle renommée, par leurs inuasions & pilleries amoureuses, voire s'en font estimer, mesmes qui en sont miserablement tourmentez, de maniere qu'il semble que tel ouurage soit par eux requis, & cherché à toute instance.

En ceste façon, & apres ceste gracieuse compagnie, la belle Ppsyché recueillit son Espoux: puis honorablement luy posa vne couronne sur la teste. Alors l'vne des Nymphes de sa suite, la douce Himeria, s'approcha de Polia: & la fiere Erototimoride, me print par la main: puis nous mirent en ordonnance, avec vne infinité d'autres personnes qui cheminoient posément trois à trois, comme en vne procession solennelle.



Deuant tous s'en vint Toxodore, qui luy presenta l'arc bandé en toute rigueur. Ceste-là cheminoit au milieu de deux autres, dont l'vne dite Ennia portoit en ses mains vn petit vase de Saphir à deux anses, & à large ouuerture: le col duquel, iusques à la rōdeur du milieu, estoit cizelé en feuillage, les anses tournées en forme de coulleures, mordâtes le bord, & posant leurs queuës sur la saillie de la grosseur du ventre, laquelle estoit environnée d'vne frize, taillée à petits rainceaux de verdure. Le corps s'estreussit deuers le bas, en maniere d'vn fuseau goderonné en trauers, & se posoit sur vn petit pied, duquel sortoit vn autre feuillage, embrassant le fonds du vase tout plein de fleurs, qu'elle alloit se-

mant par la voye, accompagnée de Philedès, sa mieux aymée.

Après venoit entre deux autres Nymphes, Velotique la superbe, qui fit present à Cupido d'vne belle trouffe garnie de deux flèches ferrées, l'vne d'or, & l'autre de plomb mal poly. Laquelle trouffe il ceignit promptement à son costé. Cependant deux autres, Homonia & Diapraxe, s'entre-jettoient deux boules parmy

l'air, Celle de Homonia estoit d'or, & celle de Diapraxe de crystal: & quand l'une jectoit la sienne, l'autre aussi faisoit le semblable. Mais sur tout elles prenoient garde à ce qu'elles ne se rencontraissent en l'air. Suiuuant cela marchoiert trois autres Nymphes, à sçauoir delicate Typhlote, qui luy bailla vn bandeau pour couvrir ses yeux. Celle-là estoit costoyée de deux lasciuues Damoiselles, de contenance impudique & dissoluë, l'une nommée Asynecha, laquelle incessamment branloït, & se tournoit de toutes parts, pour monstret sa legereté. L'autre est Aschemosyne, qui toute nue parmy les autres vestuës, donnoit bien à cognoistre qu'elle estoit du tout eshontée, & ne faisoit aucun estime de son honneur. Ceste-là portoit en sa main vne sphere d'or, & de l'autre tenoit ses longs cheueux, affin qu'ils ne luy couurissent le derriere. Elle alloit en maintien lubrique, & sans vergongne, avec ses yeux verds, regardans çà & là, sans leur donner ny repos ny relasche. Au quatriesme rang estoit Telesie, vestuë de fine escarlatte, les tresses pendantes contre bas, serrées au dessus des oreilles, avec vne belle guirlande ou chapeau de fleurs, & de verdure. Ceste-là mit à Cupido vn brandon de feu en sa main. Brachyuia, l'une de ses compagnes, portoit vn vase d'esmeraude, d'une hardiesse entreprise, & merueilleux artifice: j'entends si ce estoit ouurage humain: car il estoit faict quasi en forme de Courge, fors qu'il auoit vn peu de pied: le col goderonné en trauers: & où le ventre commençoit à s'enfler, y auoit vne frise en ceinture, taillée de belles figures: le demeurant deuers le fonds, qui dimiuoit en grosseur, estoit cizelé à fueilles de persil, tant enleuées sur le corps, qu'elles sembloient estre entierement de relief.

Du bord sortoient deux anses qui ressembloient à branches d'artichaut, & se renuersoient contre le milieu du goulet, d'où sortoient quelques estincelles bruyantes harmonieusement.



Capnodia qui faisoit la troisieme, portoit vn autre vase de terre, en facon de suzée : & au plus gros de son eslargissement, plus bas que les anses, estoient ces treize lettres Grecques.

ΠΑΝΤΑΒΑΙΑΒΙΟΥ.

C'est à dire,

TOVTES CHOSES SONT DE PEV DE DVREE.

Ce vase estoit percé de tous costez, comme vne chante-pleuse, & en sortoit vne fumée espoisse, laquelle incontinent se dissipoit en l'air.



Ayant Cupido receu tout son équipage, il monta sur vn chariot d'or, tout expres appresté pour luy. Le giste estoit circuy d'vne frize, décorée de pierres precieuses, de la largeur de neuf poulces, ou plus. Les deux rouës auoient la circonférence d'or, & les rayons de riches pierres, taillées en parfaicts balustres. Incontinent qu'il fut assis en ce char triomphant, Polia & moy fusmes pris par les 2. belles Nymphes, Plexaura & Gamona, ausquelles Cupido auoit faict signe de ce faire : & par elles fusmes liez & garrottez les mains sur le dos, à belles cordes faites de roses & bouquets. Puis doucement l'on nous tiroit apres ce chariot : & quasi nous allions de nostre gré, par l'impulsion de la belle Synaisie. Toutesfois ie commençay à trem-

bler : mais voyant que les Nymphes rioient avec Polia, ie m'assuray.

Après nous venoit nostre maistresse Psyché, suiue de ses Damoselles, qui auoient apporté les presents. Elle estoit vestuë d'vn riche manteau, attaché sur l'espaule droicte, à vn riche fermail de gros Carboncles, & au milieu vne table de Diamant, de la longueur d'vn doigt & demy, ayant de largeur vn bon poulce, si qu'il estoit de valeur inestimable, & de merueilleuse beauté. Là dedans se pouuoit veoir Cupido engraué, qui se nauoit soy-mesme, & Psyché maniant (comme mal aduisée) la flèche de mortelle poincture. Elle tenoit de la main droicte (qu'elle auoit à deliure hors du manteau) la flèche d'or : & de l'autre vne lampe antique de iacyn-

the Oriental. Elle auoit rejetté son manteau sur l'espaule, si qu'elle monstroit la doubleure de drap d'or frizé, & là deffous sa bordure d'orfeuerie, entremeslée de pierres precieuses, toutes en perfection. Elle auoit vne robbe de fine soye, toute close, tissue avec fil d'or, ceinte au deffous des mammelles. Le chariot de Cupido estoit tiré par deux serpens priuez, allans à quatre pieds, & estendans le col, attachez à traicts de laurier, cordé avec du fil de soye, les poitrals d'or, tous cizelez aussi à fueilles de mesme, enrichis de fine pierrerie: & cheminoient pas à pas en grauité de triomphe, & en ceste belle ordonnance.

Premierement les Pastophores, puis les Trophigeres, Pyrgophores, & celles qui portoient les faisceaux de verges, & haches liées ensemble: apres les autres qui tenoient les torches & ciérges allumez de belle cire blanche: & puis les Osmophores encensieres, portans castolettes & autres parfums, desquels sortoit vne odeur incroyable. Il y auoit d'autres Damoiselles qui portoient des vases d'or à col estroict, plein d'eau de senteur, qu'elles respandoient sur les assistans, menu comme petite pluye. Apres venoient celles qui sonnoient des instruments, à scauoir luths, violes, fleutes, harpes, hautbois, cornets, trombons, lyres, chalemies, violons, & autres de toutes sortes, accordans à la voix des chanteses qui les accompagnoient, couronnées de chapeaux de fleurs, & de fueilles de toutes couleurs, meslées de perles, avec d'autres pierres precieuses, parmy de beau fueillage d'or. Cela rendoit vne harmonie tant melodieuse, qu'Apollo n'en fit oncques de pareille aux Muses, quand il chantoit avec sa Lyre: ny Arion lors que le Dauphin le portoit: mesmes on ne peut estimer qu'il en soit fait de tel par les Syrenes, pour deceuoir les mariniers. Ces belles ne cheminoient pas toutes ensemble, & en troupe, mais par ordre, trois à trois, chacune à son rang, aux lieux qui leur estoient ordonnez: tellement que ie tiendrois à presumption de vouloir entreprendre d'exprimer la moindre partie de ce triomphe, le diuin comportement des belles Nymphes, leurs beautez singulieres, leurs somptueux habits, leurs gracieuses contenance, & l'abondance des thresors, richesses, grands delices & plaisirs, que par la grace speciale de Cupido il me fut permis de voir en cét instant, en telle perfection qu'il n'y à langue bien disante qui puisse, sous les proportions d'éloquence, faire voir l'estat de ceste magnificence.





Au dernier lieu, & deuant les serpens qui tiroient le chariot, marchoient 2. *Ægyptans*, ou *Satyres*, avec barbe de boucs, & pieds de chèvre, couronnez de fleurs de *satyrion*, *cynosorche*, & *enula*: le front ridé, le poil meslé, & mal pigné: portans chacun l'effigie d'un monstre, grossement & lourdement taillée en bois, de forme humaine, vestuë iusqu'à la poitrine, & ayât trois testes diuerses: le demeurant estoit fait en quarré, allant en pointe deuers le pied, qui finissoit en vne moulure, assise sur vn plinthe.

Au milieu du quarré, & au plus large endroict, estoit le signe *Ityphalle*, qui est la remembrance de l'estre parfait de l'organe de production naturelle.

Deuant eux alloit vne *Nymphe*, blanche & belle, couronnée de lierre, & vestuë d'une robe ouuerte par les deux costez, les pans volans d'une part & d'autre, par la mignardise du vent. Elle portoit vn vase d'or, rond, fait en façon de mammelle, duquel sortoit du lait par vne petite bouche, tout ainsi qu'en vn sacrifice. Elle estoit au milieu de deux autres *Nymphes*, l'une couronnée de *Mercuriale* masse, & l'autre de la femelle.

La premiere tenoit en l'une de ses mains la statuë d'un enfant toute entiere, & en l'autre vne qui n'auoit ny bras ny teste.

La seconde portoit la figure & simulachre de *Seraphis*, adoré des *Egyptiens*. C'estoit vne teste de *Lion*, qui auoit d'un costé teste de *Chien*, & de l'autre celle d'un *Loup*, encloues & enuironnées d'un *Serpent*, qui auoit la teste panchante sur le costé droict, & du dedans sortoient des rayons fort aiguz.





Ainsi estoit accompagné Cupido triomphant, Polia & moy menez apres, attachez à liens de fleurs, & de cordes faictes de roses. Les Nymphes nous entretenoient de propos amoureux, & paroles courtoises, en visage ioyeux, accompagné de bonne grace, ainsi qu'ont accoustumé, & le pratiquent, filles gracieuses. Ce grand Seigneur, absolu Roy des ames dociles, marchoit en ce triomphe & pompe magnifique, accompagné des trophées de tous ceux dont les enseignes de ses victoires suivoient sa banniere imperiale, au milieu de la belle musique, parmy de beaux rosiers, semé par dessus de fleurs odorantes, & sous la couverture d'infinites riches treilles: en cet estat nous parvinsmes à vne grande place, deuant la porte d'un excellent & merueilleux amphitheatre, tel qu'onques ne fut veu son pareil. C'estoit vn monstre & prodige de structure, & plustost ouvrage diuin, que faict par mains d'ouuriers mortels. Nostre venue fut par la grande voye, au long de laquelle, de chacun costé, y auoit de petits tuyaux secrets, qui jettoient incessamment de l'eau musquée, de l'extrémement parfaite. Quand nous fusmes arriuez à la porte de l'amphitheatre, ie me prins à la contempler par le menu, pour descrire ses particularitez. Elle estoit de pierre d'azur: les bases & les chapiteaux des colonnes de fin or: l'architraue, la frize, la corniche, & le tympan du frontispice, de la mesme pierre d'azur. Les costieres, ou jambages qui soustenoient l'arceau de l'ouverture, d'ophite: les colonnes mises pour ornement aux deux costez, de porphyre: & les suivantes variées, à sçauoir vne de pierre serpentine, & l'autre de porphyre. Les moyennes venant à plomb de celles de porphyre, estoient d'ophite: & les plus hautes de façon quarrées à la mode Athenienne, estoient aussi de beau porphyre: diuersifiant ainsi les vnes au contraire des autres. Aux deux costez de la

porte

y'auoit deux vases excellentement riches, l'vn de saphir, & l'autre d'esmeraude, entaillez par vn artifice admirable: qui me firent souuenir de ceux qui estoient à l'entrée du Temple de Iupiter en Athens.



Là Cupido descendit de son Char triomphant pour entrer en l'Amphitheatre, ordonné de telle sorte. L'empietement, l'architraue, les bases, les stylopedes, la frize, & les ceintures faisant le tour du bastiment, estoient de cuyure doré, & tout le reste d'albastre blanc, poly de nature, & aussi par industrie. Il auoit par dehors deux ordres de colonnes, & deux voultures l'vne sur l'autre. Les troisiemes estoient piliers quarrés, les voultures faictes en demy cercle, avec addition d'vne septiesme partie de leur largeur. Les colonnes appuyées à la muraille, ne sortoient qu'à demy hors du massif, & estoient cannelées, & rudentées, depuis le coleriz de leur assiette iusqu'à leur tierce partie. Les chapiteaux, bases, & stylobates, estoient de cuyure doré. Aux angles d'iceux stylobates, spécialement au dessous de leurs moulures, y'auoit des testes de mouton seiches, avec leurs cornes ridées & renuersées, esquelles pendoient plusieurs beaux festons, passans sous vn rond faict au milieu du quarré rabaislé, & pareillement enclos de moulures, dedans lequel estoit taillé, releué à demy relief, vn sacrifice satyrique, où il y auoit vn autel, & dessus vn trepier, soustenant vn vase d'airain, bouillant sur le feu, & à chacun costé de l'autel vne Nymphe nuë, soufflant le feu avec vn petit tuyau. Aupres de l'autel se monstroient deux petits enfans, tenans chacun vn vase: derriere les Nymphes estoient deux Satyres, ayans la bouche ouuerte comme s'ils vouloient crier, de l'vne des mains ils tenoient vne coulceure, qu'ils approchoient des Nymphes, & de l'autre ils estouppoient la bouche d'vn vase anti-

Hh

que, fait en fuseau. Les Nymphes avec leurs mains, qui n'estoient empeschées, ce-  
poussioient les bras des satyres, sans discontinuer leur office de souffler. Les autres  
estoyent faits d'autres deuifés & inuentions.




Sur les colonnes reposoit l'architraue, puis la frize, & apres la corniche. La frize  
estoit entaillée de ceste sculpture. C'estoit l'antique plein de fruiët, & de feuilles,  
qui sortoient de sa bouche. De chacune part giloit vn bœuf couché, estendant les  
pieds de deuant, deuers celuy du vase : & estoit monté par vn homme nud, tenant  
vne verge en la main, qu'il auoit leuée comme pour frapper : de l'autre il embrassoit  
le col du bœuf. Derriere luy, sur la croupe de ce bœuf, estoit assise vne femme, aussi  
nuë, embrassant l'homme du bras qui estoit deuers le fonds de la pierre : & de l'autre  
elle tenoit vn linge, passant sous sa teste, sur le bout duquel elle estoit assise. Ce linge  
couuroit la moitié du bras dont elle embrassoit l'homme. En outre y auoit vn satyre,

tenant de la main droicte l'une des cornes du bœuf, & de l'autre qu'il estendoit deuers la femme, vn serpent tortillé. Plus auant vers le fonds du vase: estoit encores vn autre satyre, tenant en sa main gauche l'autre corne du bœuf, & en la droite vn beau ruban, auquel pendoit vn long faisceau de verdure, passant sous le ventre du vase. La partie de derrière du bœuf finissoit en feuillage antique, tourné en rondeur pour luy donner façon.

Au dessus de ceste frize, accompagnée de sa corniche, estoit vne autre voulture toute semblable à la premiere. Et combien que l'art d'architecture requiere que les colonnes mises en bastiment sur autres colonnes, soient moindres d'une quarte partie que les basses sur quoy elles sont posées, mesmes que les troisiemes assises sur les seconds, diminuent d'une cinquiesme portion, si est-ce que cela n'estoit point obserué en cét edifice somptueux & bien approprié, ains estoient toutes d'une grandeur & grosseur, tant hautes, basses, que moyennes. Mais à dire vray, les troisiemes estoient piliers quarez & cannelez, sortans de la muraille vne tierce partie de leur grosseur. Entre deux de ces piliers y auoit vne fenestre, non point quarrée comme celle des temples, ains en arceau, ainsi que l'on les fait aux maisons particulieres. La corniche royale estoit sans saillie, ne forget, mais par dessus y auoit seulement vne petite muraille, d'un pas & demy en hauteur. Toute ceste magnifique structure estoit bastie de fin albaistre indien, transparent comme verre, massonnée sans cymment, ny aucun mortier, ains en estoient les pierres si bien esquarries, jointes & enclauées ensemble, qu'il n'en falloit craindre la dissolution, mais l'estimer durable à perpetuité. La superficie n'en estoit noire de fumée, rouffie du Soleil, ny souillée de la pluye, ains demeurante en son naturel, & premier polissement, sans tache ny macule en aucune de ses parties. La place contenoit dedans œuure, la longueur de trente-deux pas de diametre. La largeur de la closture & allées regnantes à l'entour, estoit de huit pas. Ce département ou diuision de la rondeur de l'edifice, & des colonnes, estoit premierement faite en quatre, chacune quarte partie en huit, qui faisoient en tout trente-deux diuisions: & autant de colonnes en rond: car sur chacune huitiesme partie estoit posée vne colonne.

H h ij



La closture estoit vaultée à double vaultes, qui faisoient deux voyes, ou allées, enuironnantes l'édifice. Les piliers du milieu estoient plus pres l'un de l'autre, que ceux du front de dehors, & y auoit encores moins d'espace entre ceux du dedans, ainsi que les lignes s'approchoient plus pres du centre, tant plus elles venoient à s'estreindre. L'espace d'un pilier à l'autre diminueoit de largeur, selon la proportion de la rondeur, la hauteur demeurant tousiours en vne égalité de mesure. Le pavé de ces belles allées estoit de musaique, & pareillement le fonds des vaultes, le tout d'une

mesme façon, tellement que l'ouillage de l'un se rapportoit à l'autre, & tout faict à compartimens, enrichis de fucillages antiques, si proprement & de tant bonne grace, que tout sembloit estre d'une seule piece, non point de pierres rapportées. Dedans ces compartimens estoient pourtraicts par belles histoires tous les effects & operations de l'Amour.

En ce merueilleux édifice facilement se pouuoit cognoistre le bon esprit, le prompt discours, l'art excellent, l'ingenieux dessein, le profond sçauoir, la merueilleuse diligence, & l'inuention supernaturelle du bon ouurier qui l'auoit faict: car à comparaisson de cét ouillage, n'estoient rien, ou bien peu de chose, le somptueux Temple d'Ephese, le Colisée, ou Amphitheatre de Rome, ny autre structure quelconque, renommée par les Histoires. Mais encores quand nous fusmes arriuez à ceste grande porte Royale, toutes les Nymphes demeurèrent dehors, & entra seulement Cupido avec sa Psyché: puis Polia, moy, & les Nymphes qui nous tenoient liez, apres auoir passé les deux voultures, entraimes en la place du theatre, laquelle estoit pauee d'une seule pierre de iayet toute d'une piece, ronde & entiere, tant noire, & si polie, que quand les Nymphes qui nous menoient m'eurent tiré dedans: ie n'y eus pas si tost mis le pied, qu'il me sembla que ie tresbuchois en vn abyfme, & estois precipité dans vne grande fosse, obscure & espouuentable. Toutesfois les murailles qui l'environnoient, firent qu'aucunement ie me recogneus. Ce neantmoins la peur me fit faire vn faux pas, & m'en estourdy vn peu le pied. En ceste pierre s'aperceuoit clairement la couleur du ciel & des nuées, & des murailles qui faisoient sa closture, ce qui se voyoit comme l'on faict dedans la mer quand il y a bonace. Au milieu de la place, droict dessus le centre d'icelle, estoit la sainte fontaine de la diuine mere de nostre maistre, excellentement belle & bien ornée. Ie veus (s'il vous plait) vous faire veoir l'incroyable structure & disposition de l'amphitheatre, qui excedoit non seulement l'apprehension de mon esprit, ains toute pensée mortelle: car il estoit miraculeusement édifié. Les degrez faits tout autour de la place commençoient au nyueau du paue, & estoient en trois ordres, en chacun quatre degrez non massifs, mais creux, ayans six palmes de hauteur, & deux pieds & demy de largeur, remplis de terre, & semez de toutes manieres de fleurs, qui ne montoient de tant soit peu plus haut que la moitié du degré ensuiuant. Au quatriesme n'y auoit point de fleurs, mais estoit faict pour passage, ou allée, couuerte d'une treille en berceau, contenant cinq pieds en largeur, & vn pas & demy de haut: laquelle treille n'occupoit en rien la veüe du cinquiesme degré, où commençoit le second rang, vn peu plus releué que les autres, gardant proportion conuenable: & ainsi des autres, tant du troisieme que quatriesme ordres: car vne mesme mesure estoit obseruée en tous. Les accoudoiers & appuis de la mesme allée, estoient de pierre noire, luisante comme verre: les seconds de Spartopolie: les troisiemes de Hieratite: & les quatriemes de Cepronie: si reluisans, qu'il vous eust semblé à veoir à trauers les treilles, que c'estoit le Ciel qui se presentast à vostre veüe, & non vne muraille de pierre. Sur le bord de ces accoudoiers la treille commençoit à se tourner en voulte: le tout si bien conduit par architecture, que tous les quarez des degrez respondoient au nyueau de la ligne, tirée du plus haut iusqu'au plus bas, & ce par vn excellent artifice, inuention diuine, & quasi incomprehensible. Plus haut que la quatriesme treille y auoit vne muraille, d'un pas & demy de haut, & d'autant de large, creuse, & puis remplie de terre, enuironnée tant dehors que dedans, d'une moulure faite d'albastre, aussi bien que tout l'édifice, reserué les degrez, qui estoient de iaspe Oriental, de plusieurs couleurs, confuses & meslées ensemble: & estoient bordéz par le haut d'une moulure de fin or. Ceste muraille faisoit la corniche de l'amphitheatre, dedans la-

quelle estoient plantez des Cypres de deux en deux, assez pres l'un de l'autre: depuis deux d'iceux Cypres iusqu'aux prochains, il y auoit trois pas de distance: & estoient tous d'une grandeur & grosseur, les poinctes enclinées l'une vers l'autre, tellement qu'ils formoient certaines petites voultures en maniere de pyramides, c'est à dire, que la poincte du premier estoit ployée avec la poincte du quatriesme, celle du second avec celle du cinquiesme, & ainsi ensuiuant de quatre en quatre, le tout entre-lassé de sorte, que si l'un passoit sur son prochain, l'autre courboit apres sous le suyuant. En chacun espace d'entre quatre Cypres (qui contenoit trois pas) y auoit vne plante de buys à belles pommes, ou boules rondes, diminuantes de grosseur: sçauoir est, la seconde moindre que la premiere, & la tierce que la seconde: mais toutes estoient si rondes, & tant vnies, qu'une feuille ne passoit l'autre, dont sembloit qu'elles auoient esté tonduës, & ainsi mignottées par expres. Entre deux Cypres y auoit vn pied de genévre, haut & droit, pour remplir le vuyde, estant d'une voulte à l'autre, avec vn toupet de feuilles sur la poincte. Les perches, oziers, & tout l'autre semblance de merrain des treilles, estoit de fin or: la premiere couuerte de myrthe fleury, ployée sur vn architraue d'or, soustenu d'une voulte, posée sur des colonnes d'un mesme metal, lesquelles auoient pour stylopode, ou piedestal, le quatriesme degré, le plan duquel (faisant l'allée au dessous de la treille) estoit paué d'une paste, ou cymment, composée de musq, ambre, banjouyn, labdan, & storax, de couleur noirastre, & parmy estoient fichées des perles Orientales, toutes d'une grandeur & grosseur, disposées en fueillages antiques, en forme de musaique, entre-meslée de petits oyseaux, ourage (certes) de si grande singularité, que nul autre ne s'y peut comparer. Ce paué sembloit estre fait pour estre seulement y marchassent des pieds diuins. La seconde treille estoit couuerte de roses blanches & vermeilles, & le paué fait de poudre de corail, cymentée, retenans tousiours son lustre & couleur naïfue, figuré par dessus en sa superficie de fueillage, avec fleurs antiques, les fueilles d'esmeraude, & les fleurs de saphirs: tous égaux, & polis en perfection. La tierce de iafin, & le paué de pierre d'azur puluerisé, de couleur celeste, vn peu tirant sur le verd, ouuert d'entre-laz moresques, faits de pierres precieuses, de toutes les couleurs & especes que nature les sçait produire, meslées de paillettes d'or, nées en la pierre mesme: tant qu'il est impossible de croire la cause d'admiration, plaisir, & contentement que cela donnoit aux regardans. Je ne fais point de doute que les esprits ne s'en contentassent assez, voire qui plus est, ne s'esmerueillassent, pourau tant que cela passe tout ce qui fut oncques excogité des hommes. Ces treilles estoient par dehors soustenuës de colonnes d'or, liées l'une à l'autre, par voultures d'arches, posantes sur les chapiteaux des colonnes. Le vuyde entre les cornes de l'arceau, estoit en forme de triangle, fait en l'un de pierre d'agate, en l'autre de iafin, de calcedoine, ou autre telle, tout d'une piece, & sans aucun ourage, mais polies tant seulement. Au costé de dedans, deuers la muraille, il n'y auoit point de colonnes, ains vn grand architraue, garny de sa frize & corniche, le tout d'or massif, courant le long de la muraille, à la hauteur des chapiteaux des colonnes, sur lequel la treille reposoit: & à l'opposite d'iceux chapiteaux sailloient des modions, ou bouts de chevrons d'or, par dessous l'architraue, comme pour le soustenir. Sous ces treilles dansoient plusieurs belles Nymphes, & quand elles se treuuoient aux ouuertures entre-deux colonnes, lors elle se tournoient vers la fontaine, estant au milieu de l'amphitheatre, & faisoient vne reuerence bien humble, sans toutes fois perdre la cadence, ou interrompre la mesure. Elles alloient au contraire les vnes des autres, c'est à sçauoir celle des treilles haute & basse, deuers main droicte: & celles de la moyenné, à la main gauche: tant qu'il sembloit que les vnes tirassent la part d'où les autres

reuenoient. Les instruments rendans le son estoient deux trombons, ou saquebuttes d'or, & quatre hautbois, dits Epiphone, Mesophone, Antiphone, & Chamephone; signifiens, dessus, taille, basse-contre, & haute-contre. De ces instruments les trois estoient de bois de sendal, l'un rouge, l'autre iaune, l'autre blanc, & le quart d'ebene, garnis d'or, & de pierres precieuses, mesmes accordez en harmonie excellente, accompagnée des voix angeliques de ces Nymphes diuines, faisant merueilles en difference & diuersité de tons, prononcez en égale proportion, rendant si tres-douce resonance, que mon ame en estoit toute rauie. Les Nymphes de la treille du milieu estoient nuës, & monstroient leurs personnes plus finement blanches que neige. Les autres s'aymoient micux richement vestuës de diuers habits & ornemens de soye, de toutes sortes & manieres de couleurs, ensemble de drap & toile d'or ou d'argent, rayé, frizé, figuré, changeant, & de toutes deuises que l'on scauroit imaginer. A la verité ces objects sembloient estre doubles, & ce à l'occasion de la muraille, qui estoit tant noire, & si polie, qu'elle les representoit tout comme vne bonne glace de miroir. A l'encontre de la grande porte, & au droit d'icelle, y auoit vne montée de sept degrez de iaspe, continuans iusqu'au plan de la premiere treille: & au dessous, en la muraille, estoit faite vne petite poterne d'or, par où l'on entroit sur les premieres vaultes, & de là aux plus hautes. Puis chacune treille ensuiuant auoit aussi sa porte d'or, de semblable estoffe & ouurage que la premiere. Le premier ordre des sieges estoit départy en deux, par l'escalier commençant au bas du portail: & le premier de ces sieges estoit comblé de terre, & semé de fleurs, & violettes: le second de blanches: le tiers de passe-veloux. Au premier du tiers & deuiers ordre, il y auoit des pensées, au second du soulcy, & au dernier des ancolies. Toutes ces fleurs plus odorantes que les meilleurs parfums d'arabie: & si ne sont en rien subjectes au changement des saisons, ains demeurent sans cesse en leur beauté, printemps, & force de nature, sans flestrir, & seicher, ny en faire aucune apparence. Je regardois (comme tout estonné) la grace & majesté de ce lieu, son excellence, la distribution ingenieuse, & le compartiment de tous ses membres, parfaitement accommodez l'un avec l'autre, ensemble toutes les particularitez que nous auons veuës, tant que j'en demeuray confus, & quasi hors de moy, comme celuy qui en songeant cuyde songer, & il est incertain s'il dort, ou s'il veille. Tous mes sens estoient occupez & circonuenus d'un plaisir inexplicable, & mon cœur embrasé d'une ardante flamme d'amour, allumée par la beauté nompareille de ma Polia: que j'ayme plus que tout autre sujet: de sorte que ie ne scauois plus qui j'estois, n'y en quel lieu on m'auoit transporté.

Lors les deux Nymphes qui nous auoient liez, détacherent nos cordons de fleurettes: & la Royne Psyche s'enclinant humblement deuant son mary, luy rendit la flèche d'or: puis nous presenta par grande ceremonie deuant la sainte & sacrée fontaine de Cytherée.

## POLIPHILE DESCRIT EN CE CHAPITRE LE GRAND

*& merueilleux artifice de la fontaine de Venus, qui estoit au milieu de l' Amphitheatre. Et comme la courtine dont elle estoit close fut rompue: parquoy il void en Majesté la Déesse, qui consigna Polia à trois de ses Nymphes, & Poliphile à trois autres. Puis ils furent navrez par Cupido, & enrosez par sa mere de l'eau de la fontaine. A la fin pour la venue du Dieu Mars comment ils prindrent leur congé, & sortirent de l' Amphitheatre.*

## CHAPITRE XXIII.




VENERABLEMENT & en tout honneur, faisant la reuerence, l'agreable Polia, & moy, nous agenouillâmes deuant la sainte fontaine, où ie me senty assailly d'une douceur, laquelle ie ne pouuois bien discerner, par estre surprins d'esbahissement, & comme rauy en extase voyant ces Nymphes, & escoutant leur chants harmonieux, qui excedoient sans comparaison tous ceuz que j'auois accoustumé d'ouyr. Certainement ie me consumois d'extrême volupté, contemplant leurs gracieuses façons, & conteneances admirables, regardant vne fabrique de magnificence, tant releuée, pensant à l'ineestimable inuention & disposition d'icelle, si que j'estois tout confit en ces senteurs de parfums exquis & celestes, incertain auquel de mes sentimens ie me deuois donc arrester, & à laquelle des voluptez m'appliquer le plus, ou adherer, pource qu'ils estoient tous distraits chacun à son objet, lequel me cauoit d'autant plus grand plaisir, que ie voyois ma chere Polia participer avec moy au fruit de ceste felicité diuine: jointt aussi que ie me treuuois pres d'une fontaine si excellente & tant renommée, excellentement construite au milieu de ce superbe bastiment, comme ie l'auois ouy declarer.

De la pierre noire massiue dont estoit fait le paue sur le milieu de la place, & de la meisme piece, estoit esleué vn petit mur, ou accoudoer, d'un pied de haut, taillé en rond à sept angles, garny de moulures, tant au bas que deuers la summité: & à chacun angle y auoit vne petite saillie, en façon de stylopede, ou piedestal, sur lesquelles estoient posées sept colonnes. L'une des faces estoit ouuerte pour faire l'entrée, deuant laquelle nous estions agenouillez. La colonne du costé droit estoit d'une seule piece de saphir: celle du fenestre d'esmeraude: la tierce de turquoise, ressemblant de couleur à fin azur: & combien qu'elle ne fust claire & transparente comme les autres, si estoit-elle tant polie, qu'elle reluisoit aussi fort qu'un verre. La quatriesme fut de rubis, la cinquiesme de topase, representant la couleur de l'or, la sixiesme de iaspe, & la septiesme de beryl, tirant sur l'apparence d'huyle d'olive, nouvellement faite. Ceste-là estoit hexagone, c'est à dire, taillée à six pans, respondant droit au milieu de l'entrée, entre les deux premieres colonnes: pource qu'en toutes les figures angulaires, qui ont les coings en nombre impair, l'un d'eux respond contre le milieu de l'espace qui est entre deux autres angles, estans à son opposite.

Pour former donc ce contour à sept angles, faut premierement faire vn cercle, & le partir en quatre par vne ligne perpendiculaire, & vne trauersante, qui s'en-trecroisent droitement au centre. Puis diuiser avec le compas l'une de ces par-ties

ties en sept portions égales, & d'icelles en prendre quatre entre les deux pointes du compas, puis passer ceste mesure par dessus la ligne de la circonference: & l'on la treuuera bien iustement partie en sept.



Contre la colonne de beryl, qui faisoit la septiesme, estoit entaillé par dedans, de la mesme pierre, vn ieune enfant Hermaphrodite, c'est à dire, masse & femelle, tout de relief, reserué qu'il tenoit à la colonne par l'espine du dos. Aux trois autres colonnes du costé droict, y auoit à chacune encor vn enfant de la mesme pierre: & en celles de la part fenestre, autant de petites fillettes: ces figures regardâtes l'une l'autre si viuement, & d'un lustre si beau, que l'Ésmery, ou la croye de Tripoly, ne leur en eussent peu donner de tel. Les bases, chapiteaux, architraue, frize, & corniche,

estoyent de fin or massif: les arches d'une colonne à l'autre de la mesme pierre, c'est à sçauoir de saphir, en la colonne de saphir: d'esmeraude, en la colonne d'esmeraude, & ainsi consequemment. Sur les angles de la corniche, à plomb des colonnes, estoit à chacun vn petit piedestal, soustenant sept figures d'or, representans les sept Planettes, avec les instruments & enseignes pour les cognoistre. Leur grandeur n'excedoit pas la tierce partie d'une des colonnes. Au front de deuant, d'un costé, estoit le vieil Saturne tenant sa faux, & en l'autre la Lune, puis Iupiter, apres Venus, Mars, & Mercure. En la frize d'au dessous estoient cifelez de demy taille les douze signes du Zodiaque, avec leurs signes & caracteres. Le comble ou couuerture de ceste merueilleuse fontaine estoit fait en voulte ronde, comme vne couppe sans pied, renuersée, toute d'une seule piece de crystal, entiere & massiue, sans veine, paille, poil, rouilleure, ny autre macule quelconque, mais plus clair que l'eau sortant de la roche viue, naif, & brut, sans aucun pollissement, ains tout ainsi que nature l'auoit produit, tant se monstroit beau & parfait en toutes choses, qu'oncques ne fut veu son semblable. Il estoit ceint par le bas d'un fueillage d'or, meulé de petits enfants & monstres, embrassans l'un l'autre en actes pueriles, mesmes jouans & montans parmy le fueillage, si naturellement & tant bien exprimez, qu'il ne leur falloit que la parole. Dessus le fonds de ceste voulte, droictement contre le milieu, estoit enchassé en vn biseau d'or, vn escarboncle en ouale, de la grosseur d'un œuf d'Austruche. Au petit mur soustenant les colonnes, entaillé de la mesme pierre noire du paue, fait à sept faces, estoient engraues certaines lettres Grecques, composées de la neuuesime partie de leur quarre, c'est à dire, que leur grosseur auoit vne neuuesime de leur hauteur. Elles estoient emplies d'argent, pour leur donner lustre sur le noir: & si bien adjoustées, qu'elles y sembloient estre escrites d'argent moulu avec vn pinceau. En l'une des faces y auoit seulement deux lettres, & à chacune des autres, trois, & disoient.

ΩΣΒΕΡ ΣΠΙΝΩΗΡ ΚΗΑΗΘΜΟΣ.

*La delectation est comme vn dard estincellant.*

Chacune des sept faces auoit trois pieds de long, & depuis les bases iusqu'à l'architraue, y en auoit sept de mesure. Certainement c'estoit vn ouurage admirable, & pense que n'en disant autre chose, sa dignité luy sera mieux gardée, que d'en discourir plus longuement, veu qu'il est trop meilleur me taire, que cuidant declarer proprement ce sujet, ie decouure mon ignorance & rudesse. Entre la colonne de saphir, & celle d'esmeraude, y auoit y courtine, pendue à boucles d'or, passées en lacs de soye, si belle, & tant riche, qu'il me sembla que nature l'auoit faicte expressément pour en couvrir les Dieux, tant la matiere estoit exquisite. Sans doubte il n'est pas possible à homme de l'exprimer. Ce nonobstant ie puis bien dire qu'elle auoit couleur de sendal, tissue à belles fleurs, entre-meslées de quatre lettres Grecques, faictes en broderie, ces quatre lettres sont.

I M H N.

C'est à dire,

P V C E L A G E.

Ceste courtine estoit tirée deuant la fontaine, pour couvrir ce qu'il y auoit dessous : & afin qu'elle fust ouuerte, Polia & moy estant à genoux deuant Cupido nostre maistre, il bailla sa flèche d'or à la Nymphé Synaisie, luy faisant signe qu'elle la presentast à Polia, pour en rompre & déchirer la courtine : dequoy la belle se monstra aucunement mal contente, & sembloit qu'elle le fist mal volontiers, comme s'il luy eust déplu d'obeyr aux saintes loix d'amour, auxquelles desia elle s'estoit assubjectie : mais cela luy aduenoit par timidité virginale, jointe à faute d'experience. Lors ce grand Dieu voyant cela, se print vn peu à sousrire, & derechef commanda par expres à ladicte Nymphé Synaisie, qu'elle la consignast à Philedé pour la m'apporter, afin que i'en misse à effect ce que Polia n'osoit entreprendre. Incontinent que ce diuin organe fut entre mes mains, sans vser de contredit, ou refus, estant pressé par vn ardent desir, & affection auéglée de veoir la Déesse Venus, ie rompy la belle courtine : & en cet instant me sembla que ie vis Polia changer de couleur, & s'en douloir en son courage. Adonc me fut à plein manifestée la majesté de la sainte Déesse, qui se baignoit en la fontaine, garnie de toutes les beautez que nature peut imaginer. Aussi-tost que i'eus jetté mes yeux sur ce diuin object, & jouy d'une veüe tant inopinée : Polia, & moy, meuz d'extrême douceur, & d'un plaisir longuement attendu, demeurasmes comme ravis, hors de connoissance, & quasi en extase, pleins de peur & de crainte grande, au moins moy, pource qu'il me veint en memoire la piteuse fortune du pauvre Acteon, lequel pour auoir veu la Déesse Diane se baigner nue en fontaine, qui est au val de Gargaphie, fut par elle mué en Cerf, & incontinent deuoré de ses chiens. Car ie craignois qu'il m'en aduint autant. La Déesse Venus estoit iusques au dessus des hanches en l'eau de la fontaine, tant claire, & si subtile, que toute la forme de son corps se pouuoit discerner selon la perfection du naturel, qui est contre l'effect de toutes autres eaux, lesquelles representent au double toutes choses plongées en leur humeur, les rendant plus grosses, courbes, difformes, contrefaictes, ou diminüées de leur entier, ce que desia nous auons recogneu. D'auantage ceste eau rendoit

vne petite escume au long des riués, sentant ainsi que le musq fondü avec l'ambre, ou à peu pres. Là estoit assis ce corps celeste, resplendissant comme vn escarbonele, exposé aux raiz du Soleil. Ses cheueux estincelloient comme petits filets d'or, & estoient entortillez à l'entour de son front, puis pendans dessus ses espaulles, où ils faisoient vn gracieux reply, & de là descendoient iusques à l'eau, sur laquelle ils nageoient tout à l'entour de la Déesse, qui auoit en sa teste vn chapeau de fleurettes, meslées de pierres precieuses, les yeux pleins d'amour & de ioye, les joués vermeilles, la bouche petite & delicate, le col droit, rond, & vny, la poiétrine releuée, & polie comme albastré, les mammelles rondes, avec vn iuste espace entre-deux. Aux oreilles luy pendoient deux grosses perles Orientales, plus belles & plus riches, que ne furent iamais celle de la Royne Cleopatra. A telle beauté ie ne scaurois treuuer que comparer entre les humains, car de tant parfaicte vision ne peuuent jouyr sinon les Dieux glorieux & celestes. Entre les jointures des degrez croissoit la belle fleur, en laquelle fut jadis mué son mignon Adonis: & au costé fenestre l'herbe appelée Thelygone, & au dextre l'Arsenogone. Autour de la Déesse volletoient plusieurs petits oyseaux, qui mouilloient leurs becs dedans les claires ondes, & en arrosoient ce corps diuin d'vne pluye menuë, à gouttes rondelletes, qui ressembloient perles Orientales. A costé d'elle, estoit debout sa bonne & loyale seruante Peristera. Hors de la fontaine, au costé droit sur le pauté, y auoit trois autres pucelles jointes ensemble, embrassant l'vne l'autre, deux desquelles Eurydomene & Eurymene, estoient tournées deuers nous, mais la tierce Eurymedusa nous monstroit les espaulles & le dos couuert de ses blonds cheueux. Ces filles accompagnoient tousiours la Déesse, laquelle tenoit d'vne main vne coquille pleine de roses, & de l'autre vn brandon ardent. L'on descendoit dans la fontaine par six degrez: sur le premier desquels les colonnes estoient plantées: l'eau estoit iusques au quatriesme: les deux premiers d'agathe noire, camelottée à ondes blanches des veines de la mesme pierre, estoient à sec, ou hors de l'eau, sur le premier degre entre-deux colonnes estoit assis vn ieune Dieu, ioyeux en regard, & semblant de visage vne femme volage, la teste cornuë, & sa poiétrine decouuerte, appuyé sur deux Tygres, & couronné de fueilles de vigne avec les raisins. De l'autre costé y auoit vne sage matroshe, seante à son aise, couronnée d'epis de bled, & accoudée sur deux serpents. Chacun de ces deux personnages tenoit en son giron vne boule, de matiere tendre & molle, desquelles par interualles distilloit goutte dedans la fontaine, vne douce liqueur sortant d'vn petit pertuis fait comme vn pupillon de mammelle, & se gardoient soigneusement de mouiller leurs pieds dedans l'eau. L'estois là deuant à genoux quasi comme transi, & tout troublé de mon entendement, douteux de ce qui m'estoit present, & ne pouuois bonnement imaginer comment, par quels merites, en quelle maniere, ny par quelle felicité de fortune ceste grace estoit aduenüé à mes yeux, indignes de veoir telle excellence de diuinité, & des mysteres tant secrets. Toutesfois en fin ie presumay que c'estoit par la seule volonté des Dieux immortels, le gracieux consentement de Polia, & l'intercession de ses saintes prieres. Sur tout me déplaisoit qu'entre tant de personnes diuines, ie me treuuois rude, mal en ordre, couuert d'vne robe triste, pauvre tout outre, & de nulle valeur, different en toutes qualitez aux personnes qui honnoient ceste compagnie. Neantmoins ie loüois secrettement en mon courage la benignité diuine de ce qu'elle auoit permis à vn homme terrestre de veoir & contempler les grands thresors de la nature. Les Nymphes des treilles perseueroient en leurs danses & chansons, menant vne parfaicte ioye pour la victoire que leur maistre Cupido auoit obtenuë sur nous. Cependant il sembla (ce croy-ie) à la Déesse.

que l'heure estoit commode, & le temps venu de donner ordre à nostre affaire: par quoy elle fit signe aux instruments qu'ils cessassent, & que tout se tint en silence: & adonc se tourna vers nous, disant: Polia, ma loyale seruante, tes bons seruices, tes humbles sacrifices, & tes deuotes oraisons, ont meritè & obtenu que ie te sois propice, voire que ie te fasse digne de ma bonne grace. A ceste cause inclinant fauorablement à tes raisonnables requestes, ie les veux liberalement recognoistre & guerdonner, en acceptant les solempnelles ceremonies par lesquelles tu m'as voué, donné, & dedié ton cœur. C'est que ton fidelle Poliphile, qui cy est, également épris & enflammé de ton amour, sera compté au nombre des vrais, loyaux, & bien-heureux Amants, purgé de toutes conditions vulgaires & basses, de tous deffauts & turpitudes, si aucunement y estoit encouru: puis tellement purifié de ma sainte rosée, qu'il te sera pour tout iamais prompt, obeysant, & tres-affectionné seruiteur, appareillé à tous tes commandemens, plaisirs, & volonteés licites, sans iamais des-obeyr, ny aller au contraire: & pourtant j'ordonne que vous entr'aymerez l'un l'autre de tout vostre cœur & pensée, vsant le demeurant de vos vies en entiere prosperité, sous ma protection & sauuegarde. Et affin que l'amitié de l'un à l'autre soit reciproque, ainsi que vous le desirez, ie vueil donner à toy Poliphile quatre des Nymphes de ma suite, pour t'accompagner iusqu'au bout, & te douer de leurs vertus, affin de magnifier ton courage, & le rendre constant en l'amour de Polia. Adonc elle en appella des treilles, la douce Henosie, & luy dict. Prends avec toy Amonorexe, & Phrontide, avec sa sœur Critoë, puis vous quatre accompagnez inseparablement, & à tousiours, nostre bon seruiteur Poliphile, & sa maistresse, que ie vous recommande & encharge: Entretenez-les eux deux perpetuellement en amour mutuelle, si bien qu'il n'en vienne point de faute. Sur ce, la Déesse tira de la coquille qu'elle tenoit deux anneaux, en chacun desquels estoit enchassée la pierre Anterote, & en donna l'un à Polia, & l'autre à moy, nous commandant, & enjoignant, de tousiours les porter, & n'enfraindre son commandement. Apres elle tourna sa face deuers Polia, & luy dit amiablement. Ie te donneray aussi quatre de mes seruantes, lesquelles ne partiront iamais d'avec toy, ains tiendront main à la confirmation & seureté de ton amour. Adonc elle appella des treilles Adiachoriste, avec ses trois Sœurs, Pistinie, Sophrosyne, & Aidolie, ausquelles elle enchargea de l'accompagner, disant. Ne laissez iamais ceste-cy pour chose qui aduienne: & faiçtes qu'elle soit ornée de la plus ferme & cordiale amour qui oncques fut, tant qu'il en soit memoire perpetuelle. Donnez aussi ordre qu'elle obeysse à nature, sans la frustrer ny frauder de son deuoir, ains que elle s'offre & presente pour oblation agreable, en foy pure & sincere, à son vray amy Poliphile, & soit prompt à cordialement le desirer, & indissolublement aimer. Incontinent que ces Nymphes eurent entendu le commandement de leur Dame souueraine, elles vindrent à nous, & baisèrent chacune la partie qui luy estoit enchargé, nous festoyant de gracieuses paroles pleines de toute douceur & humanité: & consequemment nous presenterent leur seruice par tres-affectueuse courtoisie. Quand la Déesse eut finy son propos, son fils encocha vne sagette, & enfonça son arc de telle force, que d'une main il touchoit sa mammelle, & de l'autre le fer de la flèche: puis desbanda sur nous par vne telle puissance, que possible n'est la reciter. A peine eustil lasché la corde, que ie séty passer le trait tout par le trauers de mô cœur, & d'un meisme coup (elle estant encorcs toute rouge & fumante de mon sang) donner dedans l'estomach de Polia, où elle demeura fichée, apres m'auoir navré d'une playe incurable. Ce faiçt, Cupido s'approcha de Polia, & retira sa flèche qui sortoit à demy, puis la l'aua en la fontaine, pour la nettoyer de nostre sang dont elle estoit souillée.

Helas!helas!ie fus à ce coup tant épris d'une ardeur excessiue qui se répandit tout au long de mes veines, que i'en deuinis offusqué de mon entendement. Ce neantmoins ie me senty ouuir le cœur, & y engrainer la figure de ma souueraine Polia, ornée de ses vertus pudiques & loiiables: & fut la trasse tant profonde, qu'il n'est possible de l'effacer, ains est necessaire que l'emprainte y demeure toute ma vie, & que ma Dame en préne possession telle, que nulle autre ny puisse iamais auoir part, ny mesmes y prendre l'entrée. Sur moy n'y eut nerf, ny artère, qui de ce feu ne fut bruslé comme vne paille seiche au milieu d'une grande fournaise, en sorte que quasi ie ne me cognoissois plus, & pensois estre mué en autre forme. Aussi de fait ie vacillois pour ne pouuoir comprendre en quel estat estoit mon cœur. Si est-ce qu'il me reuenoit en memoire comme l'Hermaphrodite tenant sa mie entre ses bras dedans vne fontaine, se sentit & apperceut de deux corps deuenir vn seul. Dont mon poulx estoit alteré, & ie respirois à grandes halénées, ne plus ne moins que celui qui en dormant songe estre pressé, ou chargé d'un si pesant faix, qu'il ne peut bonnement souffler, parquoy en se réveillant tire son vent à grands efforts. Bien-tost apres la Déesse mettant les deux mains ensemble, en façon d'un vaisseau creux, puisa de l'eau de la fontaine, qu'elle jetta sur nous, si que nos corps en furent arrosez, affin de nous lauer, & purifier, de toutes autres affections humaines. Incontinent que ie fus touché de ceste liqueur fallée, mon esprit s'esueilla, & me rendit en ma commune cognoissance, dont toutes mes parties interieures qui estoient bruslées, furent reduites en leur premier estat, si qu'il me sembla retourner en moy-mesme, renouelé & reformé en plus dignes conditions & qualitez qu'auparauant, ou bien resusciter de mort à vie, ainsi que jadis fut le chaste Hyppolyte aux prieres de la claire Diane. Les Nymphes auxquelles j'estois recommandé, me dépouillerent ma pauvre robe visée, & m'en vestirent vne neufue toute blanche, beaucoup meilleure & plus belle que la mienne accoustumée. Ainsi donc apres que nous fumes assurez & acertenez de nostre amour, recreez, consolez, refaits, & remplis de liesse. Les Nymphes nos gardiennes nous firent entr'accoler, & baiser l'un l'autre: puis nous baiscrent toutes, en nous receuant en leur tressainct college, au seruice & ouurage de la seconde nature. Adonc la Déesse jettant sur nous vn gracieux regard, dit & declara amiablement quelques choses, qui ne se peuuent ny doiuent referer, & qu'il n'est licite diuulger au commun, considéré qu'elles concernoient la confirmation & corroboration de nostre amour, pour vnir & conjoindre nos cœurs en vne seule volonté, sous l'obeyssance de ses loix fructueuses, & mener en longue vie pure, & perpetuelle amitié, mesmes pour nous rendre fermes, constans, & affectionnez à son seruice, promettant son ayde, faueur, protection, & deffence, en tous les accidens & contrarietez qui nous pourroient (par fortune) aduenir. Cela fait, encores nous donna-elle la grace & sainte benediction. Puis en cet instant sortit de la porte d'or, assise au dessous de la premiere treille, vn gendarme qui descendit les degrez, venant vers la fontaine, furieux en regard, & audacieux en contenance, mais diuin en majesté, & de dignité venerable, grand en corpulence, les espaulles larges, l'estomach releué, puissant, & fort, la teste couuerte d'un cabasset à creste, enuironné d'un chapelet de fleurs. Il estoit vestu d'un riche corselet, somptueusement trauersé d'une escharpe, à laquelle pendoit vn cymeterre Persan, garny d'or & de pierrerie. Il tenoit en sa main droicte vn fleau, & de la gauche vn escu d'argent, avec tous les autres ornemens & enseignes appartenantes à vn bon gendarme. Apres luy venoit vn Loup tout grongnant & rechigné, qui le suiuiot pas à pas.

Quand il fut arriué à la fontaine, soudain se defarma, & laissant son harnois dehors entra deuers la Déesse: laquelle à l'arriuer le baïsa, & embrassa cordialement. Le recueil fut grand entr'eux deux, & s'entre-firent vne chere diuine. Ce que voyant les Nymphes, elles s'enclinèrent humblement: puis leur faisant la reuerence, prirent congé, & nous aussi de mesme, rendans graces à la sainte Déesse, de ses biensfaits. Ainli nous départismes du lieu, la laissant prendre ses soulas avec son fils, le gendarme, & autres qui faisoient leur residence continuelle à l'entour de la fontaine.

## POLIPHILE RACONTE COMME POUR LA VENUE

*du Gendarme, luy, & Polia, se partans du Theatre, vindrent à vne autre fontaine, où les Nymphes leur declarerent les costumes & institution du sepulchre d'Adonis, auquel la Déesse Venus venoit tous les ans celebrer l'an veolu, leurs racontans plusieurs autres histoires: puis requierent à Polia de leur dire son origine: & en quelle maniere elle s'estoit addonnée à aymer.*


## CHAPITRE XXIII.

**R**ENOVVELLE par l'excellente condition que j'auois acquise avec ma loyale Polia, & nostre compagnie, nous nous retirasmes de la sacrée fontaine, par la mesme porte que nous estions entrez, & retreuuasmes encore les mesmes Nymphes qui auoient accompagné le triomphe. I'estois tout espris de ioye & d'amitié, qui estoit grandement augmentée en mon cœur, ayant oublié toutes peines, douleurs, & melancholies passées, mis en arriere tous ennuis, & adseuré toutes mes pensées, auparauant incertaines & douteuses, tant que ie ne faisois plus de difficulté de l'amour de Polia, à laquelle ie m'estois resolu de seruir, & entierement obeyr, comme à ma singuliere Dame, & vniue maistrresse: voire l'aymer plus chèrement que mon cœur, ou ma propre vie. Toutes ces gracieuses Nymphes se mirent à l'entour d'elle, & de moy, nous enuironnant d'un beau cerne, & monstrant auoir grand plaisir de ce qu'auions si bien obtenu nostre intention, & accompli nos volontez, mesmes que nous estions arriuez au vray but de nostre esperance, fin de nos desirs & souhaits. Puis elles nous menerent (comme par esbat) veoir les beaux lieux de l'isle, en merueilleux passe-temps & liesse. Cependant nous passions au long des allées, comparties dans les jardins, couvertes de verdure perpetuelle, & closes par les deux costez d'une haye de buys espoisse, ayans trois bons pas de hauteur, de laquelle de dix en dix sortoit vn genevrier, ou vn myrte, entre-meslez, de la hauteur de cinq pas chacun: vray est qu'il y auoit d'autres passages, fermez de marbre de semblable hauteur, mais l'espoisseur n'estoit que de deux poulces & demy, tout percé à iour en façon de treillis, taillez à fleurs & fueillages antiques, meslez d'entre les arabesques, à trauers lesquels passoient plusieurs jettons de rosiers, garnis de fleurs, si proprement ordonnez, qu'ils n'empeschoient en rien que ce feust la veüe de l'ouillage. En ceste maniere nous promenoient les Nymphes, tousiours nous tenant par les mains: & apres plusieurs propos meuz débattus, & resolus tant d'une part que d'autre, aucunes d'elles dirent à Polia, que puis qu'elle, & toutes celles de la compagnie auoient vn chapeau de fleurs sur la teste, elle m'en

deuoit cueillir vn, affin que ie fusse de leur liurée. A ces paroles Poliphile s'enclina deuers terre pour prendre des fleurettes, & plusieurs Nymphes pour luy ayder, firent promptement le semblable. Et apres auoir suffisamment amassé, Polia les assembla industrieusement en vn chapelet de bonne grace, qu'elle lia de ses cheveux luyfans comme fil d'or parmy ceste verdure: puis le mit & posa sur ma teste: & ainsi nous en allasmes esbatans par les prez & bocages, au long des ruisseaux & fontaines, à l'ombre des allées couuertes de roses, iasmin, peruenche, citrons, rosmarins, myrtes, chévre-fueil, & toute autre maniere de verdure, garnie de fleurs à ce commodés, disposées & mises par ordre, chacune à part, & en berceaux separez pour le contentement de l'œil, mesmes de tous les sentimés, qui estoient doucement inuitez & prouoquez de la beauté du lieu, & de l'air tant doux, qu'on ne scauroit mieux desirer. Finablement nous arriuasmes à vne autre fontaine, belle & claire, saillant hors d'vne grosse source, enclosé de grandes pierres de marbre, blanc, poly, & luisant de sa nature, sans aucun fard ny artifice: l'eau de laquelle faisoit vn petit ruisseau, murmurant au trauers d'vn pré fleury, bordé par les riués de toutes les herbes & fleurs qui suivent l'humidité. Tout le parterre d'alentour estoit couuert de camomille, & de peruenche, entre-meslées avec leurs fleurs blanches & azurées, si gracieusement vnies en iuste égalité, que de loing sembloit vn tapis de verdure, ayants quatre bons pas de large. Apres il y auoit vn bocage d'orangers & citronniers, fleuris & chargez de leur fruit, contenant trente-six pas en rond, tous d'vne hauteur & grosseur, separez par distances égales, tant que des branches de l'vn, à celles de son prochain, y auoit vn pas de mesure, affin de receuoir les rayons du Soleil, & que la veuë du Ciel ne feust totalement empeschée des feuilles, à ceux qui cheminoient dessous. Outre cela encores y auoit-il vn autre circuit de cypres, & consequemment des palmiers, avec leur fruit séparé du premier, par vn pré semé de marjolaine menuë, large de quatre pas. La fontaine estoit au milieu, faicte à six angles, contenant en rondeur douze pas, dont le demy diametre du rond faict l'vn des six pans droictz. Les orangers estoient clos par dedans d'vn treillis de bois de sandal vermeil, de la hauteur d'vn pied & demy, percé à iour à claires voyes, comme vn treillis, taillé à fueillages d'ouillage morelque, d'vne excellente inuention: par le vuyde duquel estoient entre-lasées des plantes de rosiers & de iasmin, sans rien couvrir ny empescher la veuë du riche ouillage: & parmy les arbres toutes manieres d'oyseaux chantans, comme rossignols, calandres, passe-solitaires, linottes, serins, pinsons, chardonnets, & tarins. A l'entrée, joignant la fontaine, estoit vne treille, aussi large que l'vne des six premieres faces, & autant haute en massonnerie. Le demeurant auoit deux pas de hauteur, à scauoir vn pour le plomb ou perpendicle, & l'autre pour la vulture: sa longueur en auoit douze. Ce qui eust deu estre de bois en la treille estoit de fin or. Mais les roses dont elle estoit couuerte estoient naturelles, toutesfois trop plus odorantes que les communes. Le paué au dessous estoit fait en musaique, de pierres precieuses de toutes les couleurs que l'on scauroit imaginer, figurées en belles histoires. Au long des costez de la treille il y auoit des sieges de iaspe, faictz à moulures, hauts de sept poulces, & larges de six. Puis au milieu du paué, sous la treille, y auoit vne riche sepulture, deuant laquelle les Nymphes s'enclinerent, faisant vne grande reuerence, & Polia, & moy semblablement. Le tombeau contenoit cinq pieds en longueur, & en largeur dix poulces: la hauteur en auoit autant, sans les moulures, qui estoient aussi de cinq poulces, dont les deux & demy estoient au bas, vers le plan du paué, & le reste appliqué au haut. Là estoit (ce que les Nymphes nous dirent) ensepuely le veneur Adonis, lequel estant à la chasse, fut tué par vn cruel Sanglier, & le lieu propre où la Déesse Venus se picqua la cuyssé entre les

LIVRE PREMIER

rosiers, sortant de ceste fontaine toute nuë pour le secourir à son besoing, vn iour que Mars, épris de jalousie, le battoit outrageusement. Ceste histoire estoit taillée en l'vn des costez du sepulchre, & pareillement Cupido, qui recueilleoit en vne coquille le sang de la cuisse de sa mere, & le mettoit dans le tombeau avec le corps. Contre le milieu y auoit vn grand rond de iacynthe, entourné d'vn chapeau de myrthe, contre-faict de iaspe verd, contenant la hauteur du sepulchre.



Dedans le rond estoient rapportées de grandes lettres d'or, forgées & limées, jointes sans clou, ny sans cyment, mais par vn art qui ne m'est pas cogneu.

IMPVRA SVAVITAS.

*Des-honneste douceur.*

De l'autre costé estoit Mars, battant le pauvre Adonis, & en la face d'aupres, Venus sortant de la fontaine. Puis en la quarte & dernière partie se pouuoit encores veoir ce mesme Adonis, gisant mort au milieu de ses chiens, & à l'entour plusieurs pasteurs qui le regardoient. A ses pieds estoit abbatu le Sanglier qui l'auoit tué par furie. La Déesse

Déesse Venus se monstroit là pâmée, soutenue sur les bras de trois Nymphes, qui ploroient avec elle, & Cupido luy essuyoit les yeux avec vn beau bouquet de roses. Entre Venus & Adonis y auoit vn rond, semblable au precedent, aussi bien en matiere, comme en ouurage : mais les lettres dont il estoit orné, ne contenoient sinon que ce mot Grec, ΑΔΩΝΙΑ, *Volupté*. Ce piteux cas estoit si viuement representé de sculpture, qu'en le regardant force fut que les grosses larmes tombassent de mes yeux, avec le regret.

Le costé d'en-haut de la maçonnerie estoit posé droit à plomb du bord de la fontaine, & au milieu estoit creusée comme vne petite cauerne, entre les pierres qui sembloient entr'ouuertes, & au dedans vn grand serpent de bronze, ou de cuyure doré, sortant du fonds de la cauerne, & se coulant dessus le ventre, tout tortu, ainsi que par ondes: la teste estoit vn peu hors du pertuis, qui rendoit l'eau dans le bassin : & l'auoit l'ouurier ingenieux fait expres courbé en ceste sorte, pour moderer & renir le cours de l'eau, qui estoit trop roide, tellement que si elle eust treuue son conduit, & le tuyau droit, elle fut faillie outre les bords du bassin. Sur le tombeau estoit releuée la Déesse Venus, grande comme le naturel, d'vne fine pierre de Sardoine, à trois couleurs, assise sur vne chaire antique, en forme d'vne femme n'aguières releuée d'enfant. Le corps de la Déesse estoit taillé tout nud, d'vne veine blanche, rencontrée en l'onice, & seulement garny d'vn petit linge, espargné d'vne veine rouge, prouenuë en la mesme pierre, qui luy couuroit le dessous du nombril, avec vne partie de la cuysse. Vray est qu'il passoit sur la mammelle droite, qui sembloit quasi le repousser. Venus l'auoit jetté sur son espaulé, si qu'il pendoit par derriere sur la fontaine, & de l'autre costé, iusques au bas de son siege. Il estoit fait & drappé par si bonne industrie, que par dessous l'on pouuoit veoir à l'aise tous les muscles, jointures, & mouuements de la personne. Elle tenoit son fils entre ses bras, qui tettoit la mammelle gauche, regardant sa mere, & elle luy, si gracieusement que chacun y prenoit grand plaisir. Les jouës de la Déesse, & de l'enfant, ensemble le petit tetin, estoient vn peu colorez de vermeil, à l'occasion d'vne veine de la pierre, qui s'estoit treuuee à propos. C'estoit vn ouurage excellent, & (pour bien dire) miraculeux, car en ces deux corps ne defailloit que l'ame. Les cheueux de la Déesse estoient départis par vne ligne droite, faite sur le milieu du front, crespelz au long des temples, en forme de petits annelets, puis liez par derriere en vne poignée, espars de là en bas, en descendant iusques sur le siege, où ils estoient comme retenus & arrestez en petites ondes, percées à iour, tout le poil espargné d'vne veine de l'onice, propre & conforme à leur couleur. Elle auoit vn pied vn bien peu retiré vers son siege, & l'autre auancé iusques sur le bord du tombeau. Là les Nymphes s'agenoiillant baisèrent ce pied en grande reuerence, & par deuotion merueilleuse. Polia, & moy, voyans cela, nous mismes à faire le semblable: & en ces entre-faites ie vis qu'en la corniche du tombeau, au dessous du pied de la Déesse, estoient escrits & grauez ces vers.

Non lac sæue puer, lacrymas sed fugis amaras  
Matri reddendas ob dulcis Adonis amorem.

Que j'exposay en ceste sorte.

*Non, tu ne succes point du tetin de ta mere  
Du lait, cruel Enfant, mais mainte larme amere,  
Qu'un iour tu luy rendras, lors qu'elle pleurera  
Pour son Adonis mort, qu'elle regrettera.*



Après avoir ainsi reueremment salué la Déesse, nous sortis hors de la treille. Adonc les Nymphes commencerent à nous dire. Sçachez que ce lieu est saint, & remply de mystere, grandement celebré par tout le monde : car nostre bonne maistresse y vient chacun au le dernier iour du mois d'April, en compagnie de Cupido son fils. Puis y font procession solemnelle, & avec eux toutes nous autres, qui volontairement nous sommes à eux adonnées, asseruies, & assubjetties, ne voulans faillir de nous treuuer à ceste pompe tant exquisite. Or quand nous y sommes arriuées, incontinent elle commande à cueillir toutes les roses de la treille, & les semer sur le tombeau : puis nous partons de ceste place, iusques au lendemain premier iour du mois de May, auquel nous reuenons, & treuons les rosiers tous fleutis, chargez de roses comme parauant, mais elles sont de couleur blanche. Le huitiesme iour ensuiuant nous y retournons derechef, & adonc la Déesse nous commande amasser toutes les roses qu'auions espanduës sur le cercueil, pour les jeter dans la fontaine, d'où elles s'en vont au l'eau, emportées le long de son cours. Ce fait, la Déesse entre en son canal pour se baigner : puis en estant issuë, va embrasser la sepulture, en

commemoration de son amy Adonis, pleurant, & regrettant son trespas, & notis toutes avecque elle, rememorant comme à semblable iour il auoit esté batu par le Dieu Mars, & s'estoit la Déesse (entre les rosiers) picqué la cuisse, dont nous auons baissé le pied, ainsi qu'elle accoutoit toute nue (sortant de la fontaine) pour le cuyder secourir à son besoing. Voila pourquoy chacun an elle obserue tel iour, & fait ouuir la tombe du trespasé, pour faire vne belle procession à l'entour, en laquelle Cupido (avec grande ceremonie) porte la coquille où est le sang de sa mere, & nous allons toutes chantans. Lors la Déesse faisant l'office de pieuse, prend le bouquet de roses, duquel son fils luy essuya les yeux, cepédant qu'elle pleuroit auprès du corps de son amy, que le Sanglier tua. Mais il faut noter que ce bouquet est tousiours en beauté, sans iamais flestrir ny faner: & incontinent que son precieux sang est mis hors du sepulchre, toutes ces roses blanches (comme vous voyez de present) sont tainctes en couleur vermeille, & deuiennent rouges en vn moment. En cét ordre de procession nous faisons trois tours enuiron la fontaine: & n'y à sinon la Déesse qui pleure, mettant souuent à ses beaux yeux ce toupet de roses. Ainsi la procession finie, les saintes reliques sont remises en leur repositoire, tout le reste du iour est employé en dances, chansons, & autres passetemps. A ce iour peut-on facilement impetier sa grace diuine, & obtenir l'effect des requestes qu'on luy veut faire. A l'opposite du tombeau il y à cinq petits degrez, taillez en la mesme pierre, par lesquels on descend au fonds de la fontaine, qui est pavée de musique, & en sort l'eau par vn conduit sous terre, iusques hors le premier treillis. Quand ces belles Nymphes nous eurent entierement raconté ce mystere tant solemnel, & déclaré sa ceremonie, elles recommencerent à sonner de leurs instruments, & chanter en douce musique tout le discours de celle histoire bien au long, composé en vers, tout ainsi & à la maniere qu'il estoit jadis aduenu, dansant en rond autour de la fontaine, durant quelque espace de temps; puis ayans acheué leur harmonie, se mirent à reposer sur leurs genouils en la fraische verdure. Et sans autre consideration, vsant de grande liberté à moy, non encores accoustumée, ie me jettay au giron de Polia, des habits de laquelle paruint à mes sens vne odeur trop plus suauie que le baume, ny routes autres senteurs exquises, que produit l'Arabie heureuse. Adonc en baissant ses mains blanches, & aucunes fois sa poitrine, qui eust fait honte à l'albâtre & yuoire, ie m'esperdois mignonement en ceste douceur: Elle voyant que j'y prenois plaisir, ne m'en estoit aucunement escharse, mais s'approprioit à tous les effects qui peuuent induire à l'amour. Estans ainsi assis, les Nymphes mirent en auant quelques gracieux propos, par maniere d'entretien, se monstrans fort conuoiteuses d'entendre de nostre condition & estat, specialement vne nommée Polyoremene, qui s'auança de dire. Polia (nostre chere seur & compagne au seruice de Venus la Déesse) vostre façon, vostre bonne grace, vos mœurs vertueuses, & la beauté nompareille dont nature vous a ornée, nous causent vne grande affection de seauoir la cause, & l'origine, de vos bien-heureuses amours, ensemble vostre race, car nous vous estimons issue de bonne part. Nous recognoissons certainement qu'en esprit, honnesteté & sagesse, vous estes accomplie & parfaite. Si nous semble que la belle forme de vostre corps ne soit totalement terrestre, ains auons des indices qui nous font iuger qu'il y à quelque chose participant de la diuinité. Parquoy ce nous sera grand plaisir d'apprendre de vous les rencontres de vos amours, les peines, les repos, les plainctes, les contentements, les peurs, les hardiesses, les craintes & presomptions, le ducil, les joyes, l'oubly, le souuenir, les fautes, les recherches, la hayne, les desirs, le blemir & rougir, l'esperer & le douter, le vouloir & le refus, les petits dédains & courroux, les hontes & manieres inconstantes, le parler treublant, les paroles brisées & confuses, les douces

pensées, les imaginations confortantes, & les jouyssances d'esprit, les estrois & contentemens que les Amants feignent en leurs ceruelles, avec aussi les plaisants songes & fantasies, entre-lassées de souspirs, dont ils se paissent & nourrissent. Dequoy nous sommes asseurées que vous estes sçauante au possible : & s'il vous plaist nous les déduire, cela nous fera passer (sans ennuy) l'oïsiuete où de present nous sommes.



Quand Polia eut entendu la Nymphé Polyoremene, elle se leua incontinent sur pieds, avec vne grace venerable, les jouës vn peu teinctes de vergongne honnelle, prompte d'obeyr & satisfaire au desir de la requerante, voulant toutesfois auement dissimuler, comme si elle eust esté ignorante de ce dont elle la requeroit. Mais elle ne peult si bien feindre, qu'un petit souspir à demy retenu, ne declarast comme elle estoit frappée. Ce souspir passa veritablement par le trauers de mon cœur, ou pour mieux dire, du sien, à cause de la grande conformité qui est entre les deux, comme il aduient à deux flutes d'un melme ton & accord. Puis jetta doucement ses beaux yeux sur toutes les Dames, & par vne humble assurance, avec vne voix doucement resonante, fit vne humble reuerence, puis se rassist derechef sur l'herbe, où apres vne petite pause, leur raconta ce qu'elles desiroient.

*Fin du premier Liure de l'Hyperotomachie de Poliphile.*

  
**LE SECOND LIVRE**  
**DE L'HYPNEROTOMACHIE**  
**DE POLIPHILE.**

Auquel Polia, & luy, l'un apres l'autre, racontent les estranges  
 aduantes & diuers succez de leurs amours.

*POLIA DECLARE DE QUELLE RACE ELLE EST*  
*descenduë, & comme la Ville de Treuiz fut bâsife par ses ancestres :*  
*Puis en quelle maniere Poliphile deuint amoureux d'elle.*

C H A P I T R E I.



A I S A N T mon deuoir en vous obeissant, belles Nymphes,  
 ie crains que l'insuffisance de mes paroles ( qui ne sont pas  
 bien reparées des fleurs de bien dire) ne vous soit moleste,  
 ayant peur d'estre en vostre presence comme le Cormoran  
 au regard du Rossignol. Toutesfois ie mettray peine en  
 ma debilité de vous satisfaire, employant tout mon enten-  
 dement pour obeyr à vostre gracieuse demande, ie desire-  
 rois pourtant qu'une plus belle langue costoyant vos meri-  
 tes vous déduist ce sujet avec grace telle qui vous est deué.  
 Cependant ie ne lairray de prendre vne humble assurance pour paruenir à l'effe&  
 de vostre intention, selon que me le commandez, & ce me sera vn singulier conten-  
 tement de vous auoir donné du plaisir. Or puis qu'il vous plaist entendre l'origine  
 de mes Ancestres, & ma destinée en amours, laquelle au moyen de ma basse condi-  
 tion, n'a peu paruenir à vostre cognoissance, pource qu'une petite chandelle ne peut  
 rendre grande lumiere: ie m'en acquitteray le plus brief qu'il me sera possible, vous  
 suppliant que si ce n'est si proprement en vostre presence comme il est requis, il vous  
 plaise excuser l'imbecilité d'une femme terrestre, peu exercée en tels affaires. Et toy  
 sainte fontaine, où reposent les sacrées ordonnances des secrets de la grande Dées-  
 se nostre maistresse, sur les riuies de laquelle ie suis presentement assise, entre tant de  
 Nymphes & Déeses Heroïques, les visages desquelles ie voy naïfement figurez  
 dedans tes claires ondes, dont tu es plus à honorer: pardonne-moy si ie ne te puis re-  
 garder, ny autres tes semblables en liqueur, que mes yeux ne fondent en larmes,  
 pource qu'entre mes predecesseurs s'en est treuue de tels, qui par disposition diuine  
 ont esté muez en pareilles sources, comme jadis aduint à la miserable Dirce, premie-  
 rement attachée à la queue du Taureau sauage par Zethus & Amphion, en ven-  
 geance de leur mere Anthiopé, que le Roy Lycus leur pere auoit repudiée pour l'a-  
 mour de ceste miserable. Semblablement à la belle Arethusa, fuyant les amours du  
 fleuve Alpheus, qui l'auoit veuë baigner dedans ses eaux. Aussi Biblis, fille de Mil-  
 tus, laquelle refusée de son frere Caunus, qu'elle zymoït desordonnément, distilla  
 toute en larmes: & à plusieurs autres dont ( pour maintenant ) ie laisse le recit.

Kk ij

O lamentable transformation, O accident malheureux & pitoyable. O decret des Dieux immuable, infaillible & certain. Te pourray-je reciter en paroles fermes & entieres, sans interruption de souspirs. Me pourray-je abstenir de plaindre & lamenter en ce saint lieu de felicité, interdit & deffendu à tout ducil & tristesse, & auquel l'ennuyeuse melancholie est incogneue, & à ses habitans.

Ne soyez donc esmerueillés (ô Nymphes bienheureuses) si mon propos est quelquefois retranché, tant pour le regret des infortunes aduenües à mes Ancestres, que pour la difficulté de mes premieres amours, esquelles vous entendrez vne cruauté indigne & estrange, paruenüe à l'heureuse fin que vous voyez, qui est la plus grande, plus loyale, & plus parfaite amour, qui oncques fut entre deux Amants.

Au temps que les Romains regnoient, sur ce que l'on peut cognoistre de la terre habitable, la Noble maison & famille de Lelius estoit en grand regne & renommée, constituée es Estats principaux & hautes dignitez de la Republique, par le moyen de ses actes vertueux, & pour plusieurs victoires obtenües contre les ennemis du nom Romain.

Or vous sçavez qu'en celle Cité Imperiale, les hommes preux & magnanimes estoient condignement remuneréz. De ceste illustre race, & maison, sortit vn nommé Lelius Sylirus, lequel fut par le Senat enuoyé Consul en la Region, & Marche Treuisane, que l'on appelloit pour lors la Grande Montagne, où dominoit le riche & puissant Titus Butanichius, qui n'auoit de sa femme Roa Pia fors vne seule fille, belle en toute excellence, & douée en tous les autres dons & perfections de nature, appellée Treuise Calardie. Iceluy Titus la donna en mariage à ce Consul Lelius Sylirus, avec la dixiesme partie de la contrée Venicienne, qui est vn pays enclos de montagnes, enrosé de fontaines & ruisseaux, garny de forests, & terres bien fertiles, mesmes de toutes les autres commoditez requises, pour le plaisir & vtilité de la personne. Les nopces furent solempnellement & somptueusement celebrées, & le mariage consommé, inuocant les Déeses Zygie, & Lucine, qui tellement y fauoriserent, qu'il en proceda plusieurs enfans, tant masles que femelles: l'aîné desquels fut Lelius Maurus, ainsi surnommé pour sa brune couleur: le second Lelius Halcyoneus: le tiers Lelius Tipula: le quatriesme Lelius Narbonius: & le dernier Lelius Musiliste. Les filles furent si belles, qu'on les eust estimé nées au Ciel: car en la terre on n'eust treuü beauté comparable à la leur. La premiere fut Morgane, la seconde Quintie, la tierce Septimie, la quarte Alimbrica, la cinquiesme Astorge, & la sixiesme Melmie. Les parents mécognoissans les benefices de la Déesse Lucine, qui preside aux enfantemens, & enorgueillis de leur belle lignée, l'estimoient estre procréée de leur propre vertu, sans recognoistre le benefice des Dieux. Helas! qui pourroit eüiter les destinées fatales, & l'inconstance de fortune: ou (pour mieux dire) qui est celuy qui se peut exempter des incomprehensibles conseils & sentences de la diuinité: Certainement il leur aduint, pour leur ingratitude, tout ainsi qu'à la miserable Niobé, ou à la dolente Atalanta, & à son mary Hippomanes, & pis encores, pource qu'ils comparoient & preferoient en beauté leurs enfans à nostre maistresse Venus: tant fut leur audace presomptueuse & temeraire. Apres que ceste belle race eut excédé les ans de son enfance, le commun populaire, qui estoit rude & grossier de soy-mesme, presuma de Morgane que c'estoit la mesme Venus, & lay édifia vn Temple au dessous de la Cité, où elle se tenoit: & ne se monstroit sinon à certains iours prefix, qu'elle se laissoit veoir à la multitude, qui estoit vne fois chacun an seulement, encores toute déguisée, & en autre habit que le sien accoustumé. Parquoy y auoit lors vn grand apport & assemblée de ce peuple superstitieux, lequel y accouroit pour l'honorer: tellement que tousiours du depuis, iusqu'aujourd'huy, le titre,

& le nom de Morgane, la Fée en est demeurée en ce lieu. Et à raison de ces idolatries, sacrilèges, & delits énormes, perpetrez par ambition humaine: les Dieux qui ne laissent iamais les offenses impunies, & ne permettent telles insolences auoir cours, irritez aussi de ce que les creatures mortelles se vouloient illicitement comparer à eux, en vsurpant les honneurs qui leur appartiennent, mesmes la tres-saincte Dame à qui nous seruons, indignée de leur temerité outrageuse, vsèrent contre eux de vengeance telle, qu'ils foudroyerent ce Temple plein d'abomination, ensemble le Palais Royal, qui en estoit assez prochain, tant que tout fut brouy, reduit en cendres & en charbons: en memoire dequoy le lieu retient encores à present le nom des charbons, & se dit Casa Carbona. Ceste Morgane fut transformée en vne fontaine, si furent pareillement ses Sœurs Quintia & Septimia, ainsi qu'elles cuydoient fuir: & Alimbrica bruslée assez pres des autres. En ceste maniere fut la maison Royale démolie, consumée, & renuersée en vn monceau de charbons, retenant ce nom à perpetuité. Et de là sort la pauvre Alimbrica, muée en vn petit ruisseau. De mesme punition furent persecutées Astorgia & Melmia, d'autant qu'elles se treuuerent conuerties en belles eaux, courantes comme pour refuge, & à sauueté, deuers leur pere Lelius Sylirus, lequel aussi fut transmué en humeur & matiere liquide, & qui augmenté & accru de ses filles, faict vne tresbelle riuere, arrosant encores aujourd'huy ceste contrée, qui est d'vne partie de son nom appellée Sily. Semblablement son espouse Treuise Calardie, avec Titus Butanichius son pere, & son ieune frere Calian, pleurans la piteuse aduanture & déconuenue de leur lignage, furent distillez en sources de fontaines, fuyantes deuers leur gendre Sylire, ou Sily. Les enfans males ne furent pas exempts de ceste fureur diuine: car Musilistre le puisné deuint vn petit ruisselet, qui passe au long de la Ville d'Altino, & de là se va rendre à son pere. Les deux autres estoient encores enfans dedans le berceau, qui ne furent pas si rigoureusement traictez. Le plus aagé, qu'on disoit Halcyon, fut mué en vn petit oiseau, portant son nom, vestu de plumes Royales: l'autre en vn petit ver plein de pieds, demeurans tousiours à l'entour des eaux & riuieres, & vont tousiours cherchans leur pere. De ceste cruelle persecution eschappa seulement Lelius Maurus l'aîné: lequel estant encores ieune, fut conuié de ses cousins, les seigneurs d'Altino, à quelques obseques funebres, qui se faisoient à la porte Mane, que l'on souloit jadis appeller ad Manes, pource que c'estoit l'ordinaire d'y ensepuerir tous les corps des Citoyens, & encores en est-elle dicté Alli Mani. Apres que les obseques furent celebrées, Lelius Maurus demoura là, passant le temps avec quelques autres ieunes enfans de son aage, lesquels (sans y penser) cheminerent si auant en pays à trauers terres, qu'ils se treuuerent pres d'vne Tour, estant assise sur la mer pour faire le guet, lors appellée Tutricelle, au lieu de laquelle est de present la Ville de Turricello. En ce lieu, luy & ses compagnons furent pris des Pyrates, & par eux mené en vne Ville ancienne de la Bruce, que l'on appelle Teramo, où il fut vendu à vn Gentil-homme nommé Theodore, qui le fit nourrir & instruire: puis voyant que ses mœurs & conditions estoient décorées de vertus & noblesse, le print & adopta pour son fils legitime (pource qu'il n'en auoit point) & le fit suyuire le train des armes, ausquelles de sa nature il estoit enclin & addonné, allant par les vestiges & brisées de ses Ancestres. Finablement apres plusieurs grandes prouesses, ayant exercé tous les offices, charges, & dignitez conuenables à vn bon Cheualier, & passé par tous les degrez d'honneur, il fut appellé à plus grands Estats par le Senat Romain: qui pour esteindre l'infelicité de son premier nom, le fit surnommer Calo Mauro, & l'envoia Capitaine & Gouverneur au lieu de sa natiuité, pour le tenir en seureté, & resister aux inuasions des Corsaires. Ce qu'il fit du meilleur de son cœur, non seulement

pour l'instinct naturel qui l'y induisoit : mais aussi pour la grande beauté , & plaisir du lieu, auquel il donna son nom, & le fit appeller Calo Mauro, y effisant sa demeure perpetuelle. Puis en memoire & recordation de sa mere, y fit edifier vne cite noble & magnifique, laquelle il assit sur les riuies de son pere Sily, & la peupla des habitans du Col Taurifano, luy donnant le nom de sa mere Treuise, ainsi que l'on veoid encores de present, si bien qu'elle est demeuree riche & opulente, nourrice de lettres, d'armes, & de toutes vertus, pleine & abondante de tous biens, voire mere de saincteté & deuotion. En ceste ville il regna longuement, en singuliere obeissance, paix, abondance de richesses, en bonne amitié & confederation avec ses voisins, viuant en tout heur & prosperité, & y deceda glorieusement, au regret vniuersel & déplaisir de tous ses subjects, laissant la ville à ses heritiers & successeurs, par lesquels elle fut regie & gouvernée plusieurs ans apres. Mais l'inconstance de fortune, & la mobilité du temps, qui iamais ne demeurent en vn estat, ont fait qu'apres auoir esté vsurpée par diuers tyrans, elle a en fin esté reduite à la iuste seigneurie du Noble Lyon Marin, par lequel maintenant elle est entretenuë en bonne equité & police. De ceste noble race & lignée (belles Nymphes) ie suis descenduë, & en ceste Ville j'ay pris ma naissance, à laquelle me fut donné le nom de la chaste Romaine, qui se tua jadis pour l'outrage que luy fit le fils d'un Roy orgueilleux. Ie fus noblement & tendrement nourrie iusqu'en l'an 1462. que ie me treuay en la fleur de mon âge. Or aduint en ce temps que pour pigner & agencer mes cheueux, ie me mis à la fenestre de ma chambre par vn iour que le Soleil estoit clair & luyfant : car ie les auois lauez, ainsi que ieunes Damoiselles sont accoutumées de faire. Cependant ie ne scay par quelle auanture le chemin de ce Gentilhomme s'adressa la part où j'estois : & comme il eust jetté son regard sur moy, ie le vis incontinent arresté, planté tout d'une piece, ne plus ne moins que Niobé, quand elle fut muée en pierre. Ie n'y pensay point plus auant, pour estre mon esprit, & ma fantasie, occupez en autre chose, ains seulement le reputay à vne rustique contenance de ieune resueur, plein d'imaginacions fantasques. Mais il luy en print comme au petit poisson, lequel pour vn peu de pasture aualle vn crochet, qui le retient; car en cherchant autruy, luy-mesme se perdit : & pour aymer ce qu'en rien ne luy appartenoit, il deuint son propre ennemy. Vray est que la nature auoit mis en moy autant de beauté que femme en peut auoir : qui ne me fera (s'il vous plait) imputé à vaine gloire, d'autant que ce n'est moindre vice de taire la verité, que de publier vn mensonge, avec ce ie ne puis celer ce que vous pouuez veoir à l'œil. Finablement il se print à m'aymer si ardemment, qu'il n'eut plus de repos ny de patience, mais venoit tous les iours passer & repasser deuant la maison où ie demourois, sans aucun respect ou consideration, regardant aux fenestres çà & là, & s'arrestant à chacun pas, tellement que vous l'eussiez iugé homme trouble de son beau sens, & ne luy estoit possible de me veoir: toutesfois si par quelque auanture il aduenoit qu'il m'entre-veist, qui estoit (certes) peu souuent, il n'apperceuoit en moy aucun signe d'amitié, ny mesme que seulement ie prinse garde à luy: aussi estoit-il bien loing de ma pensée: car pour lors mon cœur & entendement estoient du tout indisposez à recevoir l'émotion d'amour, consideré que ie ne pouuois auoir cognoissance du bien ou du mal que l'on y peut acquerir. Parquoy de tant de peines & travaux, mesmes de tant de pas en vain consumez & perdus, il ne luy vint que desplaisirs, ennuy, fascherie, desespoir & mal-aise, qui acompagnoit sa vie en toute tristesse & affliction de pensée.

## POLIA FRAPPEE DE PESTE, SE VOVE A LA DEESSE

*Diane, par fortune Poliphile se treuua au Temple le iour qu'elle faisoit profession : puis il venint où elle estoit seule à genoux, en faisant ses oraisons : là où il luy declara le tourment amoureux qu'il auoit enduré pour elle, la suppliant de l'en vouloir allegier : dont elle ne fit conte : parquoy il se pasma de ducil, & d'angoisse. Et le voyant mourir s'ensuyt soudain.*

## CHAPITRE II.



E me treuuy en vne grande peine, pour ce qu'vniuerselle-ment le pernicious danger de peste tuoit de son venim tous les viuans, ne pardonnant à personne. l'estois en grande distress, me voyant au milieu de cét inconuenient, qui sans choix abbatoit tout ce qu'il rencontroit, cerclant, emplant, la multitude qui perissoit. Les tristes villes infectées estoient priuées d'habitants : car chacun (ainsi que ie voyois) taschoit à se sauuer, pour eschapper ce mal tant horrible, qui exterminoit tout : les Sages alloient recherchant la cause de ceste peruerse auanture, déduisant par raisons, que le Nil trouble nous enuoyoit les iniques vents qui nous offensoient, & pour tout cela la maladie ne cessoit point, ains continiuit me vint attrapper. Affligée de ce mal (qui me menaçoit de ruyne évidente) ie fus abandonnée de toutes personnes, & mesmes de mes plus proches. Mon sang m'oublia, & ne me resta que ma bonne nourrice, qui seule eut pitié de moy en mon infortune. Je croy que ceste disgrace me suruint par la volonté superieure. Ma pauvre nourrice plus clemente enuers moy, que tous les miens, ne me voulut point laisser, aussi attendoit-elle que j'obeyse à mon dernier sort. Estant en ceste perplexité, ie me treuuois pressée de l'ardeur de ce mal, ie perdois cognoissance & entendement : de sorte que ie disois plusieurs choses hors de propos, meslez de plainctes excessiues. Puis quand ie pouuois retourner en moy, j'appellois à mon ayde la Déesse Diane, à laquelle j'auois de tout temps singuliere fiance, & la seruois purement & en bonne deuotion de tout mon cœur, la suppliant qu'il luy pleust me secourir en ceste extrême necessité : & pour la mouoir à ce faire, ie vouïay que si par sa douce clemence j'eschappois de ce peril, ie la seruirois en chasteté tout le demeurant de ma vie.

Bien-tost apres ce vœu & oraison, ie commençay à venir en conualescence : de maniere qu'en bien peu de temps ie me treuuy (par la grace de la Déesse) du tout saine, sauue, & guarie. Parquoy ie deliberay d'accomplir ce que j'auois promis, avec intention de l'observer perpetuellement. Et pour cét effect, ie fus reçeüe au Temple de la Déesse, en la compagnie des autres vierges Religieuses, avec lesquelles ie frequentay les diuins offices : & renonçay totalement au monde. Il y auoit ja plus d'un an que Poliphile ne m'auoit veüe, & ne pouuoit scauoir en quel lieu j'estois. Aussi estoit-il du tout hors de ma souuenance, comme chose en qui ie n'auois guieres pensé, & dont il me chailloit bien peu : toutesfois il n'en estoit de rien moins travaillé, ains perseueroit en la perseuerance de son amitié. Or aduint (ie ne scay si la vehemente imagination luy causa tel effect, comme l'on dict qu'il peut aduenir : ou si la fortune luy fut ainsi fauorable & propice) que le propre iour de ma profession

il se treuua en nostre Temple, entre ceux qui estoient venus pour veoir la ceremonie: & voyant que i'estois celle pour qui on faisoit solemnité, il demeura tout espedu, combien qu'il print vn petit d'esperance pour m'auoir treuuee, se persuadant qu'il pourroit auoir quelque remede en sa necessité. Neantmoins il ne scauoit bonnement qu'il deuoit faire, sinon me regarder, & contempler mes cheueux dont estoient faictz les lacz qui le tenoient ainsi captif. Apres que ie me fus (de mon gré) obligée & astraincte aux vœux de la religion, ie ne me laissay plus presque veoir aux hommes, & me gardois tant qu'il m'estoit possible, de me monstrer aux personnes qui n'estoient point de religion. Mais Poliphile deliberé de mourir en sa fantasie, n'auoit autre chose en pensèe, fors de treuuer le moyen pour me veoir, transporté d'amour, & d'importun desir: A la fin il chercha tant, & vfa de si soigneuse diligence, qu'il me treuua seule dedans le Temple, où i'estois allée faire mes oraisons. Quand ie le vis entrer ainsi desfaiçt, & comme à demy mort, tout le sang me mua soudain, & commençay à fremir & trembler, me sentant froide comme glace, qui me causa vn dépit & vne hayne à l'encontre de luy. Lors il se print à me regarder piteusement tout passe, morne, & décoloré: & quand il peust parler, il me diçt à voix basse & tremblante. Ma Dame, en vostre main gisent ma vie, & ma mort: en vous est de me donner celle des deux qu'il vous plaira: l'vne ou l'autre me sera bien agreable, pourueu qu'elle procede de vous: toutesfois vostre beauté plus diuine qu'humaine (sous laquelle cruauté ne se pourroit loger) me faict plustost esperer d'auoir vie. Nonobstant si vous auez plus cher que ie meure, il vaut trop mieux aujourd'huy que demain, ce sera autant de langueur espargnée pour moy. A ceste cause ie vous supplie (si ma vie ne vous fait ennuy) qu'il vous plaise me la garder, & vous auez vn homme d'auantage, pour vous seruir & honorer, qui ne vous coustera sinon vn peu de vostre bien-veillance, sans en rien amoindrir vos vertus, ny faire décheoir vos perfections. Mais si ie suis nay d'heure si mal fortunée, que ie ne sois treuue digne d'vne telle grace, que d'estre receu de vous en seruiteur, ayez (au moins) pour agreable que ie meure: & ce me sera suffisante recompense de toutes les peines & traualx que i'ay souffertes à vostre occasion. Helas! ma Dame, s'il ne vous plaist auoir pitié de moy, ie me puis bien dire le plus malheureux de tous les Amants, & à bonne raison maudire l'heure que premierement ie vous vis, & mesmes detester mon cœur qui fut si leger de croire au simple rapport de mes yeux. Pour Dieu, ma Dame, ne les faictes point mensongers. Vsez enuers moy de la bonté & douceur qu'ils m'ont promis de vous: assemblez en moy l'esperoir avec le desir, car en vous est appuyée ma vie: considerez vn peu le piteux estat où ie me treuue, & le tourment qui m'a si long-temps martyré pour vostre absence, lequel ne diminue en rien pour vostre presence, où ie me sens épris de crainte, honte, peur, & doute: ie tremble incessamment au milieu de ma flamme, & les paroles me défaillent: à peine scay-ie où ie suis, & si c'est songe ou verité ce que ie voy, & moins si ie doibs esperer, ou non. Helas! quand ie me treuuois seul en mon secret, ie composois beaucoup de feintes en mon entendement, comme si elles eussent deub aduenir: & feignois plusieurs secours, me promettant de grandes liberalitez d'amour, & riches guerdons de mon seruire: mais tout estoit vaines pensées, & esperances friuoles. Puis auennesfois que ma patience estoit alterée, ie vous blâmois & donnois la coulpe de mon mal, comme si j'eusse esté offensé par vous, qui estes mon seul bien, & le soutienement de ma vie. Quand j'ouy ce propos (Nymphes heureuses) ie fus plus irritée que deuant, & par despit ie me leuay de ma place: d'où ie party fort courroucée, sans le daigner aucunement regarder, tant s'en falloit que j'eusse volonté de luy respondre, car ie prenois ces paroles pour temeraires & effrontées, & les


prenois à desplaisir. Le lendemain que ie ne pensois plus à luy, aussi-tost que ie fus arriué au Temple, le voicy reuenir avec vn visage triste, comme le visage de la mort, avec lequel il recommença à troubler en la mesme maniere que le iour precedent, & dire en voix humble & basse. Helas! ma Dame, souueraine de toutes les belles, auez-vous point pensé de mettre fin aux dures peines qui nuit & iour me pressent, & contraignent de venir vers vous: adoucissez quelque peu la dureté de vostre cœur: moderez l'obstination de vostre fantasie: car vostre apparence de douceur ne monstre point d'estre rebelle: ne souillez pas vos vertueuses conditions de cruauté, qui est le propre des Lyones: considerez que mon mal procede de vous: & combien que n'y ayez aucune coulpe, si vous deuroit-il desplaire qu'autruy endure, quand vous y pouuez remedier. Ne me rendez (ma Dame) le mal au lieu du bien que ie vous vueil. Ne prophanez point vostre belle renommée, pour vne simple fantasie & opiniastreté, mal-seante à vostre sexe & condition. Helas! si vous pouuiez sentir la moindre part de ma douleur, & si le sentir vous est trop grief, au moins la comprendre par imagination, il me semble que ie serois grandement allegé: & si vous n'y daignez y penser, à tout le moins qu'il vous pleust croire que mes patoles faillent d'un cœur navré mortellement: dont ie maudis ma fortune malheureuse, & benis l'amour qui me consume pour la plus belle Nymphe du monde, à l'occasion de laquelle long-temps à que ie fusse finé, si vn menteur contentement que ie feins en ma pensée, ne m'eust maintenu en vigueur, par l'espoir de quelques gracieuses respones telle que ie desire, & qui me sont necessaires pour le salut de ma vie. Mais cela ne dure guieres: car ie me treuve incontinent frustré, & cognois que ce ne sont que songes, & fictions friuoles. En ces mutations, & diuersitez, mes iours se passent, & vis vne vie aspre & langoureuse, cherchant tousiours le moyen de me décharger de ce pesant fardeau, deliurer de ceste dure subjection & seruitude, & fuyr ce lien trop doux: mais autant que ie le cherche éuader, d'autant me treuuy-ie plus rudement enlacé: & tant plus ie m'en cuyde arracher, plus me voy-ie engluant & plongeant en erreurs indissolubles. Parquoy j'estime que briefue mort me seroit plus vtile, que trop long & fascheux languir: & si ie suis destiné à mourir pour vous, ie tiens ma mort bien employée, & rends graces à Cupido de ce qu'il me fait mourir si glorieusement. Parquoy si en la grande ardeur de mes maux, par impatience en trop aspres douleurs i'ay blasphemé ou murmuré contre sa diuine puissance, ie luy en demande pardon de tout mon cœur, cognoissant & confessant de ma volonté franche, qu'il m'est trop de fois aduenü d'en médire, voire maudire ses biens-faits, que j'appellois malefices, disant que tyranniquement, & à tort, il m'auoit opprimé & soumis à ses loix, faulces & iniques, destrouffé de repos, & dépoüillé de liberté: dont ie suis repentant, aussi ie m'en dédis, & reuoque toutes telles injures & pensée, comme par cy-deuant ie les ay plusieurs fois desdites & reuoquées, pour doubte qu'il ne me traictast encores plus rigoureusement, comme me treuuant ingrat, & indigne, de ses benefices. Neantmoins par la rudesse que ie treuuy hier en vous, ie ne voy pas que ie puisse obtenir de luy aucune grace. Helas! si par souffrir, & endurer, on la peut aucunement gagner, elle m'est certainement bien deuë, & la pense auoir assez meritée: Pourquoy m'est-il donc si felon: Pourquoy deçoit-il par tellas amorces les simples amants de legere creance, & qui loyalement se fient en luy: O Dieux tous puiffans, il presente du miel, & donne de la poison. Il fait vn gracieux racueil, & puis il meine à l'escorcherie, tellement que tout son arc n'est que feintise & simulation, tant ses effects sont differents & contraires. Et moy, pauvre abusé, qui ne me gardois pas de luy, suis tombé en ses embusches, où i'ay esté par luy volé.

## LIVRE SECOND

& destruit de tout bien, plaisir, & liesse: dont ie ne sçay où me pourueoir fors à vous. Mais ie ne voy en vostre visage aucun signe de pitié, donnant à entendre que mon mal vous déplaist: qui me fait croire que vous estes consentante à l'outrage qu'il me fait, & que la douceur qui se monstre en vous est vne amertume cachée au détrimment de ma vie, laquelle ne demeurera plus guieres avec moy: & en cela ie me conforte. Hélas! ie me puis bien dire malheureux, puis que celle qui la deuoit soustenir, est cause qu'elle prend si-tost fin. Ah! Polia, secourez-moy: car sans vous ie ne me puis ayder. En proferant ces paroles il jetta vn grand soupir, & tomba comme mort à mes pieds, ayant perdu l'usage de tous ses sens, fors de la langue, qui luy seruoit à faire de longues lamentations angoisseuses, trop plus piteusement que ie ne vous sçauois raconter: & nonobstant cela ne treuua oncques en moy aucune estincelle de douceur, non pas mesmes vn seul semblant que son ennuy me despleust: car ie ne luy daignay respondre vn mot, ny abaisser mon œil vers luy, ains demeuray obstinée, les oreilles closes à ses prieres, & plus sourde que la roche solide, persistant en feuree volonté: parquoy le dueil l'oppressa tant, que luy serrant le cœur il le suffoqua: & ainsi laissant aller sa parole avec ses dernieres larmes, il mourut.



Je ne fus pour toutes ces choses esbranlée de mon dur courage : & sans faire autre démonstration de pitié, pensay de m'en aller, apres que ie l'eus tiré par les pieds en vn coing du Temple, où il demetra : car quant à moy j'auois bien peu de soucy qui en feroit les funeraillles:seulement ie me retiray à grande haste, toute tremblante, troublée de frayeur, & quasi hors de mon entendement, comme si j'eusse perpetre quelque grand crime.



*POLIA RECITE LA GRANDE CRUAUTE DONT ELLE  
 usa enuers Poliphile, & comme en s'ensuyant elle fut rauie, & enleuée d'un tourbillon,  
 & portée en vne forest obscure: où elle veid faire la iustice de deux Damoiselles,  
 dont elle fut grandement espouuantee: puis se retreenna au lieu d'où elle  
 estoit partie. Apres en dormant luy apparurent deux bourreaux,  
 venus pour la surprendre, parquoy elle s'esueilla en sursaut:  
 dont sa Nourrice qui estoit couchée avec elle, luy de-  
 manda la cause de sa peur: & apres l'auoir  
 entendüe, luy donna conseil de ce  
 qu'elle deuoit faire.*

## CHAPITRE III.

**D**ESDISANT ainsi son discours, Polia ne peust qu'estant sur ce  
 subject elle ne s'arrestast: adoncques surprise d'une vraye touche  
 d'amour, sans parler d'auantage elle laissa aller vn mignon soupir,  
 mesme durant qu'elle racontoit ces effects, la souuenance luy re-  
 poussoit des yeux quelques gouttes de piteuses & agreables lar-  
 mes, qui émouuoient les Nymphes à quelque commiseration, qui  
 estoit cause qu'elles jettoient par pitié leur regard sur moy, comme blasmant Polia  
 en leurs penlees, à raison de son excessiue cruauté. Mais desirant entendre la fin de  
 ceste histoire, apres auoir quelque peu attendu, elles la sollicitèrent de poursuyure,  
 & acheuer. Adonc elle prenant vn linge deslié, qui luy pendoit sur les espaules, en  
 essuya doucement son visage: puis ayant asseuré sa voix, continua en ceste sorte. Vous  
 auez ouy (Nymphes bien-heureuses) vne cruauté tant estrange, qu'il n'est cœur,  
 pour gracieux qu'il soit, qui la peust porter. Et ie m'esbahy comme les Dieux me  
 daignerent estre si misericordieux de tolerer mon obstinée ingratitude, & que sur le  
 champ ne punirent l'iniquité de mon courage. Si est-ce qu'il ne passa guieres que ie  
 cogneu, & sentis, manifestement le courroux de la Déesse que j'auois offensée, qui  
 se monstrois appareillée comme pour en faire la vengeance, si ie n'eusse amédé mon  
 défaut, & retiré mon cœur de sa folle persuasion & fantasie déprauée. En m'ensuyant  
 donc, tousiours persistante en ma seuerité rebelle, plus gelée que le crystal des mon-  
 tagnes Riphées, ennemie de l'amour, & de sa mere, méprisant toute leur puissance,  
 laquelle assubjectit, & maistrise, les plus forts, despitueusement encline à rebellion &  
 contumace, dénuée d'humanité requise, comme si j'eusse banny la pitié hors de mon  
 cœur, & emprisonné la misericorde, inhabile à recevoir amour, qui se fust lors moins  
 attaché à ma poitrine, que la cire contre vne pierre humide: voire (qui plus est) sans  
 vne seule estincelle, ou signe de regret d'auoir veu mourir en ma présence, celuy qui  
 pour m'aimer auoit voulu abandonner sa vie: mes yeux n'eussent peu distiller vne  
 goutte de larmes, n'y mon cœur exprimer le commencement d'un moindre sou-  
 pir, & ne pensois à autre chose sinon à gagner mon logis. Ainsi hastant mes pas, &  
 quasi voulant prendre la course, ie n'estois guieres loing du Temple que ie me treu-  
 uay enuoloppée, & rauie, d'un tourbillon de vent: lequel en moins de rien me porta  
 au profond d'une forest obscure, sans me faire mal, ny douleur, & me posa en vn lieu  
 déuoyé, encombré de buissons, ronces, & espines, sans apparence de chemin fait par  
 creatures humaines. Il ne faut pas doubter (belles Nymphes) si ie me treuay bien.

esbahie, & enuironnée de toute frayeur : car incontinent ie commençay à entendre ee que ie voulois crier, desia d'autres crioient plus haut que moy. Las ! malheureuse infortunée : ce cry procedant d'une haute voix feminine, accompagnée de dolentes lamentations. Bien-tost apres ie vis venir deux Damoiselles miserables, nuës & escheuelées, si que c'estoit grand horreur, elles bronchoient & trébuchaient souuent, heurtant aux racines, ou estoies des arbres. Ces pauvres femmes estoient piteusement enchainées de chaines de fer ardan, & tiroient vn chariot tout épris de feu, dont leur chair tendre & delicate, estoit cruellement grillée. Leurs mains estoient liées sur leur dos, qui fumoient & bresilloient comme vn fer chaud jetté en l'eau: elles alloient grinçant les dents, & laissant plouuoir de grands ruisseaux de larmes sur les chaines dont elles estoient attachées.



Dedans le Chariot y auoit vn enfant de feu, horriblement furieux & courroucé, qui les chassoit & battoit sans cesse d'une escourgée faicte de nerf : il monstroit vn visage épouuantable, & terrible sur toutes choses. Parquoy les pauvres Damoiselles alloient courant, & jettant maintes voix plainctiues, si tres-fort penetrantes, qu'elles en perçoient le Ciel. Ce neantmoins tousiours leur falloit fuyr à trauers la forest, & tresbucher à chaque pas entre les ronces & espines, dont elles estoient écorchées & déchirées, depuis les pieds iusqu'à la teste. Bref le sang leur plouuoit de tous costez, si que la terre par où elles passoient en deuenoit toute vermeille. Helas ! elles tiroient ce Chariot çà & là, tantost d'une part, tantost d'autre, sans tenir voye ny sentier : & à veoir leur pauvre charnure, ie la iugeois cuitte &

creuassée comme vn cuyr ars, & passé par le Van. Quant à leurs gorges, elles estoient si estreinctes, & leurs voix tant cassées & enrouées, qu'elles ne pouuoient qu'à bien grande peine respirer.



Ces pauvres langoureuſes venuës à l'endroiçt du lieu où j'eſtois, ie vis arriuer à l'entour du chariot pluſieurs beſtes cruelles, comme lyons, loups, chiens affamez, aigles, corbeaux, milans, vaultours, & autres, que ce bourreau arreſta là: bourreau, dil-je, non pas enfant, comme il en monſtroit l'apparence: lequel apres eſtre deſcendu de ſon chariot, deſlia ces deux pauvres martyres: puis d'vne eſpée trançante leur perça le corps tout à trauers du cœur. A ce carnage accouroient toutes les beſtes rauillantes, appreſtées à la paſture, & l'enfant couppa les deux Damoiſelles chacune en deux pieces, deſquelles il tira les cœurs, & les jetta aux oyſeaux de rapine, & pareillement toutes les oüailles: puis démembra & mit en quartiers le demeurant du corps: alors ces beſtes affamées accoururent incontinent pour deuorer celle rendre chair feminine, & la deſſirer aux ongles & aux dents. Helas! ie regardois ces miſerables membres, qui trembloient encores entre leurs genſiues, & entendois rompre & froiſſer les os, ſi que j'en auois grande pitié. Jamais ne fut plus cruelle boucherie, ny vn ſpectacle plus piteux! O l'eſtrange maniere de ſepulture. Pour certain la memoire ſeule me fait preſque mourir de peur. Penſez-vous, ie vous prie, en quel eſtat ie pouuois eſtre cachée dedans ce buiſſon, eſperduë de frayeur: & vous iugerez que ie me deuois treuuer plus morte que viue.

Aucunes fois



Aucunesfois ie disois en tremblant. Helas ! aurois-ie point esté cy apportée par la volonté des Dieux, pour y estre occise par sacrifice ? Ay-ie merité punition si cruelle ? Quel pays tant sauvage peut produire & nourrir les bestes si furieuses & redoutables ? Quelle inhumanité se peut comparer à ceste-cy ? Jamais de telle n'en fut veüe, ny ouye. O vision horrible. O cas par trop hideux, miserable à penser, & pitieux à entendre. Helas ! ou suis-ie maintenant venuë ? Voicy ma dernière journée. En ceste sorte complaignois-ie douloureusement, & fondois toute en larmes, attendant de moment à autre que ces bestes me veïnssent deuorer. Toutesfois ie me gardois le plus qu'il m'estoit possible d'estre apperceuë de cét enfant meurdrier, & baïssois mes yeux sur mon sein, qui estoit toute baignée de pleurs, disant tout bas à voix debile, & paroles interrompuës.

O journée malheureuse. O heure maudite & detestable. O pauvre fille infortunée. A quelle calamité peux-tu estre parvenuë ? Qui veid oncques destinée si peruerse ? O sainte Diane à qui ie suis vouïée, est-ce cy le point qui doit terminer ma vie en la fleur de mon aage ? Suis-ie donc née pour saouler les bestes sauvages ? Ainsi me doulois-ie pleurant amerement, arrachant mes cheveux, & égratignant mon visage : & ce qui plus faisoit croistre ma peine, estoit que ie n'osois me plaindre, non pas seulement soupïrer, ou tant soit peu ouvrir ma bouche pour donner air à mon cœur suffoqué de tristesse. Et qui pis est, ie ne voyois aucun moyen d'éuiter ce peril manifeste. Me treuuant donc en cét extrême desespoir, & comme perduë, ie ne scay comment, n'y en quelle maniere, ie fus rapportée au lieu où j'auois esté prise, saine, sauue, & sans aucun mal, fors que ie pleurois, & estois toute ternie de larmes. Le Soleil s'approchoit jà du vespre, & ie me sentoïis fort lassé & trauaillée de la

Mm

peine & tristesse que j'auois enduré tout ce iour, pensant à part moy pour quel delict ces pauvres Damoiselles auoient esté ainsi cruellement traictées, & en quelle maniere ie me pouuois estre égarée de mon chemin, & transportée en vn lieu incogneu: à la fin tout cela me fit presumer que c'estoit vn presage de quelque infortune à moy appareillée pour l'auenir: chose qui me troubla de diuerses imaginations & fantasies, tant que ie passay le reste de ce iour en grande melancholie, & estois toute paoureuxse, sans sçauoir dequoy, tellement que ie n'osay coucher seule, craignant que la nuit ie feusse molestée de quelques visions ou fantômes, ainsi que j'auois esté le iour precedent. A ceste cause j'appellay ma nourrice pour me tenir compagnie, car ie me fiois grandement en elle. Ainsi done nous nous retirasmes, & entrasmes ensemble dedans mon liect, où le cœur me trembloit tousiours, & ne se pouuoit asseurer: toutesfois à quelque peine que ce feust ie m'endormy, & fus souuent réueillée par des songes espouventables, spécialement en mon premier somme, auquel mon corps las & trauaillé fut surpris d'un profond dormir, & me fut aduis que j'ouys rōpre l'huys de ma chambre, & y veis furieusement entrer deux grands bourreaux, sales, & mal vestus, rudes, cruels, & déplaisans à veoir, les jouës enflées, les yeux louches & encauez, les sourcils gros & noirs, la barbe longue, meslée & pleine de crasse les lèvres pendantes, grosses & espoisses, les dents longues, rares, jaunes, rouillées & baueuses, la couleur mortifiée, la voix enrouée, le regard dépiteux & difforme, la peau rude comme bazanne, les cheueux herillez, gras, à demy chenues, & ressemblans à l'escorce d'un vieil Orme, les mains grandes, raboteuses, & sanglantes, les doigts courbes, les ongles roux, & mal vnis, les nez camus, & pleins de morve: bref ils sembloient bien gents maudits, meschants, malheureux, & infames. Leurs corps estoient enuironnez de cordes en escharpes, & autres outils de leur mestier, pour monstrer dequoy ils se sçauoient seruir. Ces grands vilains en fronçant les sourcils, & me regardans de trauers, commencerent à brayer, ou abbayer: car ils n'auoient point parole humaine, & me dirent (jettans les mains sur moy cōme pour me prendre:) Vien superbe & meschante creature, vien rebelle, vien ennemie des Dieux, vien folle & incensée pucelle, qui déprise les graces & benedictions diuines, tantost sera faicte de toy vne punition cruelle, comme d'une mauuaise femme que tu es, & telle que tu la veis faire hier de deux autres peruerfes Damoiselles orgueilleuses, & semblables à toy. Je vous laisse à penser, ô Nymphes, quel effroy ce me fut quand ie sentis aupres de moy deux tels monstres, qui me décoifferent & empoignerent par les cheueux, me voulans traifner ie ne sçay où, dont ie me deffendois selon mon petit pouuoir, cuidant resister à leur effort: mais c'estoit en vain, car ils estoient trop rudes & forts: pourquoy ie commençay à crier à haute voix. Helas! pour Dieu mercy: en demandant secours: mais ils n'en faisoient compte, & me tiroient plus outrageusement, pour me mettre hors de mon liect, avec injures & menaces outrageuses. Et ainsi qu'ils s'efforçoient de ce faire, de leurs corps & vestemens sortoit vne puanteur si grāde, qu'il n'est cœur qui la peult endurer: mais encores j'auois plus de crainte de l'horreur de leurs visages difformes & desfigurez. Je fus longuement trauaillée & molestée de ceste alteration déplaisante, pendant laquelle ie me debattois, & tournois trop rudement dedans mon liect, tant que j'esueillay ma nourrice qui estoit fort endormie. Ce neantmoins elle sentit, & paraduanture ouyt, quelques paroles mal formées, & imparfaites: parquoy me voyant ainsi tourmenter, me serra entre ses bras, & m'appella bien hautement, disant. Qu'auiez-vous ma fille? Qu'est-ce que vous sentez? Adonc ie m'esueillay en sursaut, & fus longtemps sans luy respondre, soupirant, & me plaignant en aussi grande angoisse, que ie fis en iour de ma vie, tū moulué & lassé, que ie ne pouuois leuer les bras, mon cœur battant en ma poictri-

ne outre mesure, & ma chemise tant mouillée de larmes, qu'elle me tenoit par tout au corps. Mes cheueux en estoient tout moittes & meslez, mes poulx esmeuz & alterez, comme si j'eusse esté en grosse fièvre. A la verité ie fus grand espace en céc estat, & tant que ma nourrice par douces paroles & remonstrances me remit quelque peu l'esprit, tousiours enquerant & demandant quelle chose m'auoit causé vne si nouvelle façon de faire: & neantmoins se douloit grandement de ce qui m'estoit aduenü: à raison dequoy me tenoit embrassée, & lamentoit quant & quant moy. Finalement apres plusieurs prieres qui me furent faites de sa part, si-tost que j'eus repris vn petit de vigueur, ie me mis à luy compter de mot à mot mon songe, sans luy celer la merueilleuse auanture qui m'estoit aduenüe le iour precedent. Vray est que ie luy teus la mort de Poliphile, dont ie n'osay aucunement parler, mais bien ie luy declaray en paroles generales que ie m'estois mal portée enuers l'amour. Quand ie luy eut recité toutes ces choses, elle comme sage & experimentée (au moyen du grand âge qu'elle auoit) me reconforta, disant que si ie la voulois croire, elle mettroit bonne peine d'asseurer mon cœur, donner fin à ces miennes langueurs, & obuiuer à tous autres inconueniens qui pour raison de cela me pourroient aduenir. Alors ie luy promis d'ensuiure son conseil, pourueu que ie peusse estre deliure des grands troubles & merueilleux dangers lesquels ie craignois d'encourir, & hors des ennus que ie témoigneroy par tant de larmes.

**POLIA RECITE EN QUELLE MANIERE SA NOURRICE**

*par diuers exemples l'admonnesta d'euiter l'ire & les menasses des Dieux.*

*Et luy conseilla de s'en aller deuers la Priense du Temple de Venus, pour estre instruite de ce qu'elle auroit à faire.*

**CHAPITRE IV.**



**X**CELLENTES Nymphes, l'inclination d'vn esprit ne peut estre facilement destournée, & ce que le cœur s'est proposé n'est pas aisément changé, quand il s'y est arresté avec vne deliberation d'affection constante, ou qu'il s'y est déterminé par long-temps. Et encores il semble y estre d'auantage attaché, quand il y a mis l'object de son contentement, & le subject du bien-heureux salaire de ses labours. Parquoy (Belles) il me semble que l'en vouloit distraire par prieres, ou autres douces inuentions, on entreprendroit importunément vn labeur ingrat. D'auantage, il ne se faut aucunement émerueiller si le sens dépraué & corrompu treuve les choses mauuaises, qui de leur nature sont bonnes: & si aux yeux alterez de quelque maladie, ou obscurcis & troublez par àbondance de grosses humeurs, les objects semblent autres qu'ils ne sont: Bien que la lumiere soit obscurcie par quelque rencontre, & que ce qui est blanc soit peut-estre taché en apparence, cela ne procede du deffaut de leur matiere & substance, mais d'vne alteration accidentalle: parquoy on ne doit blasmer ny moins estimer la lumiere, ny le subject. De mesme ayant voué & dénié ma virginité à la Déesse Diane, & par profession estant abstraincte & obligée à la seruir toute ma vie, le seruice de Venus me sembloit grief & intollerable, comme du tout differend & contraire à ma premiere institution, veu mesmement que ie m'estois declarée son

ennemie, & aduerfaire. Et si maintenant ie voulois prendre son party, il estoit de necessité effacer & abolir tous autres sermens, vœux, & promesses ja faictes, oublier & mettre hors de ma fantasie toutes volontez & opinions contraires. Ce que cognoissant ma bonne nourrice, desirant sur tout ma santé, & craignant (comme elle disoit) que pis ne me suruint: pour y remedier à son pouuoir, vîa enuers moy de ceste harangue: Ma fille, c'est vn dire commun, & le voit-on par experience, que celuy qui prend conseil d'autrui en ses affaires, ne peut faillir tout seul: A ceste cause, ie vous prie, prenez garde à vous, & aduisez que par aucune simplicité, inconsideration, mépris, ou temerité de courage, vous n'ayez offensé les Dieux. Certes il ne faut point doubter que ceux qui nient leur puissance, ou leur des-obeyssent, sont à la fin aigrement chastiez, & est la punition d'autant plus grande, qu'elle est longuement retardée. Parquoy il ne se faut esbahir si leurs majestez se courroucent contre aucunes d'entre vous ieunes Damoiselles, qui bien souuent par imprudence & legereté, ou par vne sorte de superstitieuse opinion que vous auez encouruës en infinité d'erreurs. Qui a fait que plusieurs en sone venuës à piteuse & miserable fin, comme ie pourrois prouuer par diuerses histoires, qui seroient trop longues à reciter. D'auantage vous deuez considerer qu'Amour est vn tyran cruel, doué d'vne telle puissance, qu'il blesse, brusle, & consume, sans aucun égard ou misericorde, non seulement les hommes mortels, mais (qui plus est) les Dieux souuerains, mesmement le grand Iupiter qui fait la pluye & le beau temps: car telle difficulté a-il treuue (ma fille) en toutes ses entreprises amoureuses? il n'est rien si vray qu'il ne s'est peu exempter de ce feu, lequel l'a obligé a plusieurs difficultez indignes de sa grandeur, si que pour paruenir à ses ententes, il a esté contrainct de se transfigurer iusques en forme de beste. Or laissons les autres Dieux, & parlons seulement de Mars, qui est armé de toutes pieces: il n'eut oncques pouuoir de resister à l'amour, ny mesmes de s'en defendre: tant s'en faut que ie vueille dire qu'il eust peu se rebeller contre luy, que s'il y a pense, la punition en a esté soudaine, & apparente par les playes & vlcères de son cœur. Croyez (ma fille) que la vertu d'amour est grande. Et s'il peut outrager les Dieux, que pensez-vous qu'il puisse faire contre les humains, qui sont tendres & fragiles, spécialement ceux qu'il treuue idoines à son seruice, lesquels encores qu'ils soient impuissans & debiles, ont l'audace & presomption de luy repugner? Sans point de doubte ils le treuuent plus furieux & inhumain, que les autres qui luy obtemperent par humilité: & cela me fait dire que ce ne seroit sagement fait à vous de vous en cuider exempter: car luy-mesme s'est épris de son brandon pour l'amour de la belle Psyché. Quelle esperance pouuez-vous auoir qu'il vous espargne iamais. N'auiez-vous pas ouy dire qu'il a deux flèches differentes, l'vne à pointe d'or, & l'autre pointe de plomb, la premiere desquelles induict & attire les cœurs des personnes à ardemment aimer, & l'autre au contraite engendre haine & desdaing entre elles. De ces deux vîa ce puissant Dieu à l'encontre d'Apollo, qu'il naua profondement de la premiere, & de l'autre toutes les Dames qu'il proposa oncques d'aimer, pource que luy qui void toutes les choses, reuela indiscretement les amours de la Déesse Venus sa mere, dont depuis il n'eut que refus, contemnemens, & mauuaises cheres de ses maistresses: puis pour le comble de son mal, déplaisante fin de ses amours, en quoy ne sceut iamais auoir bonne auanture. Helas! ma fille, non seulement cet Apollo, mais infinis autres de toutes qualitez & conditions, sont encourus en pareil inconuenient, pource qu'ils ont voulu resister à l'encontre la puissance de ce grand Seigneur, par lequel (ainsi que j'estime) les visions vous ont esté monstrées pour aduertissement du mal qui vous doit aduenir. Escoutez donc (ma mignonne) & vous arretez à mon conseil. Ne vous vueillez opposer à plus fort que vous, ny fuyr

à ce que ne pouuez éuiter : car estant belle de corps, discrette d'entendement, bien moriginée de conditions, sage & accomplie en tout, voire (pour le dire en peu de paroles) la noppareille entre les ieunes Damoiselles de ce pays, tellement que semblez estre le vray chef-d'œuvre du parfaict Ouurier, qui a donné essence à toutes choses, d'autant qu'il vous a décorée de singuliere & extrême beauté : Il est à presumer que la sainte Déesse Venus vous veut retirer en son Temple, & par tels admonestemens secrets, monstret que deuez entrer en son seruiue : meismes que la disposition diuine, laquelle à soing & cure de vostre tendre ieunesse, vous a destinée à tels mysteres, vous aduertissant par songes, & donnant à cognoistre par reuelatiōs occultes, le danger qui vous peut aduenir, comme il a faict à plusieurs vos semblables, qui se sont opposés à son immuable décret : car celuy se monstre & declare ennemy des Dieux, qui déprise les debuoirs à la nature, ou est negligent de les exercer. Et cela vous feray-ie presentement entendre par l'histoire d'vne belle Damoiselle, que j'ay veüe & cogneüe, gentil-femme comme vous, de race grande, noble, & ancienne, douée de toutes les vertus & bonnes graces requises à vne personne de sa qualité. Ceste Damoiselle estoit iolie, ioyeuse, éueillée, & tousiours richement vestue : aussi elle s'en monstroit soigneuse, comme ordinairement nourrie en comble de richesse, plaisirs, & prosperitez de fortune. Quand elle fut en la fleur de son aage, elle se treuua maintesfois requise en mariage de plusieurs ieunes Gentils-hommes, & spécialement d'vn entre les autres, égal à elle d'aage, de lignage, de richesse, de beauté, & bonne grace, preux, sage, & vertueux au possible. Toutefois elle ne daigna iamais condescendre à ses intentions, quelques prieres ou promesses qu'il luy sceust faire, ains perseuerant en ceste folle outre-cuidance, passa la meilleure partie de son temps qui est brieu à merueille, sans considerer (ma fille) qu'il n'y a en ce monde chose plus agreable que la correspondance d'amour égal & reciproque. En ceste maniere demeura la Damoiselle endarcie en son obstination detestable & peruerse, iusques à passer les vingt & huit ans. Or Cupido qui n'oublie iamais les injures qui luy ont esté faictes par vn cœur superbe : voyant la malice de ceste ieune folle, luy va tirer vn tel coup de sa flèche d'or, qu'elle entra iusques aux empençons dedans l'estomach farouche : & en fut la playe tant griefue, & si perilleuse, qu'il estoit impossible y remedier. Alors elle commença de souhaitter (en vain) les douces prieres & requestes que ce ieune Gentil-homme auoit perduës en luy faisant l'amour : mais il n'estoit plus possible d'en finer. Ce neantmoins la rigueur & violence d'amour estoit si grande en son endroict, qu'en cét estat elle eut accepté non seulement le beau Gentil-homme, sil se fut présenté, mais vn tout tel qu'elle l'eust peu auoir : & fut son malheur si tres-grand, qu'elle eust tenu pour grace speciale, si quelque rongneux varlet eust daigné la secourir à son besoing. Quiconque (certes) fut venu, iamais n'eut esté refusé. Finablement la pauurette pressée d'vne chaleur intolerable, tomba en vne fièvre extrême, & en langueur, iusques pres de mourir. Le Medecin qui fut appelé pour la visiter, sage & bien expert en sa pratique, cogneut au mouvement de son poulx, que sa maladie ne procedoit sinon d'vne ardeur demesurée : parquoy il ordonna qu'il n'y auoit autre remede pour luy sauuer la vie, que de la marier incontinent. Quoy entendu, les parents ne tardorent guieres à se mettre en peine pour cét effect, & treuuerent vn Gentil-homme de bonne race, & fort riche, mais desia vieil, & quasi sur son dernier aage, beaucoup plus caduc qu'il ne monstroit en apparence, parce qu'il estoit maigre & sec.

Il auoit les jouës auallées, les lévres pendantes, les yeux rouges, escorchez, & larmoyans, les mains tremblantes, toutes ridées, & laydes, le nez camus, morueux, & plein de moules, la voix enrouée, le col ridé comme la trongne d'vn marmot, les gen-

lues grosses & pafles, ou n'y auoit que les racines de deux dents creufes par en haut, & autant par en bas, fur le deuant longues, branflantes, & rongées de chancre, qui leur auoit donné vne couleur iaune, tachée de noir. Il portoit vne calotte, pburautant qu'elle estoit taigneufe, & fa teste reffembloit à l'efchine d'un chien galleux: fa robbe estoit toute bauerfe fur l'estomach, courbé comme cherchant la fosse, la barbe rude comme le poil des oreilles d'un afne. Le refte du corps pourry & tourné en fièn: & au remuër de fes vefte mens fortoit vne odeur infecte, telle qu'homme viuant n'en pouuoit approcher: iamais ce vieillard ne pensoit à autre chose qu'à l'auarice.

Je croy que le matin de ces nopces les Corbeaux luy sonnerent les aubades, tant il pouoit fort la charongne. Le triomphe fut grand, & les espoufailes folemniſées en toute pompe & magnificence. Finablement ceste ſaincte nuit vint que la bonne Damoiſelle auoit tant deſirée, eſperant que lors ſes deſirs ſeroient aſſouuis ſans conſiderer la qualité du marié: car elle estoit aueuglée de ſes affection, & ne pensoit à autre chose qu'à cueillir le fruit de ceste gracieuſe aſſemblée, eſtant la pauurette totalement enclinée & abandonnée à ſa ſenſualité. Elle ſe coucha (à la malheure) entre les bras de ce vieillard, qui estoit plus froid & plus gelé que le mois de Ianuier: mais elle n'en pût tirer autre chose ſinon tout le viſage ſouillé de la ſaliue de ſon vieillard eſpoux, qui bauoit comme vn chien courant, de ſorte que le matin d'apres, vous euſſiez dit qu'un limaçon s'estoit pourmené ſur ce beau viſage. Et ne luy fut oncques poſſible, ny pour baiſer, ny pour cherir, ny par paroles amoureuſes, de l'eſmouoir au ſeruice de la nature. Et n'en eut onc que l'halcine infecte: car il demeura toute la nuit la gueule ouuerte, ronflant par telle impetuofité, qu'il ſembloit à l'ouyr que ce fuſſent les ſoufflets d'un mareſchal. Entendez (ma fille) retenez & mettez ecy en voſtre memoire. Ceste gentille Damoiſelle ſe treuua fruſtrée de ſon intention, car elle ne pût iſmais échauffer ce vieillard, auquel n'y auoit vne ſeule eſtincelle de verdure, ny de pouuoir. Or il aduint par ſucceſſion de temps, que ce mary ſetard, raſſorté, & recreant, deuint plus jaloux qu'un vieil Singe, ſi bien que tous les plaiſirs qu'elle receuoit de luy, n'estoient que menaſſes & furies. Alors elle commença de recognoiſtre ſa mauuaife fortune, ayant honte & vergongne de ſes fautes paſſées, & ſe lamentant griefuement, non tant du vieillard laſche & fleſtry, & du mariage ſans eſſect, que du temps par elle inutilement dépendu, lequel ne pouoit plus reuenir. Parquoy quand elle venoit à penſer à l'aiſe, ſoulas & contentement que receiuent les autres ieunes mariées, gaſantes entre les bras de ceux qu'elles auoient aymez, & receuantes le guerdon de leurs douces affection, pour accompliſſement de ſouhaits, ce luy estoit vn rengregement de douleur, qui la tourmentoit d'autant plus, que celle imagination luy reuenoit à tous propos en la memoire. Finablement ennuyée des manieres faſcheuſes, & complexions inſupportables de ce vieil marſouyn, elle tomba en vne melancholie ſi terrible, qu'elle pleuroit inceſſamment, ſans que l'on la pût reſiouyr, pour quelque paſſe-temps que ſes parents luy ſeuſſent faire veoir: car elle ne prenoit gouſt ny appetit en rien, ſinon à maudire ſa vie, & appeller la mort en ſon ayde: dont elle veint à conceuoir vne rage furieuſe, & inimitié contre ſoy-meſme, ſi grande, qu'elle deuint ennemie mortelle de ſa propre vie: pour laquelle mettre à fin, elle prit vn iour ſecretement vn couſeau, & s'en donna dedans l'estomach, comme femme abandonnée d'eſpoir & de confiance, homicide & meurdriere du corps qu'elle deuoit plus cher tenir. Helas! ma fille, ſi en l'aage ou ie ſuis vn tel incohuenient aduenoit à voſtre perſonne (comme il pourroit aduenir pour quelque ſemblable offence, dont toutesfois les Dieux vous yeulent garder) ie mourrois de dueil deuant mes iours. Helas! y a-il calamité

ou infortune en ce monde qui tant me peust troubler, que si mes yeux vous auoient veuë tomber en la piteuse fin de ceste miserable Damoiselle? Donques (ma fille) sçachez & tenez pour certain, que l'ire des Dieux est inéuitable, & que tost ou tard ceux qui les déprisent font infailliblement punis: & de ce peut donner témoignage la belle Meduse, à laquelle pour auoir vŕ de rigueur enuers ceux qui l'aymerent, les cheueux furent muez en serpenteaux viuans: parquoy apres elle fut fuye des personnages heroiques qui l'auoient recherchée, combien qu'elle les suiuiŕt, & desirast. Si les ieunes Damoiselles estans en ce bel âge où vous estes, font peu de compte des dispositions celestes, & des causes bien ordonnées, qui induisent & enclinent les ieunes personnes à s'enamourer au temps à ce déterminé: c'est vne espece de rebellion & des-obeyŕsance: car il semble qu'elles vueillent presomptueusement resister aux sainctes loix & decrets de la mere nature, en luy faisant opprobre: dont bien souuent leur en prend mal. Ah! ma fille, nos ans qui sont si cours & brieŕs, doiuent estre plus chers tenus que tous les thresors & richesses du monde: car nostre vie est trop plus fugitiue que les vents, & s'euanouyŕt plustost que les bouillons qui se font sur l'eau quand il pleut. A ceste cause faut auoir soing de l'employer, & en cueillir le fruit quand la saison en est venuë: car il est trop tard d'y penser quand vieillesse nous a surpris, ce qu'elle fait souuentesfois, accompagnée de regret & repentance, pour auoir mal vŕ de nostre ieunesse. Et lors nous efforçons de la rechercher fardant nos visages, tendant & éclaircissant nos peaux seiches & ridées, par tous les moyens à nous possibles, redésirant le temps passé, & déplaisantes du présent, auquel nous sommes refusées de tous, bannies & priuées des doux regards, bonnes cheres, & gracieux entreteneŕments des ieunes hommes, qui cognoissent nostre fraude, & s'apperçoient assez que nous sommes ieunes en peinture, mais bien vieille au naturel. Helas! mon Dieu, la ieunesse ne pense point à la fin, pource qu'elle luy semble loingtaine: & quand elle s'approche, adonc croist le desir de viure: Pourtant (ma fille) ie vous prie sur tout, tant que vous ayez vostre vie, que preniez garde à ces signes qui vous ont esté demonstrez, que ce ne soient presages de l'ire des Dieux, conçue à l'encontre de vous pour quelque folle opinion qu'avez trop obstinément maintenue par le passé. Sans point de doubte il est de necessité de les appaiser, en amandant vos volontez peruerŕes, si aucunes en auez eues, & delibérant de leur obtemperer, deormais les seruir en toute humilité. Et si vous auez nonchalamment vŕ de leurs graces, faites (ma mie) que par cy-apres ils puissent estre contents de vous, & de vostre seruice. Or pour accomplir toutes ces choses, & afin de mieux entendre comment vous y deuez gouuerner, ie suis d'aduis que vous en alliez incontinent au Temple de la Déesse Venus, où vous adresserez à la Prieuse, à laquelle vous declarerez & confesserez de point en point les causes pour lesquelles vous estimez que les Dieux soient indignez contre vous, & tout ce qui peut estre l'occasion de telles menaces, faites és visions qui vous sont aduenues. Vous ne fardrez, comme ie vous dis, à luy raconter le tout de mot à mot, reuelant d'auantage toutes les fautes & erreurs que pourriez auoir commises. Ce faisant, j'espere qu'elle vous donnera bon conseil, & salutaire: tellement que vous pourrez euitter les doutes & soupçions en quoy vous estes, & obuiuer aux punitions diuines, si par mesfait, ou nonchalance, vous les auez meritées.

LIVRE SECOND  
**POLIA PAR LE BON CONSEIL ET REMONSTRANCE**  
*de sa Nourrice, changea d'opinion, & s'en alla trouver Poliphile qui gisoit mort  
 au Temple de Diane, où elle l'avoit laissé: & comme il ressuscita entre  
 ses bras: parquoy les Nymphes de Diane qui surindrent  
 là, & les surprindrent ensemble, les chasserent du san-  
 ctuaire: D'une vision qui luy apparut en sa  
 chambre. Et comme elle s'en alla au Tem-  
 ple de Venus, où estoit son Poliphile.*

CHAPITRE V.




**L**es conseils de ma Nourrice m'ayant touchée iusques au cœur, me firent penser à ceste affaire: ie scauois qu'elle estoit prudente & experte en ce qui est de la vie humaine, joint ce qu'elle m'auoit enseigné sur ses opinions de mes songes & visions, dequoy elle m'auoit prudemment aduisé. Parquoy les ombres espoissies de la nuit s'estant retirées en la beauté du Soleil, ayant peint l'air des belles couleurs du iour. Elle me laissa, & sortit pour aller ou quelques affaires l'appelloient: ainsi me trouuant seule, ie commençay à considerer les paroles, & cogneus qu'elle auoit touché les poincts en quoy i'auois delinqué: parquoy ie deliberay de me deliurer de tel scrupule, craignant que pis ne m'en aduint, comme ma Nourrice m'auoit amplement remonstré, & fait entendre par exemples. En ces entre-faictes Amour treuua vne petite voye pour entrer en mon cœur, que iusques alors luy auoit esté interdite & défenduë. Par là passa ce petit Dieu iusques au fonds de ma poitrine, où il se nourrit de contentemens, & s'y fit en peu d'heure si grand, qu'il ne fut plus en moy de résister à sa puissance. Toutesfois en ceste pensée plusieurs doubtes me suruenoient, & ie considerois les merueilleuses infortunes qu'auoient encouru grand nombre de ceux qui auoient suiuy le train d'Amour: & specialement me reuenoient en memoire la Royne Dido, qui se tua pour Aeneas, voyant qu'il l'auoit abandonnée. Semblablement la dolente Phyllis, qui par l'impatience du retour de son amy Demophoon, excédant le terme qu'il luy auoit promis, se desesperant de sa venue, elle mesme se pendit, & estrangla de ses deux mains. J'auois aussi en souuenance le piteux accident aduenü à la pauvre Thyrbé, & à Pyramus sa partie: & si ie ne laissois en derriere la malheureuse mort de la pauvre Biblis, qui fut meurdriere de son corps. Non faisois-ie pas celle de la Nymphé Echo, & d'autres innumerables pauures Dames, qui en estoient cruellement finies: & encores pour engreger le compte, j'allois pensant aux troubles, rapines, violences, & destructions, que causa l'amour de la belle Heleine: puis ie disois à part moy. Helas! se pourroit-il faire que ie m'exposasse à semblables dangers! est-il possible que j'entre en passage si dangereux sans guide, seurété, support, & sans aucune experience? N'ay-ie pas dedié mon corps à la chaste Déesse Diane? Certes si ay, ie ne le puis dédire. Et pourtant doncques (Polia) il te faut estre vertueuse, & résister à ce premier assaut. Pense vn petit à qui tu t'es donnée: & à quel seruice t'es astreinte de ton bon gré. Ainsi demourois-ie confuse & incertaine, pensant à mille difficultez qui se presentoient à mon esprit, si que ie fus quasi en deliberation de perseverer en mon premier propos. Toutesfois j'en fus en moins de rien diuertie par Cupido: lequel voyant que mon cœur varioit, l'embraza d'vne flamme plus ardante que la premiere, qui s'espandit par tout mon corps, comme fit le venim mortel dans les entrailles du preux Hercules,

[ par la

par la chemise taincte au sang du Centaure Naffus, quand il s'approcha du feu pour faire sacrifice. Tous mes sens furent subornez & destournez de leur intention feuerre par la suggestion d'amour, qui chassa de moy toutes doubtes & pensées variables, retirant à soy mon ame, & toute mon affection. Adonc mon cœur se tourna deuers mon Poliphile, & commençay à le desirer tres-ardamment, fort déplaisante de ce qui luy estoit aduenu. Puis apres plusieurs doubtes, peurs, difficultez, & fantasies diuerses, ie m'aduenturay d'aller veoir s'il estoit encores où ie l'auois laissé, afin de contempler (pour le moins) mort celuy que ie n'auois daigné regarder en vie. Las! ce m'estoit vn grand regret d'auoir ainsi hay celuy qui me vouloit tant de bien. Peusse voulu (certes) le treuuer en son premier estat, vis, sain, & de bonne volonté. D'autre-part ie craignois d'estre surprise seule avec vn homme mort: car (peut-estre) on m'en eust imputé la coulpe, veu mesmement qu'un mal-faicteur s'espouuante d'un peu de bruiet, & ne peut dissimuler son malefice, dont il s'accuse de leger. Je fus long-temps en ceste perplexité fascheuse: mais amour vainquit la crainte, & me fit suiure l'importunité de mon desir. Si que ie me mis à courir seule au Temple où mon Poliphile estoit demeuré: & si-tost que j'y fus entrée, ie ne m'allay pas agenouiller deuant l'autel comme j'auois de coustume, ains courus droit au lieu où ie l'auois traîné, auquel ie le treuuy encores mort, & terny, plus froid que marbre, d'autant qu'il auoit ainsi demeuré toute la nuict passée. En le voyant si fort changé, ie deuin toute blefme de peur & de pitié, qui m'esmeurent incontinent à pleurer, & souhaiter que ie peusse estre participante en la mort avec luy, pour luy faire compagnie en ce dernier passage. Tant continuay ma douleur, que la force m'abandonna, & tombay sur ce corps palinée: mais apres estre reuenue, ie me pris à dire. Ah mort qui acheues tous biens, & tous maux, toutes joyes, & toutes tristesses: viens à moy, ie te prie, pour me joindre avec cestuy-cy, que ma cruauté, & rudesse, ont liuré entre tes mains, tant seulement par trop aymier ceste chetiue, voire plus que sa propre ame, ainsi comme il l'a bien monstré. Las! c'est celuy qui me reputoit son bien, & contentement parfait. Ne suis-je pas donc la plus malheureuse du monde, de pouuoir maintenant treuuer la fin de ceste vie: Helas! pourquoy est-ce qu'elle dure tant. Mon ame est-elle si enfermée dedans mon corps, qu'elle n'en puisse treuuer l'issue: A à mes yeux, vous me faictes veoir mort celuy que ne daignastes regarder en sa vie. Où es-tu mort, qui fuyes ceux qui te desirent, & prends ceux qui te cuydent fuyr: Ores fais-je bien l'experience de ta condition cruelle. Ah! le maudit iour que ie vins au monde: ie fus (sans doute) née à mauuaise heure. Qui est celuy qui pourroit dire lequel de nous deux est plus mal fortuné, ou ce mien amy Poliphile trespassé, ou moy qui suis encore viue, pleine de dueil & de douleur, plus angoisseuse que la mort: Helas! venez donc regrets, plainctes, gemissements, & larmes, puis faictes lamentablement les funeraillies de mon corps, lequel par son orgueil, & obstination, a faict finer les iours à ce pauvre Gentil-homme mal fortuné, qui n'est pery pour autre cause, que pour m'auoir trop ardemment aymé.



Disant cela, les grosses larmes me couloient au long du visage, si abondamment, que ce corps transsi, & moy, estions tous baignez de l'eau qui sortoit de mes yeux. Et cependant aduint qu'en tresbuchant sur luy, j'appuyay ma main droite sur son estomach, & sentis vn poulx sourd & profond, tant debile que rien plus. Ce neantmoins il me sembla que son cœur sentant aupres de luy ce qu'il aymoit, reprint vn petit de vigueur, tellement que mon cher amy Poliphile s'en esucilla, & en ouvrant les yeux jetta vn soupir de plaincte : dont ie fus toute esbahie & surprise, esmeuë de ce soudain retour que ie n'auois aucunement esperé, ny attendu : parquoy ie pris incontinent ses deux mains, & approchay son visage de mon sein, où il se renforça quelque peu, & tourna ses yeux deuers moy, proferant ces mots avec vne voix foible & tremblante: Ma Dame, pourquoy me traitez-vous ainsi à tort: Alors ie sentis vne ioye, meslée d'une douceur amoureuse, qui me fit fremir tout le cœur, & m'osta l'usage de la langue, si qu'en lieu de luy respondre, ie m'encliny pour le baiser.



Il ne tarda guieres que le pauvre corps reuint entierement en son premier estat, & la couleur luy remonta au visage. Mais sur ces entre-faiçtes la Prieue du Temple qui (peut-estre) auoit écouté mes plainctes, vint avec vne grande troupe de ses Religieuses, lesquelles voyans nos priuantez illicites, & interdites en ce lieu saint, furent griefuement irritées, de maniere qu'à coups de baston, accompagnez d'injures & reproches, elles demeslerent & troublerent nos gracieux embrassements. Chose qui me fit auoir peur, qu'il ne m'aduint ainsi comme à Meduse, quand elle fut cogneuë de Neptune au Temple de Minerue, ou comme à Hippomanes, & à sa mie Atalanta, lesquels pour vn pareil cas furent transuuez en lions. A peine peusmes-nous eschapper de leurs mains, tant elles desiroient nous faire du mal.



Si est-ce qu'à la fin elles nous chassèrent du Temple, me priant, déboutant, & bannissant de leur compagnie, comme irreguliere, & apostate, en grande ignominie & vitupere. Je fus longuement traînée par les cheveux, & foulée aux pieds par l'une d'entr'elles, qui auparavant auoit esté ma plus familiere compagne au seruice de la Déesse Diane, appelée Algerée, qui me dit plusieurs blasmes: & ne me peus oncques si bien desfaire d'elle, que mon couure-chef ne demeurast entre ses mains, apres auoir esté bien battuë, & receu plusieurs coups fascheux. En ceste maniere nous fumes tous deux déchasséz & forclos du Temple, à nostre grande honte & vergongne. Toutesfois nous en fumes peu de compte, & ne nous en souciâmes guieres, ny pareillement des peines, & trauaux, par nous soufferts, & endurez, le temps passé: ains vinâmes deuisant ensemble iusqu'aupres de la cité, où nous prîmes congé l'un de l'autre, avec grand regret, & plusieurs promesses de viure ensemble en loyauté, & ferme amitié, uon sans extrême contentement, & satisfaction mutuelle. Apres donc que nous fumes départis, ie cheminay mon petit pas, pensant à plusieurs choses touchant les effets & ourages d'amour, iusques à ce que j'arriuai en mon Palais. L'effigie, & representation, de la Déesse Diane n'estoit plus en mon entendement: car la figure de Poliphile s'y estoit introduicte, en lieu d'elle, si qu'il ne me souuenoit plus d'autre chose, & le sentoies entierement dominer sur toutes les parties de mon cœur, tant que ie n'auois autre bien que de penser en luy. Quand ie fus assise en ma chambre, ie commençay à faire vn petit cœur en broderie, de soye

cramoïse, exprimant au mieux qu'il m'estoit possible, ce que Cupido auoit peinct dans le mien: & au milieu fis vn chiffre des premieres lettres de nos noms, entre-lasées l'une en l'autre toutes de fines perles Orientales, d'autant plus parfaictement figurées, que le vainqueur des Dieux qui estoit là present, regissoit ma main, & conduisoit mon œuvre. Puis ie fis vn cordon de soye verte, meslée avec de mes cheueux en signe de parfaicte amitié, & le luy enuoyay, le priant de le porter à son col pour souuenance de moy, voulant par là signifier, que son cœur, & le mien, estoient enlascés, & conjoinctés, inseparablement d'un nœud indissoluble, & fermé pour tout iamais, d'autant que ie l'auois esleu & choisi sur tous pour mon seigneur, maistre & possesseur de ma personne en amitié perpetuelle, me rendant serue de doux penser, resoluë & deliberée de mettre en arriere toute rigueur, laisser les fascheuses manieres que ie soulois auoir, adoucir mon rude courage, abandonner mes opinions folles, & changer mes coustumes sottes & sauuages, en conditions gracieuses & humaines: de craintive & honteuse, deuenir gaye & hardie Amante: muër mes dédain en affections accostables: & mon vouloir qui souloit estre inconstant, rendre ferme & invariable: desirant ce dont ie n'auois encores aucune experience: totalement assubjectie aux loix d'amour, & pleine de contentement pour auoir acquis mon amy Poliphile, duquel mon ame ne se pouuoit distraire ny separer: parquoy elle jouysoit en pensée du bien qui luy estoit absent. Ce iour-là mesme estant seule en ma chambre, j'en veis sortir par les fenestres (qui lors estoient ouuertes) vn Chariot de glace, tiré par deux Cerfs blancs, attachez à chaines de plomb, sur lequel estoit assise vne Dame, couronnée d'un chapelet de Saulx, portant vn arc desbandé, & vn carquois tout dégarny de traits, qui bien sembloit courroucée & marrie, me regardant de trauers comme si ie l'eusse offensée: dont j'eus frayeur, tant elle me monstra mauuais visage. Mais tout soudain j'apperceus vn autre Chariot de feu qui la luyuoit, & chassoit, tiré à cordons d'or, par deux belles Colombes: sur iceluy se feoit vne puissante Dame, portant en sa teste vn beau chapeau de roses, & deuant elle vn ieune enfant volant, qui tenoit vn brandon allumé, avec lequel il poursuiuit si longuement ceste Dame froide & gelée, que son Chariot de glace fondit à la chaleur du feu: & à moins de rien l'un & l'autre s'euanoüyrent en l'air. Quand ceste vision fut passée, ie treuuy mon giron, & tout le paué de ma chambre, semé de roses vermeilles, & de rameaux de Myrthe: qui me fit chasser toute crainte, & prendre vne forte assurance, que ceste Dame aux Colombes, & son enfant, auoient deffendu ma querelle: dont ie fus conduite iusques au dernier point d'amour, déterminée & totalement resoluë de poursuyure mon entreprise.

Na iij



Mais avant toutes choses, ie conclus de mettre en effect le bon conseil de ma Nourrice, & aller au Temple de la Déesse Venus, comme ie luy auois promis : & là me confesser à la Prieuse, luy manifestant ma faute, & accusant ma coulpe, pour décharger ma conscience, & alléger ces grands remords qui me tenoient en peine. Et jà estoit l'heure venue que ie deuois aliéner de moy mon ame, pour la soubsmettre à l'arbitre & volonté d'autruy, quand j'entray en ce saint Temple, où jà Poliphile estoit arriué, & n'allay point me presenter, ny agenouïller deuant l'autel, comme j'auois de coustume, ains jettant mon œil sur ce à quoy mon cœur tiroit, m'allay offrir à la Prieuse, de laquelle j'esperois secours en mon affaire, luy declarant bien au long toutes mes folies passées, & la cruauté dont j'auois vsé par le passé : & en apres toutes les visions qui m'estoient apparues, tant de iour que de nuit, parce que j'auois vn long espace de temps vescu sans pitié, sourde, ingrate, & rebelle à l'amour dont ie craignois d'estre encouruë en l'indignation de luy & de sa mere, auoir prouoqué leur ire à l'encontre de moy, & m'estre renduë incapable de leur mercy. Desquelles offenses & erreurs ainsi par moy perpetrées, & commises, la Prieuse se treuua fort esbahie, & m'en reprit bien aigrement. Neantmoins ie pensois en moy-mesme que c'estoit pour neant de plus penser aux choses passées, ayant tousiours l'œil là où mon cœur l'auoit attiré, qui estoit tout épris de l'amour de Poliphile : lequel aussi jetta son regard dessus moy : dont il me perça l'estomach, tout ainsi que si eust esté vne flèche décochée par vn fort bras. I'estois humblement inclinée deuant la Prieu-

se, requerant pardon de mon mesfaict, dont j'estois repentante, à ce qu'il luy pleust confermer mon bon propos de seruir pour l'aduenir la Déesse de ce Temple en vraye foy & loyauté, sans iamais rencheoir, des-obeyr, ny rebeller à aucun commandement, d'elle, ou de son fils: refuser ny contredire à aucune requeste de mon cher amy Poliphile: promettant luy estre de là en auant benigne, douce, gracieuse, obeyfante, sans luy déplaire en maniere du monde, & me rendre tousiours subiecte à ses amoureuses volonteiz. Aussi-tost que j'eus faict ceste promesse, la Prieuse fit appeller Poliphile en sa presence.

*APRES QUE POLIA SE FVT ACCVSEE DEVANT LA*

*Prieuse du Temple de Venus, des inhumanitez & rudesses dont elle auoit usé enuers Poliphile, & déclaré qu'elle estoit totalement deliberée de luy estre courtoise & gracieuse pour l'aduenir: la Prieuse le fit comparoir deuant elle: & adonc il requit que son plaisir fust confermer, & assseuer, la bonne volonte qu'ils portoient l'un à l'autre. Puis Polia par impatience d'amour interrompit le discours de son amy.*

CHAPITRE VI.



**L**E Deuot Poliphile obeyssant au mandement de la Dame, se presenta deuant elle avec vne reueréce tres-humble: & moy qui estois encores là, me pris à le regarder ententiuement, soupirant quelquesfois par douceur d'amitié, & disant en moy-mesme, que ie le faisois seigneur, & maistre, de mon cœur, pour en jouyr, & le posseder toute sa vie, & d'iceluy disposer à son bon plaisir. Ie me sentoys navrée iusques à l'extrême degré d'amour. Parquoy mon œil ne pouuoit regarder ailleurs, ny mon cœur penser à autre subiect: & me sembloit qu'il n'y auoit incommodité sous le Ciel, qui tant me peust donner de peine, que son absence, ne qui tant me fust insupportable. Et cela faisoit que ie le contemplois sans me mouuoir: toute rauie de plaisir amoureux. Mes yeux estoient si égarés, & assubjectis à leur objet tant agreable, que ie ne les pouuois tenir en leur debuoir. Mais quant est de ce Gentil-homme, il supportoit plus discrettement le faix d'amour, que ie n'eusse sçeu faire. Ce neantmoins il tenoit tousiours de paruenir à l'effect de son desir: & pource il mettoit toute la peine à luy possible d'obtenir que la Prieuse nous conjoignist tous deux d'un lien ferme, solide, & perpetuel. Parquoy laissant à me regarder, il commença de bonne grace à parler ainsi.



Madame, si les humbles & deuots seruiteurs de la Déesse, mere d'amour, méritent d'estre ouys en leurs requestes, ie vous supplie qu'il vous plaise receuoir celle que presentement ie vueil faire, d'autant qu'elle est fondée sur vne parfaite confiance d'obrenir ce que iustement, & à bonne raison, ie poursuis pour mon aduantage: c'est de treuer en ce Temple remede à tous les maux que i'ay soufferts. Or auez-vous esté commise en ce saint lieu, ministre souueraine, pour donner ordre à ceux qui en sincerité de cœur inuoquent le secours de la Déesse: & suis assuré que vostre pouuoir est tel, que (moyennant sa grace) tous vouldrois discordans sont par vous reconciliez & reduicts en vnion parfaite. Sur ceste assurance (Madame) ie suis venu par deuers vous, affin d'auoir allegement des peines que iusques à present i'ay endurées, & raisonnable recompense du mauuais traictement qui m'a esté fait sans l'auoir merité. A ceste cause ie vous requiers le plus affectueusement qu'il m'est possible, que vostre plaisir soit impetier de la sainte Déesse, qu'elle commande à son fils, à mon adueu, de tirer vn coup de fléche bien assis, dedans le cœur de pierre que porte ceste Damoiselle. Ce faisant ie seray entierement satisfait de tous les maux, ennys, tristesses, & langueurs, que i'ay (à son occasion) iusques aujourd'huy soustenuës, & encores n'en suis exempt. Toutesfois combien qu'elles soient grieues & intollerables, si me sembleroient-elles plus aysées à endurer, si elle pouuoit auement sentir quelle chose c'est que d'aymer avec passion, & combien douce est l'vnion de deux cœurs, assemblez par amitié. Certes, Madame, si vous sçaez accorder ceste difference de volonteé qui est entr'elle, & moy, ie

me tiendray pour bien-heureux, & ne demanderay plus rien en ce monde, comme celuy qui sera tout assouuy de ses desirs: car en mon mal n'y à autre remede, fors la pitié de ceste Damoiselle, qui monstre en son visage certaine apparence de douceur, & vsé d'énorme cruauté, singulièrement enuers moy, qui la desire seulement telle, qu'elle semble estre, car ces douceurs sont qu'elle nous promet esperance d'allegement, & j'y treuve tout le contraire: chose qui me faict cognoistre que le bien par moy pretendu ne me peut aduenir, sinon pour éгалer son vouloir au mien. A la verité il me semble plus que raisonnable, qu'elle se declare ma bonne maistresse, puis que ie suis son loyal seruiteur: & ne luy sera pas honneste de mal-traicter celuy qui de tout son cœur la reuere & adore. Je croy (Madame) que vous cognoillez ma cause estre si iuste, que vostre sagesse dira que l'on m'a faict grand tort, & que ceste Damoiselle doit consentir à mes humbles prieres, consideré mesmement que si elle en veut dire la verité, sa conscience la remord, & la condamne à me tenir pour sien.



En cet endroiçt fina Poliphile sa harangue: à laquelle j'auois pris singulier plaisir, & sur tout à sa contenance, qui me sembloit gracieuse & honneste. Parquoy ie luy auois ja en secret accordé toutes ses requestes, & me tarδοit beaucoup que l'heure ne vint propice à luy faire cognoistre combien ie desirois faire pour luy: ce que ie ne peus lors dissimuler, ains sans attendre la responce que la Pricuse luy deuoit faire, j'anticipay, commençant à luy dire.

APRES QUE POLIPHILE EUT ACHEVE SON TROPOS,

*Polia en la presence de la Prieuse luy declara qu'elle estoit ardemment esprise de son amour, & tot allement disposée à luy complaire: pour arres dequoy luy donna un baiser: Ces paroles que la Prieuse leur dist.*

## CHAPITRE VII.

**E**N verité (mon tres-aymé Poliphile) ie ne sçay quelle iuste recompense vous faire, sinon reconnoistre les ennuis que ie vous ay caulez, & les effacer par vne foy sincere, & amour autant grand que fidelle. Las! ie cognois & sçay certainement que la rigueur que ie vous ay tenuë, est occasion de la peine que si long-temps auez soufferte: & si pour m'en déplaire ie le pouuois amender, soyez seur que vous en deuriez tenir pour satisfait. Or ie confesse auoir failly, estant deceuë par vne erreur mauuaise, qui m'a plus que ie ne voudrois, tenuë en vne vie pleine de chagrin & amertume. Mais maintenant i'ay pris exemple à la grandeur de vostre courage, orné de l'excellente vertu d'amour, jointe à la perfection de constance: par laquelle vous paruiendrez à ce qu'auiez tant & tant attendu. Certainement vostre perseuerance vous rendra ioyeux & content. Ie ne me sçauois plus celer: dont il faut que ie vous die que ie suis entierement vostre, & soubsmets, moy, & ma volonté, à la discretion de vostre bon plaisir. Sçachez (amy) que Cupido a tant pouruiuy mon cœur, qu'il est contrainct se retirer à vous, comme à son refuge & franchise, deliberé vous donner allegiance de toutes peines & douleurs. Ie sçay bien que maintes ieunes Dames, pour auoir esté rebelles à leurs Amants, ont eu trop miserable fin. Et si ce n'eust esté cela, Daphné tant renommée n'eust pas esté conuertie en vn laurier. Pareillement Arethuse ne feust deuenü fontaine, si elle n'eust refusé les embrassements du Dieu Alpheus. Mais par telles offenses plusieurs autres ont experimenté que c'est de courroucer Amour, & de luy contredire, ou desplaire. Sans doute sa puissance est si grande, que nulle force ne luy peut resister. Deuant luy ne vaut s'enfuyr, se cacher, ou se vouloir deffendre. Rien du monde ne luy resiste, non pas les armes furieuses, encores qu'elles fussent fées. Et n'y à cœur si dur, aspre, sauuage, rebelle, ou obstiné: que ses fleches ne perçent de part en part: parquoy (non sans bonne raison) estant foible & sans deffence, ie dois craindre sa fureur: car apres le coup peu me seruiroit de gemir, considéré que ie ne serois pas ouye, non plus que Narcissus qui déprisa la belle Echo: ou Syringue, qui fut muée en roseau, pour auoir esté rigoureuse au Dieu Pan. A ceste cause (ô amy Poliphile) ie vueil maintenant condescendre à ce qui plaît à ce grand Dieu, esperant à l'aduenir me porter enuers vous de telle sorte, que mettrez en oubly toutes les tristesses passées: en signe & pour arres dequoy, vous accepterez ce baiser: Alors ce Gentil-homme m'embrassa, & nous entrebaissames fort amoureusement.



Après que la Prieuse eut ouy, veü, & approuué tout ce qui s'estoit fait, & dict entre nous, elle se print à larmoyer de ioye, comme aussi firent toutes les Dames de sa compagnie: puis nous dit en singuliere douceur. Vostre alliance amoureuse (mes enfans) me semble si bien accordée, qu'il n'est besoing de men entre-mettre plus auant: car, à ce que ie cognois, vostre dilection est mutuelle, tant que mon autorité, ny mes prieres, n'y seruiroient plus de rien: & est à croire qu'Amour (par lequel toutes accointances sont consommées) vous a conjoincts par égalité de volentez. Toutesfois ie voudrois sçauoir de vous (Seigneur Poliphile) comment, & par quel moyen vous deueintes amoureux de ceste belle Damoiselle: car, à mon iugement, l'histoire n'en peut estre que plaisante. A ce mot, Poliphile pour satisfaire à ceste venerable Dame, se mit à luy compter ce qui s'ensuit.

00 ij

*POLIPHILE OBEISSANT AV COMMANDEMENT  
de la Prieuse, sur le commencement de ses amours louë sa perseuerance, & puis  
recite comme vn iour de feste il veid Polia en vn Temple, où il fut  
espris de son amour: & voyant qu'il ne pouuoit parler à  
elle, il delibera luy escrire.*

## CHAPITRE VIII.


**D**AME que le Ciel veut que nous reuerions, ie vous esclarciray la verité de ce qu'il vous plaist scauoir de moy: i'ay tousiours entendu que l'vne des principales vertus dont on puisse se décorer, est de se scauoir contenir & gouverner aux grandes aduersitez occurrences, & ce par moderer ses passions, & refrener l'ardeur de son courage, sans se laisser transporter à l'imbecilité, par inconsideration, & faute de patience, joint que tout bien vient de souffrir sous esperance, en perseuerant iusques à la fin. Mais cela est vne chose veritablement difficile & grande, laquelle aduiet à peu de gents. Touresfois quand aucuns y attaignent, ils en acquierent loz & renom de sages, mesmes en sont par tout dictz constants, vertueux, & attempez. Or est-il que pour paruenir à cét honneur, dès le commencement de mon entreprise, ie proposay de souffrir, & endurer, tout ce qu'Amour vouldroit faire de moy, estimant que c'est vne grande folie d'entrer en vn combat avec peur & pusillanimité: ou au contraire il n'y à rien plus inuincible que la fermeté de l'homme, lequel en tout ce qui se presente, ne doit perdre le cœur, ny abandonner son espoir. Et de là vient que l'on dict communément, que celuy ne peut estre vertueux, qui n'a esté espreuue en quelque difficulté d'importance: car la perfection se cognoist apres de son contraire. Si j'eusse donc sans mal, ou peine, acquis l'amour de ceste Damoiselle, ie la pourrois delaisser: mais aux grands biens l'on paruiet à mal aise: & qui surmonte son ennemy sans treuuer resistance, amoindrit & diminue l'honneur de sa victoire. Ainsi labeur donne le bien, & perseuerance le parfait. Or, Madame, puis qu'il vous plaist entendre les causes, & commencement de mon amour, avec les maux, peines, trauaux, dangers, & variables accidents que i'ay passez en la poursuite: pour obeyr à vostre commandement i'en reciteray vne partie: car le tout seroit impossible.

Vn iour de feste, que j'estois hors d'esperance de iamais plus reuoir ceste Damoiselle, vne seule fois parauant de moy apperceue à sa fenestre, ie m'en allay au Temple de Diane, où l'on faisoit quelque solemnité: & c'estoit à l'heure du matin, que les Religieuses d'iceluy celebroident le diuin office. Pentre-vis d'auanture parmy elles ceste-cy: & aussi-tost que j'eus assis mon œil sur elle, il m'aduiet comme à vn tison estinct: lequel si l'on le rapproche du feu, incontinent se r'auine & allume. D'autre-part ie me sentis reformer son image dans mon cœur, ne plus ne moins comme sur vne cire effacée, laquelle on remet dans son moule. Mon œil (à dire vray) ne se pouuoit retirer de si plaisante amorce, ains la contemploit atteuiement, comme vne Déesse entre ses Nymphes: & adonc me sembla que ses yeux esclairoient tout le Temple, d'vne lumiere qui embraza mon cœur: parquoy ie deuins comme vn homme de pierre, & tenois (sans varier) mon regard fiché dessus elle, estant esmerueillé de sa beauté, spécialement de ses yeux, qui estoient grands & bruns, couuerts de deux petits sourcils noirs, voultez en forme de la quarte partie d'vn cercle, & deliez comme vn filet de soye. Son tainct ressembloit à roses vermeilles, meslées

avec vne poignée de lys: & ses lèvres à corail incarnat: entre lesquelles respiroit vne haleine plus douce que toutes les compositions des Parfumeurs. Qui me fit dire à part moy. O Dieux, si ie pouuois acquerir l'amour de ceste Damoiselle, ie ne serois seulement satisfait, ains ie m'estimerois le plus heureux homme du monde: & si tiendrois à grande felicité d'auanturer ma vie pour son seruice, pourueu toutesfois qu'elle peult cognoistre l'affection que ie luy porte. Cependant, Madame, ie jouysois (comme il m'estoit aduis) d'une vision entierement diuine. Et si en son chanter, parler, ou autres ceremonies, elle tournoit par fois ses yeux vers moy, encores qu'ils fussent empannez d'honnesteté & bonne grace, si m'esblouysoient-ils comme vn rayon de soleil: tellement que ie sentoie courir vn feu de douceur parmy toutes mes veines, qui me cauoit vn merueilleux acez de fièvre. Puis quand elle faisoit à son tour l'office diuin, sa voix esueilloit mon ame à demy endormie, & la transportoit apres l'air de ces accens. Ce qu'elle s'efforçoit de faire, despirant son domicile naturel pour estre à iamais vnie à vn bien tant excellent & parfait. Or nonobstant que ie cogneusse que ceste alteration procedoit de la considerer, si n'en pouuois-ie retirer mes yeux, car ils estoient insatiables, & firent tant que ie m'accorday à leur desir, disant. Te suis resolument à ceste Damoiselle: j'ay mis tout mon espoir en sa bonté. C'est tout mon bien, & celle seule que ie vueil perpetuellement seruir & honorer sur toutes les Dames qui viuent: & ne pense m'en repentir: car il n'est amour, hayne, plaisir, ny ennuy, tant soit grief, qui m'en sceust destourner. C'est ma Maistresse, c'est ma Dame: à qui ie tasche humblement obeyr. Iamais au temple de mon cœur n'y aura autre image adorée, pource qu'il est dedié à elle seule. C'est ma gloire, c'est ma richesse, mon contentement, refuge, ayde, & secours, par lequel j'espere paruenir à la beatitude des loyaux Amants. P'estois quasi noyé en ces abysses, content de ce qui me nuisoit, & consentant au mal qu'un autre m'auoit pourchassé: car Cupido m'ayant vsurpé iurisdiction sur moy, me tenoit soumis à sa tyrannie, où j'estois si estroitement lié, que seulement me restoit le pouuoir de me plaindre, disant. Helas! si ie luy pouuois (à tout le moins) descourir mon vouloir, & faire entendre le mal que ie supporte, où bien luy ouurir ma poitrine, à fin qu'elle peult lire en mon cœur ce que (paradventure) elle ne voudroit croire à ma langue: elle verroit la playe dont ie meurs, qu'elle seule à pouuoir de guerir. Ainsi mon entendement desuoyé, aucunesfois ioyeux, souuent marry: tantost en repos, & puis incontinent en peine: vne fois assuré, l'autre en desesper, & presque à souhaitter la mort. En ces fantasies & contrarietez diuerses ie passay toute ceste iournée, que ie treuuy plus courte que nulle minutte d'heure. Apres que les Dames eurent acheué leur office, elles se partirent du Temple, où ie demeuray seul, comme esgaré, sans scauoir bouger de là, ny treuuer le chemin pour m'en retourner: & ne scauois faire, ny dire autre chose, sinon Adieu, Madame, Adieu: & sans cesser ie murmurois Adieu, comme vn qui va révant, transporté de son esprit. Bien la suyuis-ie de l'œil, tant qu'il me fut possible: mais quand j'eus perdu sa presence, ie me treuuy en tenebres, à raison que ma lumiere m'auoit laissé, & ne scauois plus ou la retreuer. Toutesfois le desir m'en croissoit d'autant plus, que j'auois moins de moyen de la reuoir: & lors ie cogneus par vraye experience, que le regret qu'on à d'estre priué de la chose aymée, est sans comparaison plus grand que le plaisir de l'auoir à souhait, d'autant que la nature ne s'esjouyt pas si fort en la perception des delices, qu'elle à de tristesse quand elle vient à les perdre. Je n'estimois (certes) rien les cruantez souffertes pour vne si belle Damoiselle: & la mort ne m'eust esté griefue, si j'eulle pensé qu'elle m'en eust sceu gré. I'auois quelque esperance, qui me promettoit que ie la reuertrois vn iour, & que mes douleurs en auroient allegement: mais cela ne seruoit que d'augmenter ma forte pas-

tion, laquelle me faisoit dire à part moy. Helas! elle à grand tort, elle deuroit bien cognoistre ce que j'endure pour son amour: & il me semble qu'elle me fuye. Maudicte soit l'infortune qui m'a adressé en lieu, où pour bonne amitié l'on me rend griefue hayne. Si ne scaurois-je pourtant croire, que la cruauté se loge en si parfaite creature, veu que sa beauté souveraine doit estre accompagnée de tout ce qui se peut dire accompli en benignité, & ne reste sinon, qu'elle entende mon piteux estat. L'on faut bien par nonchalance, à plusieurs intentions: mesmes le proverbe commun dit: Amant timide n'eut onc de bonne grace de belle Maistresse. Qui cherche guaison, doit declarer son mal.

Incontinent ces choses dites, ie reuenois à blasphemer ma fortune, pour m'auoir induict à aymer celle qui n'en scauoit rien, & à qui ie n'auois moyen de le pouuoir faire entendre: & quand ores ie l'eusse eu, si estois-je incertain de son vouloir, parce que l'on tient tousiours moins asseuré ce que plus on desire. Aussi voyois-je appertement que le refus estoit ma mort: & y auoit plus d'apparence que ie d'eusse estre éconduit de la Belle, que d'estre reçu d'elle, pource que ie n'estois en rien égal à vne Damoiselle, accomplie de toutes les vertueuses excellences, requises en vne gentil femme de maison illustre. Le languir sans descouurir mon courage, m'estoit inconuenient pire que la mort: parquoy ie delibéray (quoy qu'il en deust aduenir) de l'aduertir de ma misère, estimant qu'il n'y à chose si sauage en ce monde, ny si rebelle de nature, que le temps, & l'amour, ne puissent appriuoiser: & qu'vne boule ronde, qui est faite pour rouler, si on la laisse reposer sans mouuoir, elle s'arreste & demeure ferme: mais qui la pousse, elle fait l'office de sa forme & nature. Ce non-obstant, pource qu'il m'estoit impossible de luy pouuoir par viue voix communiquer mon fait, ie luy escriuay ceste Lettre.



POLIPHILE N'AYANT MOYEN DE PARLER A SA DAME,  
luy escriuit pour luy faire entendre son martyre.

CHAPITRE IX.



**B**STANT en vn desir extrême de manifester vn peu l'impaticence de mon cœur, surpris d'une flamme non petite, laquelle Amour a causée par l'object de vostre beauté, unique patron des beautez celestes, ie suis contrainct de vous escrire, Nymphé de merite sur toutes les accomplies, beau miracle du siecle, & parangon de ce qui est parfait, ainsi avec ses legeres paroles ie vous represente mes doléances & pleurs, que le papier ne pourra supporter: pardonnez à ma temerite, & au courage qui est abandonné à l'amour, à vostre occasion, estimant que mon cœur est sorty de moy pour aller vers vous implorer vostre misericorde, ou à tout le moins allegiance du mal qui me consume.

Ie ne sçay pas quelle audience ie pourray obtenir: toutesfois si mes prieres sont de quelque efficace en vostre endroit, ma diuine lumiere & Déesse que ie reuere, ie vous supplie d'auoir pitié de mon ame, & considerer mon piteux estat, auquel

O o iij

vous seule pouuez donner remede avec vne simple parole, qui sans porter prejudice à vostre renommée, me fera le plus content homme du monde. C'est qu'il vous plaise m'accepter pour vostre seruiteur. Ce faisant, Madame, ie me reputedray plus que recompensé de la perte de mon cœur, qui m'a laissé pour vous suyure : & ne feray plus compte des travaux que j'ay supporté en vous adorant: lesquels (certes) ie vous eusse long-temps fait entendre, si ma fortune l'eust permis, ou offert, temps & moyen de le faire. Or voyant que ie n'y pouuois donner ordre, & que mes douleurs alloient tousiours engregeant de mal en pis, ie me suis par cét escrit adressé à vous, non par audace, ou presumption, mais par grande importunité d'amour, à laquelle ie ne puis resister: ce qui m'en a donné l'assurance est, que ie vous estime si prudente, que vous excuserez mon erreur, si i'en ay commis par trop affectueusement aimer. A la verité, Madame, ie ne presume pas tant de moy, que ie pense meriter vostre bonne grace. Si est-ce que j'ose bien dire, que si l'amour se paye de volonté reciproque, ie merite que vous me vueillez du bien : chose dont vous ne scauriez m'escoudre, sans vous charger d'ingratitude: ainsi ne peut-il entrer en ma fantasie, que vne Damoiselle tant bien née, accomplie de parfaicte beauté, & de toutes conditions loüables, soit despourueü de pitié : car sans cela toutes autres vertus ne reluisent point en la personne. La grace que ie vous requiers, Madame, est de si petite importance, qu'en me la refusant vous feriez tort & injure à vostre bonté, considéré que ie ne pretends sinon, que me vueillez tenir pour vostre, & croire que ie seray tel de cœur & affection pure, tant que la vie me durera. Vous suppliant au surplus, de ne mesurer ma fidelité que la preuue que vous en ferez. Cependant (belle Polia) que mes larmes & mes prieres vous soient aussi agreables que vos merites ont de pouuoir sur les cœurs.

Ie pensois bien qu'apres auoir leu ceste lettre, ma Damoiselle s'en deuroit auement esmouuoir, & monstrier quelque semblant d'amitié : mais ie perdis mon temps, mon labour, & mon escriture, ne plus ne moins que si ie l'eusse adressée à vne pierre : car autant en eussay-ie eu de gré. Ce neantmoins considerant que l'on n'abbat pas l'arbre du premier coup de hache, quelques iours apres ie luy escriuis encor ainsi.

Si mon tourment, Madame, estoit moindre que vostre cruauté, ie conseillerois à mon cœur de prendre patience. Mais puis que vostre inhumanité excède mon martyre, ie me delibere abandonner ma vie à tout ce que luy peut aduenir. Toutesfois cependant ie vous supplie me dire, dequoy me sert de vous aimer, puis que vous n'en faites compte, & me mesprisez. Ie scay bien qu'il n'est en ma puissance de rompre le lien par lequel ie suis retenu : & que d'autant plus ie m'efforcerois de sortir du filé où ie suis enueloppé, plus me mettrois-ie en grand destroit, & n'en pourrois treuuer l'issuë, non plus que le poisson qui est entré dans vne Nasse. A ceste cause, Princesse de ma vie, ie suis contrainct m'encliner deuant vous, en qui consiste ma liberté, & mon salut. Ne me déniez doncques vostre faueur : car si par faute d'elle ie venois à mourir, comme il pourroit legerement auoir, mon trespas vous seroit imputé à grand crime. Prenez donc (s'il vous plaist) quelque peu de compassion de celuy qui vous aime plus que soy-mesme. Helas! Madame, ie croy qu'il n'est possible que ce Grand Ouurier de la machine du monde, qui vous a décorée de tant de perfections, mesmes formée à sa semblance, & qui fait apparoir en vous vne partie de beautés supernaturelles, ait oublié de mettre en vostre cœur quelque estincelle de misericorde, considéré qu'il vous a faite pour vne souueraine démonstration de sa puissance, tellement qu'à bon droit pouuez estre dicté l'outrépassé de toutes les Damoiselles de la terre : chose qui me fait esperer d'auoir quelques

quesfois allegeance. Or donc (souueraine de mon cœur) appeidez vostre ire, faiçtes paroistre vostre pitié, que vostre courage s'adouçisse, & receuez l'affection pleine de iustes larmes, qui vous est offerte par vostre fidelle Amant, & seruiteur.

**POLIPHILE POURSUIT SON HISTOIRE, DISANT QUE**

*Polia ne fit compte de ses deux lettres: parquoy il luy enuoya la tierce, qui profita aussi peu que les autres: & à la fin se retira vers elle, qu'il treuua seule au Temple de Diane, où elle estoit en oraison: & en luy faisant discours de sa languueur, mourut, puis resuscita.*

CHAPITRE X.



**P**ARFAICTE & accomplie Dame, entre toutes celles qui tiennent les premiers rangs & dignitez de religion: ie vous supplie (Prieue venerable) que ce ne vous soit point ennuyeux, ie tascheray d'acheuer en bref mon discours, & vous diray en passant ce qui aduient le plus souuent à ceux qui ayment inconsciemment, & s'assubjectissent à autrui trop de leger. Mais auant que passer outre, ie leur conseille d'estre fermes, à raison que la perseuerance est en amours merueilleusement vtile & necessaire.


Ceste Damoiselle ne s'esmeut oncques pour mes lettres, non plus que font les grosses montagnes aux efforts des petits vents.

Parquoy ie m'aduifay qu'il estoit besoing de continuër pour la troisieme fois, afin de scauoir si son cœur estoit vne pierre de marbre, ou vne forme capable d'humanité.

Ioinct que j'estois entré si auant en ceste entreprise, qu'il n'estoit plus possible de m'en retirer, aussi qu'vne esperance flateuse m'entretenoit, & sollicitoit, de poursuyure ma queste, pour paruenir à mon attente. Ie luy escriuis donc.

Il n'est pas en moy (douce fleur de nouvelles amours) de vous pouuoir escrire la moindre partie de mes douleurs, qui en lieu de cesser, croissent & multiplient à toute heure, pource que ne me semblez encore assouuie de ce que m'avez faiçt souffrir. Si ie suis destiné à mourir par extrême rigueur, le principal dommage en sera vostre: car ie demeureray quitte enuers la mort, & vous priuée d'un seruiteur autant affectionné, que iamais en scauriez recouurer. Helas! Madame, quel proffit vous pourra-il aduenir de ma mort, sinon que vous en acquerrez le tiltre d'hommeicide: Certainement ce vous sera perpetuel reproche: Et d'auantage, dequoy vous seruiront ceste grande beauté, la bonne grace, & le gentil esprit dont Dieu vous a si richement pourueü, si vous le gardez pour vous seule: Croyez que l'on pourra bien dire, & à bonne occasion, que cela est aussi mal employé en vous, qu'un thresor caché en terre, qui n'est vtile à personne viuante. On ne pourra iamais bien parler de vous, considéré que telle partirez de ce monde, que vous y veintes. Ne seroit-il pas meilleur, & plus honorable enuers la posterité, que laissiez vne fleurissante renommée, pour durer perpetuellement apres vous, ainsi qu'ont faiçt plusieurs nobles Dames, dont les histoires se lisent en tous lieux, & lesquelles sont, & seront estimées bien-heuteuses, par le moyen de leurs amis, qui les font viure sans crainte de mourir, que penser avec ceste austerité auoir de la ioye d'estre ense-

uelie sans nous parmy des Dames inutiles: Pour vray, Madame, on ne feiſoit memoire des belles de jadis, ſi elles ne ſe fuſſent rendues amiables, & gracieuſes, à ceux qui les requeroient. Quant eſt à vous, j'oſe bien dire qu'onques le Ciel n'en fit de plus belle, ny de plus accomplie, ſi vous auiez laiſſé ceſte rudelle, & rebelle maniere dont vous vſez, plus par opinion legere, que par l'inſtinct de voſtre nature, qui eſt douce, & humaine, de ſoy-meſme: Il eſt vray que la coulpe eſt mienne, de vous auoir eſleuë pour deſtruire ma vie: & le pis eſt, qu'en y penſant ie m'endurcy à vous aymer. Helas! i'ay trop legerement creu au rapport de mes yeux, leſquels ne conſidererent pas ſi bien voſtre cœur, que voſtre belle rencontre. O Dieu! qui eult iamais penſé que telle beauté fuſt ainſi armée de rigueur: Helas! ie l'ay pluſtoſt ſentic, que préueu le mal qui m'en pouuoit aduenir. Ne permettez pourtant, ma ſouueraine, que ie periſſe par voſtre faute, veu que vous y pouuez remedier: car les Dieux qui puniſſent plus aigrement la cruauté que tous autres vices, ſ'en pourroient courroucer contre vous, comme de choſe repugnante à nature, qui veut que tout s'addonne à aymer ſon ſemblable. A ceſte cauſe, Madame, & puis que mon bien, & mon mal, giſent ſous voſtre arbitre, prenez pitié de ma langueur, qu'autre que vous ne ſçauroit aliger: Ainſi voſtre mauuiſe volonté ceſſera, & la grandeur de ma douleur ſera appaiſſée.



Je penſois ainſi adoucir ſa cruauté, & me la rendre propice, mais elle profita autant que les premières lettres: car ie n'en peus auoir reſponce, parole, indice, ny démonſtration, en quoy ie deuſſe fonder quelque eſperance, non plus que ſi mon eſcri-

pture fut tombée en la mer. Toutesfois ie m'estois resolu à poursuyure mon entre-prise, & mourir son seruiteur tres-affectionné, parce que ie ne pouuois penser en autre chose, & bien souuent parlois à elle par imagination, feignant en moy-mesme que nous deuisions familièrement ensemble, & qu'entr'autres choses ie luy disois : Helas ! Madame, vous auez le cœur bien endurcy. Il est trop different de vostre face, tant douce, benigne, & gracieuse. Vous feriez acte de grande clemence, s'il vous venoit à plaisir de me sauuer la vie, car à ma mort ne pouuez rien gagner. Ce m'est allez que mon seruiteur vous plaise, & n'en demande point d'autre guerdon. Ainsi faisois-ie ma complaincte par cœur, changeant mes propos en mille manieres, composant des responcez, & promesses en l'air, assurées sur l'apparence de son doux maintien: dont ie me treuuy deçeu: car le cœur n'estoit pas de mesme, ains abreuué de ie ne scay quelles faulces opinions, en quoy l'on à ordinairement accoustumé d'instruire les ieunes filles, choses qui sont puis apres difficiles à leur oster de la fantaisie. Ainsi ie fus pris en ce piége, comme impourueu, mal-adiuisé, & consequemment assubjecty à ceste tyrannie, ou seruitude miserable d'amour, pour obseruer ses loix torcionnaires, ayant sans estre aimé, seruant sans gré, ny aucune esperance d'en auoir recompense, & tout par vn desir causé d'un attrayant regard, qui me fit estimer qu'en l'Empire de Cupido toutes volontez estoient égales, & qu'ainsi (comme ie m'estois liberalement donné à son seruice) ie deuois en cas pareil y estre bien traité & recueilly.

Sur cela (Madame) ie faisois vn procez, sans iuge, & sans partie, & condamnois Amour, avec ma Polia, comme consentans, & coupables de ma mort, ennemis capitaux de tout bien, & dignes d'en receuoir punition. Puis tout soudain apres ie reuoquois ma sentence, & leur en requerois mercy. Le plus souuent ie composois en moy-mesme vn soulas fainct, & abusif, jouyllant en ma pensée de ce dont l'effect m'estoit interdit, & le desir trop inutile: consumant ainsi ma vie en regrets & lamentations, cherchant par tout ce qu'en l'ayant treuue, empiroit de plus en plus ma peine. Finablement apres plusieurs pas perdus, la fortune me fut si prospere, que ie treuuy ceste Damoiselle au Temple de Diane, vn iour qu'elle ne se doubtoit de moy: car elle auoit accoustumé d'y aller en secret: & le bien de mon aduanture fut, qu'elle estoit seule: dont ie fus si surpris, qu'en m'approchant de sa personne, ie perdis sens, contenance, & memoire: de sorte que ma langue oubliat son office, & ne sceus que dire, ains demeuray bien longue espace de temps ainsi, comme esperdu. Toutesfois à la fin ie repris vn peu courage, & luy dis en tremblant quelques paroles confuses, mal assemblées, & sans ordre: car i'estois à demy mort, à l'occasion de quoy mon propos fut. Madame, il y à plusieurs iours que ie vous ay sacrifié mon cœur, & dédié mon ame à vous aimer, honorer, & seruir, comme la seule & vniue que maistresse. Ce neantmoins vous m'auiez traité comme si ie vous eusse fait outrage, me rendant le mal pour le bien, & hayne pour dilection. Helas ! en quoy le puis-je auoir mérité: Sur ce poinct-là ma voix me défaillit, & ne me fut possible de passer outre, combien que j'eusse proposé de luy faire entendre plusieurs autres choses, pour cuider amollir la dureté de son courage, & la mouuoir à misericorde, mais elle ne fit compte de mon discours, de mes larmes, ny de mes traux, non plus que si ç'eust esté vne chanson, ou quelque fable, en quoy elle se monstra bien degenerante à son sexe, qui de sa nature est pitoyable & doux: car elle demeura endurcie, sans monstrier aucun signe que mon tourment luy dépleust, comme si elle eust esté née entre les Lyons, ou Tygres d'Hyrcanie, qui fut cause de me faire soupirer de grande angoisse, voyant que pour neant ie l'auois aimée, estimée, & adorée sur toutes autres, voire inutilement employé mon temps, & ma peine, & qu'en mes douleurs

n'y auoit plus de remede, ains estois décheu de mon entreprise, pource qu'elle persiſtoit en son opinion cruelle, & si voyoit empirer ma maladie, & affoiblir mon corps languissant, lequel tomba sur les genoux, & luy en cuidant crier mercy, mourant à grande douleur deuant sa face. Le lendemain dès le matin elle reuint au Temple, où mon corps gisoit à l'enuers, admonesté (comme il est à croire) par l'inspiration des Dieux, qui auoient cure de mon salut, & du sien, & la vouloient appeller à repentance. Quand elle fut venuë au lieu funebre, elle m'appella plusieurs fois, maniant mes mains, & mon visage, qu'elle treuua destituez de chaleur naturelle: car l'ame en estoit départie: laquelle à son yssuë auoit esté portée deuant le throsne de la Déesse Venus. Mais elle ne se sentist pas plustost appeller par ceste Damoiselle, qu'elle ne fust forcée de retourner en son domicile, pour obeyr à la voix qui auoit sur elle toute puissance: & alors elle me compta entierement ce qu'il luy estoit aduenu en l'autre siecle.

*L'AME DE POLIPHILE LUY RACONTE CE QU'IL LUY  
estoit aduenu depuis le despartement de son corps, & des accusations qu'elle  
auoit proposées deuant la Déesse Venus, à l'encontre de Cupido,  
& de la cruelle Polia.*

## CHAPITRE XI.



**O**RS qu'apres auoir esté separée de toy, ie te viens retrouver, mon corps, mon cher domicile, ie te veux faire entendre comme ie me suis treuuee en lieu tranquille & plein de delectation, affin que tu jouyſſes avec moy de ma felicité. Il est temps de te res-jouyr, bannissant d'avec toy toute melancholie: car oncques Empereur n'acquist victoire plus glorieuse que celle que nous auons toy, & moy, obtenuë à l'encontre de nos aduerſaires. Ta franchise t'est aujourd'huy restituée, & t'a esté si grande grace faicte, qu'on ne ſcauroit en toutes les Histoires treuuer mention d'un plus heureux Amant que toy. Aussi (à la verité) les Dieux immortels ont fauorisé ta iuste querelle: & cependant j'ay veu des choses admirables, & heureuses, dont ie te diray vne partie.

Au partir de toy, ie fus conduicte toute deſſirée & meurdrie comme j'estois deuant le throsne de la Déesse Venus, à laquelle ie fis ma complaincte piteuse, & pleure de douleurs iustes, proposant vne accusation contre son fils, que j'osay bien nommer violateur de ses ſainctes ordonnances: & d'auantage remonstrer qu'à tort & ſans cause il auoit tiré contre toy, qui estois ſans coulpe, si grand nombre de flèches barbelées, que ton cœur sembloit vne butte: puis pour vn plaisir dissimulé auoit preuenu l'heure à moy déterminée, me faisant par extrême violence desloger de mon habitation naturelle, & ce par le moyen d'une Dame obstinée, qui ne cogneut iamais (disois-ic) que c'est d'aïſe, ny de repos.



Quand la Déesse eut ouy ma clameur, elle appella son fils, & luy demanda qui l'auoit meü à me faire tel excez: mais ce ieune Dieu n'en fit que soustire, comme si tous les maux dont il nous auoit affligez, n'eussent esté que passetemps: & tost apres se print à dire. Madame, il ne passera guieres que ceste discorde sera reduite en amitié, par le commun consentement des parties. Puis se tourna deuers moy, & me monstra l'effigie de Polia, exprimée au naturel, me disant. Contemple bien ceste figure, puis iuge combien il y à de grands Seigneurs qui se reputeroient bien fortunez, s'ils pouuoient, ie ne dis pas estre aymez de la personne à qui elle ressemble, mais la veoir seulement vne fois en leur vie. Il faut, Ame, que tu confesses que tels dons ne se font pas tousiours à ceux qui les desirent: car ce sont graces particulieres des Dieux, lesquelles ils octroyent à ceux qui les meritent. Ainli ie vueil que tu sçaches que ie te donne premierement la fleur de toutes les vertus & beautez corporelles. Cela fait, il dit à sa mere. Madame, voicy celle qui est causé du mal dequoy se plainct ceste pauvre bannie: sçachez que ie la rendray en bref contente, & feray que son dueil sera mué en ioye. Ne te soucie (me dit-il lors) ie sçay que tu as vouloir de retourner au lieu duquel tu és partie: à quoy ie consens, & te vueil d'auantage conjoindre par affection reciproque avec ton aduersaire, ostant toutes les occasions des differends, qui ont iusques icy retardé vostre concorde.



A ce mot il banda son arc, & print en sa trouffe vne fléche poinctée d'or, empannée d'espines de diuerfes couleurs, & tira droict au milieu de la poictrine de l'image qu'il m'auoit montrée: mais ja plustost ne fut le coup donné, que la pucelle se rendit à son obeyssance, inclinant humblement la teste, qui fut signe qu'elle seroit désormais traictable, douce, benigne, & gracieuse, autrement qu'elle n'auoit esté. Aussi (certes) elle confessa son erreur, assurant qu'elle estoit vaincuë: de sorte que plus ne pouuoit contrecuenir aux commandemens d'amour.

Cela vis-ie, mon corps, mon heureux receptacle. Mais estant en la presence de ces trois personnes, dont les deux estoient diuines, & la tierce non guieres moindre que celeste, j'eus la fruition des visions & mysteres auxquels les yeux materiels ne peuuent penetrer. Toutesfois il me fut oëtroyé par grace singulière de les contempler formellement. Bien est vray que ie regardois plus ententiement que tout, le beau present qu'amour m'auoit donné, & estois toute esbabié comment en vn si petit corps de pucelle il y pouuoit auoir tant de vertus & de beauté, que les Dieux mesmes là estans ne se pouuoient tenir de s'en émerueiller: & par special ie contemplois ses yeux tant clairs, & si luisants, qu'ils faisoient esblouyr les miens, considéré que les rayons qui en partoient, me sembloient des sagettes aiguës, auxquelles ie serois de butte.



Veritablement, mon cher habitacle, j'estois lors en paradis, & voulois faire supplication aux Dieux que iamais ie n'en deusse partir : mais la Déesse me dict certaines bonnes paroles pour mon affaire, & m'assura du bon succez de mes amours, desquelles m'estoit necessaire cueillir le fruit, à ce que tu en fusses participant, pour recompense de tes labeurs. Puis elle adjousta, qu'apres certain temps nous retournerions en son Royaume, pour y viure perpetuellement, avec les Amoureux bien-fortunez. Sur ce poinct elle jeta vn doux ris à son fils, luy disant. Veux-tu estre pleige pour la pucelle, qu'elle obeyra d'ores-en-auant à mes loix & coustumes: A quoy il fit responce, qu'elle n'y feroit iamais plus de resistance. Doncques, ô corps, mon desiré compagnon, recey-moy à ceste heure que ie suis saine & nette, purifiée de tous les défauts dont i'ay esté par cy-deuant contaminée, veu mesmement que ie porte engraué en moy ce nom precieux, pour lequel ie t'abandonne, qui ne sera iamais desfaiçt, ains y demeurera la marque empraincte perpetuellement, & à tousiours. Mais affin de te donner guarison de tes blessures, sçaches que i'ay passé par tant d'eaux de pleurs, tant de feux d'amour, & autres perils estranges, que finablement ie fus esleuée en lieu où tes semblables ne peuvent aller, & là obtins de la bonté suprême la medecine par toy si longuement attendüe. A cela ie luy respondis.

Tu sois la tresbien retournée, chere amie & compagne, Dame de mon entendement, & ma meilleure partie raisonnable : reuiens mon vray cœur, & sois avec moy pour me faire participant de la regeneration.

**POLIPHILE DIT QUE QU'AND SON AME EVT ACHEVEE,**  
*de parler, il se treuva vinant entre les bras de sa mieux aymée Polia.*  
*Et requiert la Prieuse qu'elle vueille confermer leur amitié.*  
*Puis Polia met fin au conte qu'elle auoit commencé.*  
*deuant les Nymphes.*

## CHAPITRE XII.



Le discours que j'ay fait de nos infortunes vous semblera peut-estre chose incroyable, sage & venerable Prieuse, & pourrez treuver estrange tant de calamitez, & le reste de nostre fortune difficile. Mais il n'est rien impossible à la souveraine Majesté des Dieux. Et affin d'en venir à la conclusion, ie vous assure que quand mon Ame eut acheué de parler, ie me treuve vis entre les bras de ceste Danoiselle: & de là en auant nostre amitié s'est tousiours augmentée iusques à l'heure presente, en laquelle nous sommes rencontrés deuant vostre sainteté, que nous supplions, puis que nostre destinée nous y à heureusement conduits, & qu'à vous (comme presidente de ce lieu deuot) appartient de diuertir le mal, & procurer le bien, releuer les tresbuechez, appuyer les foibles, entretenir les choses bonnes, & corriger les defectueuses, qu'il vous plaise nous donner vn lien indissoluble, pour accoupler nos deux cœurs en vne mesme affection, & confermer nostre amitié, tant que puissions tout le demeurant de nos vies purement & loyalement seruir à nostre excellente Déesse, & ainsi acheua Poliphile. Adonc la Prieuse ayant ouy nostre requoste, nous fit amoureuxment entrebaïser l'vn l'autre, disant.

Soit fait selon le bon plaisir des Dieux immortels, & non autrement. Vous soyez benifts de ma puissance, & vivez en perpetuelle concorde, visitans souuent ce saint Temple pour vostre consolation & grand bien. Mais celuy de vous qui sera cause de troubler ce fatal amour, & mutuelle bien-veillance, qu'il soit persecuté des meschantes & épouuantables flèches de Cupido, l'vn bleffé de la flèche d'or, & l'autre de celle de plomb, qui ne cause que mortel ennuy.

Vous auez ouy (Nymphes pleines de gloire) le commencement, & le succez de nos amours, chose qui (paradventure) vous aura fait ennuy, pour auoir esté mon propos possible trop long, mais cela n'est venu que de l'obeyssance que j'ay prestée à vos commandemens, qui deura excuser mon défaut, & impetret pardon de vos benignes graces. Polia disant ainsi, ne plus ne moins que si elle eust esté lassé de tant parler, fit fin, retenant ces paroles comme vn soupir odorant acheué, entre ses belles levres de corail.

POLIA

*POLIA TOVT EN VN MESME TEMPS ACHEVANT  
son compte, & le chapelet de fleurs, le mit sur la teste de Poliphile. Puis les  
Nymphes qui l'auoient écouitée retournerent à leurs esbats, prenant  
congé des deux Amants, lesquels demurerent seuls, devisans  
ensemble de leurs amours. Polia embrassant  
Poliphile estroittement, disparut  
avec le songe.*

## CHAPITRE XIII.



Je croy, à la verité, que les Nymphes qui auoient bien ample-  
ment ouy de Polia toute l'histoire de nos amours, en eurent  
plaisir & merueille, pour les estranges accidens qui nous y  
estoit suruenus. Mais soudain elles se leuerent, cognoissans le  
discours acheué: cependant lequel Polia s'estoit occupée en  
parlant, à me faire vn chapelet de fleurs, qui se treuua parfaict  
auec son compte: & estant encores sur ses genoux, me le posa  
sur la teste, dont les Nymphes priferent grandement la façon: mais sur tout estime-  
rent son beau parler, sa belle façon, & sa beauté plus qu'admirable, prenant singulier-  
ement plaisir d'entendre la noble source de sa race, ensemble le prospere succez de  
ses amours, qu'elle auoit recité en la plus belle sorte de bien dire les reuers d'amour.  
Incontinent les Nymphes retournerent à leurs passe-temps ordinaires, & recom-  
mencerent à sonner de leurs instruments, & à danser autour de la fontaine: à quoy  
elles nous appellerent, monstrant vne familiarité bien grande, & cordiale priuauté.  
Puis les danses finies, elles prindrent congé de nous, auec des embrassemens deli-  
cieux, & de mignons baisers. Or estant ces Nymphes départies, nous nous treuua-  
mes Polia, & moy, seuls en ce lieu plein de felicité.

Ainsi auec ma Polia toute pleine d'amour, & allumée des feux de fidelle amitié,  
j'oste de moy toute inique pensée, & mauuaise crainte. Je luy disois, ma belle parfai-  
ète vous auez assez cogneu l'amour que ie vous porte, & comme ie vous ay choisie  
pour maistresse de mon cœur, ainsi que la nompareille en vertus & beauté, de toutes  
celles que ie veis oncques en ma vie: & scauez que pour acquerir vostre bonne  
grace, j'ay passé par toutes les miseres qu'un pauvre Amant peut endurer: tant que  
depuis le iour que premierement ie vous veis, ie n'ay pas eu vne heure de repos:  
mais maintenant que l'inspiration des Dieux vous à renduë plus traictable, & que  
vostre cœur qui souloit estre garny de cruauté s'est émeu à douce misericorde,  
j'en remercie la bonté souueraine, & vous supplie que toutes dōubtes & suspicions  
ostées, nostre amour soit inuariable, & nos volontez entierement conformes. Seule  
vous triompherez de mon cœur, qui est du tout en l'abisme de cét amour, la victoire  
de mon cœur vous demeure, & à tousiours il sera dans le trophée de vostre gloire.  
Vous serez à iamais l'vnique Déesse de mes deuotions, & source de tout mon bien.  
Cela dit, elle repartit de mesme volonté.

Poliphile mes delices, le doux rafraichissement de ma haine, mon delieieux sou-  
las, mon plus cher plaisir, le déterminé contentement de mon ame, & seigneur en  
toute puissance de mon petit cœur tout vlcéré & blessé, plus cher à ma vie que les  
plus riches thresors du monde, ie vous prie que ne vueillez iamais ramenteuoir des

choses passées : & tenir pour certain que vous estes le seul gardien de mon cœur : ce que pourrez auoir cogneu par œuure, & par effect, considéré mesmement qu'en la presence de tant de Nymphes ie me suis iusques au mourir allée & donnée à vous : voire si estroitement obligée, que nul autre n'y aura part : & ainsi que vous estes le premier, ainsi serez-vous le dernier. Ce dict, elle jecta ses deux bras d'uoire à l'entour de mon col, m'embrassant & baissant amoureuxment de petits baisers, qui me mordillant me faisoient presque oublier la vie. Et de ma part ie n'en faisois pas moins, estant surpris de si extrême plaisir, que ne scauois si i'estois en ciel, ou en terre : tellement que ie me cognoissois quasi, & moy-mesme, & ma Polia, à laquelle violence d'amour, vne couleur vermeille estoit montée au visage, meslée avec sa blancheur naturelle, qui luy donnoit si beau lustre, que le courage d'un immortel eut voulu mourir pour si beau sujet. En ces entre-faictes, & tout en vn instant, les larmes luy sortirent des yeux comme crystal, ou petites perles rondes, si que vous eussiez dit que c'estoient gouttes de rosée sur les feuilles d'une rose incarnate, espannie au leuer du Soleil en la saison du mois de May. Et comme j'estois en ce comble de liesse, celle digne figure s'esuanouyt, montant en l'air ainsi qu'une petite fumée de benjouyn : & laissa vne odeur tant exquise, que toutes les senteurs de l'Arabie heureuse ne s'y scauroient comparer : le delieieux sommeil se separa de mes yeux. Le bel esprit se resoluant en l'air, avec le delieieux dormir, tout se retira trop vistement, & s'enfuyt en haste, disant. Poliphile mon cher Amant, Adieu.

POLIPHILE FAIT FIN A SON HIPNEROTOMACHIE,  
*se complaignant du songe qui luy fut si brief, & que le Soleil  
 ennieux fit trop tost iour.*

## CHAPITRE XIV.



YANT perdu ce grand plaisir qui me fut ainsi volé, & cét Angeli-  
 que esprit separé de mes yeux, retiré de ce délicieux somme ie de-  
 meuray éveillé. Helas! moy, hélas! ô vous Amants qui verrez ce-  
 cy, ie fus tout douloureux des forts embrassements de ceste belle  
 imagination: & demeuray plein d'amertume, voyant absenter de  
 moy celle par qui ie deuois viure, laquelle m'a conduit & esleué à  
 si hautes pensées. Ainsi doncques abandonné de toutes mes felicitez supernaturel-  
 les, excepté du souuenir, ie ne sçeu de qui me deuois plaindre, si ce n'estoit du Soleil,  
 qui ( parauanture ) pour estre enuieux de mon bien, abbregea celle nuit bien-heu-  
 reuse, nonobstant qu'il fust en luy de tarder encores quelque peu, ainsi que jadis il a  
 fait pour plusieurs autres. O que j'eusse esté bien tenu à celuy qui m'eust enuoyé le  
 sommeil que la belle Psyché portoit clos en sa boëtte, pour demeurer tousiours en si  
 douces feintes. Mais hélas! au plus fort de ce souhait j'ouy la douce Philomele, c'est  
 le Rossignol, se lamentant du desloyal Tereus, & qui chante encore én son ramage,  
 Tereus, Tereus, eme cbiasato. Tereus, Tereus m'a violée. Et ainsi me laisserent le  
 songe & le sommeil, parce que ie m'éueillay comme en sursaut, disant. Or Adieu  
 donc ma Polia.

*A Treuis, lors que Poliphile estoit détienu és beaux liens de l'amour de Polia,  
 l'an mil quatre cents soixante-sept, le premier iour du mois de May.*

F I N.





# TABLE DES PRINCIPAUX

## POINCTS, CHOSSES PLUS

*memorables & dignes de remarque, contenuës  
au Songe de Poliphile.*

	Abondance, & le feu, sont choses différentes, qui sont toutesfois es mains de Iupiter, & pourquoy. fol.	45	Cœurs les plus rebelles. f.	147
	Accident estrange & pitoyable, décrit en vn Epitaphie. f.	98. & 99.	L'Amour, & ses caduques plaisirs avec la suite, représenté. f.	48
	Adonis, grand veneur, fut tué par vn Sanglier. f.	128	L'Amour prend son siege pres du cœur, & c'est là qu'il nous blesse. f.	9
	Affections contraires des Amans, dont ils sont diuersemment agitez, fort bien representees & nombrees. f.	130	L'Amour bien souuent clost la bouche, & empesche de parler ceux qui sont passionnez. f.	150
	Agrypnie, compagne de ceux qui veillent au lict. f.	1	Amour a des liens plus forts que n'estoit le nœud Gordien qu'Alexandre couppa. fol.	52
	Alteration merueilleuse de Poliphile à la sortie de la forest. f.	2	Amoureux exercices des Nymphes delicieuses & voluptueuses, accompagnées de leurs seruiteurs. f.	63. & 64
	Aigle portraict d'Agathe, tenant en ses serres vn enfant, avec vn rare artifice. fol.	15	Amoureux changé en Asne, pensant se transformer en oyseau. f.	28
	Amathée, chèvre nourriciere de Iupiter, representee. f.	16	Amoureux discours de Poliphile. f.	82
	Amant miserable qui ayme, & n'ose decourir son affection, voy les plaintes qu'en fait Poliphile. f.	52	Amphiaraux englouty de la terre. f.	2
	L'Ame de Poliphile mort fait ses plaintes à Venus. f.	150. & 151	Amphitheatre d'admirable & riche structure, représenté. f.	121. & 123
	L'Amour de deux personnes hieroglyphiquement représenté. f.	94	L'Anachite en Hydromance euocque les figures des Dieux. f.	74
	L'Amour, & le temps, appriuoise les		Apollon mal voulu de l'Amour, & infortune en toutes ses affections, & pourquoy. f.	138
			Apprehensions de Poliphile, se truant de tous costez entouré de tenebres. fol.	2
			Apulce transformé en Asne, entend les	

voleurs qui delibèrent de sa mort. f.	19	Banquet somptueux de la Royne Eleutherilde. f.	35. & 36
Arbres de diuerses sortes rapportez. f.	65	Barque de Cupidon conduite par six Damoiselles, descrite. f.	101. & 103
Arbres diuers qui se treuuent es bois. fol.	3	Basse condition & peu cogneuë, accompagnée à vne chandelle qui ne peut rendre grande lumiere. f.	131
Arbres fructiers de toutes sortes nommez. f.	105	Bastions enrichis de diuers ornemens, portez par des Nymphes, & representez. fol.	115, 116. & sui.
Arbrisseaux de diuerses sortes, croissans dans les masurez sont nommez. f. 16. & 17		Bataille de Geants naïuement descrite. fol.	6
Arbrisseaux qui se retreuent es bois. f.	3	Bataille nauale representee en buys. fol.	111
Arethuse fut changee en fontaine, estant poursuiuie par Alphee. f.	131	Beauté d'une Damoiselle naïuement representee avec sa riche parure, & loüee outre mesure. f.	49. & 50
Architectes de ce temps estans ignorans des lettres ne peuuent rien faire d'accomply. f.	12	Beauté doit estre accompagnee de douceur & misericorde. f.	148
Architecture infiniment bien descrite & representee. f.	4. 5. & 6	Beauté singuliere enrichie de toutes sortes d'appas & d'ornemens, representee en la Deesse Venus. f.	126
Architecture autresfois si florissante à Rome, maintenant aneantie. f.	7	Biblis fondit en larmes, se voyant refusee de son frere Caunus. f.	131
Armes, & tout l'équipage de Mars representé. f.	115	Bois nompareil peuplé de toutes sortes d'arbres precieux. f.	114
Artemise Royne a eu cinq tres-excellents sculpteurs. f.	16	les Bras seruent de rames à ceux qui courent, & hastent fort leur fuite. f.	20
Artichaux aymez & caresez de Venus. fol.	22	Briance, montagne abondante en pierres noires. f.	173
Asbeste d'Arcadie, bois qui estant allumé ne se peut esteindre. f.	59		
Aseurances d'une ferme & constante amitié. f.	153		
Astrologie descrite sur vne muraille, où le cours du Soleil, & de la Lune, les mois, & les saisons se voyoient portraits. fol.	69		
L'Auarice est infiniment pernicieuse & dommageable, sur tout à l'Architecture. fol.	17		
Autel dressé à Pluton, à Proserpine, & à Cerbere. f.	86	<b>C</b> ariens, peuple de la Moree, infiniment inconstans. f.	15
Autel dédié aux Dieux ambigus. f.	8	Cachet, c'est la ligne perpendiculaire. fol.	4
L'Automne figuré en vn Bacchus. f.	67	Cavernes de Polipheme & de Cacus, remarquées pour espoutientables retraites de voleurs. f.	19
L'Aymant vile aux yeux, necessaire aux maronniers, & amy de la belle Calisto. fol.	73	Cerbere descrit avec toutes ses hideuses marques. f.	87
		Cerces representans les trois temps, passé, present, & à venir. f.	44
		Ceremonies faites par les Nymphes, & par Venus mesme, au tour du tombeau d'Adonis. f.	129. & 130
		Ceremonies anciennes, & plus cele-	

bres, rapportees & comparees à celle de Polia. f.	77	fol.	65. & 66
Chaisne fort longue, & neantmoins toute d'une piece, sans soudure. f.	72	Comparaison des membres & qualitez du corps humain aux parties de quelque riche edifice. f.	16
Changements arriuez à des filles pour auoir fuy l'Amour. f.	145	Comparaison du Limaçon, qui en marchant recognoist le chemin avec ses cornes, & de celuy qui va tastonnant au milieu des tenebres. f.	19
Chappelet de fleurs posé sur la teste de Poliphile par Polia, en signe d'amitié. fol.	153	Comparaison du Cheual de Troye rempli d'ennemis, de fer, & de flammes, avec l'Amour entrant dans vn cœur. fol.	51
Chariots triomphants d'Amour, où les plus signalees victoires se treuuent peintes. f.	52. 53. 54. 55. & sui.	Comparaison d'un Musicien à l'Architecte. f.	14
Charmes de Circé, vaincus par le Moly de Mercure. f.	3	Comparaison d'une goutte de rosee sur une rose, avec les larmes de ioye de Polia, coulantes sur ses jouës vermeilles. fol.	153
Chasse du Cerf & du Sanglier, representee. f.	111	Comparaison de l'appast qui cache l'ameçon, à une voix nichanterelle. f.	2. & 3
Chernite, pierre qui conferue les corps morts en leur entier, lors qu'on en fait vn tombeau. f.	94	Comparaison d'une petite chandelle à un homme de basse condition. f.	131
Cheual de merueilleuse grandeur, representé. f.	7	Comparaison du Paon qui regarde ses pieds, & de l'Amant qui se voyant mal vestu se iuge indigne de seruir une Dame. f.	51. & 52
Cheual de merueilleuse grandeur, surnommé Cheual d'infelicité. f.	8	Comparaison du poisson pris à l'hameçon, avec celuy qui amoureux laisse rauir son cœur à une beauté. f.	132
Cheveux de Meduse seruans de degrez en vn superbe edifice, où sa bouche seruoit de porte. f.	5	Condition miserable des Amants. f.	1
Cinq sens naturels representez par cinq Nymphes. f.	24	Compagnes de Cupidon, nommees selon leur naturel. f.	118
Clymene conuertie en arbre, representee. f.	16	Consentement, nourriture de l'amour. fol.	140
Cognoissance de la Diuinité se diminue plus elle monte en haut, & demeure en fin sans rien veoir. f.	44	Contenance de Poliphile à la veüe de cinq Nymphes nuës. f.	26
Colomnes canelees à quelle occasion inuentees. f.	15	la Corniche en vn bastiment c'est la dernière partie des moulures. f.	16
Colomnes Cariatides. f.	ibid.	Courtisane lasciuë & bien paree, naïfvement descrite. f.	94
Colomnes mises sur autres colomnes, selon les reigles de l'architecture doivent estre moindres d'une quarte partie que les basses, sur lesquelles elles sont posees. f.	122	Creusa perduë par Ænee, en fuyant le feu de Troye. f.	100
Colosse d'Egypte comment fut basti par plusieurs ouuriers, qui sans communiquer l'un à l'autre, rencontrèrent si heureusement, que tous leurs ourages se rapporteroient. f.	17	Cruauté est une qualité indigne des belles. f.	134
Combat de l'Amour avec les apprehensions de quelque malheur, dans le cœur de Polia. f.	140	la Curiosité accompagne ordinairement les Dames, & c'est elle qui le plus souvent les fait parler, pour faire quelques demandes, comme il se veoid. fol.	130
Commoditez qu'apporte l'Agriculture.			

Cylopera, lieu où les femmes boient pour concevoir enfans. f. 72  
 Cymes en termes d'Architecture, ce sont les lignes pendantes qui font le frontispice, & le ferment en triangle. fol. 16

Cyparissus tout desolé & presque mourant de ducil, plainct sa biche bleesee. ibid.

## D

DAMES amoureuses en nombre infiny, nommees. f. 61. & 62

Danaë renfermee dans vne tour, reçoit Iupiter en pluye d'or. f. 58

Daphné ne pouvant plus fuyr les poursuittes d'Apollon, est changee en laurier. fol. 16

Destin representé avec toutes ses reuolutions. f. 41

Desscin superbe de Democrates proposé à Alexandre le Grand. f. 6

Deuise, labour, & industrie, posee en Arabe & en Grec. f. 10. & son explication fol. 45

Dieu est Auteur de tous excellens ouurages, & sans son ayde rien ne se fait d'accomply. f. 53

Dieux marins rapportez tous de suite à l'hommage rendu à Cupidon. f. 101

Difficulté de vaincre vn cœur opinistre à vne fausse impression. f. 138

Dinocrates proposa vn merueilleux desscin à Alexandre, pour la structure du Mont Athos. f. 6

Dirce attachee à la queue d'un taureau sauvage, puis changee en fontaine. fol. 131

Discours amoureux de Poliphile à Polia, en luy découurant son affection. f. 133. & 134

Diuinité incomprehensible, & cogneue seulement de soy-mesme. f. 44

Diuision du cercle en yingt parts, enseignee. f. 105

la Doctrine, & les Lettres, sont necessaires aux Architectes. f. 11

Douleurs ausquelles les plainctes sont

deffenduës sont plus dures à supporter. fol. 130

Dragon espouuantable deserit & representé. f. 19.

## E

EAUË ne represente iamais ce qui est dans soy que plus gros au double, courbé, ou contre-faict. f. 125

l'Egypte a esté autresfois nommee le grenier commun de tout le monde. f. 23

Elephant seruant de baze à vne pyramide. f. 10

l'Enfer representé avec tous ses horribles habitans. f. 87

Enrichissemens ne sont qu'accessaires de la masse d'un ouurage, qui est le principal. f. 14

Entree du veiller au sommeil, & du sommeil dans le songe, descritte. f. 1

Enigmes Hebraïques, Grecs, & Latins. fol. 11

Epitaphe en dialogue d'une femme morte d'un regret amoureux. f. 90

Epitaphe tres-beau d'une femme, qui se tua apres auoir par m'esgarde tué son mary. f. 95

Epitaphe tres-excellent de deux infortunez Amants. f. 92

Esblonyssment amoureux prouenant de la presence inesperee d'une maistresse. f. 150

Espaisseur espouuantable d'une forest, & les incommoditez qu'y reçoit Poliphile. f. 1

Esperance perduë rentre facilement dans vn cœur amoureux, comme il se void en Poliphile. f. 20

Europe rauie par Iupiter, déguisé en Torreau, & ses trois freres qui la cherchent, representez. f. 18

Excuses de Polia, ayant à discourir deuant des Nymphes bien-disantes. f. 131

Exhortation à aymer. 139. & 140.

## F

FABLE de Pregnel & de Philomele, racontée. f. 109

la Felicité

la Felicité se marie & conjoint avec le milieu. f.	41. & 46	blancs, rouges, & iaunes. f.	110
Femmes changées en fontaines. f.	131	la Gloire du monde avec toutes ses compagnes est naïuement représentée. fol.	46
Feronia, festes qui se celebrioyent par des hommes, marchants sur des charbons ardans. fol.	77	Goutieres quelles commoditez apportent aux murailles des maisons où il y en à. f.	69.
Feu & eau glacée proches l'un de l'autre, avec la raison comment ils s'en pouuoient conseruer. f.	87		
le feu est vne figure hyeroglyphique de l'amour diuin. f.	44	<b>H</b>	
Fertilité de quelques isles fort renommées pour ce respect, & nommées. f.	23	<b>H</b> Abits à l'antique de toutes sortes pour des Nymphes. f.	117
Figuier portant chacune année soixante & dix muids de fruit. f.	23	l'Habit honorable encourage vn Amant à decourir son feu à sa Maistresse: de mesme aussi vn vieil vestement le decourage. f.	51
Figure hyeroglyphique expliquée de ce qui concerne la conseruation d'un estat. f.	84	Haye ou closture de l'Isle Cytherée, fermée en palissade telle qu'elle se void. fol.	105
Figure ayant sept angles comment se doit compasser. f.	124. & 125	Herbes medecinales de plusieurs sortes, nommées. f.	3
Figure ronde hyeroglyphique de la diuinité, qui est sans commencement & sans fin. f.	44	Herbes propres à couvrir vne treille ou tonnelle, rapportées & nommées. fol.	265
Figure de la Roynie Semiramis d'excellente grandeur, posée sur le mont Pagistan. f.	17	Herbes de diuerses sortes ayants l'air de la mer. f.	81
Figures hyeroglyphiques parties d'une rare & excellente inuention, rapportées à vn bon sens. f.	12	Herbes medecinales de toutes sortes nommées, avec celles qui se mangent en potage, ou autrement. f.	109
Figures hyeroglyphiques interpretees de la Patience f. 21. autres figures interpretees de la moderation en nos actions contre la precipitation, là mesme.		Herbettes qui aiment le riuage des eaux nommées. f.	21
Flèches differentes d'Amour, & leurs diuers effects. f.	138	Hermaphrodite de deux corps en vn instant ne fut qu'un. f.	127
Fleurs tousiours florissantes sans flestrir, & estre subiectes au changement des saisons. f.	124	Hommes horribles & effroyables representez. f.	137
Fontaine de la Déesse Venus, au milieu de l'Amphitheatre d'Amour. f.	123	Hippodrome est vn lieu où on picque & dresse les cheuaux. f.	7
Fontaine compassée d'un merueilleux & agreable artifice, descripte. f.	106	Histoire estrange, suiuite d'une fin tragique, d'une Damoiselle qui auoit dedaigné plusieurs seruiteurs en son ieune age. f.	39
Fontaine versant l'eau sans fin, & comment il se pouuoit faire. f.	34. & 37.	Histoire rapportant en presumption des peres & meres pour leurs enfans à la fable de Mobé. f.	131. & 132
		Hierogliphe representant les victoires que l'Amour gaigne par tout. f.	102
<b>G</b>		Hyppolite rentre de mort à vie par les prieres de Diane. f.	127
<b>G</b> enealogie de la race de Polia. f.	132	Huyles odoriferantes & confortatiues	
<b>G</b> layeux de toutes couleurs, bleuz,		<b>R r</b>	

## T A B L E.

de diuerſes ſortes, nommées. f.	35	106.107.108. & ſui.
Hipſiſile fauorable aux Grecs leur monſtre vne fontaine pour eſteindre leur ſoiſ. f.	3	Iſle Cytherée pleine de toutes ſortes de delices. f.
l'Hyuer froidureux figuré par vn Æole, Roy des vents. f.	67.	104.105. &c.
	I	Iupiter pourtraict en vn diamant, ayant les Geans à ſes pieds, en vne main la corne d'abondance, & en l'autre des flames, avec l'explication du tout. fol.
		45.

<b>I</b> ardins pleins de merueilles, deſcrits. fol.	40.41.42. & 43
Iaſpe verd enchaſſé en argent ayde aux femmes à l'heure de leur enfantement. f.	58
Iaſpe de l'Empereur Neron, où ſa figure eſtoit grauée, d'vn prix incſtimable. fol.	45
Ieu des eſchets, représenté en deux bandes de ſeize Damoiſelles. f.	39
Ieuueſſe inconſiderée & eſchauffée des flames d'amour, représentée. f.	96
Ieux Trieteriques à peu pres représentez ſelon les Anciens. f.	62
Incommoditez que nous apportent les paſſions que nous embrafſons. f.	38
Inconſtance en amour eſt vne iniuſtice, d'autant qu'elle deſloge vn ancien hoſte, pour loger vn nouueau venu: & renonce au premier Seigneur, pour obeyr à vn eſtranger. f.	52
Infortune pitoyable d'vne femme, qui en penſant tuër vn ſerpent, tua ſon mary, piteuſement deſcript en vn epitaphe. f.	95
Intérieures parties du corps humain représentée en vn merueilleux Colofſe. fol.	9
l'Inuention ne peut partir du cerueau d'vn ignorant, mais ſeulement d'vn ſçauant. f.	12
Inuention principale partie de l'Architecture. f.	14
Inuention ſubtile pour faire ouurir vne porte, & la fermer ſans la pouſſer. fol.	73
Inuention ingenieuſe pour faire vne chaîne d'vne piece ſans ſoudure. f.	72
Inuentions belles & admirables pour l'enrichiſſement d'vn iardin, fol.	

## L

<b>L</b> 'Abyrinthe figuré pour representer les reuolutions & contraintes neceſſitez du deſtin. f.	42
Laffitude de Poliphile eſtendu ſous vn cheſne. f.	3
Leda portraicte en ſon accouchement de Caſtor & Pollux & d'Helene. f.	55
Leandre & Hero à quelle heure ſe ſeparoient & quitoient leurs amoureux exercices. f.	1
Lettre de Poliphile à Polia, ne pouuant parler à elle, pour luy découurir ſon affection. f.	148
Leucothée tuée par ſon propre pere eſt conuertie en arbre. f.	16
Ligne diagenale que c'eſt. f.	4. & 5
Lieu delicieux & plein de toutes ſortes de plaiſirs, deſcrit. f.	67
Louanges d'vne beauté rare & tres-excellente. f.	49. & 52
Louanges d'vne ſage fille. f.	139
Loup rencontré en chemin eſt remarqué pour mauuais preſage. f.	19.

## M

<b>M</b> aladies és corps humains naiſſent de la diſcordance des qualitez, ainſi és baſtiments ſi toutes les parties ne ſe rapportent, la ruine les ſuyt. f.	16
Mars représenté ſous le nom d'vn furieux gendarme, accompagné de toutes les marques de valeur. f.	127
Mars battant Adonis représenté. f.	128
Mars ſe treuve enchaîné dans vn rhets avec Venus. f.	58
Meduſe pour auoir rigoureuſement	

traicté ceux qui l'aymoient, eust la face toute changée, & son poil fut mué en serpens. f.	140	Neptune représenté avec son chariot, & toute son humide sukte. f.	101
Membre viril appelé signe Ityphalle. fol.	120	Nicomedes Roy des Gradiens despendit tous les biens de ses peuples pour acheter la Venus de Praxiteles. f.	21
le Milieu est accompagné de felicité. fol.	41. & 46	Nonius Senateur Romain, banny pour vne riche pierre. f.	45
Miracles anciens du monde comparez à la pyramide représentée. f.	5. & 6	Nourriture ordinaire dont se paissent les Amants. f.	65.
Moly de Mercure, remede contre les charmes de Circé. f.	3		
la Moisson figurée par Ceres chargée d'espics. f.	66		
le Monde représenté par vn coffre, où il y a deux portes au deuant, par où entrent & sortent des hommes qui figurent nostre naissance, & nostre mort. f.	99		
le Mont Taurus à vne merueilleuse estenduë du costé du Septentrion. f.	23		
Mort de Poliphile causée par les rigueurs de Polia. f.	134		
la Mort avec toutes ses qualitez hieroglyphiquement représentée. f.	94		
Musique harmonieuse de la Royne Eleutherilide. f.	34. 35. & 119		
la Musique à beaucoup de pouuoir sur les ames, ainsi qu'il se veoid. f.	39		
Mymphurius excellent voltigeur, faisoit des sauts admirables, qui sont. f.	39.		

## N

Naissance & mort des hommes représentée en deux pertes. f.	99	<b>O</b> Belisques du Vatican à Rome, d'Alexandrie, & de Babylone, sont les plus admirables du monde. fol.	5
Naissance de l'Amour dans le cœur de Poliphile, naïvement représentée, avec les craintes qu'il esmeut. fol.	51. & racontée, 133	Obelisque que c'est. f.	4. & 5
Nappes de soye verte armoisine, enrichies d'or & de pierreries. f.	34	l'Occasion ingenieusement descrite. fol.	5
la Nature ne s'eschouyt pas si fort en la perception des delices, qu'elle à de regret quand elle vient à les perdre. fol.	147	Oignement mettant à l'œuure, donné à Poliphile par les Nymphes. f.	28
Nature de l'Amour représentée. fol.	101. & 102	l'Onice noire à l'odeur d'encens quand elle est frottée. f.	61
Necipifus insigne & tres-excellent Mathematicien. f.	69	l'Ophite est vne pierre si froide, qu'elle ne se peut eschauffer. f.	45
		Or est le poison de la Vertu, & le mortel de la Paix. f.	55
		Oraison à la Déesse Venus. f.	78. & 79
		Oraison faicte aux Graces. f.	77
		l'Oraison doit estre nostre vniue rselle remede en nos afflictions. f.	2
		Orchemene, Ville où logent les Graces, pres de la fontaine Alcidale. f.	77
		Outrecuidance de plusieurs, punis pour n'auoir assez respecté les Dieux. f.	64
		Ouurages merueilleux des plus grands Architectes de l'antiquité rapportez. fol.	17
		Oyseaux de riuere de toutes sortes nommez. f.	21
		Oyseaux chantans melodieusement, & qui se nourrissent ordinairement en cage, pour ce respect nommez. f.	128.

## P

la Paix hieroglyphiquement représentée, avec l'heur qu'elle apporte. f.	84
---	----

Pallissades tresbelles, plantées aux deux costez d'un fleuve, représentées. f. 110. & 111	fol.	154
Palme pourquoy signifie Victoire. f. 3	Plaintes amoureuses de Poliphile, pour n'estre jouyssans de ses desirs. f.	103
Palmiers combien de commoditez apportoient aux Egyptiens. f. 3	Plancher de salle tres-riche, & tres-ingenieusement élaboré. f.	38
Pantheon grand Temple à Rome, enrichy d'un beau portail par Marc Agrippé. f.	Polia se fait recognoistre à Poliphile. f.	75
Parfums diuers bruslans dans la chambre de la Royne. f.	Poliandron, tombeau de plusieurs Amants, morts à force d'amour. f.	85
Parodromide est vn lieu à se promener. fol.	Poliphile mort d'un desespoir amoureux, resuscite entre les bras de Polia. fol.	141
Parterre ressemblant à vn tapis de Turquie. f.	le Porphire mis au feu avec d'autres pierres pour faire de la chaux ne se cuit point, & empesche les autres de cuire, est hyeroglyphe de patience. fol.	45
Parterre semé de Rheubarbe, & de cannes de sucre. f.	Portail d'admirable structure représenté. f.	12. & 13
Pasiphaë poussée d'une plus que deordonnée volupté, se soumet à vn Toreau, couverte de la forme d'une Vache, voy la fable. f.	Pourtraict de la Déesse Venus. f.	129
Patience hyeroglyphiquement représentée. f.	Pourtraict du iugement de Paris, donnant la pomme d'or à Venus. f.	56
la Patience laquelle ne s'enflamme iamais de courroux, ny ne fleschit en aduersité, comment se peut hyeroglyphiquement représenter. f.	Pourtraict d'une riche & superbe fontaine. f.	29
Paué excellent du Temple de Fortune à Preneste. f.	Presumptueuses amours, & trop inégales punies, voy les exemples. f.	52
Perplexité de Poliphile, enrichie de plusieurs tristes plaintes qu'il fait, n'osant descourir sa flamme. f.	Priapus rustique gardien des jardins, marqué de son enseigne ordinaire, & festoyé des payslans à coups de foles. fol.	68
Perseuerance utile & necessaire en amour.	Prieres amoureuses pour esmouuoir sa maistresse à pitie. 148. 149. & 150	149
Perseuerance est difficile en amour qui n'est pas reciproque, mais aussi d'autant plus louable. f.	Priere de Poliphile en son peril. f.	2
Persee coupe la teste à Meduse. f.	Priere de Poliphile à la Prieuse du Temple de Venus. f.	144
Perte représentée en la figure qui se void. f.	le Printemps figuré par Venus & Cupidon son fils, accompagnez de toutes leurs marques & enseignes. f.	61
Petorisis grand Astrologue. f.	Promptitude moderée, & promptitude représentées en vn tableau. fol.	43. & 46
Phryne lasciuve paillard ne peut échauffer le froid Xenocrates. f.	Proserpine rauie par Pluton en cucillant des fleurs se void. f.	100
Pierres de prix excessif, admittées par les Anciens, & tenuës pour incomparables. f.	Prudence militaire hyeroglyphiquement représentée, & le bien qu'elle cause. f.	85
Plaintes pitoyable de Polia, se voyant en extrême danger de mort. f.	Psammeuche Roy d'Egypte fit vn superbe Temple au Roy Apis. f.	72
Plaintes du Rossignol en son ramage.	Psyché se retreua en vne angoisse extrême, ayant perdu son amoureux	

Cupidon. f.	19	vne forme de l'ozange. f.	12
Puissance d'Amour prouée par vne infinité de valeureux effets. f.	138	Rigueurs implacables de Polia enuers Poliphile. f.	134
Punition cruelle des belles, rebelles à l'Amour. f.	136	Riuage delicieux d'vn ruisseau entouré de belles palissades, descriptes. fol.	150
Pyropece, pierre Thebayque. f.	5.	Riuere claire & agreable à merueilles, entouree de toutes delicieuses herbes. f.	110

## Q

**Q**ualitez de celles qui mesprisent le monde, cherchans la gloire de Dieu. f.

Qualitez d'vn vray Amant & d'vne Amante, representées sans les noms de quelques Nymphes. f.	48. & 127
Qualitez contraires de l'Amour, representées en pourtraict & en deuise. f.	38
Quels doiuent estre ceux qui d'vn cœur ambitieux suiuent les honneurs du monde, & de qui s'accompagner. f.	47

## R

**R**aifins de deux coudées de longs, naisans sur le Mont Taurus. f.

La raison quitte Poliphile, la volonté demeurant vainqueresse de son cœur pour luy faire suyure l'Amour. f.	48
Regrets de Poliphile se voyant proche d'estre deuoré, & mourir absent de Polia. f.	19
le Regret d'estre priué de la chose aimée est sans comparaison plus grand que le plaisir de l'auoir à souhait. fol.	147
Regulus courageux endura dans Carthage d'estre roulé dedans vn tonneau par dedans tout herissé de clouds. f.	52
Religieuse & sainte vie representee en la porte, inscrite, Gloire de Dieu. fol.	46
Remerciement de Poliphile aux Nymphes qui le receurent. f.	24
Remonstrance faite à Polia par sa nourrice, pour l'induire à aimer. f.	138
Renommée depeinte au vif. f.	46
Renouuellement d'vne affection ja comme perdué. f.	145
Rhombe en termes d'Architecture est	

Rudesse d'vne Dame combattuë par vn long discours, pour l'esmouuoir à pitié. f.

## S

**S**acrifice faict à Priape gardien des iardins. f.

Sacrifice de Satyre representé. f.	121
Sacrifices d'amour representez. f.	74. & 75
Saphir Oriental aymé de Cupidon, quand il est porté à la main gauche. fol.	55
Satyre Architecte anciennement forcé estimé. f.	17
Sauts admirables d'vn nommé Mimphurius. f.	39
Sauces tres-exquises pour vn chapon, pour vne perdrix, & pour vn faisan. fol.	35. & 36.
le Scorpion est le plus vil & plus difforme des Signes du Zodiaque. f.	33
Sculpteurs tres-excellens que l'antiquité admirez, nommez. f.	16
Scylls figurees demy femmes & demy poissons. f.	16
Secours d'Ariadne, approprié à toute ayde qu'on reçoit en lieu dangereux, & de difficile sortie. f.	2
Semelé fut trompée par la Deesse Iunon desguisee en vieille. f.	23
Semelé bruslée du foudre de Iupiter, pourtraicte sur vn chariot. f.	59
Serapis figuré de la façon que les Egyptiens l'adoroient. f.	120
Silenite de Perse ne peut estre entamé par la lime, & plaist à Cupidon, parce qu'il maintient en santé ceux qui le portent sur soy. f.	91
le Soleil represente la diuinité en ce que	

T A B L E.

il crée par sa lumiere, conserue & illumine toutes choses. f. 44  
 Sommeil enfermé dans la boëte de Psyché, de crainte qu'elle auoit qu'il la laissast. f. 154  
 Songe effroyable de Polia, qui la fit descendre à aymer. f. 137. & 138  
 Souliers conuertis en pierre dans vn tombeau. f. 94  
 Souris blanche remarquee pour bon augure. f. 20  
 Superfluites anciennes comparees à celles de la Royne. f. 36  
 Syringue muée en roseau pour auoir mesprisé l'affection du Dieu Pan. fol. 145

T

**T**ables tres-riches & d'un poix excellent. f. 34  
 Telosie Royne presidant aux douteux & incertains succez des affaires mondaines, representee ingenieusement. fol. 40  
 Temple de Venus tres-riche & tres-excellent en ouurages. f. 68. & 69  
 Temple de Pluton, où estoient autour les tombeaux de ceux que l'amour auoit fait mourir. f. 82  
 Temps representé en vne dance d'hommes & de femmes de diuers visages. fol. 8  
 Teste de Meduse furieusement representee. f. 5  
 Timothee Musicien fit armer & desarmer les soldats d'Alexandre, en variant les accents de sa voix.  
 Tombeau d'un homme enrichy de figures, Deuises, & Enigmes. fol. 10. d'une femme enrichy de mesme. f. 11. d'une Laodie qui n'auoit point voulu se laisser eschauffer des Flammes d'amour. f. 88. d'une Pucelle qui en imitant Didon, s'estoit elle mesme meurtrie. f. 89. d'un tombeau contenant quelques ordonnances de derniere volonte, touchant les funerailles de la deffuncte. f. 89. d'une Volerie enrichy

de plusieurs personnages. f. 90. d'une Neue morte de regret de ne pouuoir jouyr de ses amours, avec vn Epitaphie en Dialogue. f. 9. de deux infortunez Amants, sur lequel leurs misereres sont escrites. f. 92. d'un ieune homme mort de regret, voyant sa Maistresse mariee à vn autre. f. 93. d'une veufue qui s'enterra viue avec son mary mort. fol. 94. d'un tombeau de deux Amants morts ensemble, couuert de hieroglyphes. f. 94. d'une femme qui en pensant tuer vn serpent auoit tué son mary. fol. 95. d'un ieune homme mort en tombant de son cheual, pour auoir voulu le faire bondir en presence de sa Maistresse. f. 96. de la Royne Artemise tres-excellent & tres-riche. f. 97. d'un mary tué avec la femme la nuict de ses nopces, par la cheute de la maison. f. 98. d'une femme qui esmeue d'une jalouse fureur s'estoit tuee. f. 99  
 Tombeau du bel Adonis. f. 128  
 Topase de la Royne Arsinoë, vantee par les anciens sur toutes autres pierres. fol. 45  
 Trahison d'Eriphile, qui pour vn collier enseigna son mary Amphiaras. f. 50  
 le Trauail est pere de l'honneur & de la grande reputation. f. 46  
 Trauaux sont les preuues qui font foy de nostre constance, & ensemble la fortifient. f. 145  
 Tresteau tres-excellent fait en forme de treped pour soustenir vne table. f. 34  
 Trinite tres-haute & tres-saincte hieroglyphiquement representee, avec vn long discours d'incomprehensible Diuinite. f. 44  
 Triomphe superbe de Cupidon descript au long. f. 120. & 121  
 Triomphe notable des anciens, celuy de Bacchus, de Scypion l'Affriquain, & du grand Pompee. f. 56  
 Triomphe de Vertumnus & de Pomone. f. 65. & 66  
 Trophées d'Hercules portez par vne Nympe au bout de sa lance, avec



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

101



